



BIBLIOTECA NAZ.
Vittorio Emanuele III


LIII

C

2

NAPOLI








LIII.

C.

3.



SABAVDORVM
DVCVM PRINCIPVMQ.
HISTORIAE
GENTILITIAE
LIBRI DVO,

LAMBERTO VANDERBYRCHIO,
ad diuam Mariam virginem Vitraiecti
Decano, AVTORE.



Ex Officina Plantiniana,
APVD CHRISTOPHORVM RAPHELENGIVM,
Academix Lugduno-Batauæ Typographum.
CLO. IO. IC.

Reb. v. 1. 1. 1.



SERENISSIMO
PRINCIPI

CAROLO,
SABAVDIÆ, CHABLAISII,
ET AVGVSTÆ DVCI:

Sacri Romani Imperij Principi, Vicarioque perpetuo: Marchioni in Italia: Pedemontium Principi: Morienna, Tharentesia, Bressa, Geneue, Baugiaci, & Rotundi Montis Comiti: Vaudi, Gaij, & Foucigniaci Baroni: Nicia, Vercellarum ac Friburgi Dynastæ,

LAMBERTVS VANDER-BVRCHIVS
DEDICAT CONSECRATQVE.

ROMANORVM, Claudij Cæsaris temporibus, iustitiam sapientiamque admiratos Indiæ quosdam reges, quod pares pondere denarij in captiva essent pecunia, cuius diuersæ imagines a pluribus factos indicarent, & hoc maxime sollicitatos a. amicitiam, quatuor misisse legatos, Plinius, Princeps serenissime, author est: virtutis

tis, quippe ea vis est, vt quemcumque
mortalium in admirationem sui que
amorem mirabiliter rapiat, adeo vt &
in eos quoque, qui in aliquo eius gene-
re excelluere, remotissimos, fatoue
iamdudum functos licet, hic sese exe-
rat affectus: Idem mihi, maiorum tuo-
rum procerum clarissimorum (quibus
stirps Augusta originem dedit) actio-
nes, & res præclare gestas, propius in-
tuenti vsu (mehercule) venit. Cum
enim regnis nullis, nullis rebus publi-
cis, nullis principatibus, optime licet
constitueris (quod cum bonæ regum
principumque reliquorum omnium
venia mihi dicere fas sit) contigisse vi-
derem, vt continua, neque, in longis
licet temporum interuallis, interrupta
vnquam ferie, a sui inde exordio opti-
mos, & per pietatique addictissimos
habere principes; quam vestro huic,
fæcundo conorum principum, & qui-
dem soli (vobis enim vnis propria ea
gloria

gloria est) in quo nemo fuit , qui non optime modum semper felicitati statuendo , efferentemque se cohibendo fortunam , præfuerit , & esse quam videri bonus maluerit (de principibus ipsis loquor ; qui egregia fama omnes concessere : nam in secunda stirpe , qui corruptis moribus vnus atque alter , inlustri tamen fortuna egere) vehementer , profecto , ad eorum procerum recordationem exarsi , animoque meo (quando mors odio nunc illos aut gratiæ exemit) præclariora eorum facta , gentisque ipsius non dubia incertaque , & haut procul fabulis , vt plerorumque , primordia vetustatemque literis breuiter , in posteritatis (quæ suum cuique decus rependit) gratiam , mandandi , ingens iniectum fuit desiderium. Quod ipsum quanquam a Guilelmo Paradino , eloquentiæ ac fidei præclaro in primis , non sine honore factum sit ; eam tamen historiam

quoniam Gallico idiomate scribere illi visum fuit, fieri haud potest, vt scitu dignissimarum rerum cognitio ad omnes perueniat, quod multos eius ignaros linguæ passim reperiās. Erunt quoque nonnulla fortassis quæ Paradino grauioribus occupato rebus, aut non animaduersa, aut parua forsitan, & leuia memoratu visa, quæ ipsa tamen, quanquam ab aliis incelebrata, ad gentis ipsius illustrationem non parum contulerint. Neque sine vsu fuerit introspicere illa primo aspectu leuia, ex quibus magnarum sæpe rerum motus oriuntur. Qua in re a me quid præstitum sit, iudicabunt quibus hæc qualiacunque nostræ cum illius vigiliis contendere graue non erit: omnium autem optime, tu Princeps serenissime, ad quem propius ea res pertinet. Qui quoniam maioribus tuis in nullo virtutum genere quicquam hætenus concedere recte sentientium iudicio videris

videris (adscitus idcirco a potentissimo illo Hispaniarum rege Philippo gener) & principem in ea gente locum tenes, familiamque ducis; nemo mihi visus oportunior, cui laborum meorum has primitias dedicarem consecraremque. Ad publicam hanc causam accessit & priuata. Memineram serenissimum atque illustrissimum Sabaudia ducem Emanuele Philibertum, Celsitudinis tuae patrem, summis maximisque principibus æmulum (a quo consilia tibi & exempla capeßendi egregie imperij) cum Belgio huic cum proregis legatiue præfideret titulo (vtinam diutius moderatissimo eius imperio parere datum nobis fuisset, tranquillius fortassis præclariusque Belgicæ nunc sese haberent res) egisse apud Hispaniarum regem Philippum, uti Hadrianum Vander-burchium patrem meum, ex vrbe hac (in qua senatus Prouinciæ

Ultra-


Ultraiectensis, Caroli quinti imperatoris iussu, Præsidi egerat) euocatum, Flandriæ Præsidem, & consilij status (regij illi sigilli custodia demandata) renuntiaret senatorem, & in equestrem relatum ordinem, a latere suo haud abscedere iuberet. Sed regiam in Angliam sequutum maiestatem, immatura Londini mors abstulit. Cæterum eius in se atque rempublicam officiorum haud immemor idem ille rex, fratrem meum Ioannem Vanderburchium in nobilium domesticorum olim receptum numerum, Parlamenti tandem Belgici (quod Mechliniæ sedem habet) & priuati inde supremique per Belgium consilij Præsidem dicit. In cuius magistratus præclara functione, ante triennium ille, magnum sui apud omnis ordinis homines relinquens desiderium, Bruxellæ decessit. Accipe itaque serena & quæ cætera soles omnia fronte, Princeps illu-

illustrissime (qui vnus nunc e familia
summum ad fastigium genita superes)
quæ in gentis nominisq̃ tui gratiam,
proximis hisce mensibus, operum fe-
riorum vacui scripsimus: & quæ ab au-
thore, familiæ tuæ vniuersæ obseruan-
tissimo, operi gratia conciliari haud
potuit, eam a præclari nominis tui
splendore illi accedere patiare.

Vale. Ultraiecto ad Batauos calen-
dis Augustis anno a partu Virgineo
MDXCVIII.

AD
* *
AD

A D
BENEVOLVM LECTOREM.

VANQVAM Sabaudia procerum stemmata describere mihi constitutum, -isque operis huius mei scopus potissimum sit, de Sabaudis tamen Sabaudiaque situ pauca prius explananda sunt, quam initium narandi faciam. Antiqua & rerum gestarum gloria illustris claraque admodum in Gallia Narbonensi gens est, quam Allobroges ab Allobroge rege veteres dixerunt. In hac Vienna (ad Rhodanum sita ciuitas, Delphinatus hodie metropolis) principem olim locum tenuit, nunc Chamberinum, aliis Chamberiacum, vulgo Chamberi; in qua vrbe senatorius ordo (Parlamentum vocant) sedem habere solet, seu dignitati vrbi id, quod reliquas omnes antecellat, seu loci oportunitati datum est. Eum populum illique finitimos Salienses (vetus quoque illa & bello inclita gens, quam Salustianos appellant nonnulli) & quicquid eorum ambitu terrarum clauditur, Sabaudiam maiores nostri dixerunt. Solum enim calumque, & ingenia cultusque hominum, haud multum a Sabaudia differunt. Quin Allobrogum adeo olim celebre fuit nomen, ut Sabaudiam subinde vniuersam, artificissimo inter vtramque regionem diuortio, eo ipso (quod etiamnum hodie obtinere videmus) appellatam legere sit. Ceterum haud procul admodum a Lugdunensi oppido Sabaudiam oriri, & ad Geneuam vsque Pedemontiumque (qua ad Alpium, quibus Gallia Sabaudiaque ab Italia separantur, radices, inde sic dicta, posita regio) extendi, Delphinatumque finitimum habere, in confesso est, scriptorumque omnium con-

stanti

stanti assueveratione a Sabatis vadis populisque (qui inter Alpes Ptolemaeo positi, Sabaudia plerique omnes nunc parent duci) nomen accepisse perhibetur. Præter prædictos autem Allobroges Salensesque, agros nunc tenet qui Vocontiorum, Veragrorum (episcopo, qui late imperitat, & ius gladij habet, hic patres populus) Caturigum, Centronum, Lepontiorumque (qui Alpibus vicini omnes) fuere quondam. Vocontius ac monti Cinesio proximum est oppidum Ciuario, Binario aliis, quo initio belli legiones Caesar traduxit, cuius etiam Plinius nepos in epistola quadam meminit, & Viuariensis hodie appellatur ciuitas. Caterum maxima quanquam paulatim Sabaudia, plurimarum ditionum (inter quas ducatus Augustensis seu Prætorianus, & principatus Pedemontanius) accessione, quæ armis partim, partim iure matrimoniorum in Sabaudicam venere familiam, acceperit incrementa; ducis tamen titulum sibi comites nunquam arrogarunt: sed vetere contenti, qui Augustus satis visus, (quod inter imperij Romani comites, qui quatuor antiquitus tantum, Sabaudus etiam censeatur) eo abstinuere; donec tandem Amadeus eius nominis octauus a Sigismundo imperatore in concilio Constantiensi, in procerum utriusque ordinis publico consensu dux fuit renuntiatus. Aer regionis huius (ut hoc ex incerto quodam addam auctore) purus est, solumque fecundum, a ripa præcipue Heluetiorum secundum Lemani lacus tractum. Terra amantissima & fertilis vinum profert generosum, Riparium seu Riuarium a ripa lacus quod dicitur. Pascua sunt vberissima ad omne animantium genus enutriendum. Præstat autem terra huius gleba circa Alpes Graias, quæ sancti Bernardi mons minor appellatur: idque ideo fieri aiunt, quod in occasum vergens sol, obliquis suis radijs eorum montium late-
ra percutiens, virium plus habeat. Ultra vero eas Alpes, dum

11 Cinesio monti propinquatur, nec pascua nec virentia vllacer-
 12 nuntur olera; cum perpetua niue tectus is mons, ab albedine
 13 Alpium nomen non immerito suslineat, rupibusque ac frigore
 14 rigescat. Fluvij hunc ducatum rigantes sunt: Doria, Ardua,
 15 Isara, Danius, Arar, quem vulgo Sagonam nominant, qui
 16 Rhodano miscetur, & ipse suis aquis hanc terram humectat.
 17 Montana admodum est regio. Præter Claudij montem, & Lu-
 18 rassum, quos in Antuatibus attollit, Pænina Alpes in Vera-
 19 gris in inspersum ascendunt, nunc S. Bernardi mons maior
 20 dicuntur, & Silvius mons. Sub his in Morienna comitatu Al-
 21 pes Cottia sunt, hodie montis Senis Gallice dicitur, id est, Cinesius
 22 mons, olim Vesulius dictus & Agnellus collis, petram habens
 23 pertusam, per quam ex Gallia in Italiam patet iter. Sunt montes
 24 isti plerumque glabri, adeo ut ne frutices quidem nec arbores
 25 ferant, immenso algore ob altitudinem rigentes. Ceterum quo-
 26 niam quæ trans Alpes possident principes, & hominum &
 27 oppidorum numero longe antecellunt superantque; Pedemonta-
 28 ni quoque principatus qui a Niceæ urbe (inquam Genæ præ-
 29 scopus sedem suam transtulit) orientem versus ad Mediolani
 30 ducatus fines spectat, descriptionem ex Abrahamo Ortelio hic
 31 ascribere opere fuerit pretium: Taurinorum regionem Pedem-
 32 montium nunc vocamus (inquit) tanquam pedem montium,
 33 quoniam ad radices Alpium est, quæ Galliam Sabaudiamque
 34 ab Italia diuidunt. Fines ponemus ab Oriente Padum, a Meri-
 35 die Ligurum Alpes, ab Occidente Galliarum Alpes, a Septentrione
 36 Duriam Ripariam. Agros habet amantissimis fructiferisque collibus
 37 plenos, qui frumentum aliasque fruges, & optima vîna cum no-
 38 bilissimis fructibus produciunt. Urbibus, oppidis, pagis perho-
 39 nestis nitent. Ducatus Taurinus sive Longobardus appellabatur,
 40 a quibus in provincie formam, cui dux præerat, redactus est.

Longobardorum vero imperio deleto, primum in Italia regum
 quos Imperatores Caesares instituere, potestatem venit, post
 in regulorum diuersorum, diuque saeculis vltimis ditionis prin-
 cipum comitum ducumque Sabaudia fuit habita, donec anno
 MDXXXVI. partem eius Franciscus primus Francia rex ce-
 pit, nunc vero Sabaudia duci restituta est. Metropolis est ci-
 uitas Taurinum ad ostium in Pado Duria, quam Ptolemeus,
 Plinius & Tacitus Augustam Taurinorum vocant. Priscis
 temporibus hanc nobilem fuisse urbem, vel hinc intelligere li-
 cet, quod Colonia Romanorum erat. Iacet ad montium radices
 forma quadrata, cum portis quatuor, nobilitate ciuium maxi-
 me clara: splendidis etiam aedificiis ornata: inter quae summum
 templum gymnasium habet omnium disciplinarum: mirificeque
 rebus omnibus ad vsum vitae necessariis, & vtilibus abundat.
 Agro est per bono ac fertili, maxime vero versus Orientem, &
 Austrum, cum Vallibus ferri copia fecundis. Taurinum Longo-
 bardorum sedem fuisse Paulus Diaconus perhibet. His vsque
 in bellum Caroli magni Desiderium regem, paruit, dein-
 de autem in Italia regum, imperatorum, Montisferrati mar-
 chionum, & Sabaudiae regulorum (quibus hodie etiam num
 p.) potestate fuit. Ad Padis fontem versus Ripellium, &
 sunt marmorum nobilium lapidicinae. Praeter urbes
 & magnitudine celebres, quae sunt quinque numero,
 oppida continet plus minus quinquaginta munita pulcherrima-
 que, municipia ad haec ducenta muris propugnaculisque &
 turribus vallata. Plurimos quoque habet comitatus, marchio-
 natus, baronatus, aliosque multos satrapas, omnes duci Sa-
 baudiae obtemperantes. Haec tenus Ortelius. Archiepisco-
 patum regio haec habet Taurinensem, cui Salutarum, & Mon-
 tis regalis, vulgo Mondouiensis, episcopi subsunt. Vercellis

quoque (qua antiqua, perhonestā, ac nobilis, rebusque omnibus
diues in Lybici principatum tenet vrbs) Eporediaque (Salas-
siorum ea, Inurea appellata aliis, metropolis, inquit Ioannes
Antonius Maginus) sui sunt episcopi; quorum ille Mediolanensi,
Taurinensi hic parent archipraesuli. Qui plura de Sabaudia Pe-
demontiique situ volet cognoscere, Abrahami Ortelij Theatrum
consultat.

V. CL.

I V S T I L I P S I I

A D

A V T H O R E M,

de hoc eius opere, Epistola.

REVERENDE & nobilis domine, Legi serio & lubens scriptum tuum de stirpe Sabaudorum principum: quod etsi magni operis pars modo, & excerptum, tamen vel ex eo de tota facie & forma operis facile nobis iudicare. Manco itaque in sententia, & rem te facturum publice utilem, ipsis principibus gratam arbitror, si in lucem hæc emittis. Sunt quidem liberius, id est, verius quædam scripta quam pro hoc nostro ævo. Sed id ipsum bonos delectabit, & historię prima lex est, quam tu reddis in parte, etsi non inscribis. Nec enim nuda genealogia est, sed facta & dicta interdum eximia inseris, quod ego probo: nec me ceperint sola stemmata, & sine alio fructu familiarum rami. Vale vir Reuerende & nobilis, & fratrem tuum Adrianum V. CL. amanter a me saluta. III. Idus Iun.



LAMBERTI VANDERBVRCHII

SABAVDORVM

Ducum Principumque

HISTORIÆ

GENTILITIE

LIBER PRIOR.

DE BERALDO PRIMO MORIENNAE
DOMINO.

MORTALIVM primus in Morienna Mauriennave imperium obtinuisse scribitur BERALDVS, Hugonis ducis Saxoniae (cui Otto imperator eo nomine tertius frater) filius, ex tribus natu minimus, Ottonisque secundi nepos. Is puer admodum, amisso patre, cum fratre utroque Frederico & Vlricho, in patruī sui Ottonis imperatoris fidem tutelamque traditus, tantos paulatim (ut animi præclara erat indole) in omni virtutum genere progressus, ut non apud imperatorem solum, summum sibi gratiæ auctoritatisque pararet locum (adeo ut nihil in rebus maxime arduis, eo inconsulto ille faceret) sed apud mortales etiam reliquos carus haberetur. Ceterum cum Mariam Aragoniam patruī sui Ottonis coniugem in adulterio deprehensam, una cum adultero,

A

facino-

facinoris motus indignitate, confodisset, Renatus comes Montensis, defunctæ Mariæ propinquus (alij patrem fuisse aiunt) grauitè factum hoc ferens, ingentem protinus aduersus Saxones exercitum conscribit, bellique totius curam filiis, quos habebat quatuor, committit. Beraldus qui ad primum eius rei nuncium ex Imperatoris aula in Saxoniam aduolat, maximis ilico coactis copiis, imperatoriaque propinquitate & subsidio fretus, aduersus Montenses fratres proficiscitur, quos genio, in media velut pace cum vniuerso milite indulgentes, & nullo metu, non antepositis vigiliis, segnius bellimunia obeuntes, Guermuchio equite Saxone, locorum gnaro, iter indicante, de improviso opprimit, cæsisque Conrado & Ludouico natu minoribus, fugam reliquos Crethelium & Henricum capere cogit. Quo annis iam aliquot inter Saxones & Montenses continuato bello, ea tandem inter eos pacificatur lege, vt Germania vniuersa Beraldus decedat, decennioque toto ad eam ne redeat. Abeuntem Imperator scuto aureo, cui aquila, ungulis rostroque rubra, corpore reliquo nigra insculpta erat, insignium loco (gentiliis enim ex contractu illo pacificatorio vti vetabatur) donat. Multis peragratis terris, cum Seisselam tandem venisset (ad Rhodanum ea sita ciuitas) arcem Culanam, turrim hactenus in Sabaudia (quæ Burgundia tum patebat regibus) solo, latronum, vicinia loca grauitè infestantium, receptaculum, pulsis fugatisque incredibili virtute latronibus, expugnat & capit. Quo præclaro facinore Bozonem, tractus illius tum regem, vehementer sibi deuinxit. Defuncto autem Bozone, cum Rodolphus

al. Guermuchio.

cuius frater in Burgundiæ regnum successisset, Geneuensem populum, Salucianum, Susæque seu Segusij marchionem & Pedemontanum principem, bellum illi mouentes, præclaris aliquot præliis superatos, ad eius denuo imperium redire, & vniuersam tandem Mauriennam (quæ Burgundiæ transiurensis pars) anno a nato Domino DCCCXCVIII, illi parere Beraldo, Vienne[n]si donatus præfectura, cogit. Cuius singularis beneficii suauissima recordatione motus Conrardus imperator, postquam mortuo sine liberis Rodulpho, ad eum imperium Burgundiæ seu Arelaten[s]e regnum, & quidem ex Rodulphi ipsius (cuius cognatam proximam Gisellam uxorem duxerat) testamento fuerat deuolutum, Humbertum Beraldi huius filium Maurienna donat, primumque Mauriennæ comitem principemve creat. Existimat Iulianus Taboëtus Mauriennam ab ipsomet Burgundiæ rege Beraldo, imperatoris permissu, donatam fuisse. Crediderim ego a Burgundiæ quidem rege ea prouincia donatum Beraldum, sed a Conrardo imperatore, mortuo demum Burgundo, comitatus eam titulo insignitam. Loco huic annis viginti & octo cum præfuisset, fato tandem anno post natum Dominum, ut plerique opinantur, MXXVI. functus Arelate in diuæ Mariæ virginis sacra æde sepelitur. Est qui Mauriennam Marianam olim a Mario ciue Romano appellatam opinetur, cuius vetustæ originis ignarum (inquit) vulgus, Mauriennam, corrupto paulatim vocabulo, nuncupauit. Sunt quoque qui Amadeum siue Immodum Wittikindi magni ducis Saxonie pronepotem, comitem Reingelheimium, Beraldo patrem fuisse affirmant.

DCCC-
-XCVIII.

MXXVI

Ego Taboëtum Paradinumque, historiam hanc ex professo scribentes, interdum alioqui hallucinantes, haud hic aberrare crediderim, præsertim cum Ioannes Cuspinianus, & post eum Franciscus Belleforestus, Lancelotusque Voisinus, Sabaudia comites principesque ab Ottonis secundi imperatoris filio Beraldo originem trahere affirmant. Quam nos Mariam Aragoniam Ottonis imperatoris coniugem ob commissum adulterium a Beraldo hoc trucidatam diximus, Cuspinianus, & qui post illum eam historiam tractarunt (inter quos Carolus Sigonius, qui pluribus eam rem verbis describit) Mutinæ ad rogum a marito damnatam, narrant. Sed mihi haud facile id probauerint: neque enim verisimile est imperatorem tam atroci ignominiosoque supplicio publice in vxorem usum, quam in arcem aliquam, perpetuo in ea asseruandam, cum minore nominis sui nota, potuisset includere. Beraldo hoc rerum per Maurienam potiunte Henricus Burgundiæ dux, nullis ex vxore * Gerberga Diuionensi comite, sublati liberis, moriens, testamento ducatum, ut aiunt, Roberto Francorum regi, fratris sui filio reliquit. Constat tamen (inquit * Nicolaus Vignierius) ex commentariis cœnobij diui Benigni, Henricum sibi ante obitum suum adoptasse successoremq. in ducatu instituisse Ottonem Guilelmum Gerbergæ vxoris suæ ex priore marito filium, adeo ut cum antea comes tantummodo ille nominaretur, dux & comes simul Burgundiæ, deinceps aliquamdiu fuerit appellatus. Landricus nihilominus Niuernensis comes pluribus Burgundionum acceptior, se Burgundiæ ducem dictitare, arces atque oppida in fidem suam quamplurima

al. *Gerfina.*

In Burgundionum chronico.

plurima recipere ausus est. Cæterum Robertus rex ducatum iure tum, hæreditario, tum regio, potius quam testamentario ad se deuolutum intelligens, maximis collectis protinus copiis, validoque subnixus Normannorum auxilio, Burgundiam adoritur, & vtraque factione oppressa, suo adiungit imperio, Landricumque in Altiussiodorensi ciuitate obsessum, deditiōneque captum rādem, iuri Burgundico in perpetuum renunciare cogit: Otto vero Guilelmus, comitis retento titulo, ducis in posterum abstinuit. Ottoni huic ex Hermentrude vxore liberi fuere Otto, cui pater superstes, Rainaldus siue Rainardus & Wido. Hactenus Vignierius.



HUMBERTVS
CATHARINA PA-
latina Schirensis, quā
Catharinam Germanam appellant alij. Alij
eius omisso nomine cognomineque, insignium
tantum meminere, quā alij diuersaque ab
hiscē fuisse aiunt.

DE HUMBERTO MAVRIENNAE
COMITE PRIMO.

BERALDO HUMBERTVS filius succedit, Mauriennæ in Sabaudia comes primus, & Segusij, mortuo socero, marchio, qui a manu tum singulari candore, Albimanus, si ita loqui fas sit (matronis nobilio-

ribus hoc illum nomine donantibus) dictus fuit. Hunc ad se Romam accersitum, comiterque exceptum Conradus Romanorum imperator (ad Henricum secundum id referunt nonnulli) ut patris eius Beraldi (a cuius virtutibus, quantum ex generosa animi eius indole perspicere erat, haud videbatur degeneraturus) praeclara in imperium merita, insigniore aliquo beneficio compensaret, Mauriennæ, aut (ut nonnulli appellant) Mauricianæ in principum imperij augusto consensu, creat comitem, quod ditionem illam regnumque Arelatense vniuersum pater eius Beraldus, de Rodulphi Burgundiae regis hoste, armata (uti diximus) ceperat manu. Crediderim potissimum mouisse imperatorem, quod per alpes liberum sibi tutumque in Italiam aditum, quandocunque res ita postularet, patere cupiebat. Ceterum in Italia existente Humberto, cum Mauriennam marchio Segusianus inuasisset, reuersus propere ad suos, eius rei accepto nuntio Humbertus, marchioni arma infert; sed eius tandem filia Adeli (quam Saluciano marchioni collocare ille constituerat) in uxorem ducta, omnis illa controuersia sublata fuit, moriturusque marchio Humbertum uxoremque eius, filiam suam, testamento hæredes scribit. Decessit ex luce hac, quinquagenario maior, vite curriculo praeclare transacto, Domini anno supra millesimum quadagesimo octauo; Amadeum filium (quem, quod patris auique sui exemplo omnibus amabilem se gratumque præbiturum aliquando, certo considerent, eo fausti ominis nomine donandum prouinciæ illius procures censuere) successorem relinquens, & Mauriennæ in sacra diui Ioannis æde,

(quam

(quam per opimis annuis prouentibus donarat) sepelitur. Ea tempestate Rodolphus ex Ottonis imperatoris natui sorore, prius Albanij (quod in Arelatensi solo situm dominiuin) ab Henrico imperatore antedicto

Conrado
aliis.



Adelii
sue Alexia Segusiani marchionis filia beatesq. vnica, Ottoni Italiae marchioni (cui Bertham Henricus quartus imperatoris, Adelaugue Audolphi Rhynsfeldij conjugis peperit) secundu nuptiu

AMADEVS patri succedit.
PETRVS maritimo Segusianus seu Susanus. Huius pauci meminerunt. Sunt tamen qui Agnesem illi filiam fuisse affirmant.

Adelaida
aliis.

OTTO. Et huius rara mentio.

ELIZABETHA Ottoni Matiscenensi in Italia comitis nupta.

cui vir Luitfridus comes Selingensis.

Sunt qui Bertham Antidel quodque filiam fuisse scribant. Belleforasius Bressa marchione natus, eiusque coniugij intuitu, Bressam Sabaudie acceperat; falsus fortassis, quod Bressanum Segusianumque populum vnum eundemque fuisse plerique existimant. Adelu hac Segusianum marchionatum in filium transmisit.

DE AMADEO EO NOMINE

PRIMO.

AMADEVS eo nomine primus Mauriennæ comes Susa quoque marchio, Humberto patri Dominiano anno MXLVIII succedit. Caudatum dictum auit, quod cum in Henrici eo nomine tertij imperatoris (dum quo domesticus illi olim vsus consuetudoque fuerat) cubiculum in Veronensi oppido, ingenti virorum nobilium, qui pono sequebantur, (quos in Italiam imperato-

MXLVIII.

ris coronationem augustiorem vti faceret, secum adduxerat) comitatus numero, cuperet forte intromitti, iuberetque imperator ianuam illi referari, at soli & exclusa (vti aiebat) cauda: se non ingressurum nisi cum eo comitatu, animo prorsus intrepido respondisset, addens, ab imperatoris se potius amicitia discedere velle. Quo tam ingenio liberoque responso delectatus imperator, nobiles omnes illos adolescentes vna cum Amadeo intromitti imperat. Cæterum Amadeum hunc cum plerique iuvenes primæ nobilitatis illi coætanei bellum aliquod præclarum suscipere vti vellent subinde admonerent, prudenter admodum, bella quæ citrà necessitatem ad animi tantum oblectamentum susciperentur, infautum infelicemque vt plurimum exitum habere respondit, facileque esse cuius viro principi, etiam timidissimo bellum aliquod aggredi, sed eo, postquam susceptum semel fuerit, feliciter & pro voluntate defungi, id equidem in nullius ne fortissimi quidem hominis esse manu: neque enim in eiusdem potestate initium eius & finem esse, & summi quidem bellum ab ignavis, strenuissimi cuiusque periculo geri. Mihi (inquit) æquitate quam sanguine, causa quam armis, retinere parta maioribus, præstare semper visum. A Gulielmo Burgundiæ comite (Gerardum appellant alij) Renati seu Reginaldi comitis, & Alicia Normannæ filio (cui cum Lotharingiæ principe Godefrido illique confederato Barri comite, graue molestumque bellum erat) in auxilium vocatus, per eam iuuandi principis vicini finitimique occasionem, nobiles illos adolescentes belligerandi æstuantes desiderio, quumque quod inertes ignauosque faceret homi-

nes, detestantēs, domo educit, Burgundoque suppetias fert. Iunctis viribus, triplicem protinus Sabaudus Burgundusque aciem instruunt (primam Matisconensis ducebat comes, Amadeus alteri, tertiæ Burgundus præerant) & in hostem (qui suas quoque copias pro castris produxerat, aciemque instructam habebat) imperum faciunt. Atrox ilico prælium committitur, dubioque aliquamdiu Marte certatum fuit, donec prima Burgundi acies (vehementer eam suorum multitudine premente Lotharingo) Matisconensi comite cæso, pulsa atque in fugam conuersatandem fuit. Qua reiecta, cum sub secundam aciem successisset hostis, prælium mox, hostilem imperum fortiter ea acie sustinente, fuit restitutum, Amadeusque insigni aduectus equo, in omnem intentus partem, celeberrimæ tandem victoriæ, auersa singulari sua virtute ab ea quæ maxime inclinare visa est acies parte, in aliam pugnæ mole, author Burgundo fuit. Eo enim stratagemate erectus in spem palmæ Lotharingus, cecidit. Moritur sæculi tandem eius anno * LXXX. & ^{al. LXXVI.} Mauriennæ in diui Ioannis æde iuxta patrem tumulatur. Eam ille ædem magnis multisque donatam vectigalibus iuribusque, canonicorum numero, nouem aliis veteribus additis, aucto, tabulisque regiis, quæ eorum continebant institutionem, confirmatis, ornatorem splendidioremq. fecerat. Est qui ab Henrico quarto imperatore alpes traiecturo, vt liberum in Italiam illi pateret iter, Burgundiæ cum parte quadam anno illius sæculi LXXVII. donatum scribat. Obseruandum hic, quod quem Henricum quartum Cuspinianus, cum tertium alij appellent. Cum Amadeus hic (inquit Paradinus)

Guilelmi Burgundiæ comitis filiam Ioannam deperiret, puellæ pater eo animaduerso (quis enim bene celat amorem? ut quidam ait) vltro apud iuuenem pudoris modestiæque retinentissimum, matrimonij facta mentione, maiores nostros tribus olim hominum generibus diras publico edicto fuisse imprecatos, narrabat: primos fuisse inter hos, qui matrimonio in vniuersum abstinerent, alteros qui vergente demum ætate, tertios postremosque qui aut malas, aut deformes vxores ducerent. Eo comitis Burgundi alloquio in amore suo vehementer confirmatus Amadeus, respondere subridens, matrimonij eandem, quæ senectutis, ad quam mortales omnes aspirarent, sed cuius protinus, postquam eam sint adepti, fastidio tædioque capiantur, esse conditionem. Aderat tum forte ex equestri ordine quidam extrema ætate vir. Is sibi quendam in vicinia sua notum olim, referebat, qui iuuenis etiamnum ab amicis propinquisque de matrimonio ineundo admonitus, tempestiuum nimis id esse: idem annis aliquot post, iisdem urgentibus amicis, habilem sibi ad eam rem ætatem iam præterisse, respondebat; ab omni nimirum ætate coniugium eo responso cum Diogene, qui iuueni nondum, seni nunquam vxorem ducendam esse dicere erat solitus, remouere volens. Vixit hac tempestate Dominicus Silvius dux Venetus, cui vxorem fuisse referunt annales, genere Constantinopolitanam, mulierum sui æui longe pulcherrimam, sed Græci fastus atque superbiæ. Hæc, res cæteras omnes vni formæ suæ curæ cum post haberet, guttis rosis maximo labore collectis corpus in balneis lauare erat solita: Cibos quoque ab oinuchis frustil-

latim

latim concisos aureis fuscinulis, ne digitos eorum contactu contaminaret ori inferebat. Domum suam ea odorum varietate refarciebat, ut nimia suauitate ingredientium pene sensus obruerentur. Sed intempestiue immoderateque luxurie meritis tandem, ultore Deo, mulier infelix dedit pœnas; postquam gratissimo illo odore in teterrimum de repente commutato, funestissima totum eius corpus inuasit tabes, quæ fœtore graui non homines solum ab eius arceret aspectu, sed ipsum etiam aëra inficeret, adhibitis nequicquam, luis illius abluendis sordibus, iis ipsis quas paulo ante contumaci morositate abhorruerat aquis.



IOANNA Burgunda (Iannam appellant alij) Guilelmi Burgundie comitis filia. Illius Guilelmi qui peropportuno Amadei huius auxilio de Lotharingo paulo ante contractum matrimonium hoc (supra

vii demonstramus) triumpharat. Guilelmus Paradinus, Ioannam hanc Guilelmi sororem, Reginæ vero Burgundie comitis eo nomine primi ex Alix, cui Ricardus Normannia dux pater, filiam fuisse scribit.

HUMBERTVS eo nomine Mauriennæ comes secundus.

AMADEVS, sine Amatus, cuius pauci meminere.

DE HUMBERTO EIVS NOMINIS SECUNDO.

POST fato functum Amadeum, Humbertus eo nomine secundus Mauriennæ Domini anno MLXXX. gubernacula suscipit, Brianconique regulum, graue in suos finitimosque (quibus negotiorum suo-

rum caussa necessario iter per eius fines erat faciendum) tyrannidem exercentem, nouis insolitisque tributis eos vexantem, frustra vti desisteret sapius monitum, sumptis ad oppressorum, quorum miseriis indolebat, preces, aduersus eum armis, saniora capere consilia & immodicis insolitisque vectigalibus illis sublati, sibi parere cogit. In Syriam aduersus Saracenos, communicatis cum Godefrido Bullionio aliisque Christiani nominis proceribus quam plurimis, consiliis atque opibus, Urbano quarto Pontifice vehementer eam expeditionem urgente, profectus, non inutilem in Palæstina expugnanda operam nauauit. Quo bello spectatæ virtutis famam consecutus, domum Domini anno millesimo & centesimo (postquam nimirum Godefridus Bullionius Hierosolymorum rex renuntiatus fuit) cum reuertisset, ex longo tædiosoque, quem in itinere periculi pleno, contraxerat morbo, sæculi quod subsequutum fuit anno nono decessit, & Musterij (quam ille urbem, Tarentasiam appellatam aliis, cum toto eo tractu, tyrannis tribus, qui graui eam premebant dominatu, pulsas, imperio suo, ciuium partim voluntate, partim metu adiecerat) in æde principe conditus fuit. Humberto hoc in Maurienna imperante Carthusianorum monachorum sodalitium sub annum millesimum & octuagesimum initium habere cœpit, Brunone quodam authore, qui abductis secum ex Parisiensi academia, vbi Theologiam profitebatur, in solitudinem quandam non procul a Gratianopoli (quæ in Gallia Narbonensi vrbs) discipulis aliquot, sanctissime vitam instituit.



LAVRENTIA Venicia, Veniciarū comitis filia, Carpentora. Et Humberto matrimonio iuncta, matrona longe honestissima.

AMADEVS Sabaudia comes primus.

REINOLDVS Propositus vltimus collegij Mauriciani, vt nonnulli opinantur.

GVILELMVS. { horum pauci meminere.

ADELIS siue Alexia Ludouici Craspi Galharū regn. vxor.

.. vxor Guilelmi marchionis Montisferrati. Huius rara mentio.

IOANNA, cui vir Guilelmus Normannus Flandria comes.

DE AMADEO EO NOMINE SECVNDO,
SABAVDIAE COMITE PRIMO.

AMADEVS eius nominis secundus Mauriciana comes Segusianorumque marchio (Otto Frisingensis Tautinorum vocat marchionem) decora iuuenta, corpore ingens, animi immodicus, dignus Humberto patre, cui successit, filius, primus ab Henrico quinto imperatore, quod optima fortissimaque variis bellis illius opera fuerat usus, Sabaudia (quæ imperij Germanici, inquit Bodinus, prouincia, & imperij feudum antea fuit) creatur comes, ea lege, titulum hunc cæteris omnibus, quibus præfulgebat, vt præferret, vtque clientelari feudaliue in posterum iure imperium Romanum Sabaudia respiceret. Beaujoissi quoque ab eodem illo imperatore dominio donatur. Dependebat quidem (vt obiter hoc dicam) a Burgundia olim regno solum Sabaudicum, sed Burgundia in Romano-

rum tandem imperatorum concedente potestatem, per magistratus ab imperatoribus missos, administrari Sabaudia coepit: qui cum superbe ac auare imperarent, bonique publici nullam haberent curam, Henricus tandem imperator Amadeum hunc prouinciae illi, cum comitis (vt diximus) titulo praefecit. Geneuensem comitem, qui ob spretas filiae suae nuptias, fines eius ex improviso cum magna manu inuaserat, maximaque eius subditis, eorum agros vastando, aedificia incendiando, praedaeque agendo, damna intulerat, Roma (quo cum Henrico imperatore antedicto, imperiali ibi insigni euinciendo Domini anno MCXI. fuerat profectus) magnis itineribus ad suos reuersus, ingentibus vndiq. contractis copiis, & soceri auunculiue Albonij & Veniciarum comitum implorato auxilio, bello adoritur. Ceterum quia militum numero minus valebat, locique prohibebant angustiae, ne multitudine hostium posset circumueniri, vnā tantum aciem instruendam existimauit. At suorum fretus multitudine Geneuensis, duas instruere acies, inde vniuersas vires in conspectum dare. Comes Nidoneus, cui in alteram aciem imperium erat, primò constanter initium pugnae accipere, conuersisque in Albonij comitis militem signis, quod eam partem minus firmam hostium esse animaduenerat, eam protinus facere impressionem, vt praegrauante multitudine, cedere ille sensum cogeretur. Quo laxatis ordinibus, inter suos recepto, profligatam pugnam Amadeus accipit, Nidoneumque comitem, ante aciem suam in fronte fortiter pugnans, acerrimeque rem gerens, loco decedere cogit. Rediit eo facto Alboniis animus, & versus in victores

MCXI.

victores a victis terror, Geneuensi nequicquam suorum ignauiam increpante. Quo (quod auditate certaminis prouectus in manifestum sese periculum dedisset) a Nicolao Columna nobili Romano, cui vulnus ille inflixerat, caeso tandem, pulsi in vniuersum Geneuenses, & pars in fugam effusi, pars a fronte & a tergo ab hoste circumuenti, caesi fuere. Victor Sabaudus, arcibus aliquot, inter quas Satenaya & Currillonum, funditus delictis, grauiora longe quam acceperat ditionibus Geneuensis damna intulit. Cum Ludouico Crasso Galliarum rege, (cui Adelis soror eius nupserat) graue illi dissidium intercessit, quod permoleste ferret, Ludouicum natu minorem regis filium, Roberto fratri ætate maiori, ab utroque parente prælatum. Cæterum diuinis melliflui illius Bernardi monitis acquiescens tandem, facta cum Ludouico iuniore (patri is in regnum successerat) pace, in gratiam cum eo rediit. Dederat paulo ante ad eum ea ipsa de re litteras Petrus abbas Cluniacensis, vir vitæ inculpatæ, & principum componendis dissidiis peridoneus, sed quod altiore deliberatione opus esse respondisset Sabaudus, nihil tum perfici potuit. Eorum litterarum exemplum infra scriptum est:

Nobilissimo principi, & charissimo amico nostro, domino Amedeo comiti & marchioni F. P. humilis, Cluniacensis abbas salutem & æterni participium principatus: Gloriosus rex Francorum Ludouicus, & ante miserat, & nunc iterum nobis misit nuncios suos, quos & vobis dirigi; & per manum nostram, quod a vobis petierint, impleri rogauit. Qui quamuis per seipsum, utpote insignis flos & præfulgidum germinis vestri si-

dus,

„dus, cuncta quæ voluerit apud vos debeat obtinere,
„quia tamen me precum suarum mediatorem elegit, ro-
„go vt sicut ipse hoc per me petendo efficacius se impe-
„trare confidit; ita vos largiendo, non frustra eum istud
„sperasse monstretis. Cumque ipse superna gratia, & regni
„terminos pene duplicando, & iuueniles annos virtuti-
„bus adornando, summa vestri generis gloria sit, non de-
„bet aliquam in precibus suis pati repulsam, cui & regia
„magnitudo & sanguinis communio cuncta de vobis
„sperare suadent. Et cum deriuato a patre nomine & re-
„gis patruus dicamini, decet vos & eius regno consulere,
„& ipsi vt filio in omnibus prouidere. Quod vtrumque
„simul implebitis, si eum in præsentī negotio audieritis.
„Sed nolui illud his quas mitto literis inferere, quia ple-
„nius id ab ore nunciantis, quam a manu scribentis acci-
„pere poteritis. Hoc postquam cognoueritis, quod tamen
„& iam audistis, Oro ne innocenti puero patrum pecca-
„ta, nec reginæ vel regaliū aulicorum veteres forsitan
„culpæ, nouo regi noceant. Quia iuxta diuinam prophe-
„tæ sententiam, Non portabit filius iniquitatem patris,
„neque pater iniquitatem filij. Date operam (quod &
„facere præ cunctis mortalibus, natura ipsa compellente
„debetis) profectibus & honori ipsius. Nam & in pro-
„fectu eius vos proficere, & honorem ipsius vobis (vt
„credo) gloriam parere sentietis. Cum eodem illo Gal-
„liarum rege Ludouico & Conrardo eius nominis tertio
„imperatore, ingentiq. reliquorum Christianorum pro-
„cerum (qui, concionante pro sacro bello eodem illo di-
„uo Bernardo, accurrerāt vndique, & sacra ab insigni pie-
„tate animique magnitudine certatim omnes arma, per-
„nobili

nobili illo classico canente exciti, induerant) numero, in Asiam sæculi eius anno quadragesimo sexto traiecit, sed re nulla præclariore gesta (Damasci enim Latinorum quorundam Theodorico Flandriæ comiti, illi regendæ vrbi destinato, eam fortunam invidentium summa perfidia, expugnandi occasio amissa fuit) domum dum reuertitur, morbum in Cypro, quo ex itinere deflexerat, lethalem sibi contrahit, ex quo paulo post, anno sæculi eius quadragesimo octauo decedit, & in sanctæ Crucis montanæ Abbatia, Cypro rege iusta faciente, perhonorifice, & tali digna principe pompa elatus, sepelitur. Grauis eorum hic apparet error qui Amadei huius opera Rhodum conseruatam scribunt, quique alia nonnulla, quæ longo post tempore, ab Amadeo eius nominis quarto gesta fuere, illi ascribunt: Abbatias (recepto hæctenus vtor vocabulo) Thamiscanam, eo in loco, vbi de Geneuensi comite victoriam reportarat, & diui Sulpicii in solo Beaujoyssio, nato sibi filio (ita enim si liberos sibi nasci contingeret, facturum se promiserat) vrgente vehementer vxore, & voti eum huius subinde admonente, infirmiore iam præsertim filij valetudine, construxit. Sunt qui sæculi huius anno septuagesimo secundo Amadeum Moriennæ comitem filix suæ nuptias totamque successionis spem Ioannis Regis Angliæ filio obtulisse narrent: sed id, sublato multo ante Amadeo hoc, fieri quomodo queat, non video: crediderim ab Humberto eius id factum filio. Otto Frisingensis Amadeum hunc & Guilelmum Montisferrati marchionem Conrardi imperatoris auunculos appellat, sed in errore est: Amadeus enim Conrardi auunculus non fuit,

sed ex eadem cum eo natus proauia Adeli, quæ ex Humberto auum eius Amadeum, ex Othone autem Italiae marchione Bertham, Contrardi auiam, genuit. Scribit Andreas Theuetus vidisse se in Bithynia, in quadam diuo Pantaleoni dedicata sacra æde, Arthi Sabaudi sepulchrum; illique Sabaudia comitem fuisse patrem: sed quis hic fuerit comes, id sibi, epitaphij literis plerisque vetustate abolitis, non apparuisse. Ingens hac tempestate luporum, homines integros deuorantium, visa per Galliam colluies.



GERTRVDIS, siue Geltrudis Lotbaringa, Simonis Lotbaringia comitis (ducem appellat alijs) eo nomine (vii aiunt) decimi, & Geltrudis Saxonica, cui Lotbarius imperator frater, filia, Iuduba, quæ Reginaldo Burgundia comiti Beatricem Frederici Anobarbi imperatoris coniungem peperit, soror, quæ liberum paruit.



GVIGONIA Albo-
nia (Mashil-
des appella-
ta aliu) Gui-
gonis eius
nominis se-
cundi Albo-
nij comitis
Delphinique
filia, quam
Amadeus
Clara seu

Clarentia Geneva comitis filia, quam se ductu-
rum patri promiserat, spreta, vxorem sibi sum-
psit. Vnde graue inter eum & Geneuensem co-
mitem, ortum bellum, cuius quis fuerit exitus
paulo ante ostendimus.



SIBYLLA Matiscenensis, Vtrici comi-
ti Matiscenensis (Basgea quoque nonnullis,
qui eum comitatum Sibylla in dotem a pa-
tre datum affirmant) filia. Hanc tertiam
Amadeo fuisse vxorem Franciscus Rosierius
anthor est: ceteri (vno dempto Hieronymo
Henningesio; cui Elias ascriptatur Reusnerus,
qui Sibyllam Guignonia antedicta fuisse soro-
rem, Guignoniaque ex Vtrico comite Matisco-
nensi quoque natam autumant) eam non me-
minere. Induxit fortassis in errorem Rosiere-
sius, quod Amadeo quarto, qui longo post
hunc tempore vixit, Sibylla Vtrici Bressani &
Basgei comitis filia, vxor obtrigerit. Meminit
idem Henningesius & quarta coniugiu, Clarentia scilicet Geneuensis, quam repu-
diatam fuisse ait. Sed qua Guilelmi Paradini hac de re fuerit opinio (cui nos sub-
scribimus) paulo ante demonstrauimus.

HVMBERTVS patri succedit.

ALEXIA, aliu Adelais. cui vir
ANDREAS comes Angleria &
princeps Mediolani.

AVXILA siue Alasia nupta
HVMBERTO comiti Bello-
censi Gerardi filio.

PETRVS. eius pauci memi-
nere.

IOANNES, qui valetudine
minus firma fuit. Et huius va-
rior nientio.

CONSTANTIA vxor posse-
rior BONIFACII tertij mar-
chionis Monisferrati.

MAHALTA, aliu Malsada,
quam ALFONSVS Rex Portu-
galie primus vxorem duxit.

MCXLVIII.

AMADEO Humbertus eo nomine tertius filius, anno post natū Dominum MCXLVIII. succedit, qui Sabaudix comes fuit secundus. Is iuuenis licet, eam tamen sui apud omnis ordinis homines præclara maiorum æmulatione, concitarat expectationem, vt quem allatus de extincto apud Cyprum Amadeo principe longe optimo suisque carissimo, in mortalium pectoribus nuntius prouocarat dolorem, is ad solam virtutum, quibus inclarescere ille ceperat, cogitationem mitigaretur. Vxorem primam Flandrix comitis filiam, nullis ex ea procreatis liberis, cum amisisset, tantum animo concepit mœrorem, vt vix consolatione vlla leuari posse videretur: duorum tamen optimorum virorum, qui in rupem quandam ad Lemanium lacum (quam Arpesiam appellant incolæ) arctius sanctiusque ibi vitæ genus professuri, secesserant (ad quos ex Geneuensis præsulis, viri integerrimi, consilio, cum exiguo admodum comitatu ierat) suauissimo alloquio, vehementer admodum confirmatus, animi morbum illum, radices antequam ageret, depulit. Quin eam in eius pectore hominum illorum præclara monita habuere vim, vt exstructo anno

MCXCIII.

saeculi eius nonagesimo tertio eo ipso in loco monasterio, eoque amplis donato vestigalibus, monasticam quoque ibidem vitam, in viginti monachorum, quos ex Cisterciensi accersitos abbatia, ibi confidere iusserat, sodalizio, profiteri non erubuerit: donec post reuolutum demum annum ab eo vitæ genere, ad comitatus administrationem

nistracionem denuo, at perinuitus, retractus, ad alteras nuptias suorum rogatu animum cepit adiacere. Cæterum mortua, quam ex altera illa vxore procrearat filia Agnete, & paulo post etiam matre, ad pristinum illud vitæ genus aspirans denuo (altius enim in eius pectus quam quisquam ratus, salutare illi sanctissimorum eorum hominum sermones descenderant) suorum nemine conscio, in remotum quendam a mortalium consortio locum (cui ad eundem lacum Lemani sito, Altacomba nomen) abit, vbi celeberrimæ illius diuæ Mariæ virgini dicatæ abbatix (cui a loco nomen inditum) iactis fundamentis, monachis aliquot ibi collocatis, ad eorum se vitæ institutum aggregasset, nisi obsistentium clamore flagrantissimisque victus precibus, ad suos denuo reuersus, tertij matrimonij fortunam, liberorum quærendorum causâ, tentare sustinisset. Ex eo coniugio cum Thomas illi filius natus esset, in eo ipso lacus Lemani aditu, gratitudini testandæ, diuæ Mariæ virgini & diuo Mauritio martyri monasterium exstruit, cuius penes Priorem (eo enim nomine huiusmodi ædium sacrarum præfectos appellari mos est) monachosque aliquot, ex diui Petri Cluniacensis sodalitis vsque accersitos, administrationem esse voluit. Ex Saracenica expeditione illa, qua Acris ciuitas (Ptolemaida nonnulli, Tamesim appellant alij) in Christianorum venit potestatem, domum cum Philippo Augusto Galliarum rege, reuersus, in grauem lentumque ilico morbum incidit, qui vitæ tandem illi finem Domini anno MCCI. attulit. Defuncti corpus in Altacomba, quod exstruxerat monasterio, conditum fuit. Humberto hoc Sabaudis

imperante Cantuariensis archipræsul Thomas, vir sanctis moribus, a nefariis aliquot sicariis Henrico Angliæ rege, eius nominis secundo, commiunte, in Londinensi vrbe anno MC LXXI. trucidatur, cuius sceleris authores, Deo vindice ultoreque, grauiissimas, quæ eorum etiam posteros infamarunt, dedere pœnas. Hac ipsa tempestate, anno scilicet MC LXXXVI, Hierosolymorum sancta illa vrbs, per Christianorum, qui eo in tractu erant, grauiissima dissidia, vndenonagesimo quam, Godefridi Bullionij singulari virtute de barbaris recepta fuerat anno, ad VII. cal. Octobris, Saladino Aegypto, vix toto oppugnata mense, dedita fuit, cum insigni nota perfidiæ Raimundi Tripolitani comitis, qui antequam prælium illud, Christiano aduersum nomen, quod vrbs sacræ deditiōem antecessit, committeretur, in turpem se cum milite suo fugam dederat: haud dubio postea rumore, quod cum barbaris clandestinum icisset fœdus, præsertim cum nocte ea, qua Tripolim, urbem suam hosti tradere cogitarat, subito, Deo sceleris ultore, exanimatus, a vespillonibus circumcissus reperiatus esset.



MATHILDES sive Mahaltis (Gerrudem appellant alij) Theodorici, Elsatij Fladriæ comitis ex Sibylla Andia filia Fulco Hierosolymorum rex, pater) filia, semina animi, christi, dotibus ornata, quæ conceptum in uisceribus longo tempore dolore, quod prolem nullam pareret, decoquere cum non posset, in ipso alatu flore, cum summo mariti subditorumque omnium dolore & luctu decessit. Mirum est Ioannem Tiliut, diligentem alioqui veterum familiarum inuestigatorem Mathildis huius non meminisse.



ANNA Salicea Sa-
linge in Germania duc-
filia, ex qua procreata m-
liam Agnerem, dum Henrici secundi Anglia
Regi filio Ioanni despondere pater Hum-
bertus cogitat, & filiam, & matrem paulo
post ipsam, non sine supremo animi dolore
amittit.



PERNELLE Bur-
gunda, Burgundia
comitis, cuius, incer-
tam, filia, Austria
ducis, cui proles dum
pepererat, vidua,
quam ad Sabaudica
nobilitati flagrantissimae preces, inuitus Hum-
bertus uxorem dedit. Qui prior Pernelle hu-
ius fuerit uxoris, qui pater illi, nondum mi-
hi compertum. Neque adduci possum ut Bur-
gundia eam comitis filiam fuisse mihi persua-
deam. vero similem videtur, patrem eum Di-
uionensem fuisse comitem, qui originem suam

reseat ad Othonem Guilelmum Diuionensem comitem, qui quod a vitrico suo
Henrico Burgundia ducis adoptatus & successor in ducatu fuisset insinuat, &
dux simul & comes Burgundia aliquandiu dictus fuit, donec Roberto tandem
Galliarum rege Burgundiam imperio suo adiungente, ducatus titulo, comitis re-
tento, abstinere cogitur.

DE THOMA SABAVDIAE

COMITE TERTIO.

SABAVDIAE comitatum, Humberto mortuo,
Thomas filius excepit, cuius, pueri adhuc, aetatem
Burgundiae

Burgundiæ comes, eius auunculus, regendam suscepit: qui in Sabaudiam protinus profectus, & aliquanto ibi tempore hærens, imminentem Sabaudico solo tempestatem (fieri vti solet, vbi ad puerum, eumque orbem principatus aliquis deuoluitur) singulari vigilantia, optimi cuiusque ex indigenis ad eam rem consilio vsus, mortalibus omnibus vehementer admirantibus, discussit, suum sororisque filium in eadem habens cura.

Cæterum Thomas ætate iam factus grandior, Guidonem Geneuensem comitem interceptum oppressumque, vna cum Beatrice eius filia, quam ad Philippum Augustum Galliarum regem, cui eam desponderat, ille deducebat, capite ducta autem (quæ iam pridem, Thomæ comitis capta amore, in matrimonium hoc, insciis parentibus, consenserat) puella, Guidonem, offensior illi, ob negatam filiam, non ante dimisit, quam Geneuensem comitatum Sabaudiæ fecisset clientelarem. Principatum Pedemontanum (ab expeditione illa, quæ aduersus Albigeneses, noua per Galliam Narbonensem ferentes passim dogmata, a proceribus plerisque Christianis fuit suscepta, in Sabaudiam reuersus) Sabaudico comitatu, ex dissidio, quod, sublata in vniuersum Principum Pedemontanorum stirpe, inter eius prouinciæ populum ortum erat, capta occasione, pro maiore parte, Pignerolo capta, Vigenoque & Carignana vi expugnat, adiecit. Castellis autem propugnaculisque, quibus gentem illam in officio contineret, varie erectis & præsidio munitis, populoque graui tributo leuato, & seditionissimo quoque pecunia corrupto, occasionem omnem rebellionis præscidit. Et auxerat potentia, postquam
Montif-

Montisferrati marchionem & Astensem populum, Pedemontanis confederatos, profligasset. Tandem cum aduersus Pontificem Romanum, in Frederici eius nominis imperatoris secundi gratiam, bellum inuitus reluctantisque suscepisset, tantum ex eo facto animi mororem, quem grauis proutinus excepit morbus, contraxit, ut ingrauescente paulatim malo, viuendi tandem finem faceret. Decessit Montcalerij (quam ipsam imperio quoque suo adiecerat urbem) anno restitutæ salutis millesimo ducentesimo tricesimo tertio, & in marchionatu Segusiano ad Auillaneum, in diui Michaëlis abbatia (cui diui Ambrosij sanum & lauentium dono dederat) magnifico funere elatus, Amadeum filium reliquit successorem. Vixit hac tempestate Ludouicus Sabaudus, qui cum Christiani nominis hostibus pugnas se scribitur: sed quis illi fuerit pater, haftenus inquiri. Sub hæc ipsa tempora, quidam, cui Odandrinus nomen, vir militiæ strenuus, quod ecclesiæ Romanæ causam aduersus Frædericum imperatorem eo nomine primum fortiter sustinuisset, oppido Ferrariensi (quod ipsum Mathildis comitis Mantuanæ, insigni liberalitate, in ecclesiæ Romanæ venerationem) à Gregorio octauo Pontifice donatur, primisque ex gente Estensi aut Atestensi (ut quidam appellant) Ferrariæ renuntiatur marchio.

MCCXXIII.
al. XXIII.

D **BEATRIX**



BEATRIX Geneuensis.
Guidonis Geneua comitis filia, qua
Galliarum regi Philippo Augusto
pacta, Thoma huic, patre inuito
(paulo ante vii demonstrauimus)
nupsit.

AMADEVS comes eo nomine tertius.

HUMBERTVS, cum Christiani nominis
hostibus in Prussia pugnans Domini anno
MCCXV. interfuitur.

THOMAS. vide infra suo loco.

GVILELMVS episcopus Valentianus.

AMADEVS.

PETRVS Sabaudia comes,

BONIFACIVS episcopus Cantuariensis.

PHILIPPVS Sabaudia comes.

BEATRIX Raimundi Berengarij Pro-
uincia comitis (cui filias quinque, reginas
omnes, peperit) vxor.

MARGARETA, cui vir Hottoman-
nus, aliū Hermannus, comes Kiburgensis, &
filia ex eo Elisabetha Eberardo Habsburgen-
si matrimonio iuncta. Alij eam improlem
anno MCLXXIII. decessisse aiunt.

ELEONORA, Alfonso octauo Essensis mar-
chionis, vt nonnulli opinantur, vxor. Alij
eius non meminere.

DE AMADEO EIVS NOMINIS COMITE TERTIO.

THOMAS Amadeus filius, eius hominis tertius,
Tartaris anno vicesimo tertio, succedit, paterna-
rum virtutum æmulus, & singulari admirabilique in
sorores fratresque suos (quorum causâ bellum suscipe-
re haud est veritus) & viuo, & defuncto patre, pietate.
Salassios Veragrosque Lombardiæ transpadanæ popu-
los, masculis hæredibus, Amadeo coruin tyranno fato
functo, deficientibus, possessionibus suis, metu partim,
partim

partim voluntate adiecit, victo cæsoque insigni Petri fratris sui virtute, quem ab Imperatore (qui vacuas ab imperiis prouincias, imperio accessisse affirmabat) acceperant, præfecto, homino morosissimo inquietissimoque (qui missos ab Amadeo Romam legatos, captos, & in custodia habitos, indignis tractarat modis) & Valensibus superatis profligatisque. Cæterum ditionem Valesianam ecclesiæ Sedunensi, ad diui Garini eius loci præfulis (quo dissuadente repugnanteque populus hic bellum illi mouerat) preces, restituit, postquam eius aliquanto tempore imperio paruisset. Lugduno inde (quo, Cluniaco a salutato Pontifice rediens, ex itinere, vt Carolo diui Ludouici Galliarum regis fratri, Beatricis sororis suæ, filiam collocaret, deflexerat) domum reuersus, paulo post, sæculi eius anno MCCXLVI. (quo ipso an- MCCXLVI.no & Reimundus Prouinciæ comes eius socer, decessit) imperij vero decimo & tertio, Bonifacio filio successore relicto, vitam hanc cum meliore commutat, maiorumque suorum, in monasterio Altecombano sepulchro infertur. Guelphorum Gibellinorumque infestæ per Italiam factiones, quæ aliquanto iam tempore conqueuerant, Frederico eius nominis secundo Imperatore, eas denuo resuscitante, vehementer sub hæc tempora recrudescunt, seminibusque eius motus haud ferme vlla ciuitas intacta fuit. Guelphis Guelphus Bauariæ dux, Gibellinis natus in Gibellino oppidulo Henricus, hostes inter se infestissimi, ingrati mortalibus omnibus nominis dederant originem. Referunt annales prisca: Graui inter Guelphum ducem Henricumque Gibellinum, qui patri sui Conrardi tertij imperatoris copiis præerat,

commissio prælio, cum superatus tandem Guelphus, in urbem quandam suam se recepisset, in eaque obsessus, quas hosti placuisset, deditiois conditiones accipere fuisset coactus, foeminas (quibus solis exitus concessus, permissumque uti quantum ex rebus suis maxime sibi caris ferre possent, secum asportarent) veritas ne in maritos suos victoris exercitus sæuere crudelitas, sublatis in humeros maritis, charissima sui parte, in hostium conspectum (fide amoreque coniugali affectum erga res quantumvis preciosissimas, superante) prodisse. Quam optimarum matronarum admirabilem in viros suos pietatem exosculatus imperator, neque eam fraudem habens ingratam, recepto in gratiam Guelpho, reliquis omnibus ignouit.



ANNA Albionis Guigonis comitis Albionis Delphinique Viennensis, cui Andreas Delphinus pater filia, qua Amadeo haud diu admodum iuncta, liberum caruit. Stephanus Lusignus, Andrea Delphini filiam, Beatricem autem Delphina neptem Annam fuisse affirmat. Crediderim ego, priorem Amadei uxorem (Annam quippe hanc alium habuisse maritum plerique autumant) Lauram appellatam, prioreque matrimonio Ioanni comiti Burgundia & Cabillonensi fuisse iunctam. In eam inducor opinionem, quod Ioannem Burgundum Lauram tertio sibi connubio inuixisse, eamque Ioanni superstitem Amadeo Sabauda comiti nuptam fuisse, constans scriptorum omnium sit opinio. Neque enim tempore patitur interuallum, ut ad priorem aliquem posterioremve Amadeum, nostro hoc, ea nuptia referamus. Fuere quidem Anna sorores duae, Catharina, nimirum Helenaque, sed alii elocatae matris.

CACILIA



CÆCILIA
Raimundi
Prouincia
comitis filia,
regio orta
sanguine,
cuius pater
Raimundus
a priore
vxore vi-
dum, Bea-
tricem Sa-
baudam A-
madei huius

sororem vxorem duxerat. Est qui Raimundus
eius nominis tertij Tolose comitū eam neptem
fuisse scribat, namque ex eius filia Beraldo-
que Elbenio Masilia dynasta & Aurasorum
principe. Sed ego Paradinum sequor, qui cum
multū aliu in priore est opinione, Matham Pa-
ru auctor est Sabaudiensem quandam, Eleono-
ra Henrici tertij Anglie Regis vxorū (filia hac
erat Beatricū Amadei huius sororū) cognā-
tam, nuptam fuisse Balduino de Ripariū De-
nomie comiti.

BONIFACIUS comes.

CONSTANTIA. Boneri
Cabilonensis, & inde Emanuelis
Castellani, Alfonso Casaris electi
fratris, vxor. Sunt qui Bonifacij
Montisferrati marchionis eo
nomine tertij coniugem fuisse
scribant. Habuit quidem Boni-
facius ille vxorem Sabaudam,
sed cuius ea fuerit filia, nondum
mibi liquet, & vix vt Amadei
huius fuerit fieri possit.

BEATRIX, marchio Sa-
lusiarum nonnulli. pauci enim
eius meminere.

MARGARETA, patri
testamento (inquit Reusnerus)
sacris destinata, Bonifacio nu-
psit marchioni Montisferraten-
si eo nomine quarto.

BEATRIX.

ELEONORA.

DE BONIFACIO COMITE.

SABAUDIÆ comes quintus Bonifacius, Amadeo
patre natus, fuit magna vi & animi & corporis, sed
contemnendis, quam cauendis hostibus melior. Qui
haud dubie ætatis suæ principes omnes iis naturæ doti-
bus antecisset, si fortuna illi super industriam non fuisset,
& gloriæ auidior, ingentes spiritus, rationis circumscri-
bere potuisset cancellis. Commisso quippe, postquam ex
Flandria, vbi Margareta comiti aduersus rebelles filios
opem tulerat, rediit, cum marchione Montisferraten-
si

* *Rinodet.*

atque Taurinensi Astenſique populo ad Taurinum (quam tum urbem arctiſſima premebat obſidione, ſummaque vi oppugnabat) acri prælio, dum hoſtium, quos paulo ante ad Rupellam proſtigarat, vires, ſuis longe maiores, ſtolide ſuperbeque contemnit, vna cum marchione Saluſſiano, iuvene impigro (quem vnum inter intimos, & ſuorum omnium conſiliorum habebat conſcium) capitur, Taurinumque abducitur: vbi cum indignum in modum haberetur, neque libertatis ſpes vlla appareret, fruſtraque Alexander Pontifex eo nomine quartus eius diſmiſſionem vrgeret, adeo vt ſacris tandem Taurinenſibus interdiceret, ex animi mœrore, & quidem cum præbiti veneni ſuſpicionem, Domini anno

MCCLVI.

MCCLVI. vxore non ducta, decedit. Potuiſſet, inehercule, Taurino tum potiri, ſi aut in ſuis aut in alienis conſiliis, conſtantia illi fuiſſet. Verum vbi a viris militariſus perſuaſus non deferendam obſidionem, prælioque abſtinendum cenſuiſſet, ruſus ne alienæ ſententiæ indigens videretur, in diuerſa ac deteriora, iuuenili præceps abreptus æſtu, tranſibat. Sororem habuit ſibi ſuperſtitem, vnicam (vt iego opinor) Conſtantiam: ſed ea præterita, Petrus eius patruus, ex communi ſratrum (qui reuocata in uſum lege Voconia, ſcœminas ab eo imperio tanquam incapaces arcebant) decreto, principatum adiit. Deſuncti corpus, magno re-



deſumptum ære, in diui Ioannis Maurienneniſis ſacra æde conditum

conditum fuit. Incidit in hæc ipsa tempora, diui Ludouici Galliarum regis aduersus Christiani nominis hostes, cum tribus fratribus, & ingenti aliorum hominum multitudine profecti, infelix luctuosaque illa captiuitas.

D E S A B A V D I A E C O M I T E

P E T R O.

P E T R V S Sabaudia, atque Richemondia quoque, Henrici eius nominis tertij Angliæ regis (qui genitam sorore eius Beatrice Eleonoram, vxorem duxerat) beneficio comes, Thomæ Bonifacique comitum, illius filius, huius patruus atque successor, princeps fuit bellica virtute clatus, & ob strenue fortiterq. gestas res paruus Carolus magnus vulgo appellatus. Taurinum, Bonifacij comitis indignam & Taurinensium perfidia festinatam mortem vt vlcisceretur, graui prementi obsidione, per missos ad eam rem explorandam nunciatur speculatores, rei frumentariae penuria oppidanos hætenus haud laborasse (mirabatur quippe vnde tanto tempore arctissime obsessis, commeatus suppeteret) quod socij nauales supra ducenti, grandi illecti ære, paratum ad Padi fluminis ripam ab Astensibus comcatum, dolisque aliquot (quæ inter se concatenata iusto libramento ita temperarent, vt superfusis fluctibus condita, neque subsiderent imumvè peterent, neque hominum paterent conspectui) inclusum, Taurinum, plerisque secundo ea flumine sub aquis ad se trahentibus, protrudentibus autem a tergo cæteris, deportare essent soliti: urinandi quippe periti homines illi, procul hostium conspectu

specu aquam subibant, occultoque lapsu ad urbem usque penetrabant, per fistulas tubulosve quosdam aërem haurientes. Quod cum vicissim illi & per interualla, ne deprehendi fraus posset, facerent, facile dispositis per omnem ripam stationibus, quæ prætereuntes naues obseruarent, impositum fuit. Illis enim exstantium supra aquas fistularum huiusmodi conspectus, defixorum a piscatoribus, quibus scaphæ alligarentur, palorum stipitumve, ex longinquo præbuit imaginem. Sed ea tandem fraude detecta, strato protinus super flumine illo ponte nauali, maximisque, qua maxime flumen patebat (quæ modico inter se distabant interuallo) actis trabibus, importandæ in urbem annonæ facultatem hosti Petrus comes ademit. Quo facto cum in suam protinus potestatem locum cum toto illo tractu redegressus, de consciis necis Bonifacii comitis, graue supplicium sumptum fuit. Maxima præsentium curarum parte ad Taurinum (quam ille urbem, aliquantò tempore post, summo imperatoris beneficio, ditionibus suis adiecit) liberatus comes, conuertit animum ad vindicandas iniurias eorum, quorum in Vaulxio solo a duce* Chophingemio agri vastabantur, pecoraque passim abigebantur. Erat is, quem non postremi inter Germaniæ proceres nominis principem, Imperator (Alfonsum hunc esse crediderim, cui de imperio cum Ricardo Anglo certamen erat) quod Salassios Veragrosque, imperio subiectum populum, caeso quem ab antecessore eius acceptant præfecto, Sabaudis parere principibus Petrus comes coegisset, grauius ferens, prouinciæ illi gubernatorem tum dederat: cui quod ad Vaulxium dominium

* Nonnulli
Zarugia
alijs Zerim-
gensem ap-
pellant co-
mitem.

ius prætenderet, eorum locorum expugnationem cordi ante omnes futuram existimabat : neque enim illi grauioribus tunc impedito negotiis bello illi vacare erat integrum: in Veragros itaque cum vniuersis profectus copiis Sabaudus, Chophingemium, Chillonium, in Vaulxio tractu sitam arcem, negligentius, & nulla castrorum seruata forma obsidentem, celeritate silentioque summis vsus, improuiso opprimit, & milite eius fere omni cæso, capit. Capti quoque cum eo Nydouuei, Gruyerei & Alberchi comites, Granssonique, Montfaulconi & Cossonayi Montaignique dynastæ. Eo lætus successu Sabaudus, Mondouio expugnato, Vaulxio mox, vniuersoq. Auentico, & cæteris ad lacû Lemanum oppidis castellisque omnibus (inter quæ Rhomonum & Iuctdonum) vi partim, partim deditioe potitur. Inde captiuis omnibus ad se adduci iussis, singulari erga eos vsus clementia, omnibus ignouit, cuiusque, quod pro redemptione pendere debuissent, gratiam ea fecit lege vt Sabaudicis proceribus suam iureiurando obstringerent fidem, illisque fidos se obsequentesque in posterum clientes futuros promitterent. Chophingemius iuri omni quod ad Vaulxium agrû competere sibi affirmabat, pro se posterisque suis, in Petri comitis eiusque successorum gratiam in perpetuum renuntiaret, Gruyereus & Alberchi comites, cæterique viri illi nobiles, iurisiurandi, quo Chophingemio, Vaulxij dominij ergo, erant obstricti religione, soluti essent. Vrebat vehementer comitem Geneuensem tot clarus victoriis Sabaudus. Ex eius iraque in Angliam (Eleonoram reginam sororis suæ filiam vti viseret) profecti, absentia, capta occasio-

ne, sparso de morte eius (cuius se rei certa habere indicia passim iactabat) rumore, Vaulxium populum, quorundam ex nobilitate (quos donis promissisque corruptos, in partes suas pertraxerat) ad eam rem vltus opera, ad rebellionem concitat, & Sabaudi præsidio castellis aliquot, in Geneuensis soli sitis confinio, deiecto, suum vti intromittant, author est. Arces habebat duas in Vaulxio tractu, Cleesium nimirum & Roueum: qui in iis erant præfecti militesque, magnam vndique locis finitimis, vti erat imperatum, intulere vastitatem, multosque mortales cum pecore & alia præda, cepere, cæsis grauique affectis iniuria, quotquot ex Sabaudi subditis, negotij alicuius priuati causa, iter illac facerent. Horum omnium apud Angliæ regem existens, certior factus Sabaudus, Faxo, inquit, sciat sentiatque (si permittat Deus) Geneuensis, viuere adhuc Sabaudum, impetratoque ab Anglo rege peditum millium quatuor promensibus sex subsidio, in Sabaudiam, traiecto Oceano, continuatoque die ac nocte itinere, redit, aduentusque sui, præsentia haud opinata, præuenit famam. Diuiso autem protinus milite, Cleesium & Roueum, vno simul tempore, hostem vti diduceret, obsidet. Sed eius se paulo post obsessis voluntati permittentibus, de præfecto vtroque sumptum supplicium, cæteris impune abire permissum. In Geneuensis inde comitis agros tota belli conuersa mole, cum inter Geisum & Nyonem vicos prælio Sabaudus Geneuensisque inter se decertaturi viderentur, Burgundiæ tandem Maufconensisque comitum (quorum ipsorum magnopere intererat eam controuerfiam componi) singulari studio, pax inter eos facta

cta fuit, ea lege vt Sabaudo Geneuensis, pro factis eo bello sumptibus, ingentem pecuniæ repræsentaret summam, vtque captas paulo ante Cleesium & Roueum arces Sabaudus retineret. Dimisso per eam pacem vtrunque milite, per amœno ad Lemanium lacû loco urbem, quam Margesum appellauit, & arces ad hæc in Vienne[n]si solo quatuor, Voironam, sancti Andree, sancti Georgij, & sancti Saphorini (quam diui Sampsonis appellant) Sabaudus condit. In Germaniam inde ad Ricardum Anglum, qui sororis eius Beatricis filiam Sanciam, Eleonoræ Angliæ reginæ sororem, vxorem duxerat, cuique de imperio cum Alfonso rege Castellæ contentio erat (errat quippe Paradinus qui Alfonso tum sublatum, Ricardumque solum rerum potitum scribit; Ricardo enim Alfonso superstes fuit) profectus, cum Sabaudia Mauriennæque intuitu fidem suam Ricardus tanquam imperatori obstrinxisset, in Taurinos, Veragros, Salassios Vaulxiosq. plenum merumque pro se posterisque suis imperium ab eo obtinet. Miror Antonium Simphorianum (qui Sabaudia historiam Gallico conscriptam idiomate ante annos octuaginta in lucem emisit) scribere, Petrum hunc ab Ottone eius nominis quarto, beneficio hoc fuisse affectum: cum in confesso sit Petrum anno demum salutis MCCLVI. ad comitatû peruenisse, Ottonem autem imperatorem multo tempore ante, sæculi nempe illius anno decimo octauo mortalitate interceptum. In Sabaudiam ex Germania reuersus Petrus comes, longo molestoque conflictatus morbo, anno tandem post natum Dominum MCC-MCC LXVIII.

LXVIII. in arce Chilloniam, naturæ concedit, postquam

fratrem suum Philippum, Roma vsque, vbi maiorem partem fuerat, accersitum, hominem alioquin ecclesiasticum, sed nullis sacerdotij cuiusvis insignibus, bonorum suorum omnium & ipsius quoque comitatus instituit heredem: Cui, Antonini pij imperatoris (qui moriturus fortunam auream in principis cubiculo poni asseruarique solitam, ad M. Antoninum philosophum successorem, tanquam futuri imperij insigne transferri iusserat) & Vitellij, qui imperij positurus insignia, assistenti sed aspernanti consuli, exsolutum a latere pugionem, velut ius necis vitæque ciuium reddidisse scribitur, exemplo, diui Mauricij annulum (quo a monasterij quod in Veragris situm, cum populum illum Salassiosque fratris sui imperio subiiceret, abbate fuerat donatus) hactenus apud se asseruatum, futuri imperij tesseram symbolumque tradi imperauit, ea lege vt (ita enim facturum se promiserat) cum ipse gestaret, & successori suo gestandum quamdiu viueret relinqueret, qui & quotquot post eum in Sabaudia essent imperaturi, eadem illa conditione vterentur, ita vt futuris deinceps comitibus omnibus inuestituræ (ita cum vulgo mihi loqui liceat) in posterum seruiret loco. Scribitur idem olim & magnus quoque factitasse Alexander. Qui moriens, postquam interrogatus cui regnum relinqueret, ei qui optimus esset, respondisset, circumferens oculos, ex assidentium amicorum turba Perdiccam delegit, cui detractum digito annulum tanquam optimo & qui sibi succederet dignissimo tradidit. Constantiæ filia: suæ (nam qui improlem obiisse aiunt, mihi falli videntur) Guigoni Allobro nuptæ comiti, quam in comitatum

succedere

succedere ipsiusmet vetuit, (quod Salicæ id Voconixque repugnaret legibus, quæ scēminas ab illustrium dominorum arcent successione) præter legata, sed ea maxima amplissimaque, reliquit nihil. Iustissimum mitissimumque dominum nobiles iuxta ignobilesque luxere, editoque inducendis exequiis mæroris quodam certamine, maiorum in Altæcombæ monasterio monumento intulerunt.



ELEONORA
Foulcignia seu
Foucignia Fouci-
gnij comitū filia.

CONSTANTIA.
aliū Beatrix, Guigoni eo
nomine quarto Albonio
comiti Delphinoq. Vien-
nensi nupta.

DE PHILIPPO COMITE EO
NOMINE PRIMO.

PETRO Philippus frater, Manriciano donatus anulo, succedens, gentile decus magno capeffit animo, qui & Burgundiæ (vt quidam opinantur) ab vxore fuit Palatinus, pacis artibus quàm militiæ maior & clarior, atque ad eam functionem perquam idoneus, si illi vitæ generi iam pridem, Lugdunensi Valentioque episcopatibus, & aliis aliquot ecclesiasticis conspicuus dignitatibus (quas fiduciario omnes iure, Commendam

appellant, possidebat) renuntiare visus non fuisset. Statim enim ut sanctius illud augustiusque vitæ genus deseruit, uxoremque duxit, omnia illi retro & in peius fluere cæpere. Continua illi inualetudo cum esset, capta hinc poincèria sua proferendi occasione Bernates Friburgensesque, & quod (quia belli insolens) armis non assueuisset, iniuriæ oportunus videbatur, cum Rudolpho Habsburgensi imperatore (qui Heluetiis bellum tunc, neque infelici successu, intulerat) fædus faciunt, Sabaudoque loca aliquot, sibi finitima, Partenacum arcem inter hæc, ab imperatore adiuti, adimunt. De qua iniuria grauitèr apud Pontificem questus comes, cum per colloquij quod Lausoni inter Pontificem Rudolphumque imperatorem habendum erat, occasionem, Pontificem apud imperatorem causam suam acturum sperasset, nihil ab imperatore æqui reportare potuit. Quæ cum res vehementer torset, morbumque auxit: quo decennio fere toto exagitatus, finem tandem vitæ anno salutis MCCLXXXV impleuit. Viuus bona sua inter Thomæ fratris sui filios, Thomam, Amadeum & Ludouicum partitus, Amadeum ætate medium, quem non pudendum pœnitendumve comitem Sabaudis fore censebat, Thomæ natu maximò, præclara eius indole, & amore, quod a pueris cum educasset, impulsus, prætulit, & in proximo sibi fastigio collocauit, Sabaudixque comitem, etiam se uiuo, Mauriciano illi annulo tradito (ne fratres scilicet eius aduersus supremam hanc suam voluntatem, se mortuo, moliri quicquam possent) haberi, pecuniamque, eius quæ nomen præferret, cudi voluit: Thomæ autem quicquid eius auus patruusque Petrus in Pede-

in Pedemontano occupassent principatu ; Ludouico baronatum Vaulxium & in Bieugeoisio Veremoisoque solo arces aliquot relinquit. Cæterum cum Thomain ætate priorem, pari nobilitate & hac etiam dignum fortuna, nisi Amadeus potior visus fuisset, grauitèr admodum ferre intelligeret, fratrem sibi a patruo, quem neque verbo neque facto vllò vnquam læssisset, prælatum; supremis cauit tabulis, vt quicumque ex tribus illis fratribus donata sibi parte non contentus, testamentum suum (iudicij sui documentum) impugnare, fratribusve illius ergo controuersiam mouere sustineret, omnibus, quibus a testatore donatus esset, priuaretur, eiusque legatum caducum fieret. Mortem imminere sibi videns denuntiari per præconem in Sabaudia Burgundiaque publice iubet, Si mortalium vllum, cuiuscunque is ordinis aut conditionis esset, læssisset, aut debito inscius fraudasset, is ad se venire ne grauarietur, curaturum, omnibus quam cumulatissime vti satisfaceret. Supellectilem omnem, eamque pretiosissimam, & regia haud inferiorem (maximis quippe gratissimam sibi familiam hanc imperatores regesque & finitimi plerique proceres muneribus fuerant prosequuti) iis qui in egestate essent, Altecombanæ autem Abbatix (in qua maioribus suis vt iungeretur, sepulturæ sibi locum delegerat) vestis ecclesiasticæ varij generis ornatuque, cuius ingens erat modus, plurimum legauit; annuosque monasterij illius proventus vectigaliaque longe fecit auctiora. Defunctum fratris filij, egregie tum cõcordes, & proximorum certaminibus inconcussi; omnibus qui triste funus comitabantur mærentibus; mærentes ipsi extulere, digni,

gni, profecto, tali patruo talique stirpe adolescentes.

De Amadeo proximo scribemus capite. Thomæ autem Ludouicque infra suo loco, cum de minoribus nati in gente hac agemus, plenior fiet mentio.



ALEXIA, siue Alisa Merania (sic eam appellat Paradinus) Burgundia comes palatina, Ottonii palatini Burgundia, Matisconensisque & Viennensis comitis (quem ex Frederico Anobardo imperatore ortum aiunt) filia haresque vnica, qua in Hugonem Burgundia comitem (cui Othelinum, Hugonem & Stephanum filios pepererat) matrimonio cum fuisset, Philippo salutis anno M. CCIXVIII. nupsit. Elias Rennerus Alisiam appellat, & Ottonii Merania ducis filiam fuisse scribit.

DE AMADEO COMITE EO
NOMINE QVARTO.

AMADEVS eius nominis quartus, comes octauus, Magni a corporis partim robore (cui par animus) partim a rebus præclare gestis, sortitus nomen. Thomæ Sabaudi (cui Amadeus eo nomine comes tertius frater) & Beatricis Fliscie filius, Sabaudici comitatus habenas anno MCC LXXXV. post Philippum comitem patruum regendas suscipit: Basgæo quoque & Bressa vniuersa (cui situm innexum Basgæum) Sibyllæ vxoris beneficio potitur. Cum Geneuensi comite Amadeo, Humbertoq. Delphino Viennensi (qui Pedemontanum principem Thomam, per speciem acceptæ a patruo, dum fratri ætate minori postpositur, iniuriæ con-

citare

citare aduersus Amadeum, at frustra, nitebatur) graue diuturnumque vario euentu, & alternante subinde fortuna, bellum gessit, quo vix dum exorto, & in ipsis quasi cunabulis Thomas princeps Pedemontanus, incorruptæ erga fratrem fidei, dum suos in insidias, non procul a diui Andreæ fano, ab Humberto Delphino pertractos, a fuga frustra reuocare conatur, pugnans cadit, cum non leuigentis Sabaudicæ vniuersæ incommodo atque detrimento. Multis enim præclaris animi corporisque conspicuus dotibus, & prælio strenuus & cōsilio bonus erat. Gloriantem ea victoria Delphinum, cum metus, neque vanus is, incesisset, futurum, vti Sabaudus, cui magnæ erant copiæ, fraternæ vlciscendæ necis caussa, arma in se verteret, illi auertendo bello, Geneuensi comiti, vt Ludouici Sabaudi ditiones agrosque inuadat vastetque, author est. Non fefellit ea Delphinum spes: vt enim fratris sui agros populari, vicos ædificiaque passim incendi, frumenta succidi, prædas agi, eius subditos captiuos abduci, cædibus denique grassari intellexit Sabaudus, nisi illata fratribus suis (quorum cæsus alter, alterius destructi vastatique agri) vindicata iniuria, ense latus se cincturum negauit. Cum singulari itaque cura iniurias has vltum ire festinans, Geneuam cum militum non contemnenda manu, summo silentio signisque occultatis, quam maximis itineribus potest, contendit, in hostilesque prius peruenit agros, Geneuensi occupato infessoque ponte (cui, vt tutum liberumque ex Sabaudia in Vaulxium solum fraternasque ditiones, aditum haberet, quam rem magni certatimnis futuram crediderat, præsidium firmum imposuit) quam quid

ageretur, sentire Geneuensis potuit. Qui inopinato eius aduentu vehementer consternatus (neque enim Delphinatu, nisi cædis fraternæ expetitis a Delphino pœnis discessurum, prorsus sibi persuaserat) in fugam se protinus, rebus suis desperatis, dat. Sabaudus victoriæ ea se fuga hosti confessionem expressisse ratus, castellorum aliquot (quibus de comineatu præsidioque abundè prouidit) expugnatione contentus (qua vna re intercludendi sibi ad fraternas ditiones aditus, hosti potestatem ademit) hostem persequi destitit. Diu admodum stetit bellum hoc, maximoque subditorum vtrimque incommodo, dum vrbes aliquot vltro citroque capiuntur, spolianturque, agricultura iacet (vnde fames pelisque, vicina & cohærentia inter se mala, ortæ) gestum fuit, donec per missos a Pontifice, Angliæ Rege & Burgundiæ duce legatos, facta tandem pace, controuersia ea omnis sæculi illius anno **xcviii.** fuit sublatâ. At non diu admodum ea pace gauisi vtrimque subditi sunt. Delphinus enim (qui sua retinere priuatæ domus, de alienis certare, regiam laudem esse existimabat) vbi Friburgenses, quibus suppetias Sabaudus miserat, a Bernensibus prælio victos cognouit, nihil præstiti paulo ante iurisiurandi (quod haud diuturnum vinculum apud audios periculorum, & decoris securos) inotus religione, bellum denuo per eam occasionem, dissuadentibus nequicquam amicis, renouat, grauemque in Sabaudi agros facit irruptionem. Deum obtestatus Sabaudus vti sceleris atque perfidiæ Delphini testis adesset, necessario copias parat, & in hostem ducit, Bellocombamque oppidum ex itinere, cæsis omnibus qui aduersa ferebant arma,

MCCXCVIII.

arma, expugnat, spoliat, euertit. Goncellinum inde (in
eum se locum, non ausus dimicare fortunamque peri-
clitari, Delphinus receperat) cum flexisset, foecialem ad
Delphinum mittit, periurioque & ignauiā, quod se ab-
sente terras suas inuasisset, exprobratis, duelli illi, aut id si
malit, concurrendi cum vniuersis vtriusque copiis, con-
ditionem defert. Abi, respondet ad ea Delphinus (in sen-
sus Sabaudae simulatione praua, quod cum violatione
fidei maculosum egregia fama anteibat) renuncia prin-
cipi tuo, non in vniuersis corporis viribus hominis consistere
gloriam: si aliter ille existimet, habere me tauros quam
plurimos, qui longe hac in parte eum superent. Ad vni-
uersi autem praelij aleam subeundam quod attinet, si
exercitus nunc illi sit instructissimus, futurum prope-
diem ut ego non minoribus instructus copiis, eum, ubi-
cunque locorum sit, ad internecionem persequar. Stati-
ua paucos ibi dies cum habuisset Sabaudus, ubi neque
ab hoste copiam pugnandi fieri, neque res suas diutur-
niorem ibi moram pati videt, quod re frumentaria pa-
bulationeque ab hoste intercluderetur, retro, vnde ve-
nerat, Barrauxia arce, quæ non multum in oppugnand-
o præbuit moræ, ex itinere intercepta, deletaque, insi-
diarum quæ parabantur ignarus, abit. Cæterum ad Sil-
uettem salum cum peruenisset, pecoris plurimum se-
cum trahens, qui in iis locis clam a Delphino in insidiis
conditus fuerat armatus miles, ubi ille præterisset, eiicit
protinus se, extremumque carpens agmen, eandem ma-
ximam facit, cæterisque in fugam actis, captiuos aliquot,
amissæque prædæ bonam recipit partem. Celeriter ad
Amadeum huius cladis fama perlata est: sed cum lon-

gius iam progressum hostem se consequi posse desperaret, in cepto perseverauit itinere, bellum primo quoque tempore redintegraturus, quod haud dubie fecisset, nisi Carolus Siciliae rex Delphinum Geneuensemque illi denuo, pace inter eos facta, reconciliaffet. Oppidum erat ea tempestate non ignobile in agri Pedemontani situm confinio, Iurea: Inuream appellant alij, Eporediamque olim dictam aiunt. Hærebant in ea adhuc pristinae illius inter Guelphos Gibellinosque factionis reliquiae, pari viris faminisque obstinatione in mutuas caedes ruentibus. Cædibus quippe ac incendiis grassari, cognatis ac affinis ultimam vim adferre, & sacra denique non secus ac profana violare, fas esse putabant. Imo virtutis & gloriae ducebant loco, si ad ostendendum factionis studium, maxime crudeles euasisent. Tot tantisque periculis quo defungi in vniuersum semel tandem ciues possent, non alia melior visa via, quam si in Amadei huius ex Sabaudia usque accersiti, ditionem potestatemque communi consensu concederent. Nam quam tollendo illi malo, dum Guelphi Philippum Moreæ principem (cui paternum genus e Thoma Sabauda principe Pedemontano, mater ex Roberto Altissiodorensi Graecorum imperatore erat) Montisferrati marchionem Gibellini, suæ quemque causæ patronum ea lege, ut, principatus inter eos diuisa potestate, alternis imperarent annis, deligunt, viam inierant, ea potius dum superbe auareque nimis dati a principibus illis præfecti ius dicunt, malo facem prætulit. Noluit solus ea tyrannide potiri comes Sabaudus, sed Moreæ principi (cum quo paribus populum illum regeret auspiciis) illi ipsi, cuius paulo ante
memini-

ineminutus, voluit communicatam, nullum inter datos ab utroque magistratus dissidium futurum affirmans, quod Moreus sibi sanguine proxime iunctus, utriusque autem subditi eiusdem gentis nominisque essent. Nec fessellie eum illa opinio: statim enim ut communi utriusque edicto (gloriæ dominationisque certamine inter eos cessante) ne quis factionum harum ullam in posterum faceret mentionem, veritum fuit, studia partium fuere sublata, & controuersia illius memoria una cum ingratissimo utriusque parti nomine, euauit, urbsque ipsa multis casibus defuncta, longa pace cuncta refouente, sub tutela Sabaudicæ mansuetudinis hætenus acquiescit. His intento rebus, & in omnes curas distracto Sabauda, nuntiatur Geneuensem comitem, ex diuturniore eius absentia capta occasione, castellum quoddam, cui Gaillardo nomen inditum, summo studio diligentiaque in Arui fluminis ripa, haud procul a Geneuensi urbe, condidisse, firmoque præsidio munisse, ut quotiescunque in Sabaudiam excursions facere veller, tutus illi semper ad eum locum foret receptus. Eo accepto nuncio, domum, rebus Iuræ ex sententiâ constitutis, properat, hostisque exemplo, in Geisij tractus confinio arcein, quam Marnalzum appellauit, ad finium suorum defensionem, simul ut hostiles ex ea agros infestos faceret, admirabili celeritate exstruit. Maximæ ex castellis hisce editæ utrimque strages, donec Guilelmi Foucignij Geisij dynastæ insigni stratagemate, arx Marnalza capta deletaque fuit. Ad cuius acceptæ cladis rumorein, accurrens propere cum equitum manu Sabaudus, adeo in tempore venit, ut latum insolentem-

que ea victoria hostem & præda graue agmen trahentem, opprimeret, antequam de aduentu eius quicquam ille rescuisset: Foucigniano milite omni, paucissimis demptis, aut cæso aut capto. Foucignio ipsi vix elabendi spatium superfuit. Dum ad Marnalzum eo modo res geritur, Delphinus (qui in Sabaudi perniciem vna cum Geneuensi comite videbatur conspirasse) Sabaudi res ortus obtere, Robertum Mombelium Entremontij dominum, Sabaudi clientem, per Ioannem Albonium fratrem suum, magnis muneribus, & maioribus promissis ad studium sui perducit, efficitque vt exuto erga Sabaudum obsequio, fidem sibi suam obstringat, Entremontiumque suo beneficio possidere palam testetur. Grauitè eam tulit iniuriam Sabaudus, Mombelique detestatus perfidiam, firmo validoque in finitimis Geneuensi solo locis, præsidio relicto, Entremontiam arcem obsidet, & ita mox circumuallat, vt re frumentaria & pabulatione interclusi obsessi, iumentis, equis, gliribus, felibus, canibus, & cæteris id genus impuris animalibus, quæ profana sædaque in vsum necessitas vertit, iam absumptis, virgulta postremo & stirpes & internatas saxi herbas vellentes, Sabaudi se tandem, postquam nihil in Delphino præsidij esse intellexere, voluntati (neque enim alias ille deditiõis conditiones admittere) permittere, & Entremontium illi regulum tradere cogerentur. Entremontio ad pedes sibi abiecto, & pœnam multis lachrimis deprecanti, delicti illius Amadeus, qua erat indulgentia, gratiam fecit. Cuius suæ lenitatis cum tulit fructum, vt admirabili fidei obstinatione forti in posterum eius toto eo bello opera vteretur. Interea dum Entremont-

tremontiam artem Sabaudus obsidet, Geneuensis (qui alium longe eius obsidionis exitum expectarat) hominum quorundā inquietorum (quibus cū & cum Foucignio, affinitate fr̄dereque iamdudum sibi iuncto, consilia clam sua communicarat) opera, in Geneuensem urbem intromittitur. Ea vrbs (obiter hoc dicam) soli loci episcopo (qui ipse vna cum Geneuensi comite, licet omnem is semper mouerit lapidem vt humeris iugum hoc suis excuteret, Sabaudi imperium respicere erat solitus) antiquitus paruit, neque comiti (cuius, late alioqui imperitantis, imperij fines, vrbs muris terminabantur) quicquam in eam urbem iuris fuit. Displicuit vehementer factum hoc ciuibz cæteris, qui pro Sabaudis fidem & arma vsque ad supremum spiritum retinere obstinati, Sabaudicis ilico prolatis signis, Sabaudicoque inclamato nomine, tantisper dum Sabaudus (quem eorum quæ acciderant extemplo fecere certiores) accurrit, urbem fortiter, duce Ioanne Filliersio equestri ordinis viro (qui ad omnia quæ agenda forent, quieta cum industria aderat) tuebantur, & pulsīs cæsisque leui certamine, qui contraria ferre ausi fuerāt arma, reliquis, qui eius coniurationis inuenti conscij, affinesque (Geneuensi fuga iam elapso) catenas iniiciunt, spoliataque eorum aedes funditus evertunt. De illis statim vt in urbem venit Sabaudus, sumpto supplicio, rediit oppidanis concordia. Cæterum arce quæ aliquamdiu restitit, paulo post expugnata, quotquot in ea inuenti, occisione omnes (solis demptis matronis aliquot, quæ ex vrbe in eam profugerant, quibus parcitum fuit) occisi fuerunt. Pulsus quoque paulo post & loci fuit præsul, quod is cum

cum Geneuensi de eo in urbem denuo introducendo, consilia clam habuisse fuisset compertus, Rouereumque (quæ eius parebat imperio arx) a Iacobo Quartio Chabloisij præfecto, vi expugnatum direptumque fuit. Enimvero cum defuncto tandem Humberto Delphino, extinctoque paulo post Amadeo comite Geneuensi, bellum quoque simul sublatum finitumque crederetur, æterna nihilominus hæreditariaque quasi, in liberorum animis paterni illius in Sabaudum odij mansere semina. Geneuensi Guilelmus, Delphino Ioannes (cui Henricus præsul Metensis, frater) filij, successere, optimè inter se, maiorum suorum exemplo, concordēs adolescentes. Bellum itaque coniunctis animis viribusque cum redintegrarent, & plurima agro Sabaudico, ab ea parte qua diui Andreæ sanum est, inferrent mala, filio suo Eduardo, iuueni impigro, & cui par cum illis ætas, in Pedemontanum secessurus agrum, belli illius summam Amadeus committit, bono cum animo esse iubet, belloque & armis rempublicam attollere, sibi pacem domumque curæ fore. Accipere paternum imperium Eduardus (cui principium illa militia fuit) & nobilissimo atque fortissimo quoque ex propinquis, clientibus & amicis euocato, haud temendæ manus ductor, aduersus hostem magna cum cura & mox gloria tendit. Quo (postquam dubio ancipitique aliquamdiu ad diui Andreæ sanum Marte cum illo pugnasset) singulari sua suorumque virtute, tandem profligato, victor discessit, gaudente supra modum ad eius victoriæ nuncium patre, quod cunctis super vota fluentibus, quam de filij sui præclara indole, animo spem conceperat,

rat,

rat, ea quoque se haud frustratum videret. Varius belli huius successus euentusque fuit: & cum nunc hunc, nunc illum, nunquam diu eodem vestigio stare solita fortuna, benignioribus oculis adspiceret, necesse erat, ut destructis breui depopulatisque misere vtrunque agris, qui steriles neque fecundi satis per se, cum minore plerumque quod acceperant scœnore, reddere erant soliti, intentisque alimentorum pretiis, plurimi indies fortunis prouoluerentur, & graui rerum omnium pressi inopia, solum tandem verterent, donè eorum diuturnioribus moti malis calamitatibusque, viri aliquot graues, & magni vtrunque nominis, inter quos * Tarentesius archipræsul, Moreæ princeps, Guigo Allemanus Valbonnois regulus & antistes Gratianopolitanus (qui docta elegantique oratione plurimum ad eam rem contulit) pacis parti vtrique fuere authores, quæ ipsis conciliantibus tandè cum coïisset, Guilelmo comiti Geneuensi Agnes, Foucignio Maria, Sabaudi filia, nupsere. Non amplius biennio ea stetit pax. Delphinus enim (nam reliqui duo datam socero fidem violare, sollicitante licet Delphino, nefas duxere) oblatam præter spem potiundæ Ambrunayæ (ad pontem Ainsium cum opulentissima abbazia situm oppidum hoc) occasionem omni fide potiozem habuit. Monachi eo in monasterio inter cæteros erant tres, ex Delphinatu oriundi, præter animum ad flagitia præcipitem, inimici antistitis sui, comitis Amadei propinqui, viri sanctis moribus integerrimæque vita, quod ab eo vitiorum suorum grauib. seriisque verbis subinde admonerentur. Hi cum admoniti nihilo fierent meliores, neque resipiscerēt, duriusque idcirco ab Abbate,

* Centraues
appellant.

iuxta monasterij præscriptum legesque haberentur, in hominis optimi, ipsi scelestissimi, clam conspirantes necem, ad rem atrocem animum adiiciunt. Delphinum itaque (cui se principi rem longe gratissimam facturos, si oppidum vna cum monasterio illi traderent, haud erant nescij) per speciem inuisendi parentes adeunt, multisque illi verbis Abbatem hunc hostem illi esse infestissimum, sinistroscque passim de eo sermones cum non leui nominis eius ignominia ferere, grauitertque ferre si aliter quis sentiret aut loqueretur, odisse etiam, indignisque tractare modis (cuius rei ipsi fecissent periculum) quocunque ex Delphinatu eo locorum commigrassent, persuadere conantur. Prouecti longius, Abbatem abbatiamque & simul oppidum ipsum, si præsidium acciperent, furtim tradituros se pollicentur. De Abbate, parum sibi curæ esse, quæ nam eum fortuna, quisve maneret exitus, respondet Delphinus: at oppidum sibi si tradant, summi se beneficii id habiturum loco. Vbi asperatum Delphinum, & posse Abbatem perueri, satis hominibus illis facinorosis patuit, in monasterium ilico redeunt, intromissoque, ea quæ insequuta est nocte, per auersam monasterij portam, quem a Delphino in eam rem acceperant, milite, Abbatem in ipso sacræ ædis vestibulo (præcibus enim matutinis pro recepto more decantandis, ad templum illo ipso tempore properabat) comprehendunt, & ad multo ante præcogitatum reuoluti facinus, injecto cœruici eius laqueo, ex fenestræ cuiusdam transuerso tigno suspensum, nefariis manibus necant. Quo scelestissimo patrato facinore, Delphini mox palam proferuntur signa, illius inclamatur nomen: facinorosi

norosi autem monachi illi monasterij in se suscepta pro-
 tinus procuracione, in suam suorumque rem monasterij
 profectus omnes conuertunt, mirantibus mortalibus
 omnibus facinus adeo nefandum conscio Delphino
 perpetratum. Et mirum me hercule erat, vitum cano-
 bilitate ita temere vitæ profligatissimæ monachis fidem
 habuisse. Sed quid non designat suo nutuquam conten-
 tus, & alieni appetens semper animus? Vtinam nostro
 hoc deploratissimo ævo non eadem cæcitate plerique
 mortalium (eodem auaritiæ abrepti æstu) laborarent,
 indignioraq. his committerent! Quam velim coruli
 semper animis illud Iulij Cæsaris obuersari! Consue-
 deos immortales, quo grauius homines ex commuta-
 tione rerum doleant, quos pro scelere vlcisci velint, iis se-
 cundiores interdum res & diuturniorem impunitatem
 concedere. Quamquam ad monachos hos quod atti-
 net, non diu admodum tantum facinus tulerunt impu-
 ne. Sabaudus enim, ut quæ ad Ambrunayum accide-
 rant, intellexit, non contemnendam ilico, rei indigni-
 tate commotus, equitum peditumque eo misit manum.
 Hi cum summo silentio & sine strepitu vllò iter facere
 iussi, Ambrunayo statim ut in conspectum venire,
 potui sunt, cæsisque qui Delphini nomine locum inua-
 serat, comprehensos monachos, totius huius tragediæ
 auctiores, & compedibus vinctos, ad ecclesiasticum cui
 subiecti erant magistratum (ita imperarat Amadeus)
 puniendos ablegant. Grauius factum hoc ferens Del-
 phinus, ruptæ pacis culpam in Amadeum comitem,
 quod urbem nihil ad se pertinentem, vi occupasset, con-
 ferre. Cum iis itaque quas apud se tum habebat copiis

in Verboynecos irruptionem facit, Mirebellumque arcem obsidet: qua deditione, an præfecti (quod quidam opinantur) prodicione (aiunt enim ipsummet Delphinum prodicionis paulo post ab eo exegisse pœnas) incertum, potitur tandem. Cæterum vbi Amadeum comitem, vtriusque generi Austriæque ducis, & propinquorum suorum, Roberti præsertim Burgundiæ ducis (cuius filiam Blancam, Sabaudi filius Eduardus, vxorem duxerat) auxiliis confirmatum, maximas aduersum se copias ducere intellexit, in Delphinatum euestigio, arce illa restaurata, validoque munita præsidio, & cominitu in eam subuecto, traiecto rursus Rhodano, rediit. Admirati subitum hostis discessum Sabaudus sociique procures, eiusque, quod hoste non viso, in fugam se dedisset detestati ignauiam, diui Germani sanum (in Bieugeoisii soli ingressu situm oppidum, peropportunum ex Bressano agro in Sabaudiam ire volentibus) exercitu in eas oras ducto communi consilio obsident: sed cum longam obsidionem, magno sibi ad cætera impedimento viderent fore, neque ita facilis esset expugnatio (quod Delphinus quæ parabantur a perfugis edoctus, de iusto præsidio, re frumentaria, cæterisque ad diuturniorem obsidionem tolerandam rebus necessariis, abunde oppido prospexisset) stratagemate quodam vti constituunt. Obsidionem itaque præter obsessorum spem opinionemque solvunt, & quasi ad Languienum oppugnandum totis castris properarent, præ se ferunt. Cuius rei per speculatores certiores facti obsessi, oppido illi vt succurrerent, breuiore itinere ac per tramites occultos, hostem prauertendum rati, diui Germani relicto fano, Languienum

guicenum citato festinât gradu. Sabaudus quod volebat, consecutus, conuerso opinione citius itinere, diui Germani fanum repetit, obsessumque aliquamdiu locum (frustra qui egressus paulo ante fuerat, regredi conante milite) vi capit, non sine suorum (fortiter sese tuentibus oppidanis, qui ad vnum cæsi omnes) insigni strage; arcemque, quæ aliquamdiu adhuc tenuit, præfectus, a comœatu instructissimam licet, quod militem fere omnem amisisset, dedere tandem coactus fuit. Admiranda profecto militum eo sæculo erga duces fuit obseruantia, ingens obsequium. Oppidum vi licet miles, & quidem cum graui suorum occidione, cepisset, & in prædam sibi idcirco dari non iniuria deposceret, a spoliatione tamen, quod ita Sabaudus cæterique proceres (quibus durum videbatur, cum cæsis oppidanis propemodum omnibus, nulla fere eo in oppido vacta a luctu domus esset, grauioribus miserum populum calamitatibus premere) missis per urbem præconibus imperarent, abstinere. Graui quoque edicto, pluribus passim per vicos plateasque erectis crucibus, matronarum virginumque pudicitia, (cum sempiterna eorum principum laude) consultum fuit. Neque militum fuit quisquam, qui vel abiectissimo scorto vim inferret. Ambricuo inde oppido vi quoque expugnato, maximis, qui subsidio venerant, donati muneribus, ad suos rediere. Vehementer vtriusque oppidi amissione consternatus Delphinus, Guigone filio, & bonorum suorum omnium, & inueteratissimi simul illius aduersus gentem Sabaudicam odij, successore relicto, ex animi incerore paulo post decessit. Annus iam aderat Domini millesimus trecentessimus; &

MCCCIII.

quartus, quo, cum Philippo Galliarum regi ingens aduersus Flandros (qui memorabili illa de Gallis ad Cor-
 tracum parata victoria, ferociorés, induciarum, quas cum
 rege fecerát securi, in bello nihilominus perseuerabant)
 exercitus esset educendus, vt quas Sabaudus Delphinus-
 que in mutuam perniciem instructas multis iam annis
 habebant copias, iis eo bello vti posset, omni ille studio
 inter eos vti pacificaret, laborauit. Qua tandem procu-
 rata pace, & milite vtrinqué dimisso exauthoratoque,
 equitatus omnis, & peditum magna manus ad eum pro-
 tinus transiit, adeo vt supra trecenta hominum armato-
 rum millia, in exercitu suo Gallus (si veri annales) ha-
 beret. Copiarum quas Gallo Sabaudus auxilio misit,
 Eduardum filium (quem equestri paulo post gladio
 rex Gallus cinxit) præfecit. Cuius cæterorumque proce-
 tum, qui subsidio venerant, singulari virtute, victoriam
 tandem, dubio ancipitique aliquamdiu licet prælio, de
 Flandris rex reportauit, cæsis millibus supra triginta, &
 plurimis captis. Intoleranda eo tempore plerosque sitis
 in regio exercitu exstinxit: Antissiodorensem comitem
 inter cæteros. Flandris in vniuersum tandem debellatis,
 dona amicis cæterisque qui subsidio venerant, pro cuius-
 que merito, rex dedit. Eduardus in Sabaudiam rediit.
 Sunt qui scribant, Amadeum hunc eiusque successores
 hæredesque ab Henrico Luxemburgensi imperatore,
 quod ipse maioresque eius imperatoris orti sanguine, ita
 de imperio meriti essent, quodq. in Italiam euntem im-
 peratorem per ditionis suæ fines concessio transitu, regio
 vbiq. apparatu, in omnibus imperio suo subiectis lo-
 cis, excēpisset, & Berna vsque, Romam, eius coronatio-
 nem

nem augustiorem sua præsentia vti faceret, deduxisset, imperij in Astenſi oppido renuntiatos principes. Cæterum quia ſæculi illius anno decimo, ipſo Aſſumptionis virginæ feſto die, Amadei huius vnus potiffimum virtute fortitudineque, Rhodus inſula in Chriſtianorum venit poteſtatem (in qua ad annum vſque MDXXII. quo, toties fruſtra Turcis petita obſeſſaque, a Solimano tandem per vim capta fuit, perſeuerauit) & Magni meruit nomen, & vt Sabaudia inſignia, quæ eadem & imperij erant (Saxonia ducum, ex quibus Sabaudici orti proceres, inſignibus interſtincta hæctenus) ſcuti equitum Hieroſolymitanorum ſodalitij Ioannitani, cruce ſcilicet argentea in rubri coloris clypeo, ipſis petentibus equitibus (qui Rhodo ab imperatore Conſtantinopolitano donati tum; Rhodij ab eo tempore equites dicti fuerent) in nauatæ virtutis præmiũ decòrarentur, vtque ædibus, quas Lugduni ſitas habebant equites Templarij (quorum funditus ea tempeſtate extirpatorum, iure ne an iniuria variant annales, bona Ioannitanis ceſſere) ab eius ſodalitij præfecto donaretur. Errant graui-
ter quippe, qui Amadeo eius nominis ſecundo per Sabaudiam imperante, Rhodum captam, cæteraque, quorum meminimus, contigiffe aiunt. Ortum ab Rhodi hac expugnatione ſymbolũ illud quadrilaterarium
P E R T. Sabaudicæ ab eo tempore familiæ proprium manſit. Variæ ſymboli huius traduntur interpretationes, & pleræque proſus abſonæ: veriſſima illa, qua
FORTITUDO EIVS RHODVM TENVIT; eo ſignificari plerique autumant. Aueniõnem poſt collocatam Leopoldo Aſtrici duci filiam ſuam Catharinam profe-
ctus

MCCCXIII.

ctus vt genero suo imperatori Constantinopolitano
 suppetias aduersus Christiani nominis hostes procura-
 ret, sæculi eius anno **XXIII.** idibus Octobribus decedit,
 & in Altecombano monasterio sepelitur. Scribitur
 Amadeus hic quod sex illi vxorique eius vno eodem-
 que tempore per nocturnam quietem visi infantes, qui
 flexis Deum orabant genibus vt comitem Sabaudum
 eiusque vxorem, sobolis compotes facere dignaretur, in
 Cluniacensi monasterio sex infantium, qui pro Sabau-
 diæ principum salute statas perpetuasque Deo dicerent
 preces, instituisse collegium, cui peropimos annuos con-
 stituit prouentus. Singulari quippe diuini numinis dis-
 pensatione accidisse sibi persuaferat, vt sibi suæque vxori
 infantes illi apparerent, præsertim postquam vxorem
 suam, sterilem hæctenus, grauidam ex eo tempore fa-
 ctam cognouit. Eius collegij (cui **CONVENTVS SAN-**
CTVS, quod etiamnum hodie obtinet, inditum nomen)
 legibus cautum inter cætera fuit, vt simul atque aliquem
 ex hisce infantibus, tale quid quod castis innocuæ illius
 ætatis moribus repugnaret, & malitiæ præ se ferret spe-
 cimen, designare contingeret, illo moto, alius protinus
 in eius substitueretur locum. Cautum quoque, vt, co-
 rum infantium aliquo, ea ætate ex luce hac decedente,
 non aliæ in æde illa sacra, in qua sepeliendus esset, dice-
 rentur preces, quam quas diuis Innocentibus festo die
 cani consuetum est. Videtur Amadeus, si verus Paradi-
 nus, filium quoque habuisse Ludouicum. Scribit enim
 Amadeo eius nominis sexto, ex Amadei huius filio
 Amadeo nato, patrum fuisse Ludouicum & simul tu-
 rorem, cumque decessisse paulo post Amadeum quin-
 tum

tum fratrem suum. sed labitur ille, & eorum quæ paulo ante vere dixerat, haud meminisse videtur, Ludouicum nimirum Amadei sexti tutorem, Amadei quinti (sexti patris) fuisse cognatū, patruelem scilicet, & ex Ludouico Vaulxio natum. Sunt qui tertiam Amadeo huic ascribāt uxorem, Delphini scilicet Viennensis filiam: sed mihi ea de re compertū nihil hactenus. Referunt Hollandiæ annales dignam (in eo iudicio) quam obiter hic ascribamus rem. Imperabat sub hæc ipsa (inquiunt) tempora per Hollandiam Florentius eius nominis quintus, is ipse quem Gerardus Velsius, inauditi antea facinoris, cum Ghysberto Amstelio, Hermannoque Woerdeno focero, societate inita, per insidias captum, & viginti vnoque confossum vulneribus, infami parricidio trucidauit. Hic variis crebrisque cum Frisiis Flandrisque commissis præliis, cum nobilitatis meliorem amisisset partem, & plerosque etiam grauis, quæ per ea tempora grassata fuit, pestis sustulisset, optimum atq. opulentissimum quemque in Hollandico agro, ex eo hominum genere qui rem tractabant rusticam, conquirit præcepit. Singulorum inde moribus facultatibusque spectatis, se creuit a vulgo, quorum virtus opesque eminebant: Quadraginta hi fuere, nouæ nobilitatis seminario destinati. Hos ipso Dominico natali festo die, sub salutis annū MCCXCV. Hagamcomitis, in regiam adduci iussos, postquam communicatis consiliis, liberaliter accurateque adhibitos solenni conuiuio habuisset, remotis tandem epulis, in equestrem cooptauit ordinem, qui honoris amplissimus gradus, clypeoque (quod acceptæ nobilitatis, quam in posteros transfunderent, esset insi-

gne) donauit. Admonitos deinde, quando in id fastigium recepti essent, vt obliti status, quem suo beneficio exuissent, præclaris in posterum, & dignitati quam obtinerent conuenientibus animum intenderent actionibus, dimittit. Magnam ea res comiti, apud eos in quorum familiis vetus nobilitas, (qui in contumeliam factum hoc accipientes, mancipiorum eum passim deum appellabant) inuidiam constatle scribitur. Quasi vero vlla existat nobilitas, quæ non ab huiusmodi aut his non absimilibus paruis exilibusque initiis, & olim apud Romanos rerum dominos (cum Fabij, Lentuli, Cicerones, Pisones ex agris ad imperia vocarentur) & hoc nostro maiorumque nostrorum æuo per virtutem (in cuius actione illa consistit) ortum habeat. Legimus, magnum illum Alexandrum Macedoniæ regem, cum Alexandriam urbem in Tanais annis ripa condidisset, incolas nouæ vrbi dedisse captiuos, quos, reddito pretio dominis, liberarat, quorum posteri (inquit Quintus Curtius) nunc quoque nondum apud eos, tam longa ætate, propter memoriam Alexandri, exoleuerunt. Præclare mehercule Cicero, cum cognomen suum (vt Hadrianus Iunius, vir raræ reconditæque eruditionis, author est) ob ciceris leguminis vilitatem, fastiditum atque inuisum intelligeret, amicis aliud sumendum suadentibus, respondit, se nomen Ciceronis longe redditurum illustrius, quam vel Catonum, vel Catulorum, vel Scaurorum. Quæ cum primis illustres apud Romanos familiæ erant. Quare grauem mihi hominum (quos in nobilium alium a Florentio comite relatos ostēdimus) posteris iniuriam fecisse videtur, quinquis historiæ huius

author est, quod eorum simul nomina non ediderit. Omissum id fortassis ab eo, ne tam vilia prodendo exordia, eorum animos offenderet. verum meminisse debebat, eadem fere (vti diximus) vbiq; gentium veræ nobilitatis, & quæ virtutis præmiu sit, rudimenta cunabulaque esse, & humili obscuroque, aut saltem minus generoso loco ortos, stirpis sæpe suæ propagini & ex se genitis virtute patrum generosum (inquit idem Iunius) nomen & titulum, quasi transcriptum relinquere. Sed natura mortalium hoc quoque nomine praua sinistraque dici potest, quod maiorum nostrorum (quos æmulari aut nolumus aut non possumus) tædium nos capiat, & quo degeneramus magis, longiusque ab eorum integritate, simplicitate, candore, fide, cæterisque quibus clariuere, nomenque sibi atque ingrata posteritati peperere, emigramus virtutibus, eo magis eorum nos, qui vmbra virtutis potius, quam virtutem ipsam amplectimur, pudeat pœniteatque. Quanquam non postremas ego inter familias nobiles tenere existinem, qui ab illis genus ducentes, suamque ad eos originem referentes, per tot annorum spatia (trecenti enim & amplius effluxere anni) nominis sui claritudinem, nulla degeneris affinitatis sordidæve functionis intercurrente labe, queant extendere.



maria Lugdunum Saonamque vsque
proculisse scribitur.



MARIA Brabantia, Ioan-
ni Brabantia duci eius no-
minis primi & Margareta
Flandra, (cui Guido Flan-
dria comes pater) filia, Mar-
gareta, qua Henrico Lu-
xemburgensi Domini anno
MCCXCII. nupserrat, soror.

SIBYLLA
Bressana Vlr-
ci Bressani &
Basgei comi-
tis filia. Qui
comitatus per
matrimonium
hoc in fami-
liam Sabaudi-
cam transiere.
Sibylla hac
Bressani co-
mitatus po-

EDVARDVS. }
AMADEVS. } comites.

ELEONORA (Constantiam appel-
lant alij) Guilelmi Cabilonensis Al-
tisiodorensis & Tornoduri comitis
vxor, cui Ioannam filiam peperit, qua
Roberto, Roberti Burgundia duci fi-
lio tertio genito nupta, Tornoduri
eum fecit comitem.

MARGARETA Ioanni marchioni
Montisferratenfi, qui ad stirpem
Aleranam originem suam referebat,
nupta fuit.

AGNES, cui vir Guilelmus comes
Geneuensis.

IOANNES. } horum duorum pau-
BONA. } ci meminet.

MARIA, cui vir Hugo regulus Foucignij.
CATARINA, Leopoldo Austria duci Basilea
Domini anno MCCCXXI. nupta.

IOANNA seu Iana, vxor Andronici Paleologi im-
peratoris Byzantini, fortassis Andronici iunioris: se-
nior enim iunioris auius Iolandæ Montisferratensem
habuit vxorem, ex qua natus Theodoricus, cuius filia
Iolenta Amadeo Sabaudia comiti, Amadei huius fi-
lio, vxor fuit. Sed & iunior aliam quoque habuisse
scribitur vxorem, Annam nimirum Alcmannam.
Fortassis aut huius, aut illius Andronici altera fuit
vxor. Emanueli enim, senioris filio & iunioris patri,
Maria Armeniaca nupta fuit.

BEATRIX, cui vir Clarentia in Anglia dux.
Sed qui hic Clarentia dux fuerit, mihi non liquet.
Leonellus enim, qui id temporis vixit, vxores habuit
duas, sed alias ab hac. Est qui scribat eam vxorem
fuisse alteram Caroli Roberti Hungaria Regis Ca-
roli Martelli filij: sed in errore versatur: Beatrix
quippe illa filia fuit Henrici septimi imperatoris.

BLANCA, Galeacio secundo Mediolani nu-
pta principi.

EDVARDVS Sabaudia comes nonus, Amadei proxime antepositi, cui, diui Mauricij, anno post natum Dominum MCCCXXIII. mense Octobri, accep-^{MCCCXXIII.}to annulo, successit filius, ita ab adolescentia vitam instituit, ut auro patrique (ut erat acri atque impigro ingenio) in omni virtutum genere simillimus euaderet. Magna in eo militiae (cuius exercitium ceteris omnibus præferebat) erat scientia, cui clementiam summam coniunxerat, hosti qui strenue rem gesserat, ingentem ab eo cladem accepisset licet (quod in Sessainia atcis apparuit expugnatione) parcere gloriosum sibi ducens. Liberalitatis (qua nulla dignior magno principe virtus) usque adeo erat amans, a prodigo parum uti abesset. Cui rei modum nullum cum faceret, excederentque longe annuos eius prouentus, maximi, quos quotidie faciebat sumptus, subditum sibi populū solito longe maioribus tributis uti premeret, necesse omnino fuit. Hugonem Foucignium, sororis suæ Mariæ virum (cui iuuenili temerarioque consilio, cuius solam dominandi libidinem causam habebat, nunquam ab eo laxus, atria intulerat) præliis aliquot, eo præsertim, quod ad Alingesium Sabaudorum parentem atcem, quam Delphinus obsederat, commissum, cum superasset, maximasque eius subditis, Montforchieria & Sessainia deinde (quæ Geneuensis comitis imperium respiciebat arx) inter ceteras expugnatis, Beaugesque (quod Foucignius paulo ante castellum intrauerat) recepto, & Lucingeo

oppido vna cum arce vi capto, clades intulisset, acri tandem ad Vareiam (Montem Mortarij appellant alij) commissa pugna, in qua & strenui militis & boni imperatoris officia simul exequiebatur, cladem insignem accipit, exercitu prope vniuerso, quem, hostilibus contemptis viribus (quæ copiarum, quas Guigo Delphinus, Guilelmus Geneuæ comes, cui Amadeus filius successit, & Hugo Geneuensis, Guilelmi comitis frater, adduxerant, accessione, maximum acceperant incrementum) vinci non posse, (minus iam cupiditatibus suis, inter obsequia fortunæ, temperans) sibi persuaferat, delecto profligatoque, ducibus aut captis (in quibus Robertus Burgundus Antusierensij comes & Beauicussij regulus cum Amadeo Challanno, Fenicis in Pedemontano solo domino, cuius magna apud Sabaudum erat auctoritas) aut cæsis. Captus quoque ipsiusmet Eduardus fuit comes: sed æcurrentibus protinus, ad Guilelmi Bourgij (quem equestris ordinis virum longa ætas gnatum militiæ fecerat) clamorem, Hugone Bozelesio, nobili & impigro iuvene, Guilelmi filio, Entremontioque regulo, hostibus eripitur, nequicquam iis qui manus illi iniecerant, Alberti Sullonnagei, (qui haud procul aberat) missio tubicine, auxilium implorantibus: Ille enim prælio alibi intentum se, neque discedere inde posse simulans, seruatae olim ab Eduardo vitæ sibi beneficium, simili beneficio compensare voluit. Ad Galliarum enim regem a Delphino missus legatus, cum interfecto in regis conspectu Ægreuilleo, regij palatii præfecto, in præsentissimo vitæ periculo versaretur, Eduardi, qui tum forte fortuna adextas, precibus supplicio subtrahætur fuit.

Apparet hinc, nullum male collocari beneficium, quod in homines probos & virtutis amantes confertur : & vt nihil tam firnum, cui periculum nō sit, etiam ab inualido, ita quoque mortuum nullum esse, cuiusque deum is fortunæ conditionisve sit, qui non aliquando vel maximo potentissimoque principi vsui esse & laboranti succurrere possit. Quod diuini haud dubie Numinis singulari providentia dispensationeq. accidere ita solet, ad mutuæ hominum inter se societatis conseruationem. Hugoni Geneuensi Vareia illa parebat arx, quam obsessam sibi proculdubio subiecisset Eduardus, & gloriæ prædæque plurimum partum fuisset, si felicitati suæ frænos imponendo, aut gloriam cum modo, aut prædam cum cura habuisset, neque decem dierum, ad extremas iam redacto angustias hosti, vt, si interea temporis non succurreretur, arcem dederet, concessis induciis, suæ sibi cladis, accurrente ad soluendam obsidionem cum magna hominum multitudine Geneuensi, ipsemet author fuisset. Cæterum dum Britannia Burgundiaque ducum generi socerique implorata ope, nouum denuo abluendæ prioris ignominia labi, exercitum instruere parat, in Parisiensi ecce vrbe (quo, vt a Gallo quoque rege auxilia accerferet, fuerat profectus) morore, quem, ob rerum paulo ante præclare gestarum gloriam aduerso eo prælio defloratam, animo conceperat, consumptus, Domini anno MCCXXIX. moritur, maiorumque suorum in Alceombæ monasterio sepulchro inferitur. Talis eos plerumque manere solet exitus, qui, quietis saturi, bellum, suis consiliis viribus, temere, animi solummodo oblectandi causa, aduersus eos suscipiunt, a quibus neque

laceffiti.

laccessiti neque læsi vnquam fuisse. Acerime quippe desinere plerumque solet, facile quod ab iis, qui quo plura habent, acius quæ non habent cupiunt, & satietate famem (vt quidam ait) parant, sumitur bellum; Deo nimirum pacis omnis authore, oppressorum per iniuriam, patrocinium in se suscipiente. Prudenter mehercule populus Romanus vti illatas sibi iniurias bello acerime persequi solebat, sic nūquam sine causâ, nec fere nisi prouocatus, arma aliis inferre consuevit. Libet obiter hic ascribere, quæ sub hæc ipsa incidit tempora, cognitione profecto haud indignam: vnde talium audio lectori appareat, quam sint hominum plerorumque, etiam doctissimorum, fluxæ, dubiæ, incertæ, atque etiam sæpe (quod magis mireris) ipsæ sibi aduersæ, vel in eiusdem quoque argumenti disceptatione, sententiæ, quorum tamen si conscientiam appelles, ea pro vtriusque causæ defensione adferent argumenta, eas rationes (etiam ij, quibus cæcis auaritia, omnia honesta atque inhonesta vendere mos est) vt præter vnâ solamque æquitatem, nihil ob oculos habuisse videantur. Quam quoque incertæ fragilesque iis possessiones hæreditatesque sunt, quibus earum retinendarum causâ, iudicio sisti, litemve sustinere necesse est, iure quantumuis optimo illi nitantur, præsertim si aduersarius obtingat, qui præpotentis alicuius (cuius commendatio vim necessitatis adferat) innitatur patrocinio. Cæso ad Cortracum sæculi huius anno secundo, inter procures cæteros, Roberto Atrebatensi comite, cum Robertus eius ex Philippo filio (qui eo viuo decesserat) nepos, repræsentationis illi iure eo in comitatu, vti contendebat, succedere deberet,

deberet, senatus Parisiensis (Parlamentum appellant) Mathildi Philippi forori, Robertique iunioris amitæ (quæ Ottoni Burgundiæ nupserat comiti) causâ cognita, Philippo Pulchro rege Præsîde, bonorum illorum controuersorum possessionem adiudicauit, nequicquam se iure potiozem clamitante Roberto. cui ne omnino priuatam vitam ageret, comitatus Bellomontanus, multo minoris dignitatis, ac opibus tenuis fuit attributus. Præbuit ea res (eam ipsam præsertim sententiam, eodem illo Parisiensi senatu, sæculi illius anno xxxi, in Philippi Valesij Regis gratiam, confirmante) grauissimis quibus Gallia multis ab eo tempore annis agitata fuit motibus, occasionem, maximamque in hominum animis peperit admirationem: præsertim postquam vix toto ab eo tempore elapso decennio, diuersum prorsus in simili plane causâ iudicium ab eo ipso senatu, illo ipso rege sententiam primo loco dicente, ferri viderent. Habet ea res in hunc se modû: Ioannes dux Britannia, Petri & Ioannis rufi, ducum, huius filius, illius nepos, Lugduni oppressus ruina muri, filium Arturum reliquit. Is dux, duobus deinceps matrimoniis liberos tulit: ex Beatrice vicecomite Lemouicum, & Auennarum in Annonibus domina, procreauit Ioanem tertium ac Vidonem: ex Iolantide comite Montefortis progeniuit item Ioannem, cui nupsit soror Ludouici comitis Flandri. Ex Vidone nata est Ioanna & cognomine & offenso corpore Clauda. Ioannes tertius dux nullos genuit liberos, superstes fratri Vidoni. Is Claudam fratris filiam nuptui dedit Carolo comitis Blesensis minori filio, ex Margareta Philippi Valesij Franciæ Regis sorore susce-

Paulus Æmylius sub initium libri noni sua historia.

pto. Mortuo Ioanne, eius frater item Ioannes iure materno comes a Monteforti, affirmans se legibus vocari ad Britanniam obtinendam, Nannetes occupauit, frater-
numque aurum, quod in Lemouicum arce asseruaba-
tur, illuc profectus, sibi depromi iussit. Exin Brestum,
quod oppidum arceinque præsidium Caroli Blefensis
insederat, regressus ad deditionem compulit, Rhedo-
nes etiam in potestatem redegit, & Veneri se aduenien-
ti dedidere. Postulabat ab rege Franco, vt se in fidem re-
ciperet, Britannæ ducatum esse beneficium Francorum
regum. Aduersarium habebat Carolum Blefensem. Is
vixoris Claudæ causam agebat, illam esse Vidonis fi-
liam, qui pater si viueret, sine controuersia successurus
fuisset Ioanni tertio defuncto, quod ab eo frater secun-
dus natus foret: Ioannes verò, qui nunc fratrum reliquus
esset, tertius numeraretur: ac æquum esse, eodem loco fi-
liam haberi, quo pater si viueret haberetur: hoc in mul-
tis aliis publicis priuatisque causis constitutum obser-
uatumq. Ille contra tendebat: testabatur recetem etiam-
num memoriam, & id quod secuti fuissent patres Pari-
sienses Franciæque compares in comitatu Atrebatensi
adiudicando Mathildi amitæ, excluso Roberto fratris
filio. Quod si mulieres in hæreditatibus paternis præfe-
runtur fratrum iam mortuorum filiis, multo æquius es-
se, se virum, se patrum, præferri feminæ Claudæ, fratris
iam mortui filiæ: quando iam in Roberto Atrebatē hu-
ius causæ præiudiciū factum sit, filios filia seu patrem
in ducatibus comitatibusque non referre, non eodem
loco non eodem iure censendos. Se Ioanni tertio duci
fratri vno gradu propiorem esse, quàm Claudæ fratris fi-
lia

lia sit. Hæc plurimis verbis summaque contentione in senatu, sedentibus comparibus, præside rege, acta. Secundum Blesensem sententia lata, statutumque aliam aliorum ducatum comitatumq. causam: nec Atrebatenses eodem iure agere quo Britannos. In causa Atrebatensi palam factum edoctosque iudices, eodem mulieres iure quo viros esse ad comitatum Atrebatensem obtinendum, nec patrum representandorum consuetudinem in Atrebatibus receptam. Ioannes id iudicium non æquo, iureve, sed in gratiam regis, qui Blesensis auunculus esset, factum ratus, relicta in Nannetibus vxore filioq. Ioanne adhuc puero, ac amicorum fidelissimis, qui res interea tutarentur, in Angliam, quo Atrebas antea pari dolore traiccerat, profectus, cum Eduardo rege fœdus percussit. Ius (inquit tandem Paulus Æmylius, quibus verbis eum sermonem finit) causaque dubia, vtrum patrui an fratrum filij ad res imperiaque obtinenda vocandi sint, ingentium toto terrarum orbe motuum origo exstitit.



BLANCA Burgunda, Roberti eo nomine tertij, & Edui Burgundia-
 ducum, illius filia huius soror. Soror quoque Ioanne Philippi Valesii Galliarum regij vxorij.
 Qua Lutetia Parisiorum Domini anno MCCCXLVII. ex hac migrans luce, iuxta maritum tumulatur.

QVINTO.

EDVARDO antedicto rebus humanis exempto, Amadeus eo nomine quintus frater eius Auenione, vbi tum temporis apud Ioannem Pontificem eius nominis vicesimum secundum, degebat, euocatus, diui Mauricij annulo, ab eius prouinciæ ordinibus inuitus reluctansque (quod inodeste de se sentiens, tanto se oneri inparem diceret) donatur; Margaretæque defuncti Eduardi filia (quæ missis, vt patrem decessisse intellexit, legatis, Sabaudiam sibi tanquam paternorum bonorum veræ vnicæque hæredi tradi poscebat) præfertur. Neque enim (quod longa iam consuetudine obtinuerat) sæminis aditum ad eum honorem patere illius prouinciæ proceres volebant, quamdiu virilis ex ea familia stirpis, iusto legitimoque natus thoro, aliquis reliquus esset. Quam rem edoctus Britannia dux Ioannes, Margaretæ maritus, auri magna accepta vi, vxori iuri quod ad comitatum Sabaudicum sibi esse contendebat, vt renuntiaret, author fuit. Princeps fuit pius, inturbidus, prudens, fortis, nullius repentini honoris, adeo non principatus appetens, & pacis amantissimus, ab omni ambitionis fumo aliorumque inuadendi bona desiderio in tantum alienus, vt in iis quæ iure ei deberentur consecrandis haud admodum esset anxius, sollicitusque. Cæterum cum Guigo Delphinus Viennensis (quem par-
ta ad Vateium victoria Eduardique comitis mors insolentior fecerāt) Sabaudicum Foucigniumque agrum depopularetur, cædibus, incendiis passim grassaretur, &
hominum

hominum pecorumque prædas ageret, subditorum tandem suorum, qui de atrocibus hisce iniuriis (quæ eo usque prouectæ iam erant, vt, consumptis longe lateque frumentis, neque terra, quæ per hostiles incursiones coli haud poterat, aliud proferente, in maximis se angustiis constitutos videren) frequenter apud eum querebantur, importunis victus precibus, postquam admiranda liberalitate eorum inopiæ necessitatique prospexisset, Amadeumque Geneuensem comitem, & Hugonem Geisij dominum, fædere cum iis factò, in suas pertraxisset partes, arma aduersus Delphinum (Philippo Moreæ principe, & Ludouico Sabaudò Vaulxij regulo, cognatis patrue libus, auxilia adducentibus) sumit, iustoque conscripto exercitu Monthoussium (quam Humberto fratri suo vna cum Foucignio agro donarat arcem Delphinus) obsidet, eaque, dedentibus sese obsessis, quibus qua erat clementia parci voluit, singulari sua virtute potitur tandem; postquam primus inter suos, periculo omni spreto, cunctantibus ceteris, in murum scalis admotis, euasisset, & rem ausus incredibilem atque inauditam, multoque magis ad famam temeritatis, quam gloriæ insignem, in subiectam planiciem, sequentibus præ pudore certatim militibus (quibus quod prima opugnatio non successisset, animi nonnihil decreuerant) præcipiti saltu semetipso, ingenti animo periculo maiore (quippe armis fulgentibus conspicuus, vnus præcipue telis petebatur) immisisset, dignaque prorsus spectaculo edidisset. Eum locum valido munitum præsidio, comineatuque necessario in eum importato, cum militem exauthorasset Sabaudus, admotis intempesta qua-

dam nocte, in Delphini gratiam, clam ad muros scalis, Hugo Geneuensis recipit. Cuius infortunij in Selsellensi oppido certior factus Amadeus, cum ea quam tum cogere potuit manu, Monthousium recta, suppetias adducente Geneuensi comite, pergit, ubi commissio cum Hugone Geneuensi, ad arcis radices, conflictu; victor, Ioannem Sabaudum, quem primo captum congressu hostis abducebat, recipit, & Monthousio denuo, dedite quarto obsidionis die Hugone Geneuensi, poritur. Duobus inde medio inter Montmelliarum & Aspremontium loco (ex quo, & quidem solo, ad Chamberyum urbem erat aditus) conditis castellis Marchesio Motterioque (quæ modicis inter se stadiis distabant, ne procul repetendum esset mutuuum auxilium) Delphini, qui eam se ciuitatem eiusque suburbia iniecto igni corrupturum iactabundus fuerat interminatus, vanas spes vanosque illusit conatus. Vrebat accepta ad Monthousium clades mirabiliter Hugonem Geneuensem, vindictæ. Itaque & abolendæ ignominia avidus, Villegrandam arcem, milite comiteatuque a Delphino acceptis, obsidet, expugnat, spoliât, euertit: sed accurrentibus euestigio Amadeo comite Geneuensi, & Ludouico Sabauda, arx illa vna cum oppido restauratur, meliorque longe post excidium renatæ, quam integræ fuit facies. Sed nihilo propterea magis quiescentes Delphinates, * Perrieream in Sabaudico solo arcem, admotis clam scalis, & promptissimo quoque succedente, sæculi eius anno XXXII. capere tentant: ubi insidiæ parum cessere, ad vim transgressi, palam locum obsident, eoque, postquam ipsemet Delphinus, qui suis subsidio venerat, dum

al. *Pierrieream.*

MCCXXXII.

dum propius loci situm contemplatur, ab emissâ forte ex arce sagitta ictus, cecidisset, deditione tandem potiuntur. Obsessi ad vnum omnes, incolumitatem pacti licet, increpantibus nequicquam tribunis nobilitateque, tanquam fidem per scelus abrumperent, ab incondita & in furorem ob amissum principem, acta multitudine, quæ ea victoria ex libidine sua vsa fuit, interfecti fuere: non sexus, non ætas, miserationem attulit: arx spoliata & diruta funditus. Guigoni Delphino cum Humbertus successisset frater, Galliarum rex Philippus Valisus, pacis Sabaudæ iuxta Delphinoque author fuit. quæ cum subditorum summo utrimque gaudio confecta tandem, sanctioris puriorisque vitæ ingressus iter Sabaudus, pietatis varie exercendis officiis totum se tradidit, ædesque aliquot sacras construxit, partim a fundamentis (inter quas Dominicanorum ad Montmellianum monasterium) partim restaurauit, prouentibusque annuis auxit: & in his sacellum arcis Chamberianæ & abbatæ Altecombanæ, in quam collecta vndique maiorum suorum ossa inferri voluit: quibus ipse paulo post, sæculi eius anno quadragesimo secundo, Amadeo filio MCCCLII. impubere successore relicto, cum subditorum omnium, vicinorumque principum (quibus erat longè carissimus) summo luctu decedens, iunctus fuit. Rem de Guigone hoc Delphino, quem ad Pierrieream arcem telo confossum supra ostendimus, maximæ admirationis referuntur tales, & dignam quæ mortalibus omnibus ante oculos semper obuersetur, vnde manifesto intelligant, Deo uti securitatem nostram, ita quoque & vltionem curæ esse.

» Delphinus Allobrogum (inquit inter cæteros qui hi-
 Lib. VIII. storiam hanc tradidere * Paulus Æmylius) bellum
 » cum Sabaudis (vt inter finitimos aſſolet) ob finium con-
 » trouerſiam gerebat, bello inclitus, ſed alienarum vx-
 » rum pudicitie infeſtus. Bohemus auxilio illi ſocio ami-
 » coque cum ire conſtituiſſet, filius eius Carolus (vt Pon-
 » tifex Pius narrat) per quietem viſus eſt ſibi videre, viri
 » diuina ſpecie præditi iuſſu , præſtanti iuuenem forma,
 » editiorem in locum raptum , detractaque veſte exſe-
 » ctum; ſibiſque interroganti, cur & quiſnam tam egregia
 » indole adoleſcens tam fœde atrociterque haberetur, re-
 » ſponſum, Delphinum aliena cubilia attrectare ſolitum,
 » meritas pœnas numini dare. Somnium filij in præſen-
 » tia eluſit pater, bidui viam progreſſus, certum nuntium
 » accepit, Allobrogem in oppugnatione oppidi, vulnere
 » accepto , deceſſiſſe. Quod minus memorabile & for-
 » taſſis vanum credi poſſet , niſi ſub idem tempus occu-
 » buiſſe telo hoſtium, eius gentis annales authores eſſent,
 » & in agro Parmenſi , vbi nocturna quiete id obuertiſſe
 » tum fertur, ædem Virginis, vt monumento foret, Bo-
 » hemum ſtruxiſſe, locupletatæque vectigalibus, hanc-
 » que rem teſtatam tabulis Bohemi regis, legiſſe ſe Pon-
 » tifex tradidiſſet. Haſtenus Paulus Æmylius , cui
 » Franciſcus Belleforeſtus & Bernardus Girartius con-
 » ſentiunt.



IOLENTA Palaologa, Theodorici Palaologi Montisferrati marchionis (Andronico seniore Palaologo Graecia imperatore & Iolenta Montisferratenſis naſſi) Argentinaeque Geneuenſis filia. Cuius Theodorici frater Emanuel imperator Conſtanti-nopolitaniſſimus Amadei comitis ſororem Ioannam (nonnulli ut opinantur) duxerat. ſed ego quomodo id fieri queat, nō video. Emanuel enim ſolus imperium non tenuit, ſed cum patre, quo ſuperſiſſite natura conceſſit. Fortaſſu filius eius Andronicus iunior Ioanna maritus fuit. Iolanda haec matrona fuit incomparabilis, & ſui ſaeculi ſingulare ornamentum. Adeo in pauperes egenosque prona, ut egros ſuo ſubinde alloquio (mariti optimi exemplo) confirmaret, torpentes nunc vini, nunc cibi odore excitaret, ſomenta corporibus adinoueret, vulneraque ſuis ipſa manibus obligaret. Sunt qui Iolandam hanc filiam fuiſſe ſcribant Theodorici Montisferrati marchionis, Emanuelis Conſtanti-nopolitani imperatoris filij ſecundo geniti.



CATHARINA Luxemburgenſis, Carolico nomine quarti imperatoris ex Agnete (cui Rudolphus iunior Rhemi palatinus pater) filia. qua marito ſuperſtes, Rudolpho quarto Aſtriae nupſit duci, Alberti ſecundi Aſtriae ducis filio. Solus Stephanus Luſignanſis huius Catharina cum Amadeo matrimonij meminit. Scribit quidem is, qui Aſtriacam deſcribit ſuſcepit, Catharinam hanc Rudolpho cum nuberet, viduam fuiſſe: ſed qui prior illi fueris maritus, non tradit. Solius Iolanda mentionem facit Paradinuſ, eamque illo ipſo quo maritus anno, lucem hanc reliquiſſe innuere videtur.

AMADEVS comes.

BLANCA. cui vir Galeacius primus Mediolani dux, filius Ioannes Galeacius.

IOANNES obiit puer, matre ex eius partu x. cal. Ianuarias MCCCXLII. extincta.

CATHARINA. hanc nonnulli addunt.

ACHABIA. Huius, alius ignorati, meminit Reusnerus, uxoremque illi fuiſſe ſcribit Belloioci comitis filiam, ex eoque natū matrimonio Achabiam iuniorē, qui uxore (inquit) ducta Amadei Geneuenſis & Matbildis Deuogina Atrurniae comitis filia, procreauit ex ea Mechtildem Ludonico electori palatino ad Rhenum & Bauaria duci nuptam. Ego cum Paradino crediderim Achabiam Amadeo progenitum non fuiſſe.

derur. Est qui anno demum saculi illius sexagesimo diem eam obisse supremum scribat. Mihi vix verisimile sit. Carolo imperatori filiam fuisse ea aetate Amadeo huic nubere vix posset.

DE AMADEO EO NOMINE
COMITE SEXTO.

AMADEO quinto Amadeus succedit filius, puer admodum, ætatis anno scilicet nono, salutis vero MCCCXLII, datique qui ætatem eius regerent, Ludovicus Sabaudus Vaulxij regulus (quem non recte Paradinus patruium illi fuisse scribit: cui triennio post fatis sublato, Guilelmus Baumeus, suæ gentis nobilissimus, communi nobilitatis ordinumque provinciæ eius decreto sufficitur) & Geneuensis comes Amadeus, qui eo illum nomine in sacra ablutione donarat. Viridem dictum scribunt, quod eius coloris vestibibus vt plurimum ipse eiusque ministri domesticique vterentur. Alij ita appellatum aiunt, quod annos natus duodecim, in equestri ludicro herbacei coloris vestem gestans, victoriam reportasset. Mortuo Roberto Siciliæ rege, principatus Pedemontanus, qui Roberto paruerat, pro maiore parte in Amadei huius Iacobique Sabaudi Moræ principis, viri longe optimi fortissimique, concessit potestatem, Ioanna regina, Roberti nepte, quod faminam patrio more in id fastigium recipi, populus Pedemontanus negaret, exclusa. Vbi primum Sabauda ætas militiæ patiens fuit, pulsum Seduno, ab incondita Valesianæ ditioris multitudine, præsulē, superatis primum prælio Valesianis, & Seduno deinde vrbe vi expugnata, captisque deditione Valesia (in quam eius ciuitatis canonici confuge-

MCCCXLI I.

Syon.

confugerant) & Turbellone arcibus , iuraque antiqua pati coactis, in pristinum restituit locum. Renouatum deinde inter ipsum Delphinumque bellum. Cuius hæc fertur causa. Hugardus Geisij regulus, grandi a Delphino accepta iniuria, eo deserto, in Amadei quinti, Amadei huius patris, partes transierat, Geisiumque baronatum illi eiusque posteris clientelari subiecerat iure. Cuius facti pœnitentia ductus paulo post , accersitum ad se Hugonem Geneuensem morti iam proximus ea lege hæredem instituit, vt eius dominatus causa , soli Delphino, vero legitimoque domino suo , fidem suam obstringat. Offensus ea hominis inconstantia Sabaudus, Hugoni ad se vti veniat, & eius loci ergo Hugardi exemplo iuramentum sibi præstet, denuntiari iubet. Ad quæ cum proteruius ille (vt erat linguæ immodicus) responderet, nihil sibi cum Sabaudia comite Geisij dominatus intuitu, negotij esse, facileque in eius, cui fidem suam iureiurando illigasset, futurum potestate , vt aduersus Sabaudi iniurias se tueatur atque defendat : non tenuit iram Sabaudus. Itaque Florimontum arcem , cum eo, quem arrogantis illius responsi quasi certus conuenire iusserat milite, obsidet, eaque tandem per vim, magna hominum edita strage , potitur. Qua capta, validoque præsidio munita, ad Geisium obsidendum recta pergit, quæ ipsa quoque , munitissima licet alioqui, & a milite instructissima vrbs, post durissimam aliquanto tempore toleratam obsidionē , & post crebras in hostilem exercitum factas excursiones , in Sabaudi potestatem deditione tandem vna cum arce venit. Indignari supra modum ob amissum Geisium Hugo Geneuensis, & Sa-

baudix fines (Delphino stipendia militi præbente) depopulari, arces aliquot, & in iis Mordresum & Messieresium (quibus vi captis, nulli neque ætati neque sexui parcitum fuit) demoliri funditus. Bonneuaultium autem quia expugnari non poterat, igneis varie iniectis telis, vna cum iis qui in eo erant mortalibus (quos omnes, militibus per summam crudelitatem exitu prohibentibus, ignis hausit) corruptum fuit. Non impune diu tantum scelustulit Geneuensis : simul enim ex suorum querelis quæ ille designasset, cognouit Sabaudus, consensu ilico equo, hostem (qui spoliis prædaque diues, diuiso bifariam milite, latus ouansque, omnia magis quam prælium exspectans, incedebat) continuato die noctuque itinere persequi properat. Assectus, ad Dalomicium, agmen vnum (alteri in Arbosis Guilelmus Baumeus occurrit) tanta animorum alacritate, impetum in illud facit (haud segnius in altera parte pugnante Baumeo) vt cæsis vtrobique plerisque omnibus, reliquis captis, & præda recepta, nemo superesset, qui acceptæ cladis nuntium domum reportaret. Qua non contentus victoria Sabaudus, vltius progressus Bello-marchiam arcem expugnat deletque, & Turrim deinde Pineam obsidet. Caterum Delphino Delphinatum sub eos ipsos dies in Philippum Valesium Galliarum regem transferente, Guilelmus Baumeus (quem nobilissima inter Allobroges ortum familia, Galloque longe gratissimum, in Galliam Sabaudus illi impediendæ rei frustra ablegarat) ita cum Gallo agit : vt certis iustisque inter Delphinatum Sabaudiamque (vicina & connexa inter se loca) constitutis limitibus, litium bello-

rumque

rumque materia omnis in posterum inter eas prouincias præcideretur. Conuenitque præterea vt Bonam Petri Borbonij ducis filiam vxorem Sabaudus duceret, vtque (quoniam cum vtriusque id coniunctum commodo) quæ trans Guyerum Sabaudus possideret oppida castellaque, ea Galli regis filio, natu maximo tanquam Delphino, quæ ex aduerso, cis eundem annem Delphinus obtineret loca, ea Sabaudus omnia cederent, & ab eius posteris, vna cum iis quos in Verbonneo solo habuerat agris, possideruntur. Foucignius quoque baronatus & Beauforti dominium penes Sabaudum ex illius ipsius contractus legibus mansere. Placuit quoque vt Geneuensis comes, Villarsique regulus, & nobiles in Delphinatu alij nonnulli (in quos supremum sibi dominium Sabaudus arrogabat) in Sabaudi in posterum fide clientelaque essent. Longo molestoque defunctus tandem bello Sabaudus, & Galli regis amicitiam sibi conciliaffe lætus, militem omnem exterum, cui ampla opulentaque dederat stipendia, quod eius operam necessariam amplius haud haberet, pro maiore parte dimittit. Exauthoratus miles ille cum Mediolanum se ad Ioānem eius loci archipræsulem, ingentis spiritus virum, qui Luchino fratre, vicecomite Mediolanensi fato functo, eum principum inuaserat, contulisset, archipræsul peropportunum Pedemontanum principatum imperio suo adijciendi occasionem se nactum ratus, præsertim quia militem suum Sabaudus iam dimississet, illi ipsi dimisso a Sabaudus militi, aliisque ex latronibus prædonibusque, quos spes prædæ transuersos egerat, aut quibus ob egestatem ac metum maxima peccandi necessitudo, passim

coactis, stipendia clam constituit, Pedemontanumque agrum ut incurserent, prædentur, & hostilitatem in eo exercent, imperat, ea tamen conditione, ut quasi nulli merentes, priuato paucorum latrociniis suetorum & capite censorum consilio, Dauidis (cui Magni cognomen) & Roberti Pinij (quos cuiusque flagitio promptos, duces sibi deligerent) auctoritatem sequuti, bellum hoc suscepissent, præ se ferrent. Parent illi, Pedemontiumque (communicatis cum Salussiano marchione, qui milite comiteatuque eos, si opus esset, se iuuaturum promiserat, clam consiliis) ingressi, agros depopulantur, pecora abigunt, villas ædificiaque passim incendunt. Non tulit eam iniuriam Sabaudus, sed quotquot varie sparsos habebat, conuenire propere iussis militibus, prædones hos (qui trans alpes etiamnum hæere illum existimabant) in abbatia Estassardiana (quod in ea ipsa prouincia situm monasterium) imprudentes atque inopinantes opprimit. Illi repentino metu percussi, sibi quisque pro motibus, consulunt, alij fugere, alij arma capere, magna pars vulnerati aut occisi. Dauidi Robertoque ducibus captis laqueo gulam lictor frangit. Ita dignum illi moribus factisque suis exitum vitæ inuenire. De reliquis captis eodem modo supplicium sumptum. In archipræsulis huius Ioannis mentionem quando incidimus, operæ erit, memorabile eius inter multa factum, quo pontificium summæ seueritatis imperium facetissimo obsequij genere magni fecit, simul & elusit, inquit Paulus Iouius, ex eodem Iouio hic inferere.

- ” Cum a Pontifice (inquit) expetentibus Florentinis,
 ” Auenionem, ut coram adesset, sub anathematis pœna citaretur,

taretur, lætissima fronte, respondet, se uti fidelem dicto-
que obediens seruum deceret, instructa profectione
Auenionem mature peruenturum, ut præsentì obse-
quio, proiectus ad pedes, sacrosanctum pontificem ve-
neraretur. Cæterum legatos misit, qui per omnes vrbs
regiones amplissimas domos, persoluta eius anni pen-
sione conducerent, ingentemque omnis generis com-
meatus copiam compararent, qua numerosus comita-
tus aleretur. In id porro quæstor multa onustus pecunia
adeo profuse operam intendit, ut mirum in modum an-
nona in foro cresceret, nec peregrini negotiosique homi-
nes ex omni Europa ad pontificiam aulam confluentes,
vllum omnino pro hospitio tectum in vrbe conducto-
re vacuum reperirent, & publice populus & inquilini
de annonæ caritate conquererentur. Quibus insolitis vo-
cibus permotus Pontifex Mediolanenses legatos cuncta
prodige coementes vocat, causam quærit cur tantum
commeatus accumularent, totque passim amplissimarum
ædium hospitia inani sumptu ad querelam publicam
conducant? Legati ita parate se iussos a Ioanne præfule
respondent, qui septem millia armatorum equitum toti-
demque peditum præsidij & comitatus causa sit addu-
cturus. Intellexit ilico Pontifex quò rerum suarum pe-
riculo Ioannes tantis instructus viribus foret expectan-
dus, leniterque subridens, tanti itineris laborem, præfule
tanquam occupato, & præclare pontificij nominis stu-
dio, benigne se remittere dixit. Legati autem cum di-
mitterentur, honestissimis ac censu virtutis, aut parum di-
tibus, conductas domos gratuito concesserunt. Ita ut
commeatum quoque omnem, aut sacratissimis cœnobiiis, aut
e plebe

„ e plebe miseris & egentibus largirentur. Et hactenus lo-
 „ uius. Vaulxium inde baronatum (vt eo vnde digres-
 si sumus redeamus) a Guilelmo comite Namurcensi,
 qui Catharinam Ludouici Sabaudi Vaulxij reguli fi-
 liam & hæredem vnicam vxorem duxerat, Amadeus
 comes emit. Alij Catharinam hanc Iacobi Sabaudi
 Moræ principis filiam fuisse autuant: cum quo Iaco-
 bo Sabauda graue comiti Amadeo dissidiū paulo post
 intercessit, quod missum ad se viatorem, qui comitis illi
 iussu diem diceret, & vna adolescentem quendam no-
 bilem ex gente Prouannesia (cuius bona per vim inua-
 serat) interfecisset. Grauitur quippe ferens comes & ma-
 gistratum contemptum, & iussis suis non paritum, traie-
 ctis cuestigio, ex senatus sui consilio, cum militum non
 contemnenda manu, Alpibus, oppida castellaque ali-
 quot Moreani principatus capit, Thurinum nimirum,
 Pinerolum, Sauillanum, Vigonem, & Escarraphium.
 Sed dum Carignanum, reliquam illi, armis virisq. opu-
 lentam urbem, vna cum arce obsidet, amissis, fortiter se-
 se defendentibus obsessis, Guilelmo Bauneo & Iacobo
 Chalandio, viris sibi longe carissimis, eam sibi cladem,
 quod in sanguine sibi proxime iunctum virum princi-
 pē arma vertisset, Deo ultore, accidisse ratus, Morco, fa-
 cti illius ductus pœnitentia, in gratiam recepto, ablata
 restitui protinus iubet. Ordinis equestris sodalitiū in
 angelicæ Annūciationis honorem primus Amadeus
 hic instituit, & primæ nobilitatis viros (quibus ipse præ-
 sideret) in collegiū illud allegit quatuordecim, quos
 aurea singulos donat torque; ex qua tres dependentes la-
 cinia dictionem hanc FERT (quod Amadei magni co-
 mitis

initis symbolum fuisse supra ostendimus) singulæ re-
 præsentabant, quæ venero connexæ inter se nodo, diuæ
 Mariæ virginis ab angelo salutatæ (ea enim res sodalitis
 nomen dedit) effigiem præferebat. Primi sodalitij hu-
 ius, præter ipsum Amadeum, fuere equites: AMA-
 DEVS GENEVÆ COMES, ANTONIVS
 BEAVIEVSIVS, HVGO CHALONIVS
 ARLAII REGVLVS, ALMONDVVS GE-
 NEVENSIS, IOANNES VIENNENSIS
 FRANCIAE ADMIRALDVVS (qui in Hunga-
 riâ aduersus Christiani nominis hostes missus fuit) GVI-
 LELMVS GRANSSONIVS, GVILELMVS CHALO-
 MONIVS, ROLANDVS *VERSVS BORBONIVS, *al. *Veisim.*
 STEPHANVS BAYMEVS nothus, CASPARVS
 *MOMMEVRIVS, BARLEVS PORASIVS, *THEV- *al. *Mon-*
 NARDVS MENTHONVS, AMADEVS *BONNAR- *al. *The-*
 DVS, & RICHARDVS *MVSARDVS Anglus. Car- *al. *monardus.*
 thusianorum inde ad eum locum qui Petrus Castellus *al. *Boni-*
 dictus, in quo pro illius sodalitij equitum salute statæ *al. *Musar-*
 perpetuæque ad Deum fierent preces, construxit mona-
 sterium, cavitque vt quandocunque ex eo collegio ali-
 quem ex luce hac decedere contingeret, alius ab eo qui
 rerum per Sabaudiam tum potiretur, in eius surrogare-
 tur locum, quod in perpetuum ita obtineret: simulque
 vt annis singulis diuæ Virginis Mariæ annuntiationi fe-
 sto die equites eius sodalitij omnes conuenirent, & si-
 mul festum illum agerent diem, vtque in defunctorum
 locum alios tum comes (vti diximus) substitueret.
 Erant & aliæ nonnullæ eiusdem sodalitij leges, quas va-
 riis inscriptas libellis, equitibus vna cû torque tradi co-

mes iussit. Amadei sequenti exemplum Ioannes & Ludouicus vndecimus Galliar, Eduardus tertius Angliar reges, & Burgundiæ dux Philippus; is qui Bonus dictus, Ioannes Epiphaniæ seu stellæ, Ludouicus multo tempore post, eo antiquato, diui Michaelis, Eduardus Garterium seu ligulæ coloris cyanci, in diui Georgij honorem, Philippus autem aurei velleris sodalitium instituere. Eo instituto sodalirio, aduersus Fredencum marchionē Salussianum, qui cum Ioanne archipræsule & Mediolani duce paulo ante (uti demonstrauiamus) conspirarat, & fidem temere mutarat, proficiscitur, quem durissime in Salussiano oppido, post adempta ei loca aliquot, obsessum, supplicem tandem ad se in castra, mantili collo obuoluto (quod summæ submissionis indicium) venire, & in procerum omnium totiusque exercitus conspectu (quo maiorem homini fastuosius paulo ante palam locuto incuteret pudorem) pœnam deprecari & fidem sibi suam iureiurando denuo obstringere cogit. Hoc vix liberatum bello Sabaudum grauius protinus excipit malum. Constituta quippe in Galliis pace, cum militi Anglo (cui Robertus Canolus, Ioannes Angrithus & Annequinus Bougardus præfæcti) in Lombardiam, ut Montisferratensi marchioni aduersus vicecomites Mediolanenses auxilium ferret, esset eundum, fieri vix poterat ut populo Pedemontano propter inopiam, & propter eam quæ inter vtramque prouinciā est vicinitatem, non esset grauis iniuriusque. Quam indignissime rem ferens Sabaudus, armis sumptis, Anglos (quorum ingens erat multitudo) eam ut iniuriā a suorum humeris propulsaret, bello ad-

oritur,

oritur, cuius infaustus prorsus (non sine magno eius pudore) fuit successus : eaque res forte, quam consilio melius gesta. Illi quippe villas passim rapiendo, & Riuerolo oppido, Pauonioque & Marthiniano castellis expugnatis, ipsum tandem comitem, in Lausia obsessum arce suæ haud dubie fecissent potestatis (suburbiis enim iam captis, potentissimi quique ex Sabaudica nobilitate, in eorum venerant manus) nisi Guilelmi Granssoni (qui vnus ex captiuis erat) singulari fide, præsentis periculo fuisset subtractus. Is enim vt bis mille & quadringentis, quas ipse & Antonius Beauieuusius pro dimissione sua daturos se promiserant, cõtenti libris, & obsidione soluerent, & comiti, a quo læsi non fuerant, loca adempta restituerent, cœptumque iter, ab iniuria & maleficio temperantes, continuarent, facile (qua valebat facundia) persuasit. Hic fuit exitus belli quod repente ortum, prius tamen finitum est, quam rex Anglus quicquam de eo rescisceret. Ingenti inde conscripto exercitu, quem vna cum Ludouico Borbonij duce, non minoribus instructo copiis, aduersus Petrum Castellæ regem, qui Blancam coniugem suam, Borbonij ducis & vxoris Amadei sororem, duabus interclusam culcitrīs, in Mariæ Padilianæ pellicis gratiam necarat, faminiæ affinitate sibi conuinctæ tam indigna nece commotus, ducere statuerat, vbi Petrum regem Henrici fratris Rothi manu trucidatum, meritasque sceleris sui pœnas dedisse cognouit, omissō paratu inuadendæ Hispaniæ, aduersus Craicuicium Bulgariæ despotam, qui Ioannem Palæologum (Alexium alij fuisse aiunt) imperatorem Constantinopolitanum, per amicitia spe-

ciem comprehensum in vincula coniecerat, arma vertenda putauit, atque militem in Græciam transducendum, otiumque interpellandum, cuius materia opportune alebatur. Conspirarat clam perfidus ille tyrannus aduersus Ioannem Palæologum imperatorem (in cuius tamen fide clientelaque antiquitus erat) cum Amurathe Turcarum principe, qui facta per eam occasionem in Ioannis ditiones irruptione, loca illi omnia (Constantinopolitana & Nicopolitana urbibus demptis) admittit. Hanc propinquo suo a cliente, & nomini Christiano ab homine Christiano, illatam per summum scelus iniuriam, vindicaturus Amadeus, difficillimi periculosissimique itineris suscipit molestias. Cæterum quoniam rex Hungarus in continenti bellum se, cum sexaginta millium armatorum exercitu, gesturum promiserat, statuit ipse, diuersi ut irrumperent, mari, contractis omnium gentium auxiliis, rem gerere. Erant ex Burgundica Sabaudicaque nobilitate in eius comitatu, Hugo & Ludouicus Chalonij fratres, Argueli hic, Arlaj ille, Amadeus Geneuensis Anthoni, Ioannes Mombelius Entremontij, Aimardus Scisselus Daifi, Amadeus * Paleus Varambonij, Amadeus Chabreij, & Humbertus Chyuroni, reguli. Ex cæteris accurrere prouinciis, Ioannes & Gautherus Viennenses, Theobaldus Neufchastellus, * Rupis, * Esparrei, & * Basseti dynastæ, Philippus Lambryus, & Monteforti in Germania comes. Omnibus his exercituique vniuerso, Stephano Baumeo (quem Admiraldi donarat munere) præfecto, ad multa millia hominum in naues impositos, præter Inusiam (cuius tractus dominam, archipræsuli Patrasio, Inusum, in quod

* De la Pale.

* De la Roche.

* De Lesparre.

* De Basset.

quod se oppidum plurimis amissis locis, illa receperat, arctissima prementi obsidione, reconciliauit) Callipolim (quam imperatori Constantinopolitano parentem urbem Amurathes intuascerat) Amadeus transiisit. Cum ad litus appulisset classis, acerrimo promus cum barbaris, Christianos magnis conatibus terra prohibere conantibus (quos inopinatus eius tantis cum copiis aduentus vehementer consternarat) commissio conflictu, victor tandem excensionem in terram facit, trinisque circumdatam castris urbem obsidet. Primi agminis cura Stephano Baumeo (cui classis, maritimaque oræ imperium mandatum diximus) & Casparo Mommeurio castrorum præfecto, quibus Sabaudus Burgundusq. parebat miles, demandata fuit. Alterum ipsemet Sabaudus comes (cui Esparreus, Bassietus & Anthonus reguli, aliiq. magno numero principes viri, quibus in Gallos Germanosque milites imperium erat, aderant) ducebat. Tertio princeps præerat Methelinus, qui qua mari alluitur oppugnandam urbem susceperat. Verum cepta iam oppugnatione, cum barbari (qui vicinum vrbi collem occupauerant, neque quicquid ad impediendos hostium conatus excogitari poterat, segniter exsequebantur) Chalonio Geneuensi comitibus, quos in subsidiis Amadeus cum equitibus cataphractis expertæ audaciæ quingentis, collocarat, gravem admodum crebris ex loco superiore emissis missilibus, cladem inferrent, omissa oppugnatione laborantibus fortiterque sese defendentibus sociis opem ferre coactus fuit. Toto illo pugnatum fuit die, omniaque eadem utrinque, quæ fuerant in priore prælio, erant, præter ani-

inos, & victoribus ab secunda re auctos, & hostibus fractos. Tanta itaque barbarorum edita fuit strages, ut sanguinei undiq. riui torrentis instar decurrerent, truncataque passim iacerent corpora. Binis iam præliis victos barbaros grauis incesserat metus. Paucis ad moriendum, pluribus ad fugam animus erat: quam cum ea quæ insequuta nox est, incolæ capesterent, oppido postridie Sabaudus hominibus vacuo, at rerum omnium copia referto, nemine repugnante, potitur, Michaelemque Trauenayum illi præficit. Est qui scribat, Ioannem Palæologum imperatorem Constantinopolitanum sæculi huius anno LXXII. coactum a Turcis aduersus Bulgariæ despota in cæterumque rebellem sibi populum auxilium petere, Callipolim, quam hæctenus hypothecæ (inquit) loco habuerat urbem, Amurathi dono dedisse, Amurathemque eius permissu Adrianopoli, quam urbem obsidione domitam, imperio suo subiecerat, sedem fixisse. Hic ille est Amurathes, qui sæculi eius anno LXXIII. a Carbilouitio (alij Seuerianum Triballum appellant) Seruix despota Lazari Bulcouicij seruo, ut domini sui (quem Amurathes crudelissime trucidarat) indignam vlcisceretur necem, vulneribus aliquot acceptis, fuit confossus. Eo die (in viam ut redeamus) quieti militum concessa, postero in Græciam cursum instituit: sed varie tempestatis subito exorta violentia disiectæ naues, cum quem ceperant cursum tenere non possent, variosque barbaris summa vi insequentibus, subire cogerentur portus, Tenedonem tandem omnes, in quem se portum naui prætoria cum duabus actuariis receperat, peruenere. Tenedone ex Constantinopolitani Patriarchæ

triarchæ (cuius magna apud Amadeum erat authoritas) consilio soluentes , Bulgariam versus vela faciunt, quo cum ventis remisque tandem appulissent, Manthopolin urbem , statim ut in terram suere egressi , primo capiunt impetu, obsessamque deinde Suzopolim vi capiunt. Nauali inde ad portum, quem Estaphada incolæ appellant, cum barbaris cominita pugna, victores facti, & portu, in quem tutissimus classi vniuersæ erat receptus, & nauibus hostilibus quamplurimis potiuntur, arcemque munitissimam Asilotham deditionem facere cogunt. Hisce victoriis clarus Amadeus misso ad Bulgariæ tyrannum (hominem ad omnia infidum atque importunum) faciali, bellum illi, nisi Constantinopolitanum imperatorem missum protinus faciat, iubet denuntiari. Messembico inde, pulcherrimo eo in tractu oppido, interea dum a rege barbaro responsum adferretur, per vim expugnato, cæsis ad vnum omnibus, qui in eo erant, ut sociis suis, qui illa in oppugnatione ceciderant, parentarent, locum militi in prædam Sabaudus dat. Ad alteram inde belli huius molem animum atque arma contulit, Varna in eodem illo tractu vrbe & situ & opere munitissima, quæ Bulgaro parebat, obsessa. Cuius vrbis, multis diebus & laboribus consumptis, cum haud ita facilis videretur expugnatio, postulantibus uti induciæ essent oppidanis, inducias ea dat lege, ut duodecim principes ciuitatis Andrenopolim ad Bulgariæ missi tyrannum, imperatoris Græci dimissionem vrangeant procurentque : Interea dum ab Andrenopoli legatio renuntiaretur, induciæ manerent. Plures ibi dies cū statua haberet Amadeus, procures aliquot ab exercitu

citu non nihil digressi, Limenoncem, amoenissimo loco sitam arcem, deditione vna cum oppido capiunt. Quanquam haud diu admodum ea potiti, quod Antonio Sabaudo notho Champaignei regulo, quem loco illi praefecerant, per obsequij cultusque simulationem ab oppidanis (qui variis quotidie muneribus donisque animi eius illexerant) ex arce in urbem & ex urbe in insidias, quas Bulgarus non procul ab arce collocarat, tenere protracto captoque, qui in praesidio erant, cum saluum si vellent, locum tradere cogèrentur. Horum procerum exemplo, cum nonnulli alij ex nobilitate Calocalstreum occupare cogitarent, caesis, fraude detecta, qui in summitatem arcis iam peruenerant equestris ordinis viris sex, & ex cetera nobilitate nouem, dilapsi protinus reliqui (quos non dolor modo, sed pudor etiam, quod tenere eam rem essent aggressi angebat) ad exercitum rediere. Illis blando alloquio confirmatis, mittit ilico (haud quaquam rudis tractandi militares animos) comes (cui in ore crebro erat, armis & amori commune esse ut dolores innumeri gaudium breue excipiant) qui locum illum propius obsideant, suorumque vlciscantur necem. Illi arce primo potiti impetu, reptos in ea mortales omnes (ita facere iussi) interficiunt. Reuersi interim missi ad Bulgaram a Varnensibus, referunt, non abnuere tyrannum dimittere Constantinopolitanum imperatorem, si Varnam circumfidere, bellumque in finibus ditionibusque suis gerere Sabaudus desinat. Eo accepto responso, patriarcham Constantinopolitanum ad Bulgaram, ut de controuersis omnibus suo nomine cum illo transigat, Sabaudus ablegat. Ille mandato sibi

sibi munere hoc fide optima perfunctus, dimissum a Bulgaro imperatorem Græcum Constantinopolim reducit. Lætitiâ illius diei, concursumque ciuitatis, & vota pene inferentium cælo manus, quod Græciam a tyrannide Turcica Sabaudi armis vindicatam, eiusque beneficio Ioanni imperatori vitam, & pristini status reuerentiam dignitatemque concessam viderent, nemo verbis satis expresse- rit. Cæterum, Constantinopolim ipso tandem quoque profecto Sabauda, cum a Ioanne imperatore (qui vitam salutemque suam illi vni acceptum se ferre palam prædicabat) populoque Constantinopolitano vniuerso, summa cum beneuolentia fuisset acceptus, & magna (postquam Deo immortalis quantus maximus poterat habitus fuit honos, quod ingentem victoriam facilem etiam fecisset) libertatis auctor per vniuersam urbem (variis passim per vicis plateasque extremæ lætitiæ editis signis) fama celebraretur, ridicula quædam prorsus, si supplicij vanitatem, incognitu non indigna, si Græcorum perpetuam leuitatem inuari- intueri, interuenit res. Militiæ festis laboribus, otio volu- ptatibusque (quarum fertilis semper Græcia) ea in urbe nobilitas dum indulget, adolescens quidam inter eos, hospitis, ad quem diuenerat, filix amore captus, nocte quadam concumbere cum illa repertus est. Quod factum grauitè, uti par erat, puellæ ferens pater, ad Comitem rem desert, eique de grandi hac iniuria conquiritur. Benigne hominem allocutus comes, condigno adolescentem supplicio affecturum se promittit. Cæterum eo in vincula abduci iusso, postquam non aliam tali delicto poenam statutam intelligit, quam barbæ in

publico mortalium omnium conspectu abraſæ pro-
 brum, eamque rem maximæ ibi ignominie duci loco,
 latus ſummopere quod cariffimum ſibi iuuenem,
 (quem de vita periclitari arbitrabatur) ſeruare, & offenti
 nihilominus hominis Græci animo poſſet ſatisfacere,
 grandi eueltigio in diuæ Sophiæ ſoro exſtructo theatro,
 deſtinatum eorum qui in amoris peccaſſent leges caute
 ve minus amaſſent, radēdis barbis tonſorem accerſiri,
 & iuuenem ſimul, (qui capitis aſceſſendum ſe puta-
 bat) in theatrum produci iubet. Officio ſuo fungi iuſſus
 tonſor, magno cum apparatu inſtrumenta omnia pro-
 ponit, inde adoleſcenti, cui primæ lanuginis adhuc dum
 ætas raros pilos produxerat, toto ridente aſſatim ſoro
 (vniuerſa quippe vrbs ad ſpectaculum hoc accuſſerat)
 barbam præſecat. Ridiculo hoc ſupplicio peraſto, ma-
 gno grauique comes & ſtupri coniuſtus adoleſcens, le-
 uati vterque cura ſunt: ille adoleſcentem (cuius amici-
 tia apud animum ſuum nihil carius habebat) vt ſerua-
 ret, hic quam ob pollutam ſtupro hoſpitis domum, ca-
 pitis ſibi pœnam imminere certo habebat perſuaſum,
 quomodo euaderet. Mirari interim vehementer Sabau-
 dus Græcorum aut inſipientiam aut ſtupiditatem, quod
 rei pretioſiſſimæ non maiorem gererent curam, pudici-
 tiæque virginæ violationem, rei viliſſimæ, barbæ (quæ
 quo ſecta ſæpius, eo plenius vberiusque prouenit) noua-
 cula abraſæ, præpoſtero præſus iudicio exæquarent.
 Ad adoleſcentem inde conuerſo ſermone, Caue, inquit,
 iuuenis, in eundem hunc lapidem denuo in poſterum
 impingas. Quæ enim ridiculo iſto Græcorum more de
 te nunc ſumpta pœna eſt, pro noſtro tum ſine veniæ ſpe
 vlla

ulla sumetur. Cæterum in Sabaudiam constitutis in
 Græcia rebus, coque confecto bello rediturus. Ama-
 deus, a Ioanne petit imperatore, vt quando plurimas
 in ecclesiis Græcis cæremonias, quarum in Latinis vsus
 nō esset, vidisset exerceri, ecclesiæ se Romanæ adiunge-
 re, & ad illius ecclesiæ (a qua nisi cum graui animarum
 periculo haud dissentiretur) præscriptum Græcarum
 ecclesiarum cæremonias confirmando, Romano Pon-
 tifici (tanquam summo post Iesum Christum in infe-
 riore hac visibilique ecclesia capiti pastorique) cultum
 obseruantiamque tribuere in posterum vellet. Promit-
 tit ita facturū se Ioannes Imperator: & vt comitem (cui
 Græcorum fidem suspectam esse videbat, quique, nisi
 promissa præstarentur, coactus videbatur) in eā con-
 firmaret opinione, principum aliquot regni sui liberos
 obsides, vnā cum imperiali diademate (quo nihil habe-
 bat pretiosius) Peram ad eum mittit. Ex opposito vrbs
 Constantinopolitana sita, Genuensium imperio ea tum
 parebat ciuitas. Nec diu moratus, Romam, eo se pro-
 missio vti liberaret, proficiscitur: sed cum paucarum trire-
 mium aduersus Amurathem, Turcarum principem,
 subsidium frustra a Pontifice postulasset, domum re-
 infecta rediit. Potuissent fortassis tum, cum summo orbis
 Christiani bono, duæ hæ, diuise hæctenus, vniri inter
 se ecclesiæ, si Amadeo comiti Romam venire per nego-
 tia sua integrum fuisset. Facile quippe ille, qui Constan-
 tinopolitano tam longæ profectionis suscipiendæ au-
 thor fuerat, Pontifici purpuratorumque patrum colle-
 gio, ne tantilli dispendij euitandi causa, rem longe vti-
 lissimam, & cum totius orbis Christiani coniunctam

** alij Ale-
 xium fuisse
 auiunt.*

bono commodoque, intermitterent, persuasisset. Sed quæ tum rei tot sæculis, cum summo mortalium omnium desiderio exoptatæ, perficiundæ oblata fuit occasio, nunquam amplius rediit. Sabaudus quo minus cepto feliciter operi incumberet, bellum, quod illi rebus omnibus præuortendum erat, obstitit. Barnabas enim Mediolani vicecomes, eiusque frater Galeacius, Pedemontanum, interea dum ad Constantinopolim ille distinebatur, inuasit agrum. Iunxerant illi sese Fredericus marchio Salustianus, per speciem vindicandæ (vt aiebat) acceptæ nuper, cum fidem suam Sabaudus obstringeret, palam ignominia, & Philippus Sabaudus Iacobi Moræ principis filius, inira prauitate animi atque ingenij in præcipitia conuersus, quem aduersus patrem Sabaudumque principem vicecomites concitarant, & in bellum hoc traxerant. Cæterum cum bellum istud exitum tandem habuit, vt retro vnde venerat, ad primum aduentus Amadei in Sabaudiam nuntium, cum vniuerso milite suo abeunte, Lombardiamque repetente, eo qui vicecomitum exercitum præerat, singulari alioquin omnibus laboribus periculisque virtute atque industria & manu prompto viro (Monachum appellabant) Salustianus Philippusque Sabaudus (quibus terga vertere indecorum visum) primo impetu, quod exiguæ illis essent copiæ, commisso ad Fossanum conflictu, superarentur. Quo vix finito prælio, Philippum Sabaudum, iuuenem licet, lethalis inuasit morbus (ex prælij illius molestiis, an aliunde contractus, incertum) ex quo paulo post viuere desit. Diuino (mehercule) Numine, quod sumptis aduersus patrem armis paternæ obseruantia cultusque

cultusque legem, pessimo ad posteritatem exemplo violasset, poenas ab eo iustissimas exigente. Graui inde ab iisdem illis vicecomitibus (qui Valentia Cassaliaque oppidis captis, Astam obsidebant) pressum bello Ioannem Montisferrati marchionem, cui per affinitatem erat connexus, quod amitam ille eius Margaretam uxorem duxerat, opemque suam extrema iam senectute implorantem, aduersus vicecomitem (quorum alteri Blanca soror eius nupserat) iniurias tyrannidemque, vna cum filiis tribus impuberibus, Secundino, Theodorico & Guilelmo, tuendum defendendumque suscipit: postquam ut in gratiam concordiamque eos reduceret, frustra aliquamdiu laborasset. Accurrentibus quoque in Montisferraten sis auxilium Maiorica rege & Galileæ principe, quos pupilli (corum enim pater iis ipsis diebus viuere desierat) sanguine quam proxime attingebat, superatus commissio ad Astam (quam Otto Brunsvichius tuendam susceperat vim) in ipsa Duersei amnis ripa, praelio, magnaue ex parte cæsus vicecomitum fuit miles, obsidionemque qui Astam obsederant, post varios inde vario euentu editos conflictus (quibus Montisfalconi regulus inter cæteros, cum summo totius Sabaudici exercitus luctu, cecidit) soluere coacti fuerunt. Vlpianumque (quod oppidum diui Benigni abbas inuaserat) pupillis fuit restitutum. Hactenus quidem aduersus Barnabonem & Galeacium vicecomites in Montisferrati marchionis gratiam, bellum Amadeus gesserat: verum postquam eo illi temeritatis fuisse prouecti, ut ecclesiæ Romanæ, imperiique & Ioannæ reginæ Neapolitanæ agros inuadere non reformidarent,

Pontificiis Carolique eius nominis quarti imperatoris (qui Auenionem eam ob causam, cum pontifice Gregorio vndecimo collocuturus venerat) præficitur copiis, & ad eum vnū (postquam tot per annos militum, atque hostium gnatus, trium illorum maximorum principum rogatu, belli illius administrandi curam in se suscepisset) imperij summa respexit. Obsessam principio, trifariam diuiso exercitu, urbem Coman, & munimentis operibusque septam, ne exitus inclusis ab vrbe, neque aditus foris ad auxilia intromittere esset, vi tandem expugnat, eamque vna cum arce, quemadmodum conuenerat, Ioannæ reginæ, cui antea parnerat, reddit. Pari deinde captis felicitate sano diui Yaci, sano diui Germani, Trouchano, Bourgio, Dalezio, Magniano, Carisso, Buronso, Conduelio, Verrone, Castellano, oppidisque aliis aliquot; & proximo deinde vero trans Sezeum non procul ab vrbe Vercellensi Confluentia sanoque sancti Angeli & Gallia, Thesinum vado transit, maximamque passim in Papiensi Mediolanensique agro facit vastitatem. Sed pace tunc Galeacio, qui Virtutum comitem filium suum, Amadei natum, sorore, ad illum ea de causa miserat; ea tandem lege facta, vt fratrem ille suum aduersus Amadeum, illique confederatos principes re nulla iuuaret, in Barnabonem bellum omne transfert. Scelestissimo, & quouis viro, nedum principe, indignissimo ausu, panem vinumque omne in Vico incerto oppido Barnabo vicecomes corruerat, Sabaudum scilicet, eo quem venturū sciebat, e medio vti tolleret. verum cum, detecta fraude, diui Mauricij annulum aceto Sabaudus immerfisset, bibere ex eo iussi, quos

si, quos venenum læserat, pristinam mox omnes sanitatem (si veri annales) recepere. Vicomercato Bruneum (quod ad Adeam amnem situm oppidum) profectus, ponte super eo flumine sterni iussu, coque castellis propugnaculisque vtrisque duobus munito, Mappellum & Carmosum arces expugnat. Quibus obsidendis intento Amadeo, ponti Adeano imposita castella Barnabo vicecomes summa vi oppugnat. Ceterum fortiter sese defendentibus obsessis, vbi Amadeum comitem cum maximis copiis appropinquare cognoscit, soluta protinus obsidione, Mediolano timens, diurnis eo nocturnisque itineribus contendit. Quam quidem urbem Sabaudus tum obsedisset, si auxilia quæ a Pontifice Coutij adducebat regulis intersepta, luelique amnis transitu prohibita non fuissent. varias enim eo loci Barnabo fossas duxerat, additis cataractis, quæ clausæ aquam sisteret, funibus autem subductæ, vectibusve leuata, tantam de repente aquarum torum cum tractum inundantium effunderent vim, ut transiri nullo modo fossæ possent. Hærentem in solo Mantuano militem pontificium, & ulterius progredi haud ausum, dum maximis copiis patru sui Barnabonis iussu, Virtutum adortus comes, fortiterque ab eo fidei illi violationem exprobrante repellitur; Sabaudus via sibi incepto forti, opportunitatē speculatus, per Moncleriam fossam (qua sola patebat transitus) cæsis fugatisque queis hostis eius loci, ad quem non ita facilis erat accessus, custodiam delegarat, facta, Bononiam venit, pontificiisque se iungit. obstupescientibus plurimum ad præclari immortalisquæ illius facinoris famam mortalibus omnibus. Iunctis

ibi copiis, cum ex Placentino Parmensique agro ingentem confederati egissent prædā, & magnas sibi quisque parasset opes, captum de obsidenda Placentia consilium, grauis, quo Sabaudus subito corripitur morbus, interrupt. Mutinam itaque lectica militari eo delato, in Galliam Coutyus, cæteri eo vnde venerant, (nam æstatis extremum erat) redierunt. Diximus paulo ante, Carolum eo nomine imperatorem quartum Pontificemque Auenione inter se collocutos. Is ab eo colloquio in Germaniam rediturus, cum factō per Sabaudi (qui viribus corporis receptis, in Sabaudiam iam reuerterat) ditiones itinere, singulari cum beneuolentia ab eo fuisset acceptus, habitusque, Sabaudō ditionum suarum omnium, in pleno ad Chamberium principum aliquot Electorum, legatorūque, qui a variis missi regibus proceribusque, illi tum forte aderant, consessu, augustō insignis folio habituque, dominium imperiali authoritate confirmauit, postquam quæ clientium imperij partes sunt, plene ille imperatoris aduolutus genibus impleuisset. Scribit Iulianus Taboetus imperij eum vicarium ab eodem illo imperatore principemque renuntiatum, quod ditiones sex, Chablaisium scilicet, vallis Augustæ principatum, Susam, Sabaudiam, Valesium, & tractum Geneuensem, stabili ac supremo iure possideret. Mutina in Sabaudiam, post Pisanam urbem, vicecomitum eorundem vexationibus infestationibusque, milite eorum cæso profligatoque, liberatam, reuersus Amadeus, de Salussiano marchione Frederico (qui eius absentis agros inuaserat) vlcisci se constituerat, nisi Galli regis auctoritate dissidio illo sublato, in gratiam illi inter se redissent.

Cum

Cum in eadem tempora hæc Ioannis Elischij præsulis Vercellensis (qui in arce Moioneta ab Hibleto Chalcantio, equestris ordinis viro, ad Biellei oppidi ciuium preces diligenti custodia asseruabatur) incidisset captiuitas, & vicecomites Montisferratique marchio, proceresque in eodem tractu alij nonnulli quantum quisque poterat, episcopatu detraherent, misertus præsulis optimi, & suam misere imploratis opem, Amadeus comes, militum aliquot cohortes Bielleum (cuius iam oppidi partem vicecomites occupant) mittit. Quorum inopinato aduentu, territo dilapsoque innox vicecomitis milite, ab oppidanis in urbem Sabaudus ea intromittitur lege, vt oppidi in se suscepto imperio, annis totis triginta sub præsulis sui potestatem eos haud redire, vicecomitibusve (qui superbo atque immodico imperio desiderium eius fecerant) tradi pateretur. Bielliensium sequuti exemplum vallis Andornensis incolæ, quique Boxium, Morteillanum, & Moxium montes habitant, Amadeo se, Vymaillea & Verruca arcibus illi traditis, submisere. Amadeus supremo sibi ea in loca dominio retento, quod in episcopi haud esse potestate videret, aduersus finitimorum iniurias ea tueri, prouentus annuos omnes fructusque præsuli permisit. Bellum quod tempestate hac inter Venetos Liguresque seu Genuensem populum propter Tenedum Græci soli insulam, infestissimis gestum animis, Amadei huius singulari cura, anno ex quo vltimo inter eos bellatum fuit sexto, pace inter prouincias illas facta, fuit sublatum, Tenedosque cum vtriusque populi consensu Sabaudus eiusque posteris in perpetuum cessit. Contra quoque ciuitas, Ioanna regina

Neapolitana (cui hactenus paruerat) fato tum functa, sua se sponte Amadei permisit imperio. Idem & fani Marthiniani, Castelmontiique fecere comites. Enimvero ad iustam & quæ armis ferendis esset idonea ætatem Amadei huius filius Amadeus iam peruenerat. Bressano itaque cum comitatu, baronatuque Basgeo, vt vnde pro conditione dignitateque sua, se viuo; vitam agere posset, haberet, pater donat. Quo lætus dono adolescens, actis patri gratis, vtriusque prouinciæ procures, nobilitatemque omnem ad se, fidem sibi suam iurciurando vt obstringant, venire iubet. Euocatus inter ceteros Eduardus Beaucensis, Beauioisij, & Foresti regulus, cum parere negaret, bellum illi protinus, coniuuente clam, iuno (vt nonnulli autumant) iubente patre, Amadeus mouet, Beauregardiamque, ad Ararim fluiuium statim arcem Lermittiique primo impetu capit. Induciis dein de biennialibus (in quas ad Burgundi Borbonique ducum preces Amadeus consenserat) finitis, cum de pace frustra fuisset actum, Thoysseum xi Sabaudus capite qua re conseruati, vehementer quibus arcis concredita fuerat custodia, vitam incolunitatemque pacti arcem dedunt. Idem qui Monmerlium tenebant, faciunt. Adcrant eo bello Amadeo Petrus comes Geneuensis, Hugo Chalonijs, Ioannes Philippusque Montbeliardij, regulus Sanctacrucis, & Gautherus Viennensis, magni omnes nominis procures. Locis illis potitus Amadeus, cum promotis castris, Chaldomontium, principem eo in tractu ciuitatem, Tessugis in seclis omnibus, graui oblatione premeret, veritus Eduardus, ne colloque amillo loco deterioribus longe conditionibus pacem facere cogeretur,

* Cnyssellu.

geretur, reconciliandæ cum Amadeo gratiæ viam quæ-
 rebat. Ludouicum itaque Borbonium adit ducem (erat
 is Amadeo auunculus) promittitque, si eo authore cum
 Amadeo in gratiam redire queat, & liberos sibi nasci
 non contingat, testamento se eum heredem scripturum.
 Obsequutus auunculi voluntati Amadeus, recepto in
 gratiam Eduardo, adempta eo bello loca omnia (Beau-
 regartio solo excepto castello, quod in Amadei huius
 Bressani quamdiu vixit mansit potestate) postquam
 clientis officium impleisset, restituit. Sunt qui ab Eduar-
 do hoc heredem Borbonium institutum scribât, quod
 ob leuia quædam iuueniliaque delicta, in carcerem Lū-
 tetianum coniectus Eduardus, Borbonij opera pristi-
 nam dimissus libertatem recuperasset. Cæterum ad
 Amadeum hunc nostrum illius patrem vt redeamus, in
 Neapolitano ille solo, ad diui Stephani sanum annis
 iam grauis, dum Ludouico Andium duci aduersus Vr-
 banum, qui sextus eo nomine pontificiam eum (pleris-
 que ex purpuratis patribus, qui Gebennensem cardina-
 lem, cui Urbano septimo nomen inditum, illi substitue-
 re, reclamantibus) administrabat sedem, opitulatur, op-
 pidis nonnullis iam captis, postridie calendas Martias
 post natum Dominum anno MCCC.LXXXIII. cum ma-
 gnò exercitus totius luctu, facio an veneno (quod qui-
 dam opinantur, qui vna cum Andium duce, ingentique
 militum equorumque multitudine, fontanæ aquæ,
 quam veneno hostis corruerat, haustu exanimatum
 scribunt, decedit, & Altecombam deportatur. Amadeo
 filio (diui Mauriti) ad eum, per Casparem Montmeu-
 rium primæ nobilitatis virum, misso annulo) tanti prin-

MCCC-
 LXXXIII.

cipatus opumque, quas a maioribus traditas habebat,
 & ipse longa imperij possessione cumulauerat, succes-
 sore relicto. Funus per laudes & memoriam virtutum
 eius celebre fuit. In Palæstinam eo finito bello princeps
 optimus, Christianæ ibi religionis proferendis pomœriis,
 proficisci constituerat, sacroque illi bello fortunas suas
 omnes vitamque simul deuouerat, & Pontifex Andius-
 que ingentem se, suis sumptibus instructam paratam-
 que classẽ, & militem, cui ipsi stipendia præberent,
 subsidio missuros promiserant. sed destinata salubriter,
 omni ratione potentius fatum, discussit, supremoq. Nu-
 mini, a cuius vnus nutu res mortalium dependent, ali-
 ter tum visum fuit. Miror summopere, quid Paulo
 Æmylio, præclaro alioqui Gallicarum rerum scriptori,
 in mentem venerit, scribere, Amadeum hunc (cum
 ipsum enim esse oportuit, quod rerum per Sabaudiam
 is tum potiretur) prælio eo quod ad Cresciacum anno
 MCCCXLVI. commissum fuit, regi Gallo suppetias tu-
 lisse, postremique agminis fuisse ductorem: cum in con-
 fesso sit Sabaudus id temporis ætatem militiæ nondum
 patientem fuisse. Sed in huius rei mentionem quando
 descendimus, lubet obiter hic tristissimum luctuosissi-
 mumque illum Galetensis oppidi incolarum (qui in
 hæc ipsa incidit tempora.) commemorare casum. Pu-
 gna illa, quæ ad x. cal. Septembreis, quæ tum nulla alia,
 tot nobilissimis clarissimisque cæsis ducibus, funesta Gal-
 lis, (quorum maximas copias parua Anglorum fudit
 manus) patrata fuit, victor Angliæ rex Eduardus Cale-
 tum protinus obsidet. Oppidum hoc est maritimum
 in confinio Picardiæ, Gesloriaco (quàm Bononiam
 nunc

nunc appellant urbem) finitimum , quod Itium olium portum (vnde commodissimum e Gallia in Britanniam traiectum fuisse prodidit Cæsar) plerique fuisse existimant. Ea oppugnatio parum cum procederet, vallo fossaque castra munire hybernaculaque (excita domo vxore) ibi ædificare Eduardus rex cepit, & ad exercitum in hybernis ipse permansit. Vndecimum iam mensem tenebat obsidio, & Franciæ rex Philippus, prouocato nequicquam ad pugnam æquo loco committendam Anglo, quod per munitionem hostium ad obsessos peruadere haud posset, præsidij tantum spem ostenderat: deditionis capere consilia oppidani, vbi intelligunt omnes suas fortunâs in extremo sitas, hostem infestum, auxilij spem nullam, penuria rerum necessariarum bellum trahi non posse. sed iratus ab longinqua obsidione rex Anglus, grauissimas imperat condiciones: Ni ferro ignique misceri omnia vellent, sex ciuitatis primores ad supplicium producerentur, cæteri oppidani cum singulis abirent vestimentis. Cum ploratu lamentisque & planctibus tota vrbs personaret, & in senatu ciuitatis, inter indignitatem necessitatemque (ferro enim an fame acrius vrgerentur, incerti erant) animi ancipites distingerentur, silentiumque ac torpor (inquit Æmylius) cæteros defixisset, qui eorum primus sedebat (erat is Eustatius a fano Petri) surrexit, seque iræ hostium offerre ac patriæ vitam condonare professus, æmulationem pietatis reliquis iniecit. Surrexere eius mox exemplo Ioannes Ariacus, Iacobus & Petrus Wissanthonij fratres (reliquorum duorum, cum insigni posteritatis iniuria, ignorata hæcenus nomina) primi potentissimique ciuitatis,

& sanguine inter se iuncti omnes. Hi restem collo, oppidi clauēs dextra ferentes, in amictu interiore, capita pedesque nudi ad pœnas producti, necari a rege iubentur. Attoniti tam atroci imperio duces nobilitasque cætera, monere orareque regem, ne magis iræ quam famæ dignitatisque consulendo, tantam victoriam crudelitate macularer. magnam eam rem illi inuidiam conflaturam, versurumque fortassis aliquando, vt res humanæ sunt, in Anglos exemplum, si obsessis & fame domitis, fæda etiam mors oppetenda sit. Cum in sententia rex perstaret, lictoremque agere iuberet, Philippa regina, Guilelmi Hannoniæ comitis filia, vterum gerens, productos eos recteque illigatos forte vt vidit, mariti regis aduoluta genibus, vt iræ moderaretur, hominumque illorum (quorum, mehercule, in contemnendis ac despiciendis pro ciuium salute periculis, virtutem pietatimque, nulla erit tam surda posteritas, nulla tam ingrata fama, quæ non in cælum debitis laudibus ferat) vitam sibi condonaret, multis ab eo lachrimans verbis contendit. Diu rex grauidæ caræque coniugis precibus repugnauit: victus ad vltimum, voluntati eius permissor e conspectu suo facessere protinus iubet. Illa fortunæ eorum miserta, receptos in sedes suas, laqueis sublati, accurate & liberaliter, præbitis etiam epulis, habet, & senis deinde singulos nobilibus aureis vesteque donatos, extra castra, præsidio aduersus militum iniurias adhibito, deduci curat. Ioannes Viennensis præsidij Gallici præfectus, cæteri que duces, in Angliam pecunia redimendi captiui abducti sunt. Oppidani laribus fortunisque omnibus relictis cum singulis vestimentis, cultu quam maxime

xime miserabili, alias quæsituri sedes, post cibum captum oppido excessere. Triste profecto, & cui a multis retro sæculis, nullum in Christiano orbe hoc simile visum spectaculum. Pari periculo, at impari præmio, primi postremique ciuium erant. Illis hoc in Galliis beneficij concessum, vt cæteris omnibus prælati (ita enim rex iusserat) ad vacuos possessoribus honores dignitatesque eucherentur. At miserrimæ plebeculæ non eadem publice habita ratio. Multi priuatim extorrium domo penatibusque miserati casum, suis eorum inopiam facultatibus subleuarunt. Deditione Caleſio, vndecimo mense quam oppugnari cœptum erat, hunc in modum potitus Anglus, tribus tantum extrema ætate ex veteribus retentis incolis, sacrificio nimirum; & duobus qui iurium consuetudinumque loci gnati erāt, nouam protinus Anglorum coloniam in eam urbem deduxit. Tringenta sex ex opulentissimis Londinensis urbis mercatoribus, præter ingentem aliorum hominum (qui magno numero, quod plurimis maximisque locum illum rex immunitatibus iuribusque donarat, accurrerant) multitudinem, cum familiis suis vniuersis eo loci commigrarunt. Annis fere ducentis & duodecim Anglis Caleſiū paruit, donec tandem Franciscus Guisij dux, sui sæculi ducū nō postremus, flexo sub mini millesimo quingentesimi quinquagesimi octauī principiū, præter mortalium omniū expectationem, ab eo quod instituere simularat, ad locū illum, opinione citius, itinere, Nieulayo & Risbano, munitissimis, illud terra, hoc mari arcendo hosti propugnaculis, & arce tandem ipsa, summa celeritate (facto non consulto in re tali opus esse ratus) expugnatis,

gnatis, Dunfortium nobilem Anglum, loci præfectum, quibus ipse vellet conditionibus (inter quas vt Angli omnes oppido abirent, nam idem olim Angli factitarent) deditionem facere coëgit. Tentarat quidem eam ipsam rem, sæculi quod proxime hoc nostrum antecessit, anno xxxvi, ingenti Burgundiæ dux Philippus conatu apparatuque: & magna cum victoriæ tenebat spes. sed cum milite Flandro (qui tumultuario delectu eductus, diuturnioris impatiens moræ, domum redire gestiebat, neque imperio authoritateque, neque gratia, precibus aut precio in officio cōtineri poterat) quia plus illi molestiarum quam cum hoste ipso erat, obsidionem, princeps laudis gloriæque avidissimus, cum summa animi ægritudine, soluere coactus fuit. Duodequadraginta post annis Albertus Austriæ archidux, Rodolphi imperatoris frater, Belgicæ ab Hispaniarum rege Philippo præfectus, cum inferendo Anglis bello opportunum maxime locum illum esse animaduerneret, eadem qua Guisus dux simulatione celeritateque usus, inceptoque suo occultato, haud diu admodum obsesum, singulari fortitudine, mortalibus omnibus admirantibus, sæculi huius anno xcvi. suæ fecit potestatis. Res enim trepidæ, metus ingens, malum improvisum oppidanos vti deditionem facerent coëgere.



BONA Borbonia; Petri & Ludouici Borboni ducum, illius filia, huius soror. Cogitabat Guilelmo Baumen uxorem Amadeo dare Odonis Burgundia duci filiam: sed quod liberis procreandum per aratem nondum illa esset idonea, ad patrem cum honoratissimo comitatu remissa fuit.

AMADEVS eo nomine septimus Sabaudia comes.

IOANNES Patriarcha Constantinopolitanus & decanus ad diuum Apollinarem. Eius pauci meminere.

LYDOVICVS. Huius quoque rara mentio.

DE AMADEO EO NOMINE
COMITE SEPTIMO.

AMADEVS septimus eo nomine Sabaudia comes duodecimus, Ruber dictus, ætatis anno vicesimo tertio Amadeo patri succedit. Cui postquã iusta magnifice morte recepto fecit, Theodorico Marchioni Montisferratenſi, quod * Yurenses ille & Coriuayeos aduersus absentem concitasset, bellum mouet, subditoque illos, sumpto de consciis supplicio, arceque Coriuaya deleta, in officio continuït. Cum Sedunenſibus ob pulsum episcopali ſede Eduardum Sabaudum Philippi Moreæ principis filium, graui quoque gesto bello, Eduardum, Seduno vrbe expugnata, arcibusque illi imminentibus Moria & Turbillone deditione captis, pristino loco restituit. Eius quoque successor Humberto Fillienſi rebellem Valesienſem Sedunenſemque populum, sumptis in Guyeri comitis (qui præfuli patruus auunculusve erat) gratiam armis, parere cogit. Qui post

* Yurens aut
Tuore.

Paradinum Taboetumque ex professo historiam hanc tractantes, de Sabaudicis obiter scripsere rebus, nulla posterioris huius rebellionis facta mentione, prius illud bellum, restituto Eduardo, feliciter primò cessisse tradunt: verum illo denuo. (vt aiunt) deiecto deturbatoque, cum bellum Sabaudus redintegraret, a Sedunensibus, Valesiisque sub salutis annum MCCCLXXXVIII. victus fugatusque supra quatuor hominum armatorum millia amisit. Penes authores fides sit. Fredericum marchionem Salusianum, qui fines eius cum magna hominum manu populabundus inuaserat, locaque iam aliquot occuparat, saniora protinus capere consilia coegit. Nicea inde Insubrumque principatu, a ciuibz ipsis vitro delato, sine cæde & sanguine potitur. Indicto siquidem in eam rem concilio, cum opinionibus inter se populus Niceanus, cui a Ladislao rege Neapolitano destituto rectore opus erat (alij Lancelotum Durassium fuisse, & Niceanum populum ab eo defecisse scribunt) variaret, & circa consilium eligendi successoris, in plures factiones scinderetur, plerisque ducis Genuensis, aliis Delphini Viennensis, nonnullis Virtutum comitis imperium cupientibus, Ioannes tandem Grunaultus Bueli regulus (qui priuatæ gratiæ adiutur apud Sabaudum quarens, Sabaudum longe potentissimum, cuius vnus virtute aduersus mortalium omnium iniurias facile tuti forent, cæteris omnibus præferendum censebat) partim, consilio, partim precibus euicit, vt missis ad Sabaudum legatis, sponte sua in eius ditionem imperiumque concederent. Idem & Loziersij & vallis Sturianæ fecerunt incolæ, & boni fidelesque semper mansere. Sed rebus ad

Niceam

MCCC-
LXXXVIII.

Niceam constitutis, Buellioque provinciæ illius Satrapea donatō, cum domum reuersus Amadeus, ad venationem (quo se exercitij genere frequenter curarum vacuus oblectabat) denuo rediisset, oblatum forte fortuna aprum, vehementius, admissō equo, dum persequitur, in terram, equo cespitante, prolapsus, graue in femore dextro vulnus accipit: quod dum negligit, vxorisque, quam grauidam tum fecit, nihilominus indulget amplexibus, graui correptus morbo, & vulnere debilitatus paulo post (medico qui ex Africa Borbonium ducem comitabatur, nequicquam bene sperare iubente) calendis Nouembribus, anno sæculi eius xcvi. moritur, & in Altecombano monasterio sepelitur. Plurimis barbari illius circumforanei medici suspecta vehementer fides fuit, corruptumque cum existimabant, quod dum caput Amadeo raderet, pellem locis aliquot incidisset, eaque exulcerationi illi adhibuisset medicamenta, quæ deteriore indies Amadei valetudinem facerent, ipsomet Amadeo pessimi scelestissimique medici perfidia perire se subinde clāmitante. Sed comprehensus ille, & ex vinculis causam dicere iussus, ita sese expurgauit, vt nullius conuictus sceleris Sabaudia decedere iuberetur. Otto quoque Granssōnius, primæ inter Sabaudos nobilitatis, acceleratæ Amadeo comiti mortis suspitione haud caruit, quod medicum illum in Burgundiam curasset deducendum. Sabaudia itaque, Gallia, Burgundia, Germaniaque exulare coactus, in Angliam concessit.

mccc.
xcvii.
*Variat hic
Paradinus,
quintus an-
no xci.
hunc xc-
vii. an de-
cessisse scri-
bit.*



BONA Biturica
Ioanni Franci Bituri-
gum seu Berry duci
filia, Bernardi Armi-
gnaci (cui filiam, Ca-
rolo Aurelianensi duci
nuptam, pepererat)
vidua. Quæ Amadeo
superstes, Ioanni Bor-
bonio duci eo nomine
primo, tertio matrimonio iuncta fuit. Sunt qui
Annam eam appellant.

AMADEVS pa-
tri succedit.

BONA vxor Lu-
dovici Sabaudi Mo-
reæ principis.

IOANNA post-
humæ, Iacobi Ioanni
Montisferrati mar-
chionis & Italia præ-
sidii coniunx.

DE AMADEO EIVS NOMINIS

OCTAVO, DVCE PRIMO.

MCCC-
LXXXIII.

MCCC-
XCVII.

NA T.V.S anno a virgineo partu MCCCCLXXXIII.
superstite adhuc ayo paterno Amadeo sexto,
Amadeus qui eius nominis octauus dictus fuit, Ama-
deo patri sæculi illius anno xcvii, diui Mauricij accepto
annulo succedit. Sed patrem puer quod animisisset, Bona
Biturica, inatrona optima prudentissimaque filij & to-
tius simul comitatus curam in se suscipit, altercantibus
nequicquam de ea inter se Bona Borbonia pueri auia,
Ludouico Sabauda Moreæ principe (qui sororem eius
vxorem duxerat) & comite Geneuensi, qui vna cum
Philippo Burgundia duce (cuius summa tum apud om-
nis ordinis homines erat authoritas) & pueri tutelam
& comitatus ipsius administrationem certatim ad se
omnes trahere, sed præ cæteris Bona Borbonia, quæ in
suis manibus nepotem educari conuenire affirmabat.
Ea res, scæmineum imperium plerisque auersantibus,
maximis

maximis deinde dissidiis diuisionibusque occasionem præbuit. Neque antequam principatus in se curam Amadeus (Maria Burgunda, quam infanti infantem parentes desponderant, vxore ducta) transfulisset, tumultus illi conquievere. Postquam enim principis per se munia obire cepit, tam gratum acceptumque mortalibus omnibus eius fuit imperium, ut nemo esset subditorum, qui non felicem beatumque tali se principe prædicaret. paribus quippe inter se lenitate grauitateque eam potentiam ita moderabatur temperabatque, ut neque facilitas contemptibilem, neque formidabilem odiosumve faceret seueritas. Scribit Guilelmus Paradinus (obiter enim id annotandum hic putauit, ut qui diuinum nobis Numen grauitè videmus offensum, cā ipsam eius placandi, nisi malis nostris immori velimus, viam tandem aliquando, quam populus hic, ineamus) maximis sub hæc tempora Italiam vicinasque regiones vexatas fuisse calamitatibus, maximis afflictas miseriis, dum grauis hinc pestilentia subitæque mortes, illinc ciuilia infestissimis exercita odiis bella, & ecclesiam fœde deformantia passim grassantur schismata, quæ omnia dirus rubescensq. cometes, visæque paulo ante cœlestes faces (magnarum semper calamitatum prænunciæ) portenderant. His auertendis ab irato immisissis plagis Deo, iratoque Numini propitiâdo, cum supplicationes in urbibus oppidisque, & per fora omnia conciliabulaque essent indictæ, immensam mortalium ciuitates oppidaque in alba passim veste circumeuntium, & vicina aduentium loca, videre erat multitudinem, perduellionisque diuinæ arcessiebatur, quicumque eo sumpto habitu cæteris se non

aggregasset. Ex panno lino albo ea facta vestis, ad imos defluebat pedes, faciemque ex eodem capitia velabant panno. Nullum per vniuersam Italiam Pedemontanumque agrum hominum erat genus, nulla ætas quæ illi se pœnitentiæ generi sponte non obstrinxisset. Incedebant eo passim tristi habitu proceres, sæminæque principes, & reliqua vtriusque sexus nobilitas vniuersa: incedebant pueri senesque: incedebant nuptæ innuptæque: incedebant denique propiore etiam religione, episcopi præsulesque, & reliquus clerus omnis: neque erat quisquam qui præcipuum sibi quid in hoc rerum statu arigaret, aut ab hoc se vitæ genere eximi cuperet. Erat quippe in pari communique calamitate, par omnium luctus; par quoque scelerum, quibus diuini in se Numinis iram prouocarant, admirabili & hætenus per Italiam inaudito pœnitentiæ genere, detestatio: adeo ut mensibus totis tribus, quibus piis hisce actionibus fuit immoratum placâdo Deo, certatim omnes odiis inimicis que positis, cultu, qui inter omnia vilitate notabatur, incumbere, litesque & forensis strepitus omnis toto eo tempore, tanquam religioso, cessaret. Sed ad institutum nunc redeamus. Diximus cum de Amadeo eius nominis quarto scriberemus, equites sodalitiij Ioânitani, qui in Templariorum equitum bona successerant, illum ipsum Amadeum, quod eius potissimum singulari fortitudine, Rhodus insula vna cum vrbe in Christianorum concessisset potestatem, ædibus iis, quas in Lugdunensi vrbe Templarij possederant, donasse. Eas ipsas ædes, Sabaudicas ab eo tempore appellatas, Amadeus tandem hic in diui Petri Celestini (cuius paulo ante in-

te in diuorum relati numerū, memoriam religiosissime colebat) gratiam Sodalitij Celestino, quod illa tempestate cepit, donat, Ludouicoque imperat filio, vt ædem eo loco sacram, & pauculis, quos eo euocarat monachis commodam exstruat habitationem. Cæterum quem aureorum septuaginta quinque annuum monachis illis redditum Amadeus hic constituit, magnum hic, Ludouici filij eius, qui & monasterij ipsius pomœria protulit, beneficio, accepit incrementum. Amadeo cuius iam factæ ætatis, vt ferendis armis esset idoneus, accidit vt Ioannem præfulem Leodicensem episcopatu populus Leodicensis pelleret, pulsumque armis porro (Pierweisij reguli filio illi succellore dato) persequeretur. Quam illatam fratri suo a subditis contumeliam cum grauitè Guilhelmus Hannoniæ ferret comes, Ioannis protinus Burgundiæ ducis (qui vtriusque sororem, vxorem duxerat) opem aduersus Leodicenses implorat. Suscipit defendendum Leodicensem Burgundus, Amadeoque (cui sororem suam Mariam collocarat) vt missis suppetiis in belli illius communionem veniat, author est. Non exiguum eius confæderationis fructum sensit Leodicensis. Cæso enim eo quod ad Tungros nono calendas Octobreis salutis anno MCCCCVIII. commissum fuit prælio ipsomet Pierweisio, totius illius tragediæ auctore, eiusque filio (qui Leodicensem se præfulem nominabat) vna cum Salmesij in Arduennis comitis filio, & ex Leodicensi populo (qui maximam victoriæ fiduciam in numero reposuerat) supra viginti octo millibus, debellatum protinus, Bauarusque in pristinum restitutus fuit locum. Amadei Virij (quem spectatæ militiæ,

MCCCC.

VIII.

tiæ, ex primaria inter Sabaudos delectum nobilitate, copiis, quas Bauaro subsidio miserat, Sabaudus præferebat) cæteræque nobilitatis Sabaudicæ singularis & prope incredibilis in conflictu hoc apparuit virtus: quam admiratus Burgundus, Virium, amplissimis inuitatum stipendiis, apud se vna cum trecentis ex Sabaudica delectis iuuentute retinuit, & prætorix ascriptos cohorti, corporis sui adhibuit custodia. Demonstratum paulo ante fuit, quo iure Ludouicus bonus Borbonij dux Beauioisio, Dumbarumque, post Eduardum postremum eorum locorum dominum, potitus sit principatu: restat nunc, ut quomodo ea res latenti inter Sabaudum Borboniumque dissidio occasionem præbuerit, dicamus. Existimabat Borbonius Dumbarum se principatum, quod terrarum Romano imperio subiectarum finibus contineretur, supremo possidere iure; neque fidem suam ulli mortalium eius ergo obstrinxerat. Sabaudus ex aduerso eius loci dominium summum ad se trahere, & Borbonium, nisi principem sibi locum earum possessionum intuitu & fidem simul suam deferat, non aliter ad dominatus illius communionem admittere: dissimulare tamen interim, quod Bonam Borboniam, Ludouici ducis sororem, auiam paternam habuisset. Cæterum dum hæc inter utrumque principem serpit paulatim controuersia, Amadeus Virius (is ipse cuius paulo ante mentionem fecimus) Ludouico Borbonio duci bellum suo priuatim nomine, faciali ad eum misso denuntiat, omnibus admirantibus mortalibus, quod solis vsitatum proceribus in bellis indicendis consuetudinem homo priuatus, & nulla ex parte cum tanto principe

cipe conferendus sibi artogare fuisset ausus. Maiorem ea res odio, quod aduersus Amadeum sororis suae nepotem Borbonius conceperat, occasionem praeiuit; praesertim cum loca iam castellaque aliquot in Beauioisio & Dumbatum tractu expugnante Virio, in suspicionem venisset, Virium (cui ad exercitum conscribendum vires opesque decrant) non nisi conscio, imo instigante clam Sabauda eam rem ausum aggressumque. Alij Ioannis Burgundi ducis (qui ob exortas iam pridem inter Burgundicam Aurelianensemque, cui fauere clam Borbonij, familias, grauissimas discordias, quibus prope ad vltimum dimicationum ventum est, Borbonio in fensi erant) clandestinis consilijs, Virium eo progressum audaciae existimabāt. Vt vult, Burgundi principis longe potentissimi subnixum fauore, ea Virium, haud clam Sabauda (ex quo spes opesque eius penderent) conatum, propius vero est. Ceterum qui susceptorum temere ab hominibus fortunae angustioris, aduersus potentiores, consiliorum exitus fere esse solet, idem horum quoque fuit. Borbonius quippe cum expedita aduersus Virium profectus manu, loca ea omnia quae ille ceperat, sibi denovo (Virio in Bressio, eius haud expectato aduentu, profecto) subiicit. Et Sabauda (utriusque iuxta infestus) nisi Virius sibi deditur, bellum illaturum se minatur: ut dederetur a Sabauda (qui belli illius culpam omnem a se remouit) obtinuit, ea tamen lege, ut instar bello capti habitus, ubi Borbonio de damnis & iniuriis eo illo bello illatis satisfecisset, dimitteretur. Dissidio illo inter Borbonium Sabaudumque sublato, quae de fide clientelari, quam

a Borbonio Sabaudus poscebat, reliqua inter eos erat
 controuersia, ea Bertij ducis (quem ipsum Sabaudus
 auunculum habebat) arbitrio auctoritateque compo-
 sita ex vtriusque voluntate fuit, Borbonij filio Clermon-
 tij comite, fidem suam pro Ludouico patre, Sabauda
 (vt Franciæ habent annales) obstringente. Sed non diu
 admodum ea concordia stetit. Carolo enim eius nomi-
 nis sexto Galliarum regi cum Caroli ducis Aurelia-
 nensis confederatorumque eius suspectæ vehementer
 essent actiones, sinistrique aliquid aduersum se illos
 moliri plane haberet persuasum, euocatis ad se amicis-
 simis quibusque, iisque quorum summam in se volun-
 tatem egregiamque fidem perspexerat, erat inter hos
 Burgundiæ dux Ioannes, & Amadeus hic noster, qui
 equites cataphractos quingentos, quibus Amadeum
 Virium (in cuius adhuc hominis animo, ad contume-
 liam inexpecto, recentis ignominie, nuperrima illa ca-
 piuitate acceptæ, inembra, vindictæque simul hærebat
 desiderium) præfecerat, secum adduxit, ceterique Bur-
 gundiæ factionis procures, ex eorum consilio, qui Au-
 relianensis Borboniique ducum agros depopulentur,
 eorumque subditos, vtrendo tecta sataque, vexent, mit-
 tere statuit. Amadeo Virio Fierbourgioque regalo ea
 data prouincia fuit. Illi non segniter imperata facere, &
 quacunque pergerent, agros, domos, homines, vastare,
 vrere, cadere, & eo quidem insensius, quod Borbonius
 in agro Gharbloisio idem paulo ante fecitasset, Bur-
 gundi nihilum odio, quod maior eius vnus tum
 apud regem & per vniuersam Galliam, quam cetero-
 rum regij sanguinis principum omnium esset auctori-

tas. Quæ res cum Berrio, Borbonio, & Aurelianensi duci plurimum displiceret, non aduersus eum solum, sed Sabaudia quoque comitem Amadeum (qui Burgundi ducta sorore, instructissimum semper, quo laboranti, si opus esset, posset succurrere, habebat exercitum) inter se conspirant. Per illa quippe tempora, quicunque Gallicam rempublicam agitauere, honestis nominibus, alij quasi iura populi defenderent, eorumque qui pacem concordiamque deferrent fidei diffiderent, pars quo regis autoritas maxima foret, bonum publicum simulantes, pro sua quisque potentia certabant, neque illis modestia, neque modus contentionis erat. Ceterum conspirationis huius quam fuerit funestus calamitosusque exitus, si singillatim aut pro magnitudine parem differere, tempus quam res maturius deseret. quamobrem ad inceptum redeo. Sigismundo imperatori cum schismatis, quo grauius tum ecclesia Christiana (tribus vno simul tempore pontificatum Romanum inuadentibus) laborabat, tollendi causa, in Galliam proficisci constitutum esset (neque enim missis legationibus quicquam hactenus fuerat profectum) imperij procenibus, vt extra Romani imperij fines proficiscentem Imperatorem, recepto antiquitus more, comitarentur, fuit imperatum. Accurrere præter principes Electores, duces imperij quatuor, totidem Lantgrauij, & par marchionum comitumque (inter quos secundus Sabaudus hic noster) numerus, cum decenti omnes & suæ quisque dignitati conueniente comitatu. Sed morbo Sabaudus in itinere (verone, an quod ob tacitas cum Aurelianensi duce, qui Burgundi hostis erat capitalis,

MCCCCXV.

simultates, eius fugeret consortium, simulato, incertum) correptus, domum sæculi eius anno decimoquinto, imperatore permittente, redit. Ea tempestate cum Genuæ odiis dissidiisque atrociter respublica ageretur, atque haud procul seditione res esset, mittit eo, domum reuersus Amadeus, qui per alterius negotij simulationem, nonnullorum clam ciuium animos tentaret, videretque num eorum hominum opera imperatoris locum illum imperio posset adiciere. Quo mari Ligustico (quod plerisque Tusciæ imperitat locis) potiunte imperatore, liber ad Italiam illi aditus, & minus ad coronam imperialem obtingendam esset obstaculi. Sed cum secundo clam Genuam is qui a Sabauda in eam rem missus fuerat, venisset, patefactis eius tandem consiliis, suorumne iudicio, an quod minus prudenter circumspicteque suscepto incumberet operi, dubium prorsus, Barnabæ Guaronis (quem mediæ fortunæ, at haud malum aliqui hominem, ducem sibi Genuenses per discordias, Georgio Adurnio sua sponte boni publici causa cum magistratum eiurante, fecerant) iussu comprehenditur, & capitis, causa indicta, condemnatur. Sed factum hoc non diu impune Barnabas dux tulit, postquam anno vixdum vertente ducatu priuatus, Genua vniuersa a Thoma Fregosio pelleretur. Conatus hic quamquam minus feliciter tum cessit, confirmatus tamen in ea quam de Sabaudia principum perpetua constantique erga Romanos imperatores voluntate animo conceperat opinione Sigismundus imperator, Amadeum, ex Anglia sæculi illius anno decimoseptimo reuersus, primum in arcem Montfuerana non procul Lugdu-

MCCCC.
XV.

no (alij paulo ante in concilio Constantiensi factum id affirmant) Sabaudia ex comite facit ducem; vt optime scilicet de se patreque suo & vniuerso imperio meritam gentem illam grandiore aliquo beneficio sibi faceret obstrictiorem. Quia metuente Sabauda, ne ciuitatum Vallensium exemplo, cōfœderatis Heluctiis, societate cum iis inita, Genœua Lausannaque se iungerent, plenum illi merumque biennio post, in eas ciuitates, Marthino Pontifice eam donationem approbante, permisit imperium. Cæterum piis præclarisque semper intentus operibus Amadeus, tollendoque quod inter Carolum eo nomine septimum Galliarum regem & Philippum bonum Burgundia ducē (qui Ioanni duci patri, ab Aurelianensis factionis hominibus cæso, successerat) infestissimis gerebatur odiis, bello, cum diligentem sedulamque aliquamdiu operam nauasset, variis vltro citroque missis legationibus, vt Atrebatum tandem inter eos pacificaretur effecit; pulsas Gallia omni qui eadem illam patrarant, eiusve conscij fuerant. Inter quos Tanneguius Chattellius, Ioannes Lotuerus Prouincia præses, Ioannes Aurelianensis nothus, Guilelmus Auangourius Clermonti præsul (cui in episcopatum suum se recipienti, soli manere permissum) Ioannes Cadorius medicus regius, Robertus Maconus ex equestri ordine, & Ioanna Bonnettea Ioyeusi dynastæ vxor. Belgrade per Philippum Mediolani ducem (qui quem aduersus Florentinos Venetosque conscripserat militem, cōtra Sabaudum, quod cum Venetis ille societatem fecerat, verit) Sabaudia illato finibus, Nouariaque & Verceilis occupatis, copias protinus Sabaudus, quantas

potest maximas conscribit, Burgundiaque ducis implorato subsidio, in Lombardiam ducit: quam depopulatus, non exiguam agro Mediolanensi, vicis villisque passim incensis, cladem infert. At enim Sigismundo imperatore (qui Italiam, vt aurea supremaque illa corona insigniretur, aditurus, in procinctu iam existens, a Philippo duce vt per eius sibi fines iter facere liceret, impetrauit, quique Amadeo optime cupiebat) authore, cum ab armis vtrunque esset discessum, in gratiam tandem, Nouariam Vercellasque restituente Mediolanensi, Amadeique filiam Mariam vxorem ducente, reditum fuit. Interea dum cum Anglo rege Burgundoque acerbum Galliarum rex, quo, dum parum in amicis praesidij est, regni sui potiore amisit partem, gerit bellum, consiliaque erigendae ex tam graui casu reipublicae secum agitat, capta ex diuturniore hac eius absentia occasione, Delphinatum Aurantiae princeps inuadere cogitans, missa ad Sabaudum legatione, suppetias ea ab illo obtinet lege, vt Delphinatus eum tractum, in quo Gratianopolis sita, Montes adhuc, & Viennam Sabaudis, si victoria potiretur, traderet. Sed aliud longe quam sperarat vterque, suscepti illius belli fuit exitus. Delphinatum enim cum Varenbonio regulo (erat is qui Sabaudica adduxerat auxilia) vix ingressum Aurantium Gaucourtius (quem hominem nobilem & magnis opibus clarum loco illi Gallus rex praefecerat) apud Anthonum, commisso cum eo praelio, castris exiit; deletisque eius copiis, destitutum omni spe fugam capeffere, Anthonumque trajecto Rhodano celeriter repetere cogit. Captus eo fuit praelio Guilelmus Viennensis fani Georgiani do-

ni dominus Burgundus, aliiq̃ue magno numero nobiles viri, & caſi ſupra trecentos. Graui hoc ipſo tempore, ſub annum ſcilicet ſæculi illius xxxi. inter Renatum Andium, & Antonium Lotharingum Vaudemontij comitem Ferrij filium, exorto diffidio, quod Burgundi partes Vaudemontius, Galli e contra Andius ſequuti fuiſſent, quodque Eliſabetham Caroli Lotharingiæ ducis eius nominis ſecundi filiam hæredemq̃ue vnicam, Andij vxorem, a Lotharingiæ ſucceſſione arceri debere affirmante Vaudemontio, Baſilienſi tamen concilio pro Andio fuiſſet iudicatum, Antonio Burgundus Sabaudusq̃ue magna miſere auxilia: ſed maiora fuere quæ ab Amadeo miſſa. Equitum quippe optime armis inſtrutorum ingens erat numerus, quibus Imbertus Sabaudix præfectus (Marſchallum appellant) & Saixij regulus, magni clariq̃ue ambo duces, & conſilio boni imperabant. Ceterum acri, vbi primum in conſpectum ventum eſt, ad Bubneuilleum in campis Villemanis commiſſo prælio, victor tãdem Vaudemontius diſceſſit, Renatusq̃ue hoſtibus vndique cinctus, & a ſuis deſertus fortiter pugnans capitur, & ad Burgundum ducitur. Inter omnes Vaudemontianos ſociosq̃ue præcipua laus eius belli vel ipſis non diſſidentibus hoſtibus penes Sabaudicum equitem fuit. Capti vna cum Renato Andio, Metenſis præſul, Rodemarqueus regulus, & Arcyus vicecomes, multique alij primæ nobilitatis viri, Sabaudix Burgundiæq̃ue præfectis Antonio Tholongeono & Imberto antediſcto traditi fuere, iisq̃ue permiſſum, vt inter militem illos ſuum, pro cuiuſq̃. virtute meritoq̃ue diuiderent. Ætatis iam annum quinquageſimum & ſextum

MCCCC-
XXXI.

sextum Amadeus attigerat, decesseratque vxor eius Bona, plures apud eum enixa partus, cum expendentem apud animum suum, quot quantisque casibus atque periculis mortalium exposita semper atque cincta vndique vita sit, principum maxime etiam potentissimorum, simulque vitæ nobis hic (vbi firmum perpetuumque nihil, sed vanitati omnia subiacent) breuem incertumque præstitutum esse terminum, mortaliū caducarumque harum rerum, & mundi quoque ipsius graue capere cæpit tædium, animūque eius vitæ comitūandæ, & sanctius puriusque in posterum instituendæ seria subiit cogitatio. Ceterum eam antequam rem aggredieretur, viros aliquot nobiles ex equestri ordine, quorum summa apud eum fuerat semper authoritas, quique in paucis illi chari erant, huius sui consilij participes facere voluit, vt in suam pertractis sententiā ideim vitæ persuaderet genus; simulque vt quos in supremo potentie collocatus fastigio, in gaudiorum omnium admiserat communionem, eorum quoque suauissimo in solitudine consortio frueretur. Duobus itaque ex his in secretiorē ad se vocatis locum (erant hi Claudius Saixeus, Sexteum appellant alij, & Henricus Columbiensis, viri tum genere inter suos, tum factis clari) hisce ad eos verbis vsus scribitur.

- „ Facit, viri mihi longe gratissimi, singularis meus in
 „ vos amor, & vestra longo mihi iam tempore spectata,
 „ multisque exemplis comprobata fides, certo mihi vt
 „ persuadeam, nihil mihi tam posse accidere acerbum, ni-
 „ hil tam triste, nullam dignitatis fortunæ mutationem,
 „ quæ a meo vos consortio aut possit aut debeat vllō tem-

pore

pore separare. Cuius hercule mei in vos amoris tanta „
vis est, adeo inter se nostri iuncti colligatique inuicem „
spiritus sunt, vt quamuis præsentiam mihi vestram sub- „
trahi contingere aliquando queat; nunquam tamen, „
quãndiu hac me aura frui elemeis ille patietur Deus, „
vestri animo meo memoria sit excisura. Peto itaque a „
vobis, &, si vestri id patiuntur mores, vos obsecro, vt, „
quoniam olim rei agitatæ animo meo, nunc promen- „
dæ tempus aduenit, quietumque & solitarium vitæ ge- „
nus, procul ambitione ac foro, profiteri, in posterum „
mihi constitutum est, vestram mihi societatem ne dene- „
getis. Quod si a vobis impetrare me permittitis, mihi „
maximus laborum atque operum meorum erit fructus, „
neque vos eius suscepti consilij vnquam pœnitebit. Eam „
enim vestri me curam habiturum semper promitto, vt „
victus vestitusque genere mihi exæquemini, posterique „
vestri non ingrato vos principi obsequutos intelligant. „

Admirati vehemēter viri illi nobiles tam benigne fa-
miliariterque se a suo principe compellati, & eos singu-
laris in se affectus in viro tanto stimulos, multis illum
rationibus ab ea sententia deducere cōnari, ostenderē-
que, imperium eius & late patere, & esse Dei beneficio
nunc florentissimum armis virisque, facta cum princi-
pibus finitimis omnibus pace, imperatoris regumque
Christianorum omnium conciliata amicitiā, nūc etiam
titulo dominatus aucto. Subditorum ad hanc commē-
morare erga eum amorem obseruantiamque singula-
rem: præclaram insuper, cuius Deus eum parentem fe-
cisset, subolem (adeo vt nihil illi ad summam felicitā-
tem deesse videretur) ob oculos ponere: obtestarique
Q cum

cum ne quietis solitudinisque desiderium pluris quam
subditorum suorum salutem æstimaret: regendo in lon-
ga pace concedito sibi a Deo populo diligenter porro
incumberet, cum in officio contineret, curaretque vt per
homines honestissimos, virosque fortissimos leges &
iudicia administrarentur: veram hanc ad æternam com-
parandam salutem viam esse. Hæc pro sua in eum ob-
seruantia haud occultasse. ceterum eius se consiliis non
,, aduersaturos. Quandoquidem (respondet ad ea dux)
,, felicitatem mihi vos quandam attribuere & fortunam
,, meam tantopere video prædicare, quid de ea quam re-
,, gibus principibusque plerique hominum, qui rebus ca-
,, ducis & fluxis, quæ hic relinquendæ sunt, hominis bo-
,, na metiri solent ascribunt, sentiendum indicandum-
,, que sit felicitate, prorsus vos ignorare intelligo. Aliter
,, enim longe, illius si felicitatis vel minimum fecissetis pe-
,, riculum (mihi credite) sentiretis. In sola quippe vnaque
,, libertate, cum felicitatis huius quam vos tanti facere vi-
,, deo, summa sita potissimum sit, necesse est vt vel inuiti
,, mecum fateamini, qui procul ab omni hominum stre-
,, pitu priuatam agunt vitam, eorum longe optimam es-
,, se conditionem, libertatemque illis obtingere, quam in
,, principe viro etiam potentissimo temere requiras. Cæte-
,, ris quippe mortalibus in eo stare consilia quid sibi con-
,, ducere putant: principum virorum diuersam esse for-
,, tem, quibus præcipua rerum ad famam dirigenda, vt
,, omittam, vix anno vertente tot voluptatis illecebras per-
,, cipere virum principem, quot vel vno interdum die ho-
,, minibus priuatis videmus obuenire, si verum sit, potis-
,, simam voluptatis nostræ partem ex sensibus suam tra-
here

here originem. A visu (si lubet) ordiamur. Quis pri-
uato cuique varias regiones, terras, vires, oppida pera-
grare lustrareque, & admiranda ac pulcherrima quæque
iis in locis impune contemplari, longoque visu lumi-
na sua satiare quodocunque lubeat, liberum esse ne-
gauit? At viro principi, multorum hominum odiis
inuidiæque (quæ eminentis fortunæ comes assidua, al-
tissimisque adheret) obnoxio semper, nemo eam im-
pune asseruerit libertatem: cum metus eum semper ex-
agitet, ne aut in decorum peccet, aut ea apud dignitate
forte non inferiorem comittat, quæ personam suam
dedeçant, aut nomini suo apud rigidos illos mo-
rum aulicorum censores maculam aliquam possint in-
urere. Accedit huc quod (cum nemo celerius oppri-
matur quam qui nihil timet)periculo ea haud careat res,
cum fieri possit (quod regibus atque principibus viris
plerisque fines suos temere & sine iusto præsidio egres-
sis legimus contigisse) vt insidiis excepti comprehensi
que, etiam ab eo quem nunquam læserint offenderin-
te, in tetrum aliquem coniiciantur carcerem, in quo
quam diutissime asseruentur; necentur etiam per sum-
mam crudelitatem nonnūquam. Abstineo dicere quod
dum procul abeūt, vicinorum principum iniuriis ditio-
nes suas subiectumque sibi exponant populū, & in
prædam quasi tradant. Esto (subinferente Claudio
Saixeo) demus, princeps illustrissime, hominum priuato-
rum meliorem hac in parte esse conditionem: sed hoc
nobis non negaueris, quæ auditu percipitur voluptas,
eam vobis esse propriam, cuius aures vestras ea tantum
circumsonent, quæ læta grataque, neque quenquam in

regum principumve aulis comitatuve reperire sit, qui eorum actiones sermonesque omnes non prædicet, mirisque semper laudibus euehat: aliis enim vocibus eorum auribus obstreperere offensæ vetat metus.

„ Sed quam quæso (responderet ad ea dux) ex falsis &
„ non suis laudibus (solet quippe magnæ semper fortu-
„ næ comes esse adulatio, pessimum veri affectus vene-
„ nū) capere queat, quam tantopere vos admiramini prin-
„ ceps hic voluptatem; cum eas sibi a plerisque (quibus
„ omnia principum honesta atque inhonesta laudare
„ mos est, quique principum potentiorumque beneuo-
„ lentiam blanditiis assentationibusque colligere soliti, ad
„ voluntatem loquuntur, & auribus seruiunt) ascribi vi-
„ deat virtutes, quarum vix tenuem sapius in se umbram
„ inueniat. Veras demum eas mihi visas semper laudes,
„ quæ a libero & adulari nescio profectæ ore, & vos re-
„ stor, & meminisse posteros volo. Nam tribuere homi-
„ ni quod in eo non reperias, quid hoc quæso aliud est
„ quam summa cum afficere contumelia? Cæterum ad
„ eam voluptatem quæ in gustu consistit quod attinet,
„ non ignarus equidem sum, ob ciborum vinique omnis
„ generis in ædibus nostris redundantiam, varietatem, at-
„ que suauitatem, beatos nos vulgus hominum prædica-
„ re: verum eduliorum vinique voluptatem ex gustu, sapo-
„ re, appetentiaque qui metiuntur, næ aliter illos longe sen-
„ tire ego existinauerim. Vt enim vera sensus huius vo-
„ luptas in ciborum potusque desiderio atque delectu
„ consistit potissimum: ita crebra illa seculorum varietas,
„ intempestiuæque conuiuia, & perpotandi peruigilandi-
„ que insana dulcedo, sui secum vt plurimum fastidium
„ adducere,

adducere, & omni hominem appetentia priuare solet. „
Enimvero optimum cibi condimentū fames est: quam „
dum tempestiuioribus epulis eruditoque luxu plerique „
præuertunt principes, imo procul a se arcant, nunquam „
cum voluptate cibum capiunt. At populi longe melior „
conditio est. Illi enim (soliti alioqui parco & parabili „
victu ad implenda naturæ desideria desungi) quia certi „
statutiq. dies sunt, quibus genio indulget, & grata ama- „
bilique vicissitudine conuiuia celebrat, summa cum „
voluptate quibus non assuevit vescitur cibus, quorum „
nos satietas, vilissima quæquæ edulia, & quæ vix attactu „
homo agrestis dignetur, appetere cogit. Quemadmo- „
dum enim nimis opes magnæ iacturæ locum faciunt, „
ita nihil magis in ciborum nos adducit fastidium, quam „
frequens ille rerum non necessariarum superfluarum- „
que apparatus: & dum maiorem sæpius incontinentiæ, „
quam sanitatis & virium reficiendarum habemus ratio- „
nem, excogitata ab ingeniosis gulis irritando palato va- „
ria condimentorum genera. Quorum eo usque nunc „
prouecta hominum ars est, vt etiam solstitiali, & alieno „
prorsus tempore varia & multa venatio appareat, dum „
speciem ferinæ carnis ex mansueto sue condimentis fa- „
cere callent. Gulosius enim quo condiuntur cibi, luxu- „
riosiusque struuntur fercula, eo citius eorum nos capit „
satias tediumque. Cæterum ad actiones publicas, & „
reipublicæ administrationem quod attinet, res huma- „
næ ita se habent vt rerum præclare gestarum gloriam „
non ipsi quidem principi, sed aut fortunæ fatore, aut iis „
quorum princeps consiliis vitur, ascribi plerunque vi- „
deamus: sed si detrimenti e contra quidpiam publice „

» accipi, utpote prælium aliquod amitti, aut ciuitatem lo-
» cumve aliquem ab hoste capi contingat, principis id
» culpa socordiaue factum, clamare omnes dico. Adeo ut
» quicquid reipublicæ accidat, siue prosperum id, siue ad-
» uersum, rei male gestæ culpa in principe, bene vero de-
» cus penes alium sit: & cum recti factorum sibi quisque
» gratiam trahant (vel ignauis quippe in victoria gloriari
» licet) vnus inuidia ab omnibus impune peccatur. Omit-
» to dicere, suspicionibus sollicitum semper esse principis
» animum, dum belli tempore, ne suorum quispiam cum
» hoste claua conspiret, & consilia illi sua detegat, pacis
» autē, ne ex iis quos durior habuerit imperio, exoritur
» aliquis, qui aduersum se insurgat, metuit. Hanc curam
» sustinet princeps, cuius cæteri mortalium expertes, quie-
» tam in summa animorum tranquillitate vitam, inter
» propinquos amicosque suos ducunt. Quod principi
» non ita facile factum est, Dominandi enim insana effrena-
» que libido, propinquitatis consanguinitatisque iura
» omnia imperio post habet. Atqui erunt fortassis non-
» nulli, qui felicitatis summam in multarum rerum bo-
» norumque possessione consistere, & vel eo solo nomine
» principes beatos existiment, quod plurima possideant.
» Non vere hercule. Nihil enim viri principis, quam ho-
» minis cuiusuis alterius, etiam infimi, melior hac in par-
» te conditio est. Plurima enim possideat licet, plura ta-
» men (ut animus humanus nunquam exsaturatur) ap-
» petit semper, & præsentem nunquam contentus fortuna,
» ut effuse affluant opes, meliorem sibi dari optat. Imo
» dum ambitioni modum statuere potis haud est, & ni-
» hil pensi neque sancti habet, cæteris mortalibus longe
est

est infelicior: agrum enim aliquem hærediumve hi; at
regna principatusque integros ille insatiabili, & quæ
neque copia neque inopia minuitur cupiditate concu-
piscit semper, & spe animoque deuorat. Non negaue-
rim equidem, plurimum viro principi ad tranquillita-
tem comparandam conferre, si leni moderatoque im-
perio (nam hoc quoque laudi nobis honorique verti
video) subditorum suorum sibi studia animosque con-
ciliare omni studio conetur, neque potentia sua ad im-
potentiam vtatur: sed vt in perpetuo propterea metu
versari, suspicionibusve desinat indulgere, id equidem,
(quæ humanæ conditionis miseria est) haud libenter
concesserim. siue enim ingentem hominum circum se
multitudinem, siue magnam videat solitudinem, æque
semper in metu est, dum ne quid aut noui insolita tur-
ba moliatur, aut parandis struentisque sibi insidiis soli-
tudinem illam occasionem præbere posse suspicatur.
Cæterum quod plerique hominum vel eo saltem no-
mine beatos nos exiltimant, quod de subditis nostris
domesticisque bene merendi facultates abunde nobis
suppetant, falluntur hercule plurimum; & quidem vel
ipsis vobis, verum dicere si velitis, non diffitentibus.
Quotus enim quisque meorū quæso est; qui non statim
vt insigne aliquod meum sensit beneficium, disceden-
di a me quærat occasionem, secessumque simul, in quo
accepti illius beneficij fructus percipere possit? Cuius
ipsius desiderij eo maiores in eius animo generantur sti-
muli, quo quod accepit maius præelariusq. donum est.
Porro finem vt faciam, & in pauca rem contraham, plu-
rima subinde vel inuiti principes facere coguntur, qui-
bus

„ bus subditorum suorum a se alienant animos, metum-
„ que illis (qui amoris rarus comes) incutiunt: veluti cum
„ de fontibus supplicium sumunt, vel subdito sibi popu-
„ lo pecunias, necessitate coacti, imperant, aut in eorum
„ capita tributum, in bona mercesque vectigal aliquod,
„ vnde pecuniam cogant, imponunt. Omnia hæc pro-
„ pius consideranti mihi nemo, viri amici, persuaferit vn-
„ quam, priuatorum hominum vitam nostra meliorem
„ esse vt negem. Quin verissime ille mihi dicere visus est,
„ qui (quanto maius est regnum fastidire, quam accipere
„ intelligens) eam dignitatis regiae vilitatem esse asseruit,
„ vt mortalium nemo sit, qui, si quot quantisque calami-
„ tatibus miseriisque regum vndique obnoxia atque ex-
„ posita vita sit perspectum haberet, inuentum ante pedes
„ diadema regium tollere a terra dignaretur. Hæ sunt, viri
„ amici, rationes quæ me impulere cur maximis turbu-
„ lentissimisque quibus mundus hic agitur tempestati-
„ bus, subducere me & in Ripallicum secessum (monasti-
„ cum ibi vitæ genus professurus) abire constituerim. Vos
„ vestra me societate (quod vehementer vos obtestor) fru-
„ strari haud patiamini. Ad principatus mei administra-
„ tionem quod attinet, Ludouico filio ea a me prouincia
„ demãdabitur. Is meo parentum imperio locorum om-
„ nium curam geret; supremo nihilominus penes me ma-
„ nente dominatu, & rerum summa. Respondere ad ea
„ vterque (magis eius voluntati ne refragari velle vide-
„ rentur, quam quod ea ipsorum esset mens; sperabant
„ enim haud diu admodum, vt principum subita plerun-
„ que consilia sunt, in ea cogitatione perseveraturum
„ Amadeum) in eius se futuros potestate, & quamcun-
que

que iuberet subituros fortunam, facturosque quod imperaret: imo gloriosum admodum ducere, sibi quod vnos se vitæ illius socios deligere, & consiliorum suorum participes facere non fuisset dedignatus. Eo capto consilio, nocte quadam, consciis solummodo duobus hisce, Thonone (quæ ad lacum Lausanensem sita vrbs) cum perexiguo domesticorum suorum comitatu Amadeus discedit, Ripalliumq. migrat. Ædes sunt amplissimæ sumptuosissimæque, quas ipsemet Amadeus, adolescens adhuc, ad eundem lacum, primo ab oppido illo lapide, loco longe amænissimo, ingentibus impensis construxerat. Erat eodem in loco monasterium diuo Mauricio iam olim ab Amadei maioribus (quorum singularis erga diuum illū tutelarem extitit semper pietas obseruantiaque) dedicatum. Hoc ingressus monasterium, monastico sumpto protinus habitu, idem quod monachi illi vitæ genus profiteri cæpit. Cinerea & oblonga quam induit, fuit vestis, quam ingentis pretij inaurata cinxerat zona, super hanc eiusdem coloris chlamys, aurea (illi quam Romani gestare solent imperatores, haud absimili) insuta cruce grauis. Caput ex eodem colore velabat capitium ex quo cucullus dependebat oblongior, quo in humeros reiecto, galero purpureo, cardinales imitati, monachi illi utebantur, bacillumque nodosum inflexumque altera tenebant manu. Ioannes Marius de hoc vitæ Amadei instituto paulo aliter in hæc scribit verba.

Amatus cum vxorem Margaritam Philippi audacis »
Burgundiæ ducis filiam amississet, mundo & statu du- »
cali relicto, cōstituit vitam eremiticam amplecti, locum »

„ ad eam rem peramænum prope lacum Lemanum deli-
„ gens, quem magnis ædificari curarat impensis, guberna-
„ culis ducatus Ludouico filio maiori traditis, patri Phi-
„ lippi ducis Sabaudia, qui Philibertum genuit, mari-
„ tum Margaritæ Austriacæ, qui sine hæredibus masculis
„ obiit anno Domini M. D. IIII. Amatus vero in eremo
„ degens per aliquot tempus vna cum decem nobilibus
„ ætate prouectis vitam solitariam vixit, prominentem
„ barbam alens, vestimentum vile indutus, ac clauam no-
„ dosam in manu gerens. Quæ res licet noui exempli esse
„ videretur, tamen ipse non primus virorum principum
„ fuit, qui reipublicæ gubernaculis relictis, quieti se dedi-
„ derunt. Hactenus Marius. A quo non prorsus dissentit
„ Æneas Syluius (qui sub Pij secundi nomine Pontifica-
„ tui deinde præfuit) cuius in quadam ad Petrum Noxe-
„ tanum epistola, verba sunt hæc. A Florentia Mediola-
„ num petiuius, & superato Iouis monte per lacum Le-
„ manum Tononuui venimus, memorandam Ripallio-
„ rum eremum introiuius, in qua dux Sabaudia Ama-
„ deus detulit habitum cultumque, sancto cuiusdam Ere-
„ mitæ similem, quem viri decem ex equestri ordine se-
„ quebantur, qui sæculo renuntians, promissam barbam,
„ & hispidum pallium, & retortum baculum mundanis
„ rebus prætulerat. Abit longius ab utroque. Enguerran-
„ dus, qui Amadeum ducem, eiusque in eremo illa so-
„ cios, racemorum liquidæque loco, optimis quibusque
„ cibis & vino præstantissimo vsos scribit. Sed ego Syluius
„ testi oculato potius assenserim. Cæterum subitus hic in-
„ opinatusque Amadei ducis discessus (inde enim deuer-
„ tit oratio) regulos nobilitatemque reliquam omnem,
„ quos

quos consiliorum suorum ignaros esse voluit, vehementer perculit. Neque subditorum eius quisquam fuit, quem non commoueret illa facies, Sabaudum principem, & tot prouinciarum ditionumque paulo ante dominum, relicta fortunæ suæ sede, sponte sua exire de imperio. Nihil tale viderant, nihil audierant. Missis itaque protinus ad eum illis ipsis, quibus animi sui sensum aperuerat, Saixio & Columbiersio regulis, plurimis illi rationibus, subitum illum inopinatumque & alieno prorsus tempore discessum eius personæ dignitatique haud conuenire, ditionumque quibus imperaret, ordini ecclesiastico, nobilitati atque populo reliquo vehementer displicere, demonstrare conantur. Respondere paucis ad ea Amadeus, neque mentem sibi defloruisse, neque vires potentiamque imminutas esse. Curaturum itaque sese, ne damnum vllum respublica Sabaudica ex hoc suo discessu capiat. Conuerso inde ad eos sermone, ambages mitterent, inqueiebat, viderentque ne datam sibi paulo ante fidem fallerent, spemve suam destituerent. Illi quoniam quo se modo promisso illo expedirent, non videbant, enimvero idem vitæ ingredi iter, idem sibi vestis genus (ita enim Amadeus volebat) sumere. Prouinciarum deinde suo parentium imperio ordinibus, vna cum vtroque filio ad se venire iussis, Ludouicum natu maiorem, in spem imperij genitum, Piedemontanum renuntiat principem, minorem Geneuensi donat comitatu. Reliquarum autem suarum prouinciarum omnium, tam earum quæ trans, quam quæ cis Alpes sitæ curam adinistrationemque eidem Ludouico tradit filio: at ea lege, vt penes se rerum nihilo-

minus manente summa, in sua sit potestate ea illum procuratione, quotiescunque lubeat, aut ille mereatur, priuare. Ducis quoque retento titulo, de rebus maxime arduis, & reipublicæ Sabaudicæ statum salutemque concernentibus, nihil inconsulto se statui voluit. Rebus hunc in modum constitutis, cum ex domesticis suis ministris viginti tantum apud se manere iussisset (idem & a Saixio Columbieris quoque eandem eremum ingressis factum) reliquos domum redire, filiisque suis parere in posterum voluit. Quis fuerit tum Sabaudiæ habitus, qui singulorum animi, quæ digredientium a tanto principe lachrimæ, nemo facile dixerit. Cæterum in Ripalliis existenti Amadeo varij cum monasterij illius præfecto (Priorem appellant) viro sanctitatis admirandæ, fuere congressus, varij subinde sermones, plurimumque hominis optimi consuetudine delectabatur. Cæterum eundem repetenti sæpius sermonem dicentique Amadeo, hominem qui mundi huius curis molestiisque renunciaffet, sibi non videri absimilem nauæ qui post grauissimos exantlatos in æquore labores, tranquillum tandem tutumque inuectus portum, aliorum cum pelagi tempestatibus aduersisque fluctibus non sine naufragij periculo luctantium, ex loco tuto, sui iam securus, certamina lætus videt. Non quia (vt quidam inquit) vexari quenquam est iucunda voluptas, Sed quibus ipse malis careas quia cernere suaue est.

„ Nunquam, princeps serenissime (subinfert ille) infel-

„ licis mundi huius decursum verius meliusque, quam

„ maritimæ contuleris nauigationi. Quemadmodum

„ enim videmus, eos qui nauigandi marisque sunt insueti,

falo

falo nausæque confectos , grauem illum tetrumque „
 sentinæ odorem, & molestant nauis qua vehuntur haud „
 ferre agitationē, mirabilemque plerunque intra se, sub „
 uerso ex frequenti illo inordinatoque pelagi motu sto- „
 macho , sentire commotionem, cui dum mederi volunt „
 malo, in phaselum celocemve aliquam ex oneraria de „
 siliunt , quasi tempestatis sentinæque vitiis quod confi- „
 ctentur, nauis magnitudo , non perpetua illa fluctuum „
 maritimorum faciat agitatio. Eodem quoque modo „
 nos, quibus mundi huius perpetui quasi fluctus mole- „
 stiaque mentem vehementer turbant, animumque sem- „
 per faciunt inquietum , malo illo leuari nos posse certo „
 arbitramur, si principatibus, dignitatibus, honoribus & „
 functionibus denique publicis omnibus valere iussis, in „
 solitudinem nos eremumve aliquam abdamus. Sed de- „
 cipimur (mihi credite) veri subinde specie , dum non „
 minus in angusto abiectove aliquo tugurio , quam in „
 principatu sublimioreve dignitate aliqua constitutos, „
 mundi nos vndique huius circumstant exagitantque „
 tempestates. Veniam mihi dabis (princeps illustrissime) „
 si liberius te quam meæ conueniat fortunæ, compellem. „
 Fidem enim meam quoniam tibi habes obstrictam, co- „
 git muneris mei ratio , vt, procul ab omni adulatione „
 (quod perpetuum malum regum principumque, quo- „
 rum opes sæpius assentatio, quam hostis euertit) vera te „
 cum loquar. Hæc verborum itaque meorum summa „
 est. Exiguum admodum esse, principum aulas, magna „
 illa palatia, & frequentes hominum fugere cœtus, si „
 ipsum te non fugias , disertis id ipsum Seruatore nostro „
 consignante verbis, cum inquit, QVI VULT VENIRE „

1. Tim. 2.

„ POST ME, ABNEGET SEMETIPSV. Quasi dicat,
 „ seipsum deferat, & totum se mihi tradat. In cretum
 „ enim solitudinemve aliquam qui secedūt, si mundum,
 „ hoc est, humanos illos affectus, animorumque vagos
 „ motus eodem secum conferunt, quid admodum quæ-
 „ so illi, quam quod aërem locumve mutant proficiunt?
 „ Necessè ante omnia, princeps serenissime, est, vt ani-
 „ mum mentemque, ab huiusmodi, quas mundus secum
 „ circumfert vanis curis cogitationibusque vacuum pur-
 „ gatumque prorsus habeamus. Militum quippe Chri-
 „ sti (inquit D. Hieronymus) perfectio est exutam men-
 „ tem habere a cunctis terrenis negotiis & tumultu sæ-
 „ culi, iuxta illud Apostoli: Nemo militans Deo, impli-
 „ cat se negotiis sæcularibus, vt ei placeat, cui se probauit.
 „ Quemadmodum enim fieri haud potest, vt qui supernis
 „ internisque, & quæ ad latus sunt, vno simul tempore
 „ contemplandis rebus intentus est oculus, in propositum
 „ sibi scopum recta feratur: ita quoque salutis sibi pro-
 „ positum scopum (qui in sui odio, & propriæ voluntatis
 „ abdicatione consistit potissimum) haud facile attigerit
 „ animus, qui humi defixus semper, curarumq. perpetuo
 „ quasi æstu quodam fluctuans tranquillitatem om-
 „ nem auersatur, neque in altum attollere se potis est. Cui
 „ malo obnoxij plerique mortales sunt, qui aut in volu-
 „ ptates immerfi, aut auidi honoris, potentiæ, diuitiarum,
 „ variis inutilibusque, quas mundus hic agnatas habet,
 „ cogitationibus, extricare se nunquam possunt, quique a
 „ mundo ipso, ter miseri infelicesque deferuntur, ipsum
 „ antequam deferant. Quibus enim vxores nō sunt, cum
 „ sædo plerunque impotentique conflctantur amore,
 indomi-

indomitaque, & effrenata ardent semper libidine. Ma- „
trimonio iunctos perpetui comitantur angores sollicitu- „
dinesque, diurni & nocturni circumstant metus, dum si- „
bi cōiugi liberisque suis semper aliquid defuturum me- „
tuunt. Qui cælibem ducunt vitam, illos amissæ caræ „
coniugis cruciat desiderii, & liberos sibi ex ea natos ve- „
lint. Alios opum diuitiarumque per fas nefasque conge- „
rendarum transuersos abripit insatiabilis & sine modo „
cupido, illique vni studio cætera post habent. Sunt „
quos cupidos querelarum, iniqua vicinorum aliquem li- „
te demorari, probrisque & maledictis impetere perpe- „
tuo iuuat. Non desunt quoque qui ob vilissimi lucelli „
spem, importandis exportandisque mercibus, maximis „
subinde periculis vitam exponere non vereantur. Agri- „
culturæ studium (quo libero inoderatoque homine ni- „
hil dignius) alios detinet, sed ita vt toti in eo occupen- „
tur, neque laboris vllum nocte dieque faciant modum. „
Alium alius quæstui faciendo propositum habet s̄co- „
pum: neque dies vlla est, quæ non aliquas semper ani- „
morum serenitati obducatur tenebras, & caligine quasi „
quadam homines illos inuoluatur, vsque adeo vt & no- „
ctes etiam totas, quieti alioqui a natura destinatas, in- „
somnes plerique mortalium, recurrentibus animoque „
semper obuersantibus iisdem illis diurnis actionibus co- „
gitationibusque transducant. Verum enim vero finem „
vti faciam, nullum aduersus omnia hæc animum hu- „
manum varie inquietantia distrahentiaque semper ma- „
la, præclarior præsentiusque reperire remedium est, „
quam vt blandientem plenumque illecebris ac incita- „
mentis peccandi mundum hunc valere serio iubea- „
mus,

„ mus: hoc est, vt facto inter corpus animumque diuor-
„ tio, repudij aninus corpori libellum mittat, vtque sua
„ sibi habere corpus iubeat, nihil sibi commune cum illo
„ retinens. Incidentes verò calamitates, quas effugere mor-
„ talium nemo potest, velut asperos esse ventos, quibus
„ nostra in hoc procelloso mari nauigatio, dum ad æter-
„ næ salutis tendimus portum, nunquam non sit exposi-
„ ta, impavidus cogitet. Insuper vt non ita penitus in ali-
„ cuius nos tradamus amicitiam, ab eo vt separari diuelli-
„ que graue nobis deinde molestumque sit, vt locus nul-
„ lus, nulla ita nos teneat afficiatque vrbs, eam reliquis
„ domiciliis vt præferamus, inuitique inde, alio migra-
„ turi, aliasque petitori sedes, auellamur. Plurimum quo-
„ que eodem contulerit, nihil si priuatim, nullos agros,
„ ædes nullas, pecora nulla, nullas denique possideamus
„ opes, verissima malorum omnium irritamenta, & quæ
„ possessæ mille nobis supremi in nos Numinis iram con-
„ citandi præbent occasiones, amissæ animum varie ex-
„ cruciant. Hac serenitatis præclara face animis nostris
„ prælucente, hac mentium parta tranquillitate, dictu mi-
„ rabile, quâta protinus in nobis animorum fiat commu-
„ ratio, adeo vt veteris illius naturæ positis exuuiis, in no-
„ uum prorsus aliumque transformemur hominem, red-
„ damurque perquam idonei recipiendis, quæcunque di-
„ uino illi spiritui mentibus nostris infundere visum fuerit
„ donis. Quemadmodum enim, cera nisi prioris figuræ
„ deletis vestigiis, formam aliam nullam admittit: ita ani-
„ mus nullam veræ virtutis, nisi quod partim infudit na-
„ tura, partim prauis paulatim affixere mores, sublatum
„ penitus vitium sit. Quæ res vno vitæ solitariæ beneficio
„ comparari

comparari commodissime potest, quippe cui longo
 vsu, diuturnoque exercitio efferuescentes animi motus
 illos comprimere, & in rationis adigere obsequium, fa-
 cile sit. Quo enim modo feras immanesque bestias ci-
 curari paulatim, tractabilesque & disciplinæ cum tem-
 pore capaces magistrorum diligenti cura fieri videmus,
 eodem quoque quæ animos nostros efferare, pestifero-
 que suo veneno inficere solent, fastus, venus, odium,
 auaritia, & id genus vitiorum portenta, succidi eradica-
 rique paulatim, & rationi locum tali secessu facere in-
 confesso est. Quippe pietatis vis est, vt, cum abiectis
 longe infra se terrenis rebus omnibus, cælestes solum-
 modo meditetur quæratque, cogitationes quoque
 actionesque omnes sibi conformet. Profecto cui eum
 felicitatis portum attingere Dei beneficio datum est, næ
 solida is terfelix, meo iudicio, ad veram virtutem fun-
 damenta iecisse conuincitur. Neque vt aliter accedat fieri
 potest, cum diuinis decantandis laudibus intenta sem-
 per lingua humanum loquitur nihil, auersique ab omni
 caducarum mortaliumque rerum & quicquid sui pul-
 chritudine mentem nostram distrahere, & in sui nos
 amorem attrahere queat, obtutu oculi, vniuersitatis hu-
 ius contemplandæ fabricæ toti sunt intenti, admirantur-
 que & adorant tot præclarorum admirabiliumque ope-
 rum architectum atque opificem. Cum procul quoque
 ab omni turpium fabellarum obscenarumque cantile-
 narum (quæ animis bene constitutis expugnandis ve-
 ra certaque instrumenta, & validæ quasi machinæ quæ-
 dam sunt) auditione aures. Gestantibus quippe volu-
 pratum illecebris illis omnibus, quibus mens humana

„ occupata delinitaque, varie distrahi & in auia abripi vt
 „ plurimum solet, fieri non potest, quin in se paulatim
 „ illa reuerſa, fuiſmet adminiculis, alienæ, præterquam di-
 „ uinæ opis, haut indiga, ad veræ virtutis decus citato pro-
 „ peret gradu, plenamque atque perfectam tandem æter-
 „ næ illius eſſentiæ cognitionem percipiat: cuius ſemel in-
 „ ſtaminata accenſaque deſiderio, terrenarum protinus
 „ rerum omnium obliuiſcitur, diuinisque contemplan-
 „ dis rebus adeo immoratur intentaque eſt, vt vix cibi potuſ-
 „ que capiendi libidine vlla tangatur, æternæ illius ſælici-
 „ tatis dulcedine, & ſuauiſſima admirabili ob oculos ſem-
 „ per obuerſante & humana illa omnia demorante. Ad
 „ quam rem conſequendam profuerit plurimum, homi-
 „ num diuino cælitus aſſatorum Numine, lætitaſſe ſcri-
 „ pta, eorumque, quos vitæ puritas innocentiaque cæle-
 „ ſtibus illis ſpiritibus aggregauit (quos nobis tanquam
 „ præſentia viuæque ad virtutem exempla imitandos pro-
 „ ponere debemus) vitas & res geſtas intueri ſemper, vt ad
 „ earum normam vitam noſtram exigamus compona-
 „ muſque, & quemadmodum pictores, vt oppoſitam ſibi
 „ a magno aliquo artifice depictam tabulam, quam pro-
 „ xime exprimant, diligenter ad omnia, etiam minima:
 „ quæque, vt ductus lineamentaque omnia aſſequi poſ-
 „ ſint, attendere videmus: ita quoque & nos ad ea quæ a
 „ purioribus illis animabus imitanda nobis relicta ſunt,
 „ quam proxime (præclaro ad poſteritatem exemplo)
 „ mores noſtros conformare, eorumque haud inuocunda
 „ recordatione perfrui cōuenit, ſupremi ad hoc Numinis
 „ ſeruentiſſimis aſſiduisque precibus, iuſſuato auxilio.
 „ quo ſi confirmemur, fauſtum, ſi (quod abſit) deſtitua-
 „ mur,

mur, infaustum prorsus quicquid conabimur fortietur,,
exitum, & vanus omnis noster erit labor. „

Hæc fere fuere quæ de mundo rebusque ad mundum pertinentibus deferendis, præclara, neque ducis auribus ingrata, complexus oratione vir ille sanctus Amadeo ob oculos ponenda putauit: quod cum secesum vitamque solitariam, & ab aulæ disiunctam strepitu delegisset, res tamen maximi momenti, ad ditionum suarum spectantes statum, suo nihilominus arbitrio reseruasset. Ingens hoc ipso anno qui a nato Domino fuit MCCCCXXXIX. procerum ecclesiasticorum Basileæ ^{MCCCC-}
(in Heluetiis ad Rhenum ea sita ciuitas) conuenit ^{XXXIX.} numerus. Quod eo loci Hussitanæ Bohemorumque doctrinæ extirpandæ, ecclesiæ totius Christianæ concilium, conuentumque Marthinus eo nomine quintus, & post eum Eugenius quartus pontifices indixerant; Iulianusque cardinalis Cæsarinus ab ipsomet Eugenio pontifice, ut concilio illi cum legati apostolici titulo præsidet, Basileam ab anno inde sæculi eius XXXI. (quo ipso indiçtio ea facta) missus fuerat. Cæterum post crebras frequentesque cum eo hominum genere institutas habitasque disputationes, cum ad procerum ecclesiasticorum vitam moresque reformandos deuentum tandem esset, Philippus Mediolani dux (qui capitali in Eugenum flagrans odio, nullum non hætenus mouerat lapidem ut orbis totius Christiani vtriusque ordinis proceres principesque, missis etiam in eam rem legationibus aduersus eum, variis illi grauibusque obiectis criminibus, concitaret) ea arrepta occasione, Eugeniũ grauius in pleno patrum consensu accusat, efficitque tan-

dem vt plerisque etiam cardinalium (qui suo priuatim nomine Pontifici erat infensissimi, reliquos enim factio Arragonica ob Neapolitanum suscepta regnum hostes illi fecerat) in suam opinionem pertractis, communi omnium calculo (proceribus etiam sæcularibus plerisque in eam sententiam euntibus) Eugenium pontificatu priuandum, aliumque illi substituendum esse, censeretur. Dicitur, ea re cõstituta, Eugenio Pontifici dies, vt de iis quorum accusabatur, in pleno se concilij illius confessu coram purgaret. Vocatus sæpius cum non compareret, sed legatos tantum quosdam mitteret (qui ipsi statim vt Basileam venire aduersariis eius se iunxere) Concilij proceres, Plaisanceus, Bononiensis, Venetus. Arlesius, Arragonius & Cyprius cardinales Eugenio contumaciæ condemnato, pontificatuque, concilij generalis obtenta authoritate, priuato (Sigismundus quippe imperator, qui vitandi schismatis causa, Eugenio prudenter hætenus fuerat patrocinator, paulo ante mortem obierat) Amadeum hunc nostrum, sanctitatis pietatisque apud omnis ordinis & homines opinione clarum, in eius locum (vehementer eam vrgentibus rem, Philippo Mediolani duce, qui Amadei filiã vxorem duxerat, & Cardinali Cyprio, cui cum Sabaudica familiã vetus intercedebat affinitas) Felicis ei quinti nomine indito, substitunt, Eugenio nequicquam publico confessu concilio illi authoritatem abrogante, & aliud in eius locum in Ferrariensi vrbe (quod Florentiam deinde, peste eo in loco grassari incipiente, fuit translatum) indicente, Amadeo in hunc modum pontifice electo, mittuntur protinus qui electionis illius apud Ripallios existentem certiores faciant.

ciant. Excusare primo omnibus se modis Amadeus, & tanto se fastigio splendorique sustinendo imparem prorsus dicere, cum quod rebus terrenis (ad quas redire animus haud esset) iamdudum renuntiaſſet, tum quod militiæ aſſuetus hæctenus, ecclesiasticarum rerum nullis imbutus eſſet rudimentis. Supremum illum magistratum alij nulli deferri verius eſſe, quam qui aetatem omnem in eo vitæ genere conſumpſiſſet. Peſſime rebus ſuis conſulere & ingens in ſuum caput accerſere periculum, quicumque ecclesiasticarum rudis rerum, ad eam dignitatem adſpiraret. Varia eius rei exſtare exempla, & viſum id ſalutis anno MCCXCIII. cum Petrus Moroneus anachoreta profeſſione, Celeſtini aſſumpto nomine, eremiticam vitam cum pontificia commutaſſet. Ille enim quod eius in ſe rei, cuius rudis ignarusque eſſet, ſuſcepiſſet adminiſtrationem, Pontificatu menſe eius ſexto abdicato, in carcere vitam tandem, animi mærore conſectus, finiit. Secundæ enim res (vt quidam ait) acrioribus ſtimulis animum explorant, quia miſeriæ tolerantur, felicitate corrumpimur. Quid ſi idem & mihi, idem qui profiteor vitæ genus, contingat? Hæc quidem in pontificatus deprecationem multis verbis allegabat Amadeus. Sed Bolonierij, qui Cancellarij apud eum fungebatur munere, & legatorum, quos Mediolorum dux Philippus miſerat, cedens tandem rationibus, liberorumque ſuorum (qui in magna felicitatis ſuæ ponebant parte, quod patrem ſuum, ſingulari ſuo merito ad id ſtigij perueniſſe gloriari poſſent) victus precibus, mutato conſilio, in patrum concilij potestate futurum ſe dixit. Quibus verbis electione comprobata, pontifi-

cij protinus ei pontificiam induto vestem a legaris (ita enim facere iussi erant) delati exhibitique sunt honores. Ipse paulo post ditionum suarum nobilitate vniuersa comitante, Basileam proficiscitur. In quam urbem, deducuntibus cardinalibus, archiepiscopis, episcopis, abbatibus, præsulibusque reliquis, & qui cōcilij illius causa eo venerant, theologis, iurisconsultisque omnibus, ut venit (& quidem in tanta vtriusque sexus omnis dignitatis & omnis ætatis hominum, qui ex omnibus Christiani orbis partibus ad rei nouitatem accurrerant, frequentia, ut plurimi conferta multitudine oppressi interirent) sacris per dierum aliquot, iuxta receptum in ecclesia morem, interualla, gradatim initiatur, episcopali inde (ceremoniis solennitatibusque quibus ad eam rem uti consuetum est, interuenientibus omnibus) insignitus dignitate, ad exstructum ex aduerso ædis eius urbis primariæ theatrum, latus vtrunque cardinalibus diaconis duobus claudentibus, deducitur. Ibi postquam assedisset, qui ad dextram erat cardinalis pontificium sacro vertici galerum, episcopali prius per eum qui læuam cinxerat, sublato, imponit: purpuratis reliquis cæteroque clero cum ministerio aulico omni in ecclesiastico decentique habitu atque cultu vtrimque circumstantibus, incondita hominum reliqua multitudine festis vocibus acclamante, & fastis lætaque omnia nouo pontifici imprecante. Inde eodem illo cardinali, qui sacra tiara caput Amadeo cinxerat, alteroque pontificias de more pro suggestu venias, illo Latinis, vernaculis verbis hoc, publicantibus; ad Dominicanorum sodalium ædem solemni pontificali. pompa Pontifex nouus deducitur,

ducitur, comitantibus quotquot concilio intererant proceribus, qui equites omnes iter hoc peregere. Ordo autem comitatus erat talis: Primi equitabant qui cardinalibus præferri solitas gerebant peras, domesticique eorum ceteri: hos pontificij sequebantur ministri (inter quos qui a cubiculis Pontifici erant, peras gestabant rubras) & hos cardinalium propinqui affinesque. Horum proxime premere vestigia duodecim ex eorum numero, quibus equorum commissæ cura (Angarios vulgo vocant) rubro singuli vexillulo, in quo pontificia videre erat insignia conspicui. Pone hos Basiliensis vr-
bis magistratus, signiferque ibant: quæ ex sodalitis Teutonicorum equitum quidam, sodalitij ipsius gestans insignia, crucem nimirum nigram in argenteo scuto, sequebatur: & hunc Sabaudicæ nobilitatis non postremus, vexillum pontificium Sabaudicis permixtum insignibus, præferens: infra hunc adequitare is cui sodalitij equitum Hierosolymitanorum vexillum gestandi demandata erat prouincia. Horum signiferorum, quibus vehabantur equi phalerati erant, ipsi autem, galea dempta, cataphracti omnes, & paludamento serico, in quo sua cuiusque videre erat insignia, conspicui. Post signiferos duodecim generosissimi albescentes phalerisque insignes & regio instrati ornatu ibant equi, quibus ex coccineo serico frontalia fimbriis auro intextis purpuraque distinctis erant: quatuor inde nobiles scutati, coccinum singuli galerum summò baculo præferabant. Horum vestigium continuum sequebantur cubicularij pontificij, & hos principum legati nobilitasque Romana omnis: quos subdiaconus Apostolicus pontificiam ferens crucem,

crucem, sequebatur, cui apparitores virgis caduceoque insignes aderant duo. Post hos ex iis qui Pontifici maxime erant intimi duodecim, rubro omnes vestitu faciem singuli albam, duo alij argenteam singuli lucernam cum suo lumine sacrae venerandaeque hostiae (quae ab alturcone albo sub umbella, quam circumdederant aulaea purpura auroque fulgentia, & pontificiis decorata insignibus, gestabatur) praeferebant: Pone hostiam ibat sacrista: & post eum illi quibus concilij patres pro librariis amanuensibusque (secretarios vulgus appellat) utebantur. Erat inter hos Aeneas Syluius, is cuius paulo ante meminimus. Proximum his agmen, consistorij pontificij aduocati cantoresque, & scripturarij, siue actorum conscriptores, & qui a rationibus erant. Hos sequebantur subdiaconi duo, Graecus Latinusque. Instratis post hos equitabant equis archiepiscopi, episcopi, abbates & ecclesiastici praefules reliqui, quos proxime cardinales, & hos ipsiusmet tandem exiguo intervallo, Pontifex equo albo, & regio coccinoque ornatu instrato sublimis sequebantur, subeuntibus gestantibusque vicissim umbraculum octo ex proceribus. Ingens dextra laeuoque Pontificem nobilium armatorum ad corporis custodiam delectus comitabatur numerus. Post hos designator hospitiorum curiae (marschallum appellant) missilia, vbi conferti maxime homines (omnis enim ciuitas ad excipiendum spectandumque nouum Pontificem effusa erat) iacere & quidem ad arcendam, quae circumstabat multitudinem, ne gradienti Pontifici impedimento esset, proculius. Vltimi ibant qui ex Germania, Gallia, Italia, Hispania, & Sabaudia magno venerant

venerant numero viri nobiles. Ædem Dominicanorum sodalium ingressus Pontifex, ubi populo qui accurrerat bene fuisset precatus, cardinalibus proceribusque cæteris pedes osculandos præbuit, deinde sumptuosissimo epulo omnes splendide, & pro pontificia dignitate opipare in Basiliensis præsulis ædibus excepit. Magistratibus inde ministrisque curiæ suæ constitutis, viros aliquot graues, doctos & sanctitatis opinione claros celebresque in cardinalium allegit collegium. Erat inter hos Ioannes monachus Dominicanus, vir concionibus publice habitis conspicuus, qui paulo post decessit, & celebris ille Decretorum doctor Panormitanus, qui a Pontifice Eugenio Basileam legatus missus, quæ pro iure eius confirmando allegaturus erat decreta, canonesque iis ipsis, qua valebat eruditione, gratiaque, aduersus eum, infami nūdinatione vsus est: sed hic cardinalatu tandem abdicare se coactus, in patriam suam inglorius rediit. Amadeus quoque Thalarius Lugdunensis archipræsul, Ludouicus Romanus, & Ludouicus Allemanus archipræsul Arlesius (admirandæ pietatis eruditionisque viri omnes, adeo vt postremus miraculis quoque mortuus inclaruerit) purpureo donati fuere galero: sed non diu admodum, fato paulo post sublato, priores duo eo vsi sunt. Plerique fuere tum præsules, quos Eugenium deseruisse grauitè doluit pœnituitque, eos supplices sibi in gratiam secum redire passus ille est, humanissimeque habuit. Diuisa scissaque hunc in modum detestando schismate (quod septimum & vicesimum fuit) cum non leui orbis totius Christiani incommodo sacrosancta ecclesia, Galli primo Heluetique Fe-

lici fauere, cum quibus conspirare Mediolani dux, Sabaudi, Pedemontani, Neapolitanique. At ab Eugenio potior nihilominus Italiæ stabat pars: Veneti in primis (qui Eugenio ciue gloriabantur) Florentinique & Thufcia quasi vniuerfa, pro qua graue longumque cum Mediolanenſi duce & Hispano rege bellum Eugenius geſſerat. Burgundiæ quoque dux Philippus ſolus inter Galliæ proceres (ex Felicis vxoris fratre genitus licet) Eugenio adhærebat, diſſidio quodam, quod cum Felice illi olim interceſſerat (dum cæptum ob Beauuiſoiſium dominatum, cum Borbonio duce bellum Felix trahit, & lentius ſegniuſque, ambos in gratiam inter ſe reducendi cupidus, adminiſtrat) motus. Huic principi quia magnæ tum opes, magnæque erant clientelæ, facile ille reges principesque Chriſtianos cæteros, in ſuam tandem pettraxit opinionem, Eugenioque adiunxit. In Felicem imperator Fredericus eo nomine tertius primo ptopenderat: ſed eo paulo poſt deſerto, in Eugenij conceſſit partes. Germani, quia medijs erant animo, neutros ſe mediosve appellare. Enimuero aliquanto tempore factiones hæ diuiſionesque Chriſtianum exercuere orbem; donec Eugenio alios proſus mores induente, & pro ſeueritate crudelitateque (quibus peſſimis vitijs præſulum procerumque animos vehementer a ſe alienarant) clementiam beneuolentiamque prudenter amplectente, tanta protinus animorum facta commutatio eſt, vt regum principumque & mortalium reliquorum omnium ſtudia erga Felicem proſus deſerueſcerent. Quod cum Mediolani dux Philippus (qui vnus excitatæ illius aduerſus Eugenum tragediæ author fuerat) animadu-

uerteret,

uerteret, dedecori sibi futurum existimans, si solus animum aduersus Eugenium obstinaret, fæderis quod inter Italiæ procures initum tum, author fuit. Illi fæderi Eugenius quoque pontifex cum subscripsisset, Imola Bononiaque vrbes & Flaminia vniuersa ad eum; ex fæderis illius legibus rediere. Quem Bononiensibus tum præfecit (id enim obiter, propter rei nouitatem factique atrocitatem, inferendum hic putauit) Balthasarum Offidam, nullis hominem literis, sed vasrum astutumque, dolo comprehensum Franciscus Sfortia (fæderis inter Venetos Florentinosque dux) corio vsino recens detractò, viuum insui iussit, manuum membrorumque reliquorum omnium vsu illi adempto, sed cibo abunde præbito. Qui vermibus ex recenti illo corio magno etatis numero, paulatim absumptus, & diuturniore simul pædore exanimatus vitam misere (lento sublatu morbo) finiit. Sfortiam mouerat quod homo crudelis plurimos viros optimos, & in nulla deprehensos noxa, quod res nouas eos Bononiæ moliri posse, temere suspicaretur, nulla legum seruata forma de medio sustulisset (& inter hos Itatorum nobilissimum Antonium Bentiuolum, quem per colloquij speciem comprehenderat) idemque de Sfortia facere constituisset. Crediderim auaritiæ sœuitiæ causam præbuisse, nec quicquam homini huic crudelissimo visum turpe quod esset quaestuosum. Diximus paulo ante, Burgundiæ ducem Philippum solum inter Galliæ procures Eugenij sequutum partes, cæteris, vt Felicem defererent authorem fuisse. Idem cum & Galliarum regi Carolo eius nominis se primo persuadere conaretur, perfecit tandem vt pessimæ

huius in ecclesia diuisionis regem tædere inciperet, vt-
 que cogitationes eo tandem suas conuertendas existi-
 maret, vt male inter se concordēs Eugenium (cuius caus-
 sam meliorem esse censebat) Felicemque in concordiam
 reduceret. Cui rei dum non intermisso nocte dieque la-
 bore, totus intentus Carolus rex est, crebrasque nunc
 Romam, nunc Basileam, nunc in Sabaudiam mittit le-
 gationes, Eugenium (cui iam Germania omnis, publica
 ad eum missa legatione, se submiserat) lethalis corripit
 morbus, ex quo paulo post ætatis anno sexagesimo sex-
 to, pontificatus xv. & a nato Domino MCCCCXLVI.
 ad vii. cal. Martias decedit. In eius locum Cardina-
 lium omnium suffragiis Nicolao quinto surrogato, Sa-
 baudix dux Ludouicus Felicis pontificis filius, concor-
 dix in ecclesiam inuehenda, tollendique perniciosissimi
 illius schismatis cupidus supra modum, ad Galliarum
 regem Carolum in Bituriges mittit, qui suo illum no-
 mine vehementer obsecraret, rationem aliquam inire
 ne grauaretur, quo debitus Nicolao pontifici honos, de-
 bitumque ab omnibus præstaretur obsequium. Pluri-
 mum quippe illi dolebat quod totius illius schismatis
 causam omnem in vnum solumque patrem suum con-
 ferri passim videret, & quidem præter meritum vllum
 familiæ Sabaudicæ, quæ singulari semper obseruantia
 Catholicam Romanamque ecclesiam fuerat profecuta.
 Allatis eodem illo tempore ad Carolum regem de Ni-
 colai pontificis electione literis, quanquam ex senatus
 sui consilio pro supremo sibi subditisque suis Nico-
 laum habendum decreuisset pastorem, non tamen com-
 mittendum sibi existimauit, vt a ccepto pacificandæ in
 vniuersum

MCCCC.

XLVI.

*al. XLVII.

vniversum ecclesiæ opere desisteret. Legatos in eam rem Lugdunum mittit, Ludquicumque Sabaudum ducem idem vti faciat, simul vt & Basilea eodem mittatur, sedulo monet. Conueniunt proximo Iulio mense Lugduni præter legatos regios, archipræsul Treuirensis, & quos præsul Colonienfis Saxonixque dux (qui in Galliam sub illud ipsum tempus ad Carolum regem eius ipsius negotij causa venerant) misere. Accurrerant quoque a Felice pontifice eodem missi, Ludouicus Allemanus Arlesij cardinalis & Præpositus Moniouensis. Post varia Lugduni habita colloquia, negotioque in mensem vsque Nouembrem extracto, placet tandem vt Geneuam omnes se conferant, quo coram cum Felice collo- cuti, eiusque ex ipsomet mente intellecta, certi quid sta- tuere deinceps possent. Illis ad profectionem hanc se parantibus, aduenire oportune admodum Dunoisij co- mes a Gallo missus rege, legatiq. aliquot Angli, qui vna cum reliquis, & archiepiscopo Embrunensi, Malicor- neoque regulo, & Massiliensi præfule Siculi regis legato, Geneuam omnes abeunt. Cæterum cum eorum quæ Geneuæ conuenerant, Nicolaus pontifex pacis avidissi- mus factus certior, missos a regibus principibusque ad se legatos, cardinaliumque collegium ad deliberatio- nem adhibuisset: & regum, Galli præsertim filiiq. (cui ante cæteros res ea cordi erat) & principum reliquorum vehementissimis motus inductusque precibus, plura tandem multo quam constituerat, aduersario Felix con- cessisset, pristinam protinus, tenebris summo cum mor- talium omnium gaudio pulsus, tranquillitatis faciem ecclesia recepit. Felix quippe qui inuitus pontificatum

susceperat, Bolonerij, hominis animo perfisi & subdoli, auaritiam ac libidinem occultantis, & cardinalium quorundam, quibus cardinalatu se abdicare durum videbatur (erat inter hos Panormitanus Abbas) reiectis rationibus, quibus turpe illi futurum demonstrare conabantur, si nulla quæsitum ambitione, sed vltro absenti a concilij patribus delatum pontificatum, quem totos iam annos houem possedisset, deponeret, regum se principumque (quorum legati idem ab eo quod a Nicolao pontifice, contendebant) voluntati permisit: & quia ante omnes pristinam ecclesiæ faciem tranquillitatemque restitui cupiebat, concilio Basiliensi (quod paulo ante, veniente cum magna militum in eas oras manu Ludouico Delphino Viennensi, Caroli Galliarum regis filio, dilabentibus præ metu patribus, fuerat solutum) auctoritatem omnem abrogat, coque Lauzannam translato, postquam conuentum vnum (sessionem appellant) celebrasset, pontificatui tandem in pleno cardinalium procerumque reliquorum consensu publice palamque, omnibus qui aderant vehementer admirantibus, renuntiat, & ius omne quod ad eum hæctenus habuerat, in Nicolaum quintum Pontificem, cum singulari admirandaque abiectione animique submissione transfert. Quam in tanto principe, tot regum procerumque affinitatibus præfulgente, admirari singularem modestiam, concilij illius Lauzannensis præfules, publico cum elogio prosequendum celebrandumque decreuerunt. Quod in hac conceptum verba:

„ Sacrosancta, Lauzannensis synodus in spiritu sancto
 „ legitime congregata, reuerendissimo & carissimo filio

Amadeo,

Amadeo, pridem Felici Papæ quinto, salutem & omnipotentis Dei benedictionem. Tam maxime de venerabili ecclesia meritus es, ut præsentibus habeant uberrimam tuarum laudum memoriam, futuris quoque tui nominis felix sempiternaque recordatio relinquatur. Tu ad ecclesiæ subsidium euocatus quanta nunquam fuit persecutione vexatæ venisti. Tu illi profusa liberalitate, summa industria, exacta diligentia, dedita opera opitulatus es. Tu tandem tranquillam populo Christiano concordiam reddidisti pariter & pacem. Leguntur quam multi qui belli pacisque tempore inseruierunt ecclesiæ, commemorandis per omne sæculum obsequiis: sed personæ causæ, rerum temporisque disparitas supereminentiam meritorum coarguunt. Nouit orbis vniuersus sanguinis tui regiam claritatem: vidit & audiuit quam continuas sollicitudines indefinensque certamen, pro authoritate factorum generalium conciliorum, & veritate catholica sustinendis nobiscum inisti, opulenta quiete abiecta retrorsum. Nunc autem dum per tuæ humilitatis excelsum medium pax in omnes Christianos diffunditur; quo te nomine nisi zelatorem concordiae, pacisque authorem appellent? Quas ob res congratulationibus, promeritisque honoribus personam tuam prosequi cupiens hæc sacrosancta in spiritu sancto legitime congregata synodus, vniuersalem ecclesiam representans, & inter cætera considerans, quod te ipsum parui facere voluisti ut pacata quætaque exaltaretur ecclesia, Te Sabinensem episcopum, sanctæ Romanæ ecclesiæ cardinalem, sedis apostolicæ in terris & iurisdictionibus dilectorum ecclesiæ filiorum, nobilium virorum ducis.

Sabau-

» Sabaudix & principis Pedemontium, ac Montisferrati,
 » & Saluciarum marchionum, in comitatu & territorio
 » Astensi, nec non in prouincia Lugdunensi citra Sago-
 » nam, atque Augustensi, Lauzanensi, Basilicensi, Ar-
 » gentinensi, Constantiensi, Curienſis & Sedunensi
 » ciuitatibus, & diœcesibus legatum vicariumque perpe-
 » tuum facit, creat & nominat. Tibique in sancta Dei ec-
 » clesia primum post Romanum pontificem locum pro
 » tempore constituit, cõsignat, & decernit: qui quidem ti-
 » bi ad suam præsentiam accedenti assurget, duntaxat oris
 » osculum exhibēdo. Atque vt altissimi in terris honoris,
 » quem sola dilectione vniuersalis pacis contempsisti,
 » multa manifesta in tua persona signa remaneant, ti-
 » bi vt habitum, & insignia papalia, demptis delatione
 » corporis Christi, annulo piscatoris, cruce in pedibus, ac
 » umbraculo, deferre, ac insigniis ac potestate legati vti,
 » quoties te extra terminos tuæ legationis egredi contige-
 » rit, valeas. Nec non vt in curia Romana vel generali
 » concilio personaliter comparere minime tenearis, conce-
 » dit, & indulget per præſentes. Datum Lauzannæ, &c.
 » septimo calendas Maij, anno a natiuitate Domini
 » MCCCCXLIX. Præclarum, hercule, & tali dignum
 » principe (cuius actiones omnes cum pietate modestia-
 » que, & boni publici cura semper fuere coniunctæ) eulo-
 » gium. Schismate omni ea cessione sublato, pristinaque
 » ecclesiæ tranquillitate restituta, Ripallios ad pristinum
 » vitæ genus Amadeus rediit: vbi diuinis piisque medita-
 » tionibus actionibusque totus intentus, sæculi tandem
 » eius anno (vt plerique opinantur) quinquagesimo secun-
 » do (alij enim, quinquagesimo demum nono obiisse scri-
 » bunt)

MCCCC-
 XLIX.

MCCCC-
 LII.

bunt) mense Ianuario , non sine comparatæ sanctitatis opinione decessit , sepultusque fuit. fælix (inquit Pius secundus Pontifex , cuius sub Æneæ Syluij nomine paulo ante meminimus) princeps , si senium suum ecclesiasticis titulis non fædasset. Scribit Amadeum hunc Bodinus , cum de marchionatu Saluciarum cum Delphino contenderet , & sua se voluntate ad Galliæ senatum uterque cõtulisset , victum fuisse : ac rursus alio iudicio anno MCCCC. fractum , & omnem causam restituere damnatum. Ab Amadeo hoc statutorum Sabaudicorum , anno sæculi illius tricesimo , mensis Iunij die xvii. libri quinque publici facti sunt , quibus hic præfixus titulus : Nos Amadeus dux Sabaudix , Chablaisij , & Augustæ princeps , marchio in Italia , comes Pedemontium , Gebennensium , Valentiniensis , & Diensis , dominusque ciuitatis Niciæ , & Vercellarum. Author est Paulus Iouius , Philippum Mediolani principem , priorem vxorem securi percussisse , vt Amadei huius filiam euentu sterilem duceret : non sine dote modo confectis nuptiis , verum , vt soceri societatem promereret , vltro traditis Vercellis.

*Margari-
tā alij, non-
nulli An-
nam, pler-
que Catha-
rinam ap-
pellant.



* BONA
Burgundia
Philippi
audaci
Burgun-
dia duci
filia, in-
fans in-
fanti
Amadeo
desponsa.
Sunt qui
filia suis-

se scribant Philippi Maria vicecomitū Me-
diolanensis, sed errant. Ille quippe Amadei
huius filiam Mariam uxorem habuit. Ama-
deo hoc Sabaudia tenente sceptra, imperabat
per Hollandiam, Hannoniam atque Zelan-
diam IACOBA BAVARA, Ludouici Bauari
imperatoris nepote genita, mulier genere at-
que forma, præterea amplo Dominatu satius
fortunata, ac viri non item: quam annis to-
tus nouem & decem, quibus imperio illo po-
tita est, omni ratione potentior, & res cum-
ctis ex lubricine magis quam ex vero cele-
brare obscurareque solita fortuna; mirabili-
ter exercuit, infractam impanidamque ad
omnia, & qua virilibus curis faminarum vi-
tia exuerat. Ad hanc cum mater Margareta
Ioannis Burgundia duci, & Bona huius so-
ror ingenti pretij munera variis per adole-
scentes aliquot nobiles misisset; neque ma-
ximū domi forisque gestu bellū exhausta,
supperet, quo adolēscētes illos nobiles re-
muneretur; retinendi auida bonorū, ad
Ioannem Montfortij mittis vicecomitem
(Hollandiam eius nomine paulo ante iū rexe-
rat) qui mutuum ab eo argentum posceret.
Ille multis se excusare verba, dicereque, pecu-
niam suam omnem, in eos sumptus quos in

LVDOVICVS dux.

PHILIPPVS Geneua co-
mes, liberu carens.

AMADEVS, dux Achaia Elia
Rensnero, ceteri enim eum non
meminere.

ANTONII duo prima aetate
exstincti.

MARIA vxor Philippi Maria
vicecomitū Mediolanensis, cui
anno MCCCLXVII. nubit. Quod
e pomica circum seniora labora-
bat, cum viro nunquam rem ha-
buit. Eo autem defuncto, cano-
bium quod ipsamet exstruxerat,
ingressa reliquum ibi vita trans-
git. Priorem uxorem Beatricem
Tendam Facij Canis viduam,
ream adulterij cum Orumbello
citharædo admissi, nec in tormen-
tū quicquam contra pudicitia de-
cui consentem, securi percusserat
Philippus, ut domum vacuum na-
uo scilicet matrimonio faceret,
quasi imparis (inquit Iouius)
coniugij perasus, cuius non du-
biū auspiciū ad imperium perue-
nisset. Illa certe intempestiua li-
bidinū, & maiorū imperij auida,
vix deterfis mortuo priore mari-
to lacrimis, inauspicati coniugij
horum subiens quater cenena
millia aureorum numum dotis
nomine dinumerat.

MARGARETA (Sophia aliū)
ter nupta, Ludouico tercio Ande-
gauensi, Sicilia regi, Frisco octauo
comiti Wirtembergenfi, cui Hen-
ricum

Hollandica illa eius nomine obuia administra-
tione fecisset, a se erogatam. Eandem cum
& apud alios, idem rogatos, tulisset repul-
sam, tristis supra modum, & quid rerum
tandem ageret incerta, Franconem Bors-
lium, prima nobilitatū virum, factiosum-
opulentumque accersiri ad se iubet. Mittendi
ad eum Bauara auctor fuit Guilelmus Bicus,
Godelium appellant alij, equique quo laco-
ba vehebatur curam habuisse aiunt. Cum se-
mel iam atque iterum vocatus ille venisset,
neque ad colloquium admissus (quod illo con-
uenio sibi hand opus esse Bauara diceret) do-
mum redire iuberetur (statim enim Franco-
nem Bauara vi vidit, animo confusa, musui
apud eum, propter repulsam metum, quod con-
trarias ille hactenus sustinisset partes, men-
tionem facere non sustinuit) ex Guilelmo
tandem Bico, quid rei ageretur edoctus clam,
Accipe, inquit, Guilelme arculam hanc
cum clauibus (in illa magna auri vis est) eam
ad Dominam nostram deserto: ex ea quan-
tum lubet, sibi sumat, petere obsecrareque
me, imo magni ita si faciat, beneficij habiturum loco, illi dicito. Cum sapiam iam
in hunc modum admiranda liberalitate Bauara necessitatem ille subleuasset, &
plurimum sibi superesse diceret, quo pro voluntate arbitrioque suo vii illa, quan-
duncunq; velles posses, vehementer eius sibi conciliauit animum. In eius itaque
conspectum ille vi venit: Amplius, inquit illa, est, quod tibi debeo Franco, quam
vi soluendo par sim: quare quoad viues nunquam tibi gratiam redditam putave-
ru, semper apud me integra eris, denique nihil me sciente frustra voles. Alius
quam quisquam crederet ea Iacoba comitis verba in Franconū descendere petiit,
praesertim cum, sermonem illa suum hisce clauderet verbis: Quando itaque gran-
di huius tuo in me beneficio compensando mea impares (vi dixi) Francos faci-
tates sunt, totam ipsam me tibi dedo dicoque. Ille hostiis inde exceptam regio-
que cultu habitam, de matrimonio compellere ausus, uxorem tandem duxit.
Egeritque eas nuptias Burgundia dux Philippus, auunculo Bauara natu rulis,
sine cuius consensu nuptiarum illa se negauerat, praesertim quod in domum Fran-
conū denupsisset, cuius auum Iohannem equestri ordinis virum plerique memi-
nerant. Comperio tamen nobilem veteremque familiam hanc esse, & a Swavia
inde ducibus originem suam repetere. In Hollandiam itaque ex Gallia per alterius
negotij simulationem propere veniens Burgundus, Franconem, specie amicitia

ricum comitem peperit, ex quo
Henrico nata Maria prior vxor
Henrici Brunsvicensis. Tertius il-
li vir Ludouicus comes Palatinus
Rheni, cui Philippum peperit ele-
ctorem Palatinum, maritum Mar-
gareta Bauaria ducū. Obiit Lu-
douicus anno MCCCCXI. Philip-
pus vero MDVIII. Alij Marga-
retam hanc filiam fuisse aiunt
Ainacii nom; sed mihi id nun-
quam probauerint.

MARGARETA altera, disces-
sit innupta.

BONA comes Montfortensis.
Duarum harum posteritū Ama-
dei filiarum, qui non meminere,
in earum substituit locum, Ioan-
nam, quam nuptiam fuisse aiunt
Ioanni Iacobo marchioni Montis-
ferrateni, eique peperisse Ioan-
nem, Bonifacium & Alcium.

vocatum ad epulas, comprehendi & in Ripelmondicam arcem auebi diligenter-
que ibi asseruari iubet. Bauara verita ne capitis tandem supplicio factum hoc
Franco (plerisque ex nobilitate quod egregia eos fama opibusque anteiret pluri-
mum inuisus) lueret, (iam enim vt occideretur arcu praefecto fuerat impera-
tum, cuius tamen paulo post imperij illum poenituit, praefectumque, quem sacun-
dia sua Franco moratus erat, quod primū iussu non paruisset laudauit) oppidū
aliquot vectigalibusque contenta, ditiones suas omnes, marito libertatem vt im-
petraret, in Burgundum sub certis conditionibus (quas in Hollandia videre anna-
libus est) transfert. Burgundus aurei velleri sodalitis ascriptum Franconem, in
Bauara gratiam Osteruandia dovat comitatu. Fama est, at fama tantum (ne-
que enim id me legere memini) Iacobam hanc Bauaram, cum ad Franconem
Borsalium, quesiissimū ab eo excipienda epulū, diuersisset, crebraque triclinij pa-
rietes salice, cui D. vtriusque appicta erat litera, auleorum loco, vidisset exorna-
tos, admirabundam quassisse ex eo, quid nam rei salix arbor, quid ascripta D.
litera portenderent; respondisseque tandem vrgenti responsum, Franconem, quod
quia animum affectumque erga eum suum, reuerentia pudoreque retentus, pro-
palam detegere ausus non fuisset, tribus idipsum verbū hisce, DOMINÆ SERVVS
DEVOTISSIMVS, qua repetita bu litera D, & dictionis salicū litera capitalis S.
tacite repraesentarent, voluisse significatum. Latini id quam proxime fieri potuit,
sensu nonnihil deflexo, exprimere visum fuit verbū; quod nostrate aliqui lin-
gua, qua vsus ille est, & qua salicem arborem WILGE appellamus, propius si-
gnificantiusque interpreteri, DINEN WILLIGE DIENAER. Quo
eleganti lepidoque commento delectata plurimum Bauara, & recens accepti be-
nefici memoria animo eius obuersante, Franconem dignum censuit, quem in thori
mensaque admitteret communionem, neque spreus vt imparem.

DE LVDOVICO ALTERO
SABAVDIAE DVCE.

LVDOVICVS Sabaudia dux alter, Amadei du-
cis primi filius, Genevæ existens comes, & Pede-
monti princeps, cuncto ad pontificatum patri anno post
natum Dominum MCCCCXXXIX. succedit, paterna-
rum virtutum, & pietatis insignis æmulator, & cui Dei
metus amorque rebus cæteris omnibus carior semper
fuit. Quibus impulsus, patri, sua partim sponte, partim
vt eorum hominum quorum rumore arguebatur in
ambitio-

ambitionem flexisse, animis eam eximeret opinionem, in eam rem satis alioqui propenso, sed aliorum consiliis plus æquo tribuenti, abdicandi pontificatus, Galli regis ad eam rem vsus opera, author (vti ostendimus) validissimus fuit. Cui sanctissimo eius proposito cum vehementer Bolomerius Sabaudia Cancellarius, homo omni flagitiorum scelerumque conscientiamersus (qui vt erat avaritiæ extremæ, per fas nefasque ingentes cum multorum iniuriis coaceruarat opes) sui quæstus causa fuisset aduersatus, dubiumque non esset quin longe ante pontificatui Felix, validus semper spernendis honoribus, fuisset renuntiaturus, ni eius vnus obstitissent consilia, graui succensus ira Ludouicus, statim vt pacificatum fuit, hominem nefarium comprehendi, & eorum quorum accusabatur, palam conuictum, in vicinum lacum, ingenti collo eius alligato saxo (ridente gaudenteque nobilitate vniuersa, cui semper ille fuerat aduersatus) postquam ex vinculis causam dixisset, abiici iubet. Decedente sub hos dies Philippo Maria Mediolani duce, qui Mariam Ludouici sororem vxorem duxerat, cum populus Mediolanensis tyrannidis omnisque primorum ciuitatis imperij pertæsus, in libertatem se vindicare volens, duodecimuiratum in vrbe sua, arce funditus euerfa, & Philippi ducis, quod auarius crudeliusque imperasset, testamento varie lacerato, instituisset (populi scilicet imperium iuxta libertatem, paucorum dominationem regiæ libidini propiorem esse ratus) supplexque a Frederico eius nominis tertio imperatore, ingentis ad eum pretij aureo misso scypho (qualem singulis annis missurum se promittebat) vt nullius in po-

sterum dominatui subiiceretur, petisset (subierat quippe reipublicæ cura, frustra a Philippo translata, si apud generum eius relinqueretur) Veneti capta hinc occasione, cum maximis in Mediolanensem agrum irruunt copiis, oppidaque aliquot, inter quæ Placentia, Cremona, Laudum Pompeium, capiunt. Quorum exemplo cum & Franciscus Sfortia Philippi gener loca quoque aliquot in eodem tractu inuasisset, Ludovicus hic ea quoque uti volens occasione, Valentiam, oportunam finitimamque sibi urbem aliasque nonnullas occupat. Cæterum belli quod inter Carolum Galliæ regem eo nomine septimum, & Ludovicum hunc anno sæculi eius quinquagesimo secundo exortum, & compressum paulo post, variæ feruntur causæ. Graviter molesteque admodum Carolum regem tulisse aiunt nonnulli filij sui Delphini Viennensis a se discessum, qui quod ferocia ætatis, prauisq. impulsoribus, Gallia relicta ad Philippum Burgundiæ confugisset ducem, graue aduersus Burgundum animo Gallus odium conceperat, eique iusserat denuntiari, non falso (mehercule) vaticinio, quod vulpem in suo foueret sinu, qui eius olim pullos esset comesturus. Ludouico quoque duci quod filiam suam Carolam Delphino se haud conscio despondisset, non minus (inquiunt) infestus, annos totos quinque matrimonium hoc variis artibus fuerat demoratus: sed spe ac iuuenta properus, diuturniorisque impatiens moræ Delphinus cum Burgundo agit, ad Sabaudum mitteret, qui filiam eius Carolam, legitimam sibi. (uti aiebat) vxorem, ad se vel tandem mitti postulant. Missus in Sabaudiam Montaguius regulus, cum aduentus sui causam

causam Ludouico duci exposuisset, Carola ei (quod rem æquissimam postulare) Namuicum ad Delphinum sponsum suum cum ingenti apparatu multoque comitatu traditur abducenda. Exceptam perhonorifice puellam, vxorem protinus eo in oppido Delphinus ducit. Torset mirabiliter Carolum regem ea res, quod in sui contemptum factum id existimabat. Quem itaque Picardix bellum illaturus conscriptum habebat militem, vt prouinciæ illius oppida aliquot ad Sequanam, Peronam, & Fanum Quintini inter hæc, quæ ex pacificationis Gandensis legibus Burgundo parebant, per prodicionem clam occuparet, eum ipsum (postquam detectis insidiis, diligenter in omnem partem Burgundus prouidisset) aduersus Sabaudum conuertere statuit. Nec alia tam intima illi causa cur bellum hoc susceperet. quanquam ne temere, & sine causa susceptum videretur, Valentiam Confluentiamque, & loca aliquot alia in Mediolanensi sita agro (in quem sibi ducatum ius esse præseferbat) quasi ad se pertinentia, fœciali in eam rem misso, tradi sibi postulare. Ad bellum itaque res iam in Sabaudia cum spectaret, accidit peropportune, vt missus a Pontifice legatus, pacis inter Gallum Anglumque faciendæ causa, cardinalis Touthilleus Lugdunum eo ipso tempore veniret. Is enim dissidij illius factus certior, nisi Carolo Ludouicoque inter se in gratiam reductis haud conquieuit. Vera quidem sunt, quæ de Delphini ad Burgundum transitione tradunt, qui huius rei sunt authores: sed cum sub annum demum quinquagesimum sextum eam transitionem factam constans scriptorum omnium sit opinio, fieri non potest

vt ori-

vt originem hinc habeat bellum hoc , quod quadriennio ante ceptum restinctumque (vti diximus) fuit. Belleforestus aliique , qui historiam hanc ex professo tractarunt, Sabaudum ambigua fide in amicitia regis Galli fuisse, excursionesque in eius agros fecisse, & hinc Gallo suscipiendi aduersus eum belli præbitam occasionem scribunt. Alij, plerosque ex nobilitate Sabaudica, duro imperio habitos (fortassis quod a suscepta de pontificatu deferendo sententia Felicem eius patrem deducere conati fuissent) apud Gallum ea de re conquestos, Gallumque in eorum gratiam bellum suscepisse affirmant. Sed horum auctores quoniam non omnes sunt, mihi quoque in incerto relictum sit. Robertus Gaguinus Sabaudum in Carolum regem nonnihil commisisse, & regem ea propter irritatum (sunt eius hæc verba) expeditionem aduersum eum suscepisse refert: sed delicti modum scribere (inquit) non possum, quem a scriptoribus non accepi. Cæterum quod Paradinus sibi videri scribat, pacis illius cōuenisse legibus, vt Delphino Carola Sabaudi filia, Amadeo contra Sabaudi filio Iolanda Galli regis filia natu maxima nuberent, neque id ego affirmauerim: præsertim quod plerique historiographorum Carolæ cum Delphino nuptias in annum decimum quinquagesimum sextum aut septimum incidisse & Namurci celebratas scribant. Ludouici huius filius secundo genitus Ludouicus, ducta Carola Ioannis regis Cypri filia vnica, cum in Cypri successisset regnum, a Iacobo Carola vxoris fratre notho (vt ferme acerrima proximorum odia sunt) inuiso sorori infensoque, homine longe scelestissimo, Ægypti Sultani auxilii, regno pulsus

pulsus fuit, cæsis fugatisque quas Ludouicus equitesque Rhodij, subsidio miserant copiis, Iacobusque tanta potentia subnixus, regnum inuasit. De Cypri regni amissione scribens alicubi Pius eo nomine pontifex secundus, post beneficiorum quæ in Carolam reginam (quæ Romam profugerat) contulerat, enumerationem, hisce tandem sermonem illum finit verbis.

Sed digna Dei ultio, cum nos apud Mantuam conuentum ageremus, regesque hortaremur, vt in tutelam religionis assurgerent, neque hinc Turcas inde Saracenos in Christianos sæuire permitterent, huius Ludouici pater, qui multa promiserat, inter primos repertus est qui orthodoxæ fidei auxilium negauere. Ipse quoque Ludouicus adolescens, cum per Padum nauigaret is, essetque Mantuæ propinquus, eo in loco vbi Mincius Padum miscetur, haudquaquam dignatus est nos visere, aut nostram benedictionem exposcere: quibus de rebus sæpe oratores Sabaudenses alloquuti, eorum facta damnauius, futurumque diximus, vt in pœnam eorum quæ pater faceret, filius regnum amitteret, frustra quoque opem ab aliis peteret, quam suus pater negasset ecclesiæ: sicut postea cum magno religionis damno sequutum est. Crediderim cum Paradino, Ludouicum ducem in mittendis Pio pontifici suppetiis segniorem minusque fuisse obsequentem, quod meminisset adhuc, Pium ante adeptum pontificatum, cum rebus suis minus lautis patri suo Felici pontifici sub Aænæ Syluij nomine a secretis esset, eo deserto ad Eugenium Pontificem hostem eius tum capitalem transiisse. Ea quippe humanæ conditionis est fragilitas, vt, quoniam bona malaque

non sua natura sed pro affectu plerunque æstimantur, quæcunque ab eo cui minus bene volumus geruntur proficiscunturve, in odium, iudicium nostrum vertat, & aliorum malefacta, quam eius optime ab ipso cogitata, probemus magis. Cæterum cum Amadeus Ludouici filius natu maximus patri auoque simillimus ad solitarium vitæ genus, quam ad rempublicam, aptior esse videretur, & a bellis molestiisque (patrem in hoc referens) abhorreret, prorsus alia autem longe in filio natu minimo, adolescente decora proceritate, eximia spe, qui ad gloriam via virtutis grassaretur, appareret indoles, cuius iam specimen aliquod dederat; nobilitatis, procerumque Sabaudicorum omnium animus in Philippum propendere magis cepit. Illum præ patre fratreque (cuius per ignauiam ætatem agentis, si patri succederet, ceruicibus onus impositum iri aiebant, sub quo concideret) amplecti, illum admirari, illum vnum obseruare comitarique, illi, obiecta spe principis loci, obsequi: donec aduertit Ludouicus pater, forte an quod audierat? qui vt erat valetudine non satis firma, & abdomine grauis, in suspiciones indulgentior, ne quid aduersum se Philippus tandem filius, iuuenis potentia promptæ & studio popularium accinctus moliretur, vehementer, vergentibus iam annis suis, metuebat. Alij offensi erga Philippum filium animi causam fuisse aiunt, quod ex equestri ordine duos, ipsi Galloque regi longe gratissimos, interfici ille iussisset. Ad Galliarum itaque regem Ludouicum eius nominis vndecimum generum suum vna cum Amadeo filio, sæculi eius anno sexagesimo-quarto, irarum plenus profectus, querelas ad eum suas desert.

desert. Ille confirmatum oratione sua socerum securum ab ea parte esse iubet : nulloque protinus ad Philippum ex domesticis suis quodam primæ nobilitatis iuvene, quoniam cum eo communicare quæ vellet, haberet, petit, ad se venire, statim dimittendus, ne grauetur. Nihil subesse mali suspicatus adolescens, ad regem ilico properat, a quo, contra datam fidem retineri iussus, in Lochesiain abducitur arcem, vbi biennio toto, cum summo nobilitatis Sabaudicæ procerumque (apud quos patris alienatio amorem auxerat) luctu, captiui instar habitus fuit. Cæterum biennio eo decurso, Ludouicus dux Lugduni, quo Galli regis conueniendi causâ venerat, imperij sui anno vicesimo sexto (neque enim ducis titulo, antequam ad pontificatum euheretur pater, usus fuit) decedit. Corde eius in Cælestinorum sacra æde (quam adolescens patre iubente eo loci exstruxerat) sepulto, corpus Geneuam deportatum Annæ vxoris eius exuiis sociatur. In eadem illa æde epitaphium quod infra ascripsimus, illi positum fuit.

Sunt quibus est animus sublimia condere iam tum

Nominis aterni quæ monumenta forent.

Non sic illustres Amadeus & hic Ludouicus

Sabbatiæ primi constituere duces,

Ille suum hic nobis Cælestinenfis hortum

In signem copiis pomiserumque dedit.

Alter at hanc posuit tanto adem principe natus,

Hic vbi fulgebat regia celsa patris.

Ad quid ea? Ut populus vlla non laude minores

Perpetuum canerent hos meruisse decus?

Non. sed in hoc solum vt votis penetrare liceret

- „ *Cælum, & cælicolis ihura Sabæa dare.*
 „ *O pietas! diuum curauit & terque triumphos,*
 „ *Neuter ob id diuum de grege pulsus eat.*
 „ *Extra tamen nostri Ludouici hic iure, Gebennis*
 „ *Ossa ad dilecta coniugis ossa iacent.*
 „ *Mille quadringentos annos sex & decies sex*
 „ *Claudebat tristis funeris atra dies.*
 „ *Subtrahere eo ex numero decies sex, annus eris quo*
 „ *Cæssinenses hanc subiere domum.*

*al. xliiii.
 cal. Jul.

Per hæc ipsa tempora, anno scilicet restitutæ salutis
 MCCCCLIII. ad quartum cal^u lunias, in quem tum
 diem feriæ pentecostales incidere, Byzantium, Thraciæ
 oppidum, vltra Chalcedonem Bithyniæ urbem situm
 (quod Constantinus magnus a Gallieno, & Pertinace
 imperatoribus euersum, a fundamentis restaurauit, &
 Constantinopolim de nomine suo voluit appellari) ce-
 leberrima illa imperatorum Orientis sedes, a Mahome-
 te eo nomine secundo imperatore Turcico, Georgij Ser-
 uiæ despota ex Maria filia, muliere Christiana, nepote,
 quinquagesimo quarto obsidionis die, Constantino Pa-
 læologo imperatore inter cæteros caeso, cum sempiterno
 Christiani nominis probro per vim, haud incruentis
 vtrunque certaminibus, expugnatur. Nihil illa victoria
 fuit crudelius. Quanta enim cædes, & strages promiscui
 sexus, & ætatis edita sit, quomodo in excelsissimos
 quosque eminentissimæ ciuitatis viros, variis supplicio-
 rum generibus seuitum, quot virgines matronæque
 (ex quibus Constantini imperatoris vidua filiæque
 fuere) violatæ, & post violationem per summam cru-
 delitatem dissectæ, templa quoque quomodo (diuorum
 reliquis

reliquiis canibus passim obiectis) profanata , & quæ alia præterea tum in contemptum Christianæ religionis perpetrata scelera flagitiaque sunt , ne in operis quidem iusti materia , nedum huius tam alieni ab eo arguimento , plene satis exprimi potest. Euerso Orientis imperio Mahometes , epicureisimum amplexus licet , & tam a Mahometismo quam a Christianismo , in quo tamen ad annum ætatis vsque xxv. diligenti matris cura perseverauit , auersus , Mahometicæ blasphemix ibi sedē fixit. Verissime profecto Velleius Paterculus , Quem admodum vrbiū imperiorūque , ita gentium nunc florere , nunc senescere , nūc interire fortunam dixit. Admiratione dignum , neque mysterio carere videtur , cæptum anno post natum seruatoreū CCCXXIII. Constantini imperatoris , Helenæ filij , auspiciis imperium Constantinopolitanum , post mille centum viginti & nouem annos , imperante eiusdem nominis Constantino , cui ipsi quoque mater Helena nomine , euersum finitumque fuisse. Sunt qui auaritiā & ambitionem expugnationi huic causam præbuisse scribant , dum ciues ditiores recusant vltius contribuere ad alendos & conducendos milites , pauperiores vero iam satis expoliati ditiorum opibus inhiant , & ex rapto viuunt. Nullum (hercule) vnquam Christianis barbarus ille impiusque tyrannus ademit locum , quo non per Christianorum principum mutua inter se dissidia potius ille sit. Quoties enim Christiani principes proceresque concordēs agunt , spernitur Turca : vbi dissensere , dum sibi quisque contra æmulos subsidium vocant , accitus in partem , aduersum omnes valet. Utinam , utinam ,

qui rerum nunc per Christianum potiuntur orbem, propius apud animum id vel tandem expendant suum, neque dissidere obstinati, finitima imperio Turcico loca reliqua, quibus tyrannus ille cum tot armatorum hominum millibus imminere certo dicitur, grauissimum, & morte ipsa crudelius iugum per iuges suas discordias accipere patiantur!



ANNA Lufignana (Ioanna alii) Iani Lufignani Cypri regis, & CAROLA Borbonia (Helena alii, cui Brunsvicensis dux, vt aiunt, pater) filia vnica, nupsit Ludouico Camerini Domini anno MCCCCXXXIII, eique proles paris sedecim: ex quibus maximae atque potentissimae plerique Christiani orbis reges principesque orti. Chambery, in qua vrbe Sabaudia proceres regiam habere solent, Camerinum Latini appellant, non autem comita-

AMADEVS dux.

LVDOVICVS Cypri rex ab vxore CAROLA.

IANVS Geneua comes (Ioannes alii) cui filia Ludouica, nupsit Francisco Luxemburgensi, Meina, Prouincia, & Tonsis comiti, cui marchionatum Basileum in dotem attulit.

IOANNES LVDOVICVS episcopus Geneuensis.

PETRVS episcopus Geneuensis, cuius pauci meminerunt.

FRANCISCVS archiepiscopus Auxitanus.

IACOBVS Rhomontij comes.

PHILIPPVS Bressa comes, & Sabaudia deinde dux.

CAROLA Ludouici Galliarum regis vxor. CAROLA huius sororem Paulus Amylius Frederico secundo Sicilia regi nupsit scribit. In confesso est, Frederici regis vxorem priorem Sabaudia duci fuisse filiam, quanquam nonnulli contradicant.

MARGARETA nupsit Petro Luxemburgensi Brienna & inde sani Paulini comiti. Alij Ioannis Marchionis Montisferrati vxorem fuisse aiunt, illique peperisse Theodorum cardinalem renuntiatum a Paulo secundo Pontifice. Flandria annales priorem eius maritum Ferraria marchionem fuisse tradunt. puto Montisferrati voluisse dicere. Margareta hac Petro filius duos peperit, Mariam, & Franciscum: Maria viri suere duo Iacobus Rhomontij comes eius auunculus. Inde Carolus Borbonius Vindocini comes, cui filios tres, filiam peperit unicam, Carolum Vindocini comitem, Franciscum sani Pauli comitem, & Ludouicum episcopum & ducem Laonensem,

sum illū quem Cham-
breium dictum, in qua
ad Mariam Anna hu-
ius filiam annotata, de-
monstrauimus. Cete-
ram Agnes, quam ex
Anna butus filiabus
Francisco Aurelianensi
nuptam diximus, epi-
taphium in diua Gene-
uesæ Parisiensis ade
videre hoc est. Exiguo
clauduntur hoc saxo
intestina nobili diuæ
Agnetis de Sabaudia,
uxoris quondam illu-
strissimi Francisci co-
mitis Dugensis: Mo-
lem autē carni exiit
sextadecima Martij,
anno incarnati verbi
millesimo quingentesi-
mo octauo.

sem. Franciscam Engien dncein Philippus Cliuens Ra-
uesleini regulū vxorem duxit.

BONA: cui vir Galeacius Mediolani dnx. Cum Bo-
na hac (inquit Arnoldus Ferronius) Cicco Calaber vir
natura peracutus, & prudens, expulso Ludouico Sfor-
tia, moderabatur Galeaci filij nomine res Mediolanen-
siū. At leui cum esset ingenio, per Antonium Telefinum
Ferrariensem, adolescentem venustissimum, qui ad eius
amicitiā arreperat, totamque eam possidebat, eique
obsequentior illa erat, quam castam mulierem dece-
ret, reuocauit Sfortiam, nequicquam dissuadente Cic-
co. Eo reuocato, Ciccoque ab eo necato, cum in amore, &
delitiis illa aliquantulum Telefini versata fuisset, tan-
dem & tutela filij, & omnium rerum administratione
priuata fuit, omnia ad se Ludouico Sfortia reuocante, do-
nec sublati nepotibus, Mediolanensi imperio peritus est.

MARIA vxor Ludouici comitū sani Pauli Fran-
cia comestabilis, patris eius cui Margareta Maria so-
ror nupsit, & deinde (vt Paradisus scribit) Amadei
comitū Chambræi, a quo comes Chambræi orti. Sed
errat grauitè Paradisus. Maria enim viro Ludouico viro
suo (qui eo ipso tempore quo secuti percussus fuit, mor-
tem eius luxit) obiit.

AGNES Francisci Aurelianensis Dunoyssi, & Lon-
geuille comitis, Franciaque Marsi balli, vxor: cui peperit
Franciscum, Ludouicum, & Ioannem.

IOANNA.

DE AMADEO SABAVDIAE

DVCE TERTIO.

NONVS ex hac familia eo nomine Amadeus
Sabaudia dux tertius, vir nō sui sæculi, sed om-
nis xui sanctissimus, optimus, simplicissimus, & simu-
lationum nescius, nulloque virtutum genere Ludouico
patre (cui salutis anno MCCCCLXVI. succedit) auique
inferior, at ægro semper corpore, & morbo epileptico
comitia-

MCCC-
LXVI.

qui rerum nunc per Christianum potiuntur orbem, propius apud animum id vel tandem expendant suum, neque dissidere obstinati, finitima imperio Turcico loca reliqua, quibus tyrannus ille cum tot armatorum hominum millibus imminere terro dicitur, grauissimum, & morte ipsa crudelius iugum per iuges suas discordias accipere patiantur!



ANNA Lusignana (Ioanna alii) iam Lusignani Cypri regis, & Carole Borbonia (Helena alii, cui Brunsvicensis dux, ut aiunt, pater) filia unica, nupsit Ludouico Camerini Domini anno MCCCCXXIII, eique proles parv sedesimi: ex quibus maximus atque potentissimus plerique Christiani orbis reges principesque orti. Chamberyrum, in qua vrbe Sabaudia proceres regiam habere solent, Camerinum Latini appellant, non autem comita-

AMADEVS dux.

LVDOVICVS Cypri rex ab vxore Carola.

IANVS Geneua comes (Ioannes alii) cui filia Ludouica, nupsit Francisco Luxenburgensi, Memna, Prouincia, & Tomsu comiti, cui marchionatum Basgeum in dotem attulit.

IOANNES LVDOVICVS episcopus Geneuensis.

PETRVS episcopus Geneuensis, cuius pauci meminere.

FRANCISCVS archiepiscopus Auxitanus.

IACOBVS Rhomonijs comes.

PHILIPPVS Bressa comes, & Sabaudia deinde dux.

CAROLA Ludouici Galiarum regis vxor. Carole huius sororem Paulus Emilius Frederico secundo Sicilia regi nupsit scribit. In confesso est, Frederici regis vxorem priorem Sabaudia duci fuisse filiam, quanquam nonnulli contradicant.

MARGARETA nupsit Petro Luxenburgensi Brienna & inde sani Paulini comiti. Alij Ioannem Marchionem Montisferrati vxorem fuisse aiunt, illique peperisse Theodorum cardinalem renuntiatum a Paulo secundo Pontifice. Flandria annales priorem eius maritum Ferraria marchionem fuisse tradunt. puto Montisferrati voluisse dicere. Margareta hac Petro filias duas peperit, Mariam, & Franciscam; Mariae viri suere duo Iacobus Rhomonijs comes eius auunculus. Inde Carolus Borbonum Vindocini comes, cui filios tres, filiam peperit unicam, Carolum Vindocini comitem, Franciscum sani Pauli comitem, & Ludouicum episcopum & ducem Laonensem,

tuum illū quem Cham-
breium dictum, iū que
ad Mariam Anna hu-
ius filiam annotata, de-
monstrauimus. Cete-
rum Agnē, quam ex
Anna huius filiā
Francisco Aurelianensi
nuptam diximus, epi-
taphium in duā Gene-
ueſa Pariſienſis ade
videre hoc eſt. Eiq̃uo
clauduntur hoc ſaxo
intellina nobili diue
Agnē de Sabaudia,
vxoꝝ quondam illu-
ſtriſſimi Franciſci co-
mitis Dugneſis: Mo-
lem autē canū exiit
ſextadeſima Martij,
anno incarnati verbi
miſſiſimo quingentiſi-
mo octauo.

ſem. Franciſcam Engiem ducem Philippus Cluēſis Ra-
ueſſini reguli vxorem duxit.

BONA: cui vir Galeacius Mediolani dux. Cum Bo-
na hac (inquit Arnoldus Ferronius) Cicco Calaber vir
natura peracutus, & prudens, expulſo Ludouico Sfor-
tia, moderabatur Galeacij filij nomine res Mediolani-
ſiū. At leui cum eſſet ingenio, per Antonium Teleſinum
Ferrariēſem, adoleſcentem venuſiſſimum, qui ad eini
amicitiā arreperſer, totamque eam poſidebat, eique
obſequentiꝝ illa erat, quam caſtam mulierem dece-
ret, reuocauit Sfortiam, nequicquam diſſuadente Cic-
co. Eo reuocato, Ciccoque ab eo necato, cum in amore,
& delitiis illa aliquantulum Teleſipi verſata fuiſſet, tan-
dem & tutela filij, & omnium rerum adminiſtratione
priuata fuit, omnia ad ſe Ludouico Sfortia reuocante, do-
nec ſublatus nepotibus, Mediolaniſi imperio potius eſt.

MARIA vxor Ludouici comitū ſani Pauli Fran-
cia comeſtabili, patris eius cui Margareta Maria ſo-
ror nupſit, & deinde (vt Paradinu ſcribit) Amadei
comitū Chambrēi, a quo comites Chambrēi orti. Sed
errat grauiter Paradinu. Maria enim viro Ludouico viro
ſuo (qui eo ipſo tempore quo ſecuri percuſſus fuit, mor-
tem eius luxur) obiit.

AGNES Franciſci Aurelianenſis Dunoyſij, & Lon-
geuille comitū, Franciaque Marſballi, vxor: cui peperit
Franciſcum, Ludouicum, & Ioannem.

IOANNA.

DE AMADEO SABAVDIAE

DVCE TERTIO.

NONVS ex hac familia eo nomine Amadeus
Sabaudia dux tertius, vir nō ſui ſæculi, ſed om-
nis æui ſanctiſſimus, optimus, ſimpliciſſimus, & ſimu-
lationum neſcius, nulloque virtutum genere Ludouico
patre (cui ſalutis anno MCCCCXLVI. ſuecedit) ayoque
inferior. at ægro ſemper corpore, & morbo epileptico
comitia-

MCCCC.
LXVI.

comitialive vt plurimum obnoxio, par negotiis neque supra erat. Cum bello itaque potiora omnia duceret, subditis vt de eo deferendo, alioque sibi præficiendo cogitarent, & consilia subinde inter se conferrent, occasio præbita. Sed constitutis tandem rebus, cum sorore sua Bona (quæ Mediolano Sfortianorum tyrannide pulsa, ad eum confugerat) ad Galliarum anni proxime insequentis mense Augusto profectus regem, humanissime ab eo acceptus exceptusque fuit. Quin vt quoniam eius sibi gratus esset aduentus, publice palamque testaretur, solis regibus quando inaugurantur reservata munia, obiri ab eo rex voluit. Quæ res subditos eius (admonitos, obsequium in principem suum, reuerentiam in nomen Gallicum, decus quisque suum & fidem retineret) in officio continuit, & vt nihil aduersus eum, tanti principis patrocínio tutum, moliri auderent, fecit. In egenos pauperesque cum supra modum, & ad prodigalitatem usque, auri argentique negligens, esset effusus (adco vt permagnum quotidie huiusmodi hominum numerum in aula sua aleret) ea de re a proceribus iisque quorum consilio utebatur, admonitus aliquoties, nullam arcem, nulla propugnacula, nulla mœnia æque ditiones suas conservare respondit, atque hominum egenorum (qui ipsi Deo curæ) singularem hanc curam. In ea vna prouinciarum suarum omnium vires roburque, quod nulla queant expugnare castra, nulla euertere tormenta, consistere. Eos ille homines, commilitones suos appellare, eos accurate liberaliterque habere, iis cibum potumque & detractas subinde corpori suo vestes, de sua præbere manu, eorum conuictu ac familiaritate gaudere, & propter

pter nonnunquam discumbere. Versis illuc omnium mentibus, cum a legato forte quodam extero, nullos num canes haberet venaticos interrogaretur, ingentem se postridie illi huiusmodi canum numerum ostensurum respondit. Reuersum autem ad horam conditam hominem, cum canes nulli apparerent, in proximum abducit triclinium, vnde in subiectam aula planiciem despectus erat: ibi mensam illi admirabundo oblongam instratam, & ciborum omnis generis refertissimam, accumbentesque ad eam mendicos pauperesque quam plurimos ostendit, atque hisce hominem affatur verbis: Isti, vir amice, canes sunt, quibus in vita hac, cuius brevis incertaque periodus est, cælum ego venor alimenta que expedio, quæ manna omni præstantiora, famem mihi in perpetuum fistant. Ad quæ dicente inter alia legato, Inueniri sæpius homines improbos inertesque, qui paupertatem simulent, & mendicando, quam manibus ea quæ ad cultum victumque suppeditent, parando viuere malint: Nolim tam anxie ista ego inquirere, respondet ad ea dux. Si in actiones enim nostras pari curiositate diuinum illud inquirere vellet numen, & quotiescunque a recto deflectimus, dignas de nobis sumere pœnas, neque pro odio gratiam redderet, non (hercule) beneficiorum, quæ tam larga liberalique in nos ille confert manu, tantus esset cumulus. Alia præter hæc cum plurima in pauperum patrociniū allegante duce, & variis ea ex Scriptura sacra depromptis confirmante exemplis, cum eius orationem interpellans legatus, ad paupertatem plures quam ad diuitias esse aspiraturos, si omnibus ea mens esset principibus,

cipibus, responderet; Ad sapientiam etiam plures haud dubie, subinfert protinus dux, aspirarent. Diuitiarum quippe opumque quemadmodum superbia, fastus, luxus, insolentia, temeritas, stultitia, iniuriarū illatio, iniquitas, rapina, scelerum denique omnium impunitas comites plerumque esse solent: ita e contra sapientiam, sobrietatem, equitatem, iustitiam, simplicitatem, rerum præclararum meditationem, modestiam denique, innocentiamque, & virtutes cæteras omnes, in paupertatis comitatu inuenire est. Hæc de paupertate præclara Amadei ducis fuit opinio. Morbum, molestissimum licet continuumque, tulit patientissime; adeo ut qui consolandi confirmandique eius causa ad eum quotidie ventitabant proceres, eos ipsemet consolaretur, & multis præclarisque rationibus ad patientiam hortaretur. Deum nunquam nobis viciniorē esse demonstrans, quam cum maxime variis corpus hoc exerceret cruciatibus: nullaque remedia, quæ animæ vulneribus curandis adhibentur, tam facere dolorem, quam quæ maxime sunt salutaria. Diu eo morbo exercuciatus; Aureliæ ex alui tandem profluvio, sub Iunij mensis exitum sæculi eius anno septuagesimo primo, viuendi finem fecit, cælestemque animam cælo reddidit, Philiberto filio successore relicto. Dignus (hercule) princeps cuius pia præclaraque facta atque famam nominis, cum laude & bonis recordationibus posterī prosequantur. Sunt qui miraculis sepulchrum eius claruisse scribant. Author Platina est, cum Paulo pontifice Romano Italiæ vniuersæ pacem procurante, dubitarent multi num Amadeus hic eiusque frater Philippus, Bressæ tum comes, qui eo

anno

MCCCC.
LXXI.
al. LXX-
IIII.

anno Venetorum stipendiis militauerat, extra pacis illius leges essent habendi; Galeacium Mediolani ducem, petentibus Venetis, vt inter federatos Philippus quoque censeretur, negasse id fieri posse, dixisse enim (verba sunt Platinæ) nunquam se pro amico, & socio habiturum, quem rex Francorum hostem haberet. Verum tantum (inquit) valuit Paulus blanditiis, & pollicitationibus, vt legatum Galeacij contra principis sui decretum, in sententiam suam traheret. Ob quam rem iratus Galeacius, & Laurentium Pisauensem legatum suum exilio multauit, & Sabaudienfes ita bello vexauit, vt pacem exposcere cogeret, quæ quidem ex arbitrio regis Franciæ, ad reginæ, & vxoris Galeacij (quæ Sabaudi ducis erant sorores) preces composita paulo post fuit. Miror vnde Franciæ regem, Amadeum Philippumve hostem habuisse dicat Platina, cum neminem legerim hactenus qui dissidij huius meminerit.

YIOLAN-

P



IOLAN-

DA Franca
(Isabella
male ap-
pellata aliu)
Caroli eo
nomine se-
ptimi, &
Ludouici
vndecimi
Gallia re-
gum, illius
filia, huius

foror. Statutu Sabaudicu anno MCCCLXXV,
tertia mensis Iulij in monte Calerio publicatu,
hic preponitur titulu: Iolans primogenita, &
foror Christianissimorum Francia regum, du-
cissa, tutrix & tutorio nomine Illustrissimi &
superexcellsi principis filij nostri carissimi Phi-
liberti duci Sabaudia, Chablasi &c. Author est
Nicolau Vignierius, Helueticus confederatus,
quod Burgundionu conatibus Iolans hac
(quam Isabellam non recte appellat) sanare vi-
deretur, omnia fere oppida in tractu Auenti-
co sita, & lacu Lemano adiacentia, eripuisse.

PHILIBERTVS. }
CAROLVS. } duces.

IOANNES Geneua comes, cui
vxor Helena Luxenburgensis,
Ludouici Luxenburgensis, illius
qui capite plenus fuit, ex priore
vxore Bona Berria filia.

CEAVDVS. } Hos addans
GALEACIVS. } nonnulli.

IACOBVS LVDOVICVS,
marchio Gienfis. Huius non me-
minit Paradisus.

MARIA, cui vir Philippus
Hocheberquius, Rhetolini mar-
chio, Neufchastelli comes, &
Burgundia marchio, & filia
ex eo Ioanna Ludouico Arelia-
nensi nupta.

LVDOVICA, vxor Hugonis
Chalony domini Castellu Guyo-
ni, fratris Guilelmi Chalony An-
rany principis.

ANNA, cui vir Fredericus rex
Neapolitanus, vt plerique autu-
mant.

DE PHILIBERTO SABAVDIAE

DVCE QVARTO.

MCCCC-
LXXI.

PHILIBERTVS eius nominis primus Sabaudia
dux quartus Amadco duci tertio patri infans ad-
huc, aetatis anno quarto, Domini vero MCCCCLXXI. suc-
cedit, sub Iolandæ matris, mulieris longe prudentissi-
mæ (quæ Ludouici vndecimi Galliarum regis foror
erat, quæque diligentem admodum decennio fere toto,
Genevæ præfulis defuncti, mariti sui fratris, vsa cōsilio,
pueri

pueri curam gessit) existens tutela: ad quam ipsam hinc Galliarum rex Ludouicus Iolandæ frater, illinc Carolus Burgundiæ dux, ducum sui sæculi longe potentissimus factiosissimusque, & Sabaudicæ genti per varias affinitates innexus, contrariis prorsus inter se animis principes, modis omnibus, aspirabant, attraxerantque in partes suas, ille Philippum Sabaudum Bressiæ, hic Iacobum Sabaudum (sui postea fundi calamitatem) Rhomontij comites, & infantis ipsius patruos: dissimulante interim prudenter admodum ipsa Iolanda, & paribus eorum viribus parique potentia, parem prorsus voluntatem tribuente. donec tandem, Caroli rebus versis (felicem earum hætenus successum, siue ipsius perturbatione, siue errore aliquo, siue fortuna interpellante) amisso ad Grassonium prælio (quo supra trigies centena coronatorum millia illi deperiere) Carolum (in quem alioqui, cum Ioanne Ludouico Geneuensi præfule, magis atque clam, propendere visa fuit) auersari & vna cum Renato Siciliae rege Galeacioque Mediolanensi duce, proceribusque aliis quamplurimis Burgundo hætenus confederatis, mutato cum fortuna animo, Ludouici regis fratris sui partes sequi cœpit. Quod cum Burgundus, secundo iam ad Moratum seu Murcium, altero & vicesimo a Grassoniensi pugna die, fractus prælio, haud difficulter animaduerteteret, simulque quantum rebus viribusque suis (vehementer iam duobus illis aduersis præliis imminutis) si Sabauda se liberosque in fratris sui daret clietelam, esset decessurum, comprehensam ex Geneuensis præsulis Rhomontique comitis fratrum consilio Iolandam, custodiisque asseruatam, in

Burgundiam cum ministerio suo omni abduci, & in arce Rouueresia imperat asservari. Verum Philibertum ducem cum suæ quoque vna cum matre potestatis factum crederet, falsum se insigni custodum pueri fide intellexit, qui statim ut quid Burgundus moliretur sentire, sublatum ex Burgundorum conspectu puerum, Camerinum (vbi sine periculo vlllo illi esse licebat) transferunt. Eo autem Camerini existente, accurrit eodem protinus Genevæ præsul, homo inconstans, & cui præter episcopalem gravitatem pessima & immodica erat cupiditas. Cuius indolem cum perspectam haberet Ludovicus rex, animum eius per quendam ex sodalitijs Rhodij præfectus (Commendatorem appellant) cui plurimum deferre solitus ille erat, expugnat. Eo inlicente, Burgundum, turpe in servitium mutatus, deserit, Philibertumque puerum, eiusque fraterculum Carolum (quem Prænotarium appellatum, vna cum matre in Burgundiam abductum, Paulus Æmylius author est) & simul Camerinum, & Montmelianum arces regi in potestatem tradit, locumque in quo Sabaudæ thesaurus mundusque muliebris omnis asservabatur capit, sibi que retinet. Graviter admodum eam tulit iniuriam Burgundus, præsertim quod eo bello quod in Rhomontij comitis (cui Genevensis frater erat) suscepisset gratiam, tantas accepisset clades. Quo ipso bello infamissimam proditione (ut ferme iuncta sunt aduersa) ad Nanceium cecidit. Potuisset (hercule) saluus esse, si quanta illi nobilitas, & fortuna fuit, tanta rerum prosperarum moderatio fuisset, & iis qui eius sacramentum cunctis
circa

circa hostilibus, non exuerant, quique eius illum proditi-
onis admonuerant (quod & Ludouicus etiam vndeci-
mus Gallix fecerat rex) fidem habuisset. Sed præualue-
rant iam fata consiliis, omnemque animi eius aciem
præstrinxerant. Negabat itaque se credere, spemque in
se beneuolentiæ ex merito æstimare profitebatur. Quip-
pe ita se res habet (inquit eleganter quidam) vt plerum-
que qui fortunam mutaturus est Deus, consilia corrumpat,
efficiatque, quod miserrimum est, vt, quod accidit,
id etiam merito accidisse videatur, & casus in culpam
trāseat. In Rouerica arce captiua instar detenta Sabau-
da, quanquam, quantum Ludouico regi fratri suo ho-
mini omnium vaferrimo, cum quo iamdudum nonni-
hil illi dissidij intercesserat, tribuendum fidendumque
esset, non ignorabat, auida tamen libertatis & videndo-
rum liberorum, inētū omni posito, nobilem quendam
Pedemontanum (Riuëroto cui nomen) iuuenem cir-
cumspectum cautumque, Lugdunum ad fratrem suum
clam mittit, oratque obnixissime, sui liberandi ratio-
nem aliquam inire ne grauetur. Ad ea rex, quanquam
cum sorore sua Iolanda non prorsus sibi conueniret,
non propterea tamen eius se causam neglecturum re-
sponderet, sed missurum propediem qui in Galliam eam
adducat, Carolum Amboisium Chaumontij regu-
lum; & Campaniæ præfectum, summæ nobilitatis
virum. Facit quod promiserat rex, missusque cum no-
nullo milite Amboisius, facto sine maleficio villo per
Burgundi ditiones itinere, abductam ex Roueresia ar-
ce (quod illi factu facile, quod negligentius illa custodie-
batur) cum ancillarum ministrorumque comitatu
omni

omni Sabaudam, in proximum Galli regis imperio parentem transfert locum. Turones iam Lugduno sororem ibi suam operiturus Ludouicus rex venerat: vbi postquam hospitia publica illi decreuisset, & nobilissimum quenque honoris causa, in eius vrbi iam appropinquantis misisset occursum, ipsemet tandem ad vrbs portas progressus aduenientem humanissime cum omni comitatu excipit, Salue, inquit, Burgundiæ domina. Quod cum iocose ab eo sibi obiici facile ex eius illa vultu animaduerneret, Ino Franca prorsus, domine, & iussis tuis obsequi paratissima famula, respondet. Abductam inde in hospitium, honorificentissime liberalissimeque tractari rex iussit. Cæterum in ingeniis haud diuersis, haud quoque diuersa erant desideria. Ille diuturniorem mulieris consuetudinem auersabatur, hæc vt quam citissime in Sabaudiam fratris impotenti dominatu liberata, cum liberis suis remeare posset, vehementer cupiebat. Moribus enim inter se (inquieta vterque animi) optime quoniam congruebant, alterius alter indolem ex sua metiri, actionesque omnes habere semper suspectas, & raros idcirco quærere congressus, fieri inter eos vti solet, qui amorem simulantes affectu nullo ducuntur. Rex itaque vt quæ sorori eiusque pedissequis munera dare constituerat, quam citissime apparerentur, vtque quæ faciendis in domuitione eius sumptibus sufficeret pecunia, in numerato esset, diligenter prouidit. Quod autem inter se injere tum fædus, in tabulas publicas in posterorum gratiam reserti rex voluit. Petierat quidem inter cætera ab ea rex, vt quæ inter filias eius, & Castelli Guyonij regulum Rothelinique marchionem

conuene-

conuenerant matrimonia , ea (quoniam Burgundo
vterque fauere) haud procedere pateretur. Verum in sua
id potestate constitutum illa negante, quod filias suas
animum ea in re obstinasse diceret, molestus illi am-
plius rex haud fuit. Sed octiduo apud se retentam, læ-
tamque receptis liberis, lætus ipse cum lectissimo comi-
tatu, post firmatam iureiurando vtrimque amicitiam,
dimittit. Mansit fraternus ab eo tempore inter eos amor;
maxime cum petenti, vt Philibertum filium suum, a
nobili quodam ex Delphinatu viro (quem Luisij appel-
labant dynastam) institui, & in Gallicos formari mores
pateretur, quo Gallico a puero imbutus idiomate mori-
busque, necessitudine quoque amicitiaque Gallico pau-
latim nomini illigaretur, Sabauda eam rem haud ab-
nuisset. Quanquam ne sic quidem regio, in suspiciones
plus æquo semper prono, satisfactum animo. Cum
enim nobilium aliquot Sabaudorum conatus eo tende-
re certo sibi persuasisset, vt pulso Luisio, adolescentis in
securam transferrent, vt eo se metu liberaret, suæ adole-
scentem potestatis facere constituit. Qua in re Bressæ,
Chambrei & Myolansi comitum (quibus plurimum
semper tribuerat) vsus opera consilioque, Gratianopo-
lim Taurino Philibertus, Argentonio regulo (quem
per speciem inferendi comitibus antedictis belli, quasi
hi Luisium iuuentæ pueri moderatorem comprehende-
re in animo habuissent, in eas oras Ludouicus miscrat)
procurante abductus fuit. Inde cum Blancam Mariam
Mediolanensem, Galeacij Vicecomitis, & Mediolani du-
cis filiam puer adhuc, ætate sibi parem puellam vxor-
em duxisset, generi in se curam Galeacius suscipit, & in

ducatus, propter pueri ætatem, administratione, in principum quorundam potentissimorum eam ad se praua æmulatione certatim trahentium magna licet contentione, aliquanto tempore fuit. Summa cum laude gloriaque eo munere Mediolanensis functus est, detectaque singulari sua cura (cum eius vnus tum vigilijs niteretur, ne quod respublica Sabaudica detrimentum caperet) quam aduersus puerum Ioannes Ludouicus episcopus Geneuensis, eius patruus (qui turbidus miscendis seditionibus, per summam perfidiam fraudemque ducatum inuadere, & puerum capere constituerat) moliebatur, cōiuratione, & oppressio captoque Vercellis præfule (haud perinde instruendo bello intento, quam frequente ciendis tumultibus) Taurinumque in custodiam abducto, imminenti puero perniciem prudenter auertit. Verum aduersus infidi patris fraudes, soceri diligentia (a quo multa comitate in speciem liberum cultus fuit) tutus infelix adolescens, vixdum exacto ab ea coniuratione aëno, dum Carolum Gallix eo nomine octauum regem amittæ suæ filium Lugduni inuisset, improuisa morte sæculi eius anno octuagesimo primo postquam vitæ annos decem & quatuor, potentix decem expleuisset, non diu admodum cum morbo conflictatus, non sine præbiti ab iis, qui captiui præfulis causæ patrocinebantur, veneni suspicione, indicijsque manifestis; sublatus fuit, cum summis finitimorum principum omnium subditorumque suorum (quod summa in eo morum dulcedo ac suauitas, & aduersus amicos æqua, & par sui in ea ætate æstimatio inimitabilis esset) luctu. Sed optima quæque rapere solita mors, ostensum

MCCC-

LXXXI.

AL. XVII.

ostensum tantum terris iuuenem optimum, vltra esse
passa non est. Mortem eius dirus, qui sub illos ipsos dies
apparuit, prænuntiare visus est cometes, quem periti cæ-
lestium, regis principisve mutationem plerumque por-
tendere existimant. Illi succedit impetoli Carolus frater.



BLANCAMARIA Mediolanensis, Ga-
leasq; vicecomitis Mediolani duci filia. Qua
mortuo, Philiberto, tribus expetita regibus,
Ioanni nimirum, Mattheo Hungariae regni filio,
Iacobo Stuarto Scotiae, & Vladislao Bohemia
regibus, Maximiliano Austriaco imperatori,
Caroli quinci imperatoris uxo; nupta fuit.

DE CAROLO SABAVDIAE DVCE
EO NOMINE PRIMO.

CAROLVS eo nomine primus, Sabaudiae dux
quintus, Philiberti ducis (cui anno post natum
Dominum MCCCCLXXXI successit) frater protonota-
rius Sabaudicus appellatus haecenus, omnibus belli
ac togæ dotibus eminentissimus sui sæculi princeps, tan-
tis animi corporisque præditus fuit donis, virtutis ea in-
dole, ea in Deum pietate, eo corporis robore, vt inter re-
liquos qui eum antecessere Sabaudiae duces, optimos li-
cet illos, vnus velut inter ignes luna minores, emineret:
sed fato malo (quod optimos inter nos diurnare haud
finit) in ipso ætatis fortunæque flore, cum annos non-

MCCCC.
LXXXI.

MCCCC.
LXXXVIII.
*al. LXXXIX.

dum totos septem ducatu præfuiſſet, victoriis aliquot iam clarus, ſæculi eius anno octuageſimo octauo rebus humanis ereptus, quam de ſe apud omnis ordinis homines princeps optimus concitabat exſpectationem, explere non potuit. Venenſi a Ludouico marchione Saluſſiano clam procurati ſuſpicio erat, incerta tamen. Hunc enim, optimum alioqui principem, & in quo morum ſuauitas erat admiranda, multus lepos, graui perſecutus bello, quod quam Sabaudia principibus eius maiores ditionum ſuarum intuitu, detuliſſent ſemper clientelam obſequiumque, illi denegaſſet, victum tandem & bonis fortunisque omnibus (quas mortuo Carolo duce, poſtquam triennio integro iis caruiſſet, Mediolani ducis, quem ipſum vna cum Carolo aduerſarium quoque habuerat, beneficio recepit) tanquam læſæ maiestatis reum exuerat, & eo redegerat miſeriarum, vt nemo eſſet mortalium quem eius non miſereret. Cæterum quia cum duobus longe potentiffimis principibus illi res erat, non fuit mortalium quiſquam qui inopem, & incertis vagantem ſedibus aut recto recipere, aut auxilio ſubleuare auderet. Dolebant vehementer viri boni omnes, optimos, & moribus inter ſe congruentiffimos principes, tam infeſtis inter ſe animis, quaſi in mutuam coniuraſſent perniciem, bellum gerere. Credibile eſt, grauius exarſiſſe, Sabaudum quod a Saluſſiano, ætatem ſuam, quaſi tanto impari oneri, ſperni ſibi perſuaſiſſet. Quæ ipſa tamen ditionum ſuarum fines protulit, & Gabienſes (Vagenos Silius appellat) alpes Liguriſas incolentem, populum ferocem admodum ſuperbumque vicit, domuit, & ſibi parere coëgit.



BLANCA MARIA,
Montisferratis,
Guilelmi Mōrisferrati
marchionis eius nomi-
nu quinti, & Elisabe-
tha Mediolanensis (cui

CAROLVS dux eo
nomine secundus.

LVD-
VICA. } barū pan-
ci memi-
nere.
IOLAN-
DA. }

Franciscus Sfortia dux pater) filia: mastrona
praclarissima, qua non seminas solum atati
sua omnes forma (quam pudor honestabat)
venustate, morum elegantiā, sermonis lepore,
& ingenij denique acumine longo post se in-
teruallo reliquit: sed viros quantamvis exerci-
tatissimos, in republica prudenter procuranda,

finitimorum principum amicitia sibi conciliandū, pace cum iis pro subditorum
suorum commodo saluteque constituenda firmandaque, iustitia non dissimulan-
ter administranda, belli denique pacisque artibus omnibus, obsolescente mundo
vniuerso, superauit; adeo ut doctes artesque suas omnes in ea vna efformanda (ut
mastroni ceteris vniuersis virtutum quod imitarentur proponeret exemplar) con-
tulisse, & pleno quasi cornu effudisse natura videretur. Maritum atati anno vi-
cesimo tertio nondum complere amisset licet, ea tamen in illa etate Sabaudiam
filij sui (cuius nondum satis adoleuerat atas) nomine administrauit prudentia,
temperantia, & moderatione, ut omnibus esset admirationi. Ceterum ad Neapo-
litantum profecturo bellum Galliarum regi Carolo eo nomine octaues Blanca hac,
ad Taurinos ille cum venisset, quicquid aurea argenteaeque suppellectili, vniouum,
gemmarum, annulorum, armillarum denique in muliebri habebat mundo, viten-
dum dedit. Quo thesauro apud mercatorem quendam proximo oppignorato, duo-
decim mille numum aureorum mutuum consecit. Tandem quoque & Mon-
tisferrati marchionis vidua contulit: sed in Galliam ab ea expeditione reuersus
vniuem eam pecuniam vtrique bona fidetum vsurū Carolo rex restituit. Fran-
ciscus Rosierus Carolum hunc priorem habuisse uxorem scribit. Ludouici marchio-
nis Salusiani filiam, eamque grauisimū inter patrem matrisque belli casum
fuisse: sed misera haud sis verisimile, praesertim cum aliam longe belli illius origi-
nem fuisse cōstet.

DE CAROLO EIVS NOMINIS SECUNDO SABAVDIAE DVCE.

CAROLO primo, Carolus eius nominis secundus
filius (quem Joannem Emanuelem nonnulli,

MCCCC-
LXXXVIII.

alij Ioannem Carolum appellant) anno salutis humanæ octuagesimo octauo supra millesimum, & quadri-
 gentesimum succedit, infans adhuc, & ætatis anno pri-
 mo nondum completo. In ducatus procuratione pro-
 pter eius ætatem manente matre eius Blanca femina
 longe vigilantissima. Quæ Philippi Sabaudi Bressæ co-
 mitis principis sapientissimi, Delphinatusque Caroli re-
 gis (apud quæ æquabili auctoritate, & gratia viguit) ius-
 su præfecti, consilio vsa semper, & authoritate tuta, opti-
 me ea administratione subditorum nemini grauis mo-
 lestæue functa fuit, & eorum qui libidine atque avaritia,
 & mutandi dominatus amore impulsæ, infantis spre-
 tate, nouis moliendis rebus animos habebant intentos
 (quibus vt formidabilem, ita bonis se præbebat faci-
 lem affabilemque) consilia facile discussit elusitque, præ-
 fertim cum diligenter admodum ratione, consilio, præ-
 ceptis pueritiam eius foueret, prouideretque vt ad pie-
 tatem ante omnia ab infantia exerceretur, vtque homi-
 nibus vitiosis, & voluptatum ministris (qui princi-
 pum, quorum tenera adhuc ætas, deprauandis animis,
 vitiorum scelerumque impunitate proposita, operam
 omnem, cum non leui reipublicæ damno impende-
 re solent) nullus ad eum, donec iuuentæ lubricum exiret,
 pateret accessus. Proficiscentem sub hæc tempora sæcu-
 li illius anno MCCCCXCIII, in Apuliam Carolum
 eius nominis Gallix regem octauum, Neapolitani ni-
 mirum regni oppugnandi causa, & per Sabaudix fines
 iter facientem regio præorsus Blanca apparatu, purpura
 auroque, & vniouibus ipsa insignis excepit atque prose-
 cuta est, eoque (cui Sabauda inditum nomen) ge-
 nerosis

MCCCC-
XCIII.

nerosissimo, quo Neapolitano illo vsus bello, variis
 grauibusque periculis ereptus ille fuit, donauit. Quin
 auro argentoque (qui belli neruus) destitit regis (cun-
 ctis admirantibus mortalibus quod rebus omnibus im-
 paratus tam longinquam atque difficilem expeditionem
 bellumque non necessarium, cuius non infelix tamen



fuit successus; suscipere fuis-
 set ausus) quicquid in orna-
 mentis esset, contulit, grauius
 sibi dolere quæsta quod maiore
 eum subsidio iuuare haud poss-
 set. Decessit admodum iuuenis
 Carolus dux, fortunæ, in quam
 alebatur capax, & in omnium
 virtutum exemplo genitus, du-
 catas (cuius habenas eo mor-
 tuo Philippus Bressæ comes suscepit) anno septimo,

Domini vero MCCCCXCV.

DE PHILIPPO EO NOMINE

SECUNDO.

PHILIPPVS eius nominis secundus Sabaudia dux
 septimus, sine terra antea dictus, quod ex paterna
 hereditate pars minima, Bressanus nimirum comitatus;
 ad eum tanquam natu minimum, peruenisset, Ludoui-
 ci & Amadei octauæ ducum, illius filius, huius nepos,
 gentile anno MCCCCXCV. Carolo secundo ducæ satis
 sublato, ætate prope confecta, imperium accipit, vir gra-
 uis, & sapiens, & demerendis hominibus genitus. Cui
 quod

MCCCC.
 XCV.

quod prælio strenuus, & consilio bonus esset, feliciter plerunque, quæcunque moliretur, succedere solebant. Sed eius quoniam amplior a nobis alibi facta mentio, breuiores hic erimus. Pro Carolo Burgundiæ duce aliquamdiu cum steteret, Galliæ tandem regis, a quo maximis affectus beneficiis, diui Michaelis equitum sodalicio ascriptus, & magnus tandem supremusque Franciæ factus fuit magister (qui comes Palatinus olim, deinde Franciæ Seneschallus dictus fuit magistratus) partes, inter abruptam contumaciam, & deforme obsequium, cōstanter sequutus est. Supremum sæculi eius anno **xcvii**. Camerini obiit diem, postquam annum, & menses sex ducatus præfuisset, & Philibertum filium reliquit successorem. Nonnulli veneno sublatum autumant. Componendis regum principumque, Italarum præsertim, dissidiis plurimam semper princeps optimus, & persuadendi callidus, operam nauasse, neque periculum sumptusve vllos in prouectiore etiam ætate, eius rei promouendæ caussa defugisse scribitur, præsertim cum plerique eum iudicem poscerent. Summa apud Ludouicum eius nominis vndecimum, at maior (vti diximus) apud Carolum octauum Galliæ reges eius fuit autoritas. Neapolitanum enim gesturus bellum Carolus, Genuam eum Bressæ adhuc tum comitem cum exercitu misit, vt ne quis per absentiam suam occasionem a Genuensibus motus exoriretur, prouideret, vtque nouarum rerum audium semper populum illum in officio contineret. Pulso, dum in eo itinere Carolus rex est, Florentia per seditionem Laurentio Medice ciuitatis familiarique suæ (qua vix vlla per Europam tum opulentior florentior-

**MCCCC-
xcvii.**

florentiorque) facile principe, reditum illi ad suos & ad pristinum magistratum a Carolo rege impetrauit; sed vt quam perdiderat pretiosissimam, & regia haud inferiore suppellectilem (quam tumultus haud dubie originem, auaritia scuitiæ causam præbente, seditionis aucthores inuolarant) reciperet, id equidem in eius haud fuit potestate. Videbat (inchercule) vir longe optimus, qua animi erat sagacitate, hominum quorundam (quorum magna apud reges principesque est autoritas) aut inscitia ignorantiaue, aut supina nimis oscitantia, maximas non solum interdum rei bene gerendæ deperire occasiones, sed graues clades calamitatesque prouinciis optime alioqui constitutis importari, quæ, si quod possunt debentque, illi vellent præstare, facili negotio cum summo reipublicæ fructu commodoque auerti, populusque in officio contineri posset. Quod ipsum verum demum eorum qui in principum versantur aulis munus est.

RENATVS, nobis.



MARGARETA Borbonia, Caroli Borbonij ducis, & Agnetis Burgundæ filia tertia, quam Mariam nonnulli appellant. Nupta Philippo sa-

PHILIBERTVS dux.

LVDOVICA, vxor Caroli Valesii comitis Engolismorum, cui Franciscum Gallie peperit regem.

PHILIBERTA, cui vir Iulianus Medices, Leonis decimi Pontificis frater. Paradisus Nemoursiam tam appellat ducem, quod ducatus hic a Iuliano, Galli regis beneficio possessus, eo mortuo penes uxorem eius, rege permittente, mansisset, qua defuncta Philippus eius frater eo donatus fuit.

lupus anno MCCCLXXI, mortuus saculi eius anno LXXXIII. Labitur Lusignanus, qui Philippo filiam tertiam fuisse scribit Magdalenam Nauarra reginam.

* al. Clau-
dia.



Francieque Marchalli, & Nicolae Britan-
nae (cui Carolus Britannus, & Isabella Viouhnea parentes) filia.

CLAV-
DIA
Brosse-
sis, Ioan-
nu Bros-
sesii, S.
Seueri,
& Bu-
sai re-
gnuli, vi-
cecomi-
tis Bri-
diesii

CAROLVS, dux post Philiber-
tum fratrem.

PHILIPPVS, Nemoursii Gallia
regis beneficio dux, & Geneua co-
mes, Nemoursii duci pater, cui
vxo^r * Carola Aurelianensis Du-
noisii comitis (cui Franciscus, &
Agnes Sabauda parentes) & Ioan-
na Hocquerbia filia. Errat Belle-
forellus, qui Renati Alenconij du-
ci filiam et vxorem fuisse ait.

PHILIBERTVS.

IOANNES. } obiere pueri.
ABSALON. }

DE PHILIBERTO DVCE EO

NOMINE SECVNDO.

MCCCC-
XCVII.

BREVE Philippi ducis fuit imperium, quod filius
eius Philibertus, eius nominis secundus, Pulcher
a decenti elegantique corporis constitutione dictus, an-
no restitutæ salutis MCCCCXCVII, excepit. In Ludoui-
ci vndecimi Galliarum regis (qui amitam eius Caro-
lam vxorem duxerat) aula vna cum Carolo octauo Lu-
douici regis filio (quem bello Neapolitano fuit sequu-
tus) eductus educatusque, animi ornamentis omnibus
non minus quam corporis excelluit, vsque adeo vt ante-
cessorum suorum nemini quicquam in vilo virtutum
genere concederet, neque princeps esset vllus qui ciui-
tates tam bene haberet moratas constitutasque, subdi-
tumque sibi populum (precautibus, quatenus exemplo
non nocebatur, ignoscendo, agendoque medium, plu-
rima

rima dissimulantis, aliqua inhibentis, & conscientiae magis quam famae consulendo) clementius tractaret, nemo, conciliandis parandisque regum atque principum finitimorum animis aptior. Ludouico Galliarum rege eius nominis duodecimo, bellum in Mediolanensi gerente ducatu, equites cataphractos optime armatos ducentos in auxilium eius, prima etiamnum florescente iuuenta adduxit. Quo præclaro facto, Galli regis animum vehementer sibi deuinxit. Philippus archidux Austriae ex Hispania ea tempestate, salutis nimirum anno M D I I I redux, postquam Lugdunum se contulisset (ubi pax inter Francos Hispanosque, Caesarem & archiducem ipsum eorumque confæderatos sociosque promulgata fuit) in Sebusianos inde ad Margaretam sororem suam, Philiberti huius uxorem inuisendam profectus fuit, & ab utroque honorificentissime exceptus dimissusque in Belgium rediit. Decessit tandem Pontdeini Philibertus eo ipso in cubiculo in quo natus fuerat, sæculi eius anno quarto (qui annus mortalium puniendis peccatis a Deo, uti plerique opinabantur, constitutus, plurimis propter aëris intemperiem, & optimo cuique fatalis fuit) ad v. idus Septemb. haud multum vigintiquinque annos egressus, imperij anno circiter sexto. Præreptus in mature, & fructu gratissimæ coniugis societatis, & consummatione euectæ in altissimum paternumque fastigium imaginis defectus est. Admirandæ eo mortuo in Margareta Austriacæ eius uxore constantiæ patientiæque apparuere exempla. amisso enim viro, & iuvene admodum, & quo, ut author Paradinus, neq. ditiores potentioresque prin-

MDIII.

MDIII.

cipem Sabaudia (ad acceptas quippe a maioribus prouincias prouectum annuum duodecim ducatorum milium, quæ Mediolanensis pendebat ducatus, adiecerat) neque pulchriorem sol eo tempore aspexit, acerbissimum cum casum tulit patientissime, iis solummodo procurandis intenta rebus, quæ ad animæ eius salutem apud Deum promouendam facere posse existimabat. Sunt qui Ludouicum eius nominis duodecimum Galliarum regem, animo ab eo alieniore factum suspicentur; & quidem in Renati Sabaudi fratris eius nothi (qui orto forte inter ipsum, & Philibertum vxoremque eius Margaretam dissidio, ad Gallum transferat) gratiam. Sepelitur in abbazia quadam, quæ Brouisia vulgo dicta, quam Margareta eius vxor post eius excessum, vt voti religione carissimi mariti socerique manes liberaret, maximis sumptibus exstruxit. Successit defuncto Carolus frater eo nomine tertius, eodem quidem patre cum Philiberto, at non eadem natus matre. Quæ res maximo paulo post bello præbuit occasionem.



MARGARETA Austriaca, Maximiliani eius nominis primi imperatoris, & Maria Burgunda filia. Margareta hac Austriaco genere orta, ac multas insignesque familias paterna maternaque nobilitate complexa, Carolo Delphino Viennensi, Ludouici vndecimi Galliarum regis filio (vt author Nicolai Egidium) Amboisii, Domini anno MCCCCXXXIII, pacta fuit. Sed ab eo, rege facto (vt Annam scilicet Britannia heredem Maximiliano imperatori iam desponsam, duceret) repudiata (quod Maximilianus Margareta pater in eas nuptias, vt dicebat, haud consensisset, ipse autem cogente patre Ludouico, cum ea puer etiamnum matrimonium contraxisset) Ioannem Hispaniarum principem maritum habuit, cui fili-

lium

linum, ac non diu superstitum, peperit. Quo factū sublato, Philiberto huic, saluū anno primo supra millesimum, & quingentesimum, tertio connubio iuncta suis. Mulier in tolerandā aduersis constantia patientiaque admirabili. Quā Philiberto marito sibi longē carissimo non diu potita, quartas, multū petentibus, aspernata nuptias, Carolū, & Ferdinandū fratris sui Philippi filios, suā commissos fidei pueros, ea cura (tanquam verumque ipsa enixa foret) instituit, & eorum regna diuisioneque, plurimū licet eam, ea administrans sedulitate, vt ipsa omnibus esset admirationi, illi ea felices amita institutioneque, ad imperium ambo (quod summum in orbe hoc Christiano fastigium est) peruenire mererentur. Bellorum disfidiorumque caussas, pace inter Christianos principes procurata, sustulit sapim. Belgio pro Carolo quinto fratris sui filio annū aliquot praefuit, prouinciasque eam omnes tanta rexit prudentia, ea moderatione, vt nunquam magis floruisse visa sint. Abbatiam quam Brouziam vulgus, Brenzeam alij appellant, in soceri socrusque (qui facturos id se vouerant) memoriam Sebusiano in solo, ex pario solidoque marmore, sumptibus maximū adificauit, sodalitatiue Augustiani, ad dñi Nicolai Tolensinatus institutum vitam suam efformantes monachos, in eo collocans. Praclarum (hercule) opus, & inter celeberrima orbis huius monumenta conspiciendum; quod etiamnum, cum summa mortalium omnium admiratione visitur, ob structura arte singularem parissimā magnificentiamque, parissimob fenestras vitreas, comitum ducumque Sabaudia omnium a Beraldo vsque, liberorumque, & eorum quoque quibus affinitate iuncti suere, insignia omnia decenti ordine representantes; vt omnittam erecta ipsi Philiberto duabusque Margaretā, matri nimirum eiu, coniugique, ornatissimā statua, & tessellata astatota in superiore sacra adū parte (Chorum appellant) & in ipsius Margareta Austriacae sacello pauimenta, in quibus varia passim antiquitatis monumenta, & ipsius inaristitque eiu effigies in tessellū quamplurimus, tres ad summum in quadrum latus digitos, eo artificio ad vinum vna cum vtriusque titulo symboloque, (Latini maioribus exarati literū) expressas cernere est, vt neminem non in admirationem ea res rapiat. Imo cum non pauci sint, quibus pauimentum illud temere calcare religio, vir quidam ex equestri ordine (inquit Paradisus) sacram illam forte ingressus adem, cum spūto pauimentum hoc inspicere nefas existimaret, in astantū pistoriū dulciarij, ex cuius putido informique naso luentes rancidaque vndique efflorescebant magno numero pusilla (quas gemmulas a similitudine appellat) faciem spūtabat, nullum se locum deformiorem, & excipiens odorem idoneum magis tota ea ade videre dictitans. Somnium quotquot ad eum veniunt locum videre sese existimant, cum in quam templi partem oculos primum dirigere conueniat dubites, quod vnaquaque res quantulacunque ea sit, spectatorem destineat, & in sui rapias admirationem: adeo vt ipsomet Galliarum rex Franciscus (regum sui saeculi facile princeps, neque stupidus huiusmodi rerum estimator) eum ingressus locum, prorsus obtupesceret, nullamque ea se structura, magnificentia, ornatuque adem vnquam vidisse palam testaretur. Su-

per omnia locum exornauit qui cum incolunt monachi, viri plerique doctissimi, quorum visa moreque quam prout ad eorum visa accedunt institutum, quos anachoretas olim appellabant, hoc est, secessores. Eo quod (inquit Cassianus) ne quicquam contenti hac victoria, qua inter homines occultas diaboli insidias calcat: uertus, aperto certamine ac manifesto conspectu demonibus congregari cupientes, valles eremi recessus penetrasse non timeant. Caterum de Margareta hac Ioannes Cuspinianus, in vita Maximiliani Casari in hac scribit verba: Margareta autem filia, eiusdem Ferdinandi regis Aragonum filium Ioannem dat maritum, qui intempestina morte sublatum, nullam post se prolem reliquit. Sed post illius obitum Philiberto Sabaudia duci desponsata, cum tranquillissime simul degerent, breue eorum fuit gaudium, mox ex humani principis sublato. Idcirco infortunata mulier, cum primum sponsum regem Francie Carolum complecti non posset, & a diobus sequentibus maritum, morte fuisset intempestina separata, noluit deinceps alteri nubere, licet potentissimi principes hanc peterent, & Vladislau Hun- garorum rex, priusquam Annam coniugem duceret, hanc vehementer efflugitaret.

DE CAROLO DVCE EO
NOMINE TERTIO.

CAROLVS eius nominis tertius Sabaudia dux. bonus, princeps optimus, atque clementissimus, meliore in omnia ingenio animoque quam fortuna usus, Boni meruit nomen, Philibertoque Pulchro fratri, anno quarto supra millesimum, & quingentesimum, mense Septembri, successit, quo ipso anno & proxime praecedente, grassata per Sabaudiam Delphinatunque grauissima pestis, tantam mortalium edidit stragem, ut mortuorum humandis corporibus agrisque colendis homines decessent. Filius erat Philippi secundi ducis ex vxore altera Claudia Brossefia. Decennio toto, & amplius, tranquillissimus eius fuit principatus, & is Sabaudia vniuersa status, ut populus per vniuersam Europam nullus maiore quiete, otio, libertateque frueretur, donec anno saeculi eius decimo sexto, quem pro recuperan-

recuperando ducatu Mediolanensi, Franciscus Angoulemius ex Caroli sorore (cui in Italiam profecturus regni procurationem ille demandauit) natus, ad Galliarum regnum euectus, conscripserat militem, eo ipso aduersus Heluetios, graues ad Brianconium vsque excursionibus facientes, & Delphinatum depopulantes, vti coactus fuit. Gallo enim exercitum in eam expeditionem educenti, & per Sabaudia fines iter facienti, cum auxilia Carolus dux subministrasset, Helueticorum (qui Chisnauxium, in Pedemontano solo sitam arcem, oppido spoliato, incendere) graue in se odium concitauit, praesertim ob negatum per fines suos transitum comitatumque. Et ne victis quidem superatisque Heluetiis, Mediolanoque dedito, conceptum aduersus eum illorum hominum odium conquieuit, qui genti illi eo bello fuerant confederati. Qui grauitur admodum ferebant, quae Gallo in Sabaudia Pedemontioque patuerant ciuitates, earum portas sibi claudi, Gallumque magno tormentorum bellicorum apparatu comitatuque, & rebus aliis a Sabaudis adiutum. Reuertentem a felice illa Mediolanensi expeditione Franciscum regem, & pedibus cum omni suo comitatu Camerinum vsque, religionis votique exsoluendi causa, iter facientem, cum honorificentissime dies aliquot Carolus dux ad fores deductum ades, excepisset, habuissetque, Lugdunum tandem ille, gratis quam maximis duci auunculo suo actis, rediit. Ceterum non diu admodum is erga Sabaudum in Francisci regis pectore mansit affectus. Diffidio enim grauissimo inter eos paulo post exorto, maximis Carolum ducem cladibus, omnium eorum oblitus

* In Gallica
sua Sabau-
dia princeps
pium genea-
logia.

oblitus, & odium pro gratia reddens, ingenti in Sabaudiam misso exercitu (cui Philippus Chabotius, maris Gallici præfectus imperabat) affecit, & potiore ditiorum eius parte (Carolo quinto imperatore pro eo pugnante licet) spoliavit tandem. Grauiissimi huius dissidij has Iulianus Taboëtus : adferre causas : Philippus (inquit) Sabaudia dux Francisci regis avus maternus, & Caroli huius pater, vxores habuit duas, Margaretam Borboniam, & Claudiã Ponticuranam : ex hac Carolus, ex illa Philibertus, & post cum Ludouica Francisci regis mater, nati. Philippo mortuo filius eius Philibertus liberorum natu maximus ducatum excipit. Huic, prole nulla relicta, defuncto, sororem ætate proximam, & cui vterque cum illo communis parens, non Carolum ex altero tantum parente fratrem, & annis longe minorem (quì feminas, tantæ vspote mole impares, a Sabaudico semper dominatu exclusas, neque populum Sabaudicum feminæ vnquam imperio subditum fuisse, contra, variis in eam rem adductis exemplis, contendere) succedere debere affirmabat, Franciscus rex, non ætatis solum prærogatiua, sed quia inter Philippum ipsum, communem eorum omnium parentem, & Margaretæ Borboniæ propinquos, cum vxorem eam esset ducturus, conuenisset, & quidem (uti aiebat) Sabaudicæ provincie ordinibus in ea pacta consentientibus, ut quicumque ex eo matrimonio nascerentur liberi, Philippo patri indifferenter, secundum ætatem succederent. Frequentibus itaque, & quidem per integrum decennium ad Carolum duccem missis legatis, debitum matri suæ ex legibus contractus

contractus huius matrimonialis, sibi porro iure successionis ducatum Sabaudicum, saltem ea loca quæ in Gallia Lugdunensi cis Rhodanum extra imperij Romani limites sita, auiæ suæ Margaretæ Borboniæ, ex iure donationis propter nuptias obuenerant, sibi tradi postulat; Bressam adhæc cum emolumentis prouentibusque omnibus, annis proximis quadraginta perceptis, & quicquid præterea donationis illius propter nuptias intuitu, auiæ suæ antedictæ debitum fuit (quod centum & octuaginta aureorum millibus æstimari aiebat) cum vsuris omnibus. Pedemontanum quoque tractum, qua Arlesio iunctus principatui, Prouinciæ membrum partemque esse, neque ab ea separari posse affirmabat. Querebatur insuper, quod * Taurinum, Pignerolum, Montcalerium, Carignanum, & ciuitates arcesque reliquas trans Padum (interceptas, vti aiebat, stantibus belli tumultibus, & Roberto Siciliæ rege, Prouinciæ comite Pedemontanoque principe fato functo) ducatus suo adiecisset. Quod comitatus Nicæus, & portus Villefrancæ, eidem Prouinciæ comitatui annexa hæctenus inseparabiliter loca, per ipsorummet ciuium proditio- nem Sabaudi nunc imperio paterent. Quod arces munitionaque aliquot Saluciani marchionatus, eadem cum Delphinatu censei solita loca, per vim a Delphinatu diuisa, Sabaudicæ ducibus, nulla prorsus iuris seruata forma, fuissent attributa, & eo quidem tempore, quo Roberti regis filius (cuius bona iure substitutionis Galliæ regibus obuenerant) infans, utroque parente orbis, & regno Siculo deiectus, decesserat. Super hæc: Quod oblatum sibi a Galliæ rege ordinis diui Michaelis

* *Thurin.*

insigne, & centum simul cataphractorum equitum, cum congiario annuo duodecim millium aureorum, præfecturam, contemptim Carolus dux recusasset. Quod denique, quo in Gallicum nomen flagrabat odio, Burgundica Hispanicaque sequutus signa, Caroli quinti imperatoris partes, sociare cum illo inito, semper sustinuisset: & eo quidem tempore, quo infælici infauitque ad Papium congressus prælio, superatus ab eo captusque fuit. Has odij a Gallo aduersus Carolum ducem tanta animi contentione suscepti causas præcipuas fuisse author est * Taboëtus. Qui per eius belli occasione bonis fortunisque prope omnibus Carolum ducem exutum, cunctarumque prope ducatus sui vrbium dominatu spoliatum tandem, porro scribit, dum Sabaudia (inquit) partem vnam, eamque cæteris fertiliorem, Bernenses, alteram, quæ montana pleraque, Franciscus Galliarum rex, tertiam, hoc est, ciuitates quasque præcipuas, & prouinciæ totius robur Carolus imperator, ad se quisque certatim trahunt. Haud admodum diuersa his, de alienato a Sabauda regis Francisci animo, & cur loca illa, quorum nunc meminimus, sibi tradi postularit, imo inuasit tandem, Guilelmus Bellayus Langey regulus, qui in principatus Pedemon-tij regis nomine procuratione fuit, vir insigni familia ac perinde opibus (de quo merito dubites togane an bello præstaret) & Paulus Iouius scripsere, quæ paucis subiicere visum fuit.

* *Scriptus
Latine, sed
translatio-
nem tantum
vidi.*

- Offendit (inquit) regem Franciscum Carolus
 1. dux: Quod vasa sua aurea argenteaque & quicquid
 habebat pretiosi pignori opposuisset, vt Carolum Bor-
 bonij

bonij ducem perduellem & Francisco regi bellum (cuius ipse exstimulator esset acerrimus) mouentem , mutuo iuuaret.

Quod tametsi Francisco regi auunculus esset , vxor^{2.}is tamen Lusitanæ (erat hæc vxoris Cæsaris germana soror) illecebris (inquit Iouius) deprauatus , assiduisque defatigatus precibus , neglecto Gallo , se totum ad auctoritatem nutumque Cæsaris victoris contulisset ; illique , Gallo ad Papium capto , de grandi hac victoria ,^{3.}datis ad eum literis , fuisset gratulatus.

Quod nullum non mouisset lapidem , vt Helue^{4.}rios a fædere , quod cum Gallo illis intercedebat , retraheret.

Quod Astam urbem , dono sibi a Cæsare obla^{5.}tam non recusasset , (Bellayus ab eo emptam scribit) filiumque tanquam fidei obsidem in Hispaniam ad Cæsarem misisset , qua ipsa tamen vrbe (quam supra centum annos sine controuersia Galli possedissent) nullum certius Gallis regibus in Italia patrimonium esset : verum eam Cæsar , qui Gallos Italia penitus eiectos , vlla ad spem reditus in Italiam , certa sede potiri , nolbat , auide expetenti Lusitanæ , nec abnuente viro eius , facile (inquit Iouius) concessit. Quæ vrbs coniuncta inclusa-
que subalpinis oppidis Allobrogico regno præclarum amplitudinis & roboris decus additura videretur.

Quod Niceam Prouinciæ urbem Massiliensium^{6.} coloniam , a Gallis (quorum ditionis antea , nec omnino dubij iuris illa , inquit idem Iouius , fuisset) vrgentis belli necessitate pecuniæque inopia coactis , certa pecunia oppigneratam sibi eripi nollit ; ne oportuna , & mu-

nitissima vibe , quæ Galliam ab Italia disterneret exueretur , rege eam plurimum flagitante , restitutaque pecunia redimere contendente. Is enim urbem excelsa arce validam , & propter Herculis Monæci portum magnas nauigationibus commoditates afferentem , si bellum gerere oporteret , magno sibi vsui futuram prouidebat.

7. Imo quod indicto inter Pontificem & regem Gal- lum colloquio , ne celebrando quidem conuentu illi urbem hanc patere voluisset.
8. Quod Gallo regi Mediolanum properanti , vt legati sui Merucillesi (quem Mediolani dux necari iusserat) indignam necem vlcisceretur , transitum per fines suos negasset. Cæterum conceptum ex hisce causis odium , vsque eo regis a Sabaudi amicitia alienauit animum , easque in eius pectore egit radices , vt quam de susceptæ (inquit Bellayus) aduersus Geneuenses expeditionis fausto fælicique successu , spem animo ille conceperat , ea Galli vnus potissimum occultis conatibus frustraretur. Neque enim Veretsij dynasta , in Sabaudico quidem solo natus , sed ex intimis Galli regis ministris , Guidoque Ranconius , vt Geneuensibus aduersus Sabaudum suppetias ferrent , nisi conscio , imo iubente fortassis etiam clam rege , in animum vnquam induxissent. Hæc expendentem , simulque quanta in vicini , & quidem potentissimi regis (qui puncto temporis maximum rebus suis , in vtramque fortunam momentum adferre queat) amicitia (qua nulla illi accidere posset oportunior) præsidia sibi sita essent , eius inquam regis , cuius vires potentiamque (quod Imperatoribus , quorum

rum imperia vna cum vita terminantur, negatum) in
successoribus etiā perseuerare, & quasi perpetuari vide-
mus, debuissent dubio procul (inquit porro Bellayus)
mouere Sabaudum, vt Imperatori, in cuius nuper ami-
citiam venerat, principi, in quo, quod procul abesset,
præsidij minimum, & cuius temporarium momenta-
neumque esset imperium, regem vicinum, potentem &
longa vetustaque sibi necessitudine iunctum, in cuius
etiam posteris, illius beneficij memoria mansura perpe-
tuo esset, præferret, & cum eo in gratiam redire euperet.
Sed eorum, quibus regem offenderat, sibi conscius (in-
quit) super gratiam inuidiam facti esse, & reconciliatio-
ni locum haud patere existimabat. In qua illum opinio-
ne confirmante, quæ huiusmodi illi consilia suggesse-
rat, vxore, vt fortunam belli tot cladibus aduersam, op-
portuno erga Gallum regem merito mutaret; induci
haud potuit. Fuit quidem (inquit Iouius) aliquando
magno consiliorum æstu iactatus Sabaudus, vir egregie
probus & ad æquitatem procliuius; nec alieni vnquam
appetens, an Gallo regi de Nicæa obsequendum foret,
quum in eam nullum aliud quam inueteratæ possessio-
nis ius sibi esse fateretur. Verum Franciscus Sfondratus
senator, Mediolanæ Cæsaris nomine legatus in Allobro-
ges missus, eum ab huiusmodi consiliis impense deter-
ruit, testatus eum aduersus Cæsarem facturum, si quic-
quam cum rege Gallo pepigisset. Eo modo Sabaudus,
neque iubendi, neque vetandi potens, ne Cæsarem of-
fenderet, cognationis iura, & Allobrogum principum
amicitiam veterem, quæ hætenus illi cum Galliæ regi-
bus inuiolata permanserat, ea minaci obtestatione per-

territus, tueri non potuit; miserabili profecto conditio-
ne, quod cum neutrum offendere vellet, vtrique de-
mum, sicuti mox euenit (cum eius regnum paulo ante
opulentum vltra citraque Alpes auitæ atque antiquissi-
mæ hæreditatis, a propinquo rege pariter, & ab affine
amicoque Cæsare indigne lacerari conspiceretur) se
prædæ futurum prospiceret. Heluetij quoque Geneuen-
sium moti precibus denuntiari Sabaudis iubent, si Ge-
neuensibus molestus esse pergat, se sociorum confede-
ratorum causam, quæ sibi cum illis communis esset,
haud neglecturos. Ad ea cum minus clementer respon-
disset Sabaudus, graue sibi ab Heluetiis bellum immi-
nere facile (inquit Bellayus) intelligebat: quod sine
Galli regis auxiliis illos haud suscepturos, quia non du-
bia erat suspicio, mittit propere ad Carolum imperato-
rem (quem Tunetana illa clarum victoria Panormum,
quæ Siciliæ vrbs, venisse fama erat) docetque quanto
in discrimine res suæ sint. Quod ita clâ ab eo fieri haud
potuit, vt non emanaret, & ad Galli regis perueniret
aures, erga quem grauius offendit, quod loca aliquot in
Italia sita ab Imperatore sibi tradi postulasse diceretur,
daturus pro iis in ius ditionemque Cæsari, quicquid in
Gallia citeriore citra alpes ipse possideret a Nicæa inde
ad eum vsque locum, qua ad confederatos aditus erat,
Geneuensi etiam oppido in ea cessione comprehenso.
In summas maximasque (hercule) Galli regis res dif-
ficultates videbantur coniiciendæ, si ea tum inter Cæ-
sarem Sabaudumq. pãctio successisset. Suo quippe vn-
dique Cæsar imperio, in quamcunque sese verteret par-
tem, Gallos erat cincturus conclusurusque, regemque
in

in tantas cōiecturus angustias, vt quam demum dubiis
suis rebus consulendi viam inire conueniret, haud facile
esset reperturus. Rebus hunc in modum constitutis, ne-
cesse omnino erat, vt quacumque posset ratione (inquit
Bellayus) ingens hoc a ceruicibus malum suis tempe-
stiuè rex auerteret , prouideretque diligenter , ne scalam
Sabaudus in regni sui finibus fabricaret, per quam faci-
lis in ipsum regnum pateret ascensus. Simulatione ta-
men tantisper rem extrahendam statuit, dum quæ ad
Vellyum, legati pro se munere apud Imperatorem fun-
gentem , perferenda dederat mandata , perferrentur, &
voluntatis suæ Sabaudus fieret certior. Postulauit ab eo
per ditiones sibi suas transitum vt concederet, vt loca ea
quæ sibi liberisque præclaro hæreditatis iure, matris suæ
Ludouicæ intuitu , obuenerent (quæ nullo , vt aiebat,
cum titulo hæctenus ille posseditset) sibi redderet. Ne-
que enim diutius ea penes illum loca manere rex vole-
bat, cuius fidem tantopere habebat suspectam, & in cu-
ius foret semper potestate, in Gallici regni hostium ma-
nus , quotiescunque luberet, ea tradere. Ad ea, quod a
Sabaudo accepturus esset responsum , quia facile erat
suspicari, & parum spei erat, Sabaudum voluntate quic-
quam facturum, vim adhiberi & metum placuit. Ad
bellum itaque sese parare , & stipendia , aliaque quibus
ad eam rem opus esset decernere. Guilhelmoque Fur-
stembergio , nobili clarioque tribuno , (qui paulo post
ad Carolum imperatorem defecit : Iouius exauthora-
tum a rege Gallo scribit, quod legiones prædæ habuif-
se, regiamque pecuniam interuertisse accusaretur) mili-
tem vtī conscribat, & in Galliam protinus ducat, impe-
rare.

rare. Nec mora, Galli, duce Philippo Chaborio, maris præfecto, coactis copiis, transalpina (inquit Iouius) oppidis, quæ pertinent ad Allobrogum fines, inermem desertumque ab omnibus ducem exuerunt, transgressique Alpes, aliquot inuicem oppida subalpinæ regionis, inprimisque Taurinum, Fossanum, Penarolum, & Cherrum occuparunt. Ac nisi Antonius Leua eductis Mediolano copiis, cuncta inuadentibus occurrisset, reprefaque Gallorum audacia, iusti exercitus vim rebellantibus ostendisset, futurum erat, ut Vercellæ, & magna pars subalpinæ ditionis in potestatem Gallorum deuenirent. Neque tamen vlla res (inquit) in ipso bene cœptæ prouenientisque victoriæ cursu Philippum magis retardauit, quam Ioannis Lotharingæ cardinalis aduentus: is enim ad Cæsarem cum amplissimis de pace mandatis missus, ubi in castra ad Taurinum peruenit, sua auctoritate, quæ apud regem erat eximia, Philippo persuasit, ut subsistere citra Duriam amnem, neque vltius arma proferre vellet, ne summx spei paratæ pacis atque concordie occasionem, offenso exacerbatoque Cæsare, corrumpere. Existimabat namque se Cæsarem, suppressis armis, suspensoque bello, molliorem atque faciliorem inuenturum, utpote quem neque vi subigi, neque vllò rerum suarum periculo permoueri posse intelligeret, ut quicquam suo nomine indignum cum armato hoste pacisceretur. Sed bello paulò post denuò recrudescente, Sabaudia prope vniuersa Gallus intra menses paucissimos comitis Fari Paulini virtute potitur. Quæ causæ Franciscum Galliarum mouerint regem, cur Carolo duci bellum inferret, si Taboëto, Guilermo Bellayo, & Pau-

& Paulo Iouio fides sit habenda, hæcenus ostendimus. Ego quanquam vnâ alteramue ex iis bello illi obtendi fortassis potuisse, non iuerim inficias, præcipuam tamen primamque fuisse existimauerim dominandi imperiiue fines proferendi insanam diramque libidinem, materiem omnium malorum : quæ ubi semel in mortalium animos inuasit, cessant ilico amicitia cōsanguinitatisque iura omnia, eaque non ex re sed ex commodo æstimantur : adeo vt, nisi statim feræ huic immanique belluæ fræna iniecerimus, in grauissima quæque vitia mox prolabamur, quin & religionis tandem animo paulatim nostro subrepat contemptus. Vidimus (proh dolor) id tempestate nostra in hoc ipso rege Francisco, principe alioqui optimo, sanctissimo, religiosissimoque, & cui (digno quem ad exemplar veræ gloriæ sequentes reges legant) parem a multis retro annis regem Gallia non viderat. Qui cum Turcarum imperatore Solymanno turpe fœdus iniisse non contentus, eo tandem prorupit, vt quando viribus Cæsaris imparem sese videret, barbarum hunc crudelemque (cui Christiani sanguinis hautiendi summa semper sitis) tyrannum Constantinopoli vsque (non viso vllò vnquam sæculo exemplo) in Galliam primus Franciæ regum accerferet. Quo facto, & diuinum grauiter offendit numen, Galliæque res, florentissimæ tum, occidere atque deflorescere paulatim ab eo tempore cœpere, & mortaliū omnium graue in se prouocauit odium, partoque a præseis olim Galliæ regibus (grauioribus, temperationibusque a cupidine imperij) ob strenue fortiterque aduersus Christiani nominis hostes, gestas res, glorioso

nomini vim quandam inferre visus est. Cæterum quod Philippum ducem Caroli huius patrem, cum Margaretam Borboniam vxorem ducturus esset, scribant promississe (& quidem prouinciæ Sabaudicæ ordinibus astipulantibus) vt quicumque ex matrimonio hoc nascerentur liberi, patri in ducatu, sexus nulla prorsus habita ratione, secundum ætatem succederent, id equidem (quod cum bona Gallici nominis venia mihi dicere liceat) nemo facile mihi persuaferit. Philippum enim ducem virum sapientissimum, æquique obseruantissimum, populum autem Sabaudicum, veterum iurium consuetudinumque retinentissimum semper fuisse comperior; adeo vt verisimile non sit, aut hunc validum semper fæmineo spernendo imperio, vel vbi infantis etiam filij tutelam ad se anxia mater vidua trahe-ret (quod haud facile impetratum) in huiusmodi pacta consensisse: aut illum, cuius maiorum in eo cura semper ne imperij decus fæmineo dominatu dehonestaretur (quod nisi obtinuisset, Eduardo cōmite fato functo, filia ei Margareta Britannicæ nupta duci, non autem Amadeus quintus frater Philippi huius atauus successisset) quicquam futuræ coniugi, quod moribus Sabaudicis refragraretur voluisse polliceri. Neque est quod in affinitatis illius gratiam ab eo id factum opinemur, cum in confesso sit, nonnullos ex eius maioribus, iam pridem, non illi solum, sed regum etiam principumque potentissimorum domui per affinitatem innexos fuisse. Porro quas Guilelmus Bellayus, cur regis Galli amicitiam imperatoricæ præferre Carolus dux debuisset, in medium profert rationes, earum plerasque ego, pro ve-

tere gentis illius more, ab affectu studioque in principem magis, quam ex vero profectas celebratasque crediderim. Quod enim Cæsarum imperia momentanea esse, & vna cum vita occidere, Galliæ vero regum vires potentiamque immensam, in hæredibus etiam perseuerare continuarique dicat; quam quæso friuolum id? Quasi vero imperatoris functionis limitibus, Caroli Cæsaris tot tantisque auitis regnis conspicui vires potentiaque circumscriptæ, non aliunde amplissimum acceperint incrementum. Cui imperatorium decus (quo ipso plerosque ex maioribus eius ante eum claruisse legimus, quodque in eius hæctenus posteris adhærescit) Romani imperij procures accelerauere, vt regio titulo rebusque cæteris parem sibi regem Gallum, dignatione eius magistratus anteiret: præsertim postquam virtus, gloria, opes, atque alia optanda viris principibus illi superarent: quibus tantum fastigium, inualidum alioqui inermumque per se, & alienæ (quod visum sæpius) indignum opis, pro maiestate tueri posset. Quod non ita pridem adhæc Carolum ducem in Cæsaris amicitiam venisse, Galliæ autem regem principem vicinum, longa vetustaque illi necessitudine iunctum fuisse, neque vlla perinde firma imperij munimenta, quam vicini principis amicitiam esse affirmet, non negauerim equidem Sabaudum Gallo regi fuisse auunculum. Quæ, hercule, res mouere merito Gallum debuisset (nisi speciem magis in amicitia eius, quam vim Carolus dux tenuisset) vt Ludouici iunioris Galliæ item regis exemplo, beneficiis auunculum sibi conciliaret, non irritaret iniuriis. Illi enim cum ante annos plus minus quadringen-

tos & quinquaginta, grauis cum Sabaudix comite Amadeo secundo, auunculo suo, quod grauiter ille ferret Ludouicum fratri ætate maiori in regno a parentibus prælatum, intercessisset altercatio, non conqueuit, donec, diui etiam Bernardi ad eam rem vsus opera, in gratiam cum auunculo rediret. Sed id quoque ausim asseuerare, plures illi familie cum gente Burgundica, principibusque illi confederatis, quam cum Francica interuenire hætenus affinitates cognationesque, neque ullam illi, imperij præsertim principi, Cæsaris, qui honoratum matrimonio fororis suæ vxoris, in arctissimam affinitatem receperat, amicitia, oportuniorem, quod procul abesset, (in quo offensæ minimum, gratia par) accidere potuisse. Quod aliter euenerit, diuini id numinis (cuius singulari prouidentia curaque inferiora hæc gubernantur) dispensatione ita accidisse: nihilque semper florere, ætatem ætati succedere meminisse nos conuenit; pristinum tamen decus pristinamque rebus publicis, quas tristes huiusmodi exagitarunt casus, redire tandem faciem, si nobis veræ virtutis. Postulat nunc tempus, ut eo vnde digressi sumus redeamus. Non restitit primum Gallo Sabaudus, cum quod maximis in Geneuense bellum (quem populum ex eo Galli in Sabaudum odio, capta occasione, rebellem sibi, frustra ad officium reducere, Bernatibus pro eo pugnantibus, fuerat conatus) factis sumptibus, exhaustus, tanto gerendo bello imparē se videret; tum quia Carolum imperatorem (cuius Africano illo feliciter defuncti bello, nihilo minor fama apud hostes quam apud suos confederatosque erat) controuersiam eam omnem (per maiestatem enim imperij,

perij, per amicitia affinitatisque fidem cum fuerat obestatus) facile pro authoritate sua compositurum sperabat. Tulit grauiter eam Sabauda factam iniuriam Carolus Imperator. De Gallo itaque rege Romæ apud Pontificem in pleno purpuratorum patrum legatorumque principum consessu luculenta habita oratione, questus pluribus, quod principis affinitate sibi iuncti, & in augusti imperij clientelam recepti, imo imperij vicarij, e cuius ipse sorore genitus esset, se absente terras agrosque inuasisset, in Galliam maximis mox itineribus cum omnibus suis copiis, vt afflicto oppressoque affini opem ferret (interea dum Tarantasiâ hostis, locum aditu difficillimum, perfidorum quorundam hominum agrestium, quorum fluxa plerumque fides, proditione expugnat) sæculi eius anno xxxvi. intento atque infesto exercitu contendit. Animis infestissimis inter duos potentissimos orbis Christiani monarchas annis aliquot, post deditum Imperatori Fossanum (Francisco Salussiarum marchione, qui paulo post in oppugnatione Carmaniolæ glânde traiectus occubuit, a Gallo ad eum deficiente) vario euentu, cum non leui Pedemontani populi clade, bellum gestum fuit. Pro Imperatore Guastius marchio, quem vicarium sibi per Italiam, & Mediolani protegem fecerat, pro Gallo Guido pugnabat Ranconius, bello illi & prouinciæ Pedemontanæ a Gallo præfectus, magni ambo clarique duces, & famæ rerum gestarum florescentes. Postquam variaissent secundæ aduersæque res non fortunam magis quam animos hominum, noua quoque ad exercitum suum ipsiusmet Galliarum rex, tempore anni difficillimo adduxisset copias,

MDXXX.
VI.

MDXXX.
VII.

MDXLI.

MDXLIII.

quarum aduentu, Taurinenses Pignerolique arctissima qua premebantur obsidione, fuere liberati, induciæ tandem trimestres quinto cal. Decembris sæculi eius anno tricesimo septimo factæ, & in alterũ trimestre extractæ fuerunt. Quibus exeuntibus, neque pace, quod sperabatur, succedente, longe infestioribus animis bellũ redintegratũ gestumque fuit. Indixerat sæculi eius anno quadregesimo primo Ratisbonæ (quæ Augusta Tiberia dicta olim vrbs) comitia Carolus Cæsar, ad agendum de componendis circa religionem controuersis. Eo cum Sabaudus quoque tanquam imperij venisset princeps, de rege Gallo multis apud Imperatorem proceresque, & Germaniæ totius ordines, verbis questus est, quod nullo suo suorumve merito, fortunarum ditiorumque suarum partem meliorem, subalpina nimirum oppida cum Taurino ille inuasisset detineretque. Respondendi ad eas querelas legato, qui a Gallo missus fuerat, facta potestate, scripto ab eo factum id fuit: sed diuissimè inter se proceribus oppidisque, & rebus supra modum turbatis, cum perfici nihil posset, bellum denuo (vt diximus) inter Imperatorem Gallumque ceptum gestumque fuit. Annus iam agebatur restitutæ salutis MDXLIII. Quo ipso anno præter mortalium omnium opinionem classis Turcica, quæ ex centum & quinquaginta nauibus, quæ reinis agebantur, constabat, Mariadeno Anobarbo nobili pirata duce, postquam a Gallis, vt diximus, accersita æstatem fere totam in Massiliensi otiosa hæsisset portu, Nicæam Prouincię portum (in quam vibetia, Nissam appellatam nonnullis, Geneva pulsus antistes, sedem suam transtulit)

lit) Galli regis (cui amicissimo, inquit Iouius, regi, opem suam imploranti, ea Solymanus Turcarum imperator auxilia submisit) decreto iussuque terra marique acerrime oppugnata, & muris propugnaculisque omnibus crebro continuoque ancorum tormentorum verberere nudatam (fortiter sese tuentibus obsessis, & magno præsentique animo Turcarum vexillo, caeso signifero, capto) assumptioni diuæ virginis Mariæ festo die, capit, diripit, vastat, incendit. Sed arcem quæ in extremo vrbs agro posita, subiecta late maria despectat, arduoque calle vrbi coniungitur (antiquorum Prouinciæ regum, inquit Iouius, opus, clarissimorumque sæpe ducum carcere, & misero vitæ exitu nobilitatum) singulari virtute fortitudineque, Pauli Simeonis præfecti, qui Rhodiæ militiæ ascriptus erat eques, egregie defensam, & Alfonso Guastio, ad quem captæ vrbs rumor nondum peruenerat, cum maximis copiis commeatuque in obsessorum, quos vndique clausos, & hætenus sine inuecto, quia ibi pauci erant, ex ante præparato sustentatos, grauis tū fames premere cœperat, auxilium, continuato diem noctemque itinere, in tempore accurrente (cuius aduentus fama gaudium, & metum inuicem Turcis obsessisque præbuit) expugnare haud potuit. Inde Guastius cum Sabaudo Niceam ingressus, collaudauit Simeonem militemque, quod tanta clade amissæ vrbs icti, animum non despondissent, nec fructum secundarum rerum sentire hosteis passi, arce eos arquisent, ciuesque in arcem profugos cum fide tutati essent. Amplo inde in arcem commeatu, rebusque cæteris ad diuturniorem obsidionem tolerandam necessariis

riis abunde importatis, cum his copiis, quas metu Ænobarbi (qui ea spe porundæ arcis deltitutus, versus Massiliam ad Tolonis portum, qui Tarenta antiquitus fuit, inquit Iouius, est reuectus) conscripserat, aliquot etiam additis cohortibus, Monteucum amplissimam inter subalpinas vrbes ciuitatem obsidet. Mouit eum potissimum, quod vrbs tam nobilis & potens, sicut defectione sua traxerat aliquot populos, ita recepta inclinatura rursus animos videbatur ad veteris imperij respectum. Nec fefellit eum opinio hæc. Statim enim vt post duram multamque oppugnationem, fortiter sese defendentibus ciuibus, deditione tandem (quam dolo expressam Iouius ait) eo est potitus, castella ignobilia octuaginta quinque, oppidi illius imperium respicere solita, in Cæsarianorū mense Nouembri fidem redierunt, eaque vulgata res omnium feruere animos ad Cæsarem auertit. Ex Tholonis portu naues actuarias duas, in quibus maximus captiuorum numerus erat, & puellæ inter hos virgines nobiles eximia forma quam plurimæ, plurimi quoque pueri, ad Solymannum Constantinopolim Ænobarbus (qui donis, ac pecuniis acerbe per eum tractum conquirendis, plus inuidiæ, quam virium Gallicis partibus addidit) misit. Quorum, profecto, hominum miserrima futura erat conditio, & de salute eorum actum fuisset, nisi Garcias Toletanus, vir bello inclitus, Neapolitani proregis filius, cum trirēmibus aliquot in Turcas actuariasque acriter inuectus, conferta ab omni parte pugna, victor tandem, receptos captiuos, in pristinam vindicasset libertatem: quos domum, præfidem ad eorum custodiam adhibito, curauit deducendos

cendos. Munera quoque donaque quæ Solymano mitterebat. Ænobarbus, per eam victoriam suæ Garcias fecit potestatis. Luxenburgensis oppidi ipsa hac tempestate miserabilis interuenit clades: Gallorum quippe, Caroli Aurelianensis ducis Francisci regis filij virtute, opulentissima regionis eius vrbs facta ditionis, a Cæsarianis biennio post oppugnata, ad Cæsaris denuo, licet magnis additis operibus eam egregie Ioannes Melphitanus muniisset princeps, imperium ignobili deditioe rediit. Bellum, quod in Cambresio gestum solo, obsidioque Landresiana, & deserti a Gallis Carignani pro Cæsare occupatio, in annum proxime insequentem incidere. Successerat in Pedemontana tum præfectura Guilelmo Bellayo Langeyo (qui paulo ante mortem obierat) Franciscus Borbonius Angieni siue Anguiani regulus, Vindocinensis ducis frater, regij sanguinis & spiritus iuuenis: Is cum Cæsarianorum consilia in eo verti videret, vt occupatis locis omnibus, quæ positu regionis aditum ad Italiam præberent, Italiæ adeundæ facultatem Gallo præriperent, Carignanum opere munitissimum locum obsidet, at frustra, donec desperata vi, clausis omnibus ad urbem aditibus, verteret consilium ad moras, haud ignarus paucorum dierum inesse alimenta. Cæterum dum obsessis opem ferre totis castris, commeatumque in eam urbem importare Guasti marchio parat, hostem ad Cerisolum obuium habet. Ibi collatis signis pugnatum per vnâ ferme horam fuit. Superatus tandem marchio, & a fortuna, quæ prima ad eum impressione inclinare visa, destitutus, postquam insignis manu, voce, vulnere, diu pugnam sustentasset,

c media tandem cæde cum paucis effugit, antissimique prope victoriam singulari fortitudine ex eius denuo manibus Anguianus extorquet, & Carignanum paulo post (obsessum acrius quam oppugnatum) in ditionem recipit, omnique circa agro potitur; postquam suprema omnia admirabili constantia sub Pirro Columna (cuius maiores Cæsaris ditioni plurimum addiderant) & Felici Arconio comite, ducibus bello clarissimis, tolerassent obsessi, confectaue paucitas oppidanorum, opere, vigiliis, vulneribusque, quæ semper eodem vrgebant: sed obstinatos mori, nullam magis vis quam fames expugnauit. Ad nouem millia hominum prælio hoc dicuntur cæsa, prope duo millia capta. Hoc ipso anno (qui fuit seculi eius quadragesimus quartus) cum alium denuo Spiræ Nemetum Cæsar conuentum procerum ciuitatumque Imperij omnium (etenim legationes ad eius imperium ex omni se Germania effuderant) haberet, & Galliæ rex Franciscus (cuius legati negato sibi ad ea comitia aditu, quæ regis sui nomine habebant perferenda in mandata, typis excusa, emisere) imperij hostis fuisset pronuntiatus, cum quia imperij principem Sabaudia ducem, virum longe optimum, bonis fere omnibus, nullo eius merito, exuisset; tum, quod eius impulsu stipendioque, anno superiori Turcica venisset classis in mare Ligusticum (grauiter eam rem vrgebat Cæsar) & in Sabaudia ducis, Imperij principis, agrum inuasisset, captaque Nicea cum portu, magnis viribus arcem iis locis obsedisset, & tormentis acriter (vti ostendimus) oppugnasset. Bellum illi inferendum Carolumque ducem Imperij, principem in ditiones bonaque

MDXLIII.

Slidani
commenta-
riorum suo-
rum, lib. 15.

naque sua reducendum esse imperij ordines (quos eius casum miserantes, ea tum cura maxime intentos habebat) censent, semestremque Cæsari aduersus Galliarum regem in equitum millia quatuor, peditum **XXIIII**, pecuniam decernunt, grauissimisque vetant pœnis ne quis Germanici nominis Gallo militet, aut militantem vrbe, tecto, mensa, lare recipiat. Ingenti itaque collecto exercitu in Galliam Imperator, & rex Anglus (Imperatori is se iunxerat) diuersi irruptionem faciunt. Luxenburgum Cæsar minus pertinaciter defensum, deditione (paulo ante vti a nobis dictum est) recipit. Hinc in Campaniam verso itinere Ligniacum expugnat. Sandiserio deinde Thyerriaque arce ille, Bolonia Anglus (quæ tentata sæpius a patre eius res, at frustra) post diuturniorem oppugnationem potiuntur. Multorum sanguine ac vulneribus ea Cæsari Angloque victoria sterit. Ingens hinc sequuta Lutetiæ trepidatio: sed, Deo afflictam tum Galliam propitiis respiciente oculis, facta præter expectationem omnem, monacho quodam Hispano internuntio, pax, metum illum omnem sustulit. Cæterum re-crudescente denuo anno sæculi eius quinquagesimo primo bello hoc, Chierasium & Santdamianum Pedemontani soli oppida vi expugnantur. Captas autem biennio post stratagemate quodam Vercellas, in eodem tractu urbem tenere Galli (quod magna Cæsar auxilia adducere dicebatur) cum non possent, spoliata deferunt. Tantos fortunæ fluctus, tot miserandos casus, cum aliæ super alias clades cumularentur, aduersamque eius fortunam detractarent, qui prosperis eius rebus ad obsequium certare solebant, patientissime Sa-

MDLI.

d 2 baudus,

baudus, bonis fere omnibus, ab eo qui Ludouicam matrem, & per eam ipsum auunculum præferebat, exutus licet, tulit, neque animo vnquam defecisse visus est: do-
 MDLIII. nec tandem eiusdem illius sæculi anno quinquagesimo quarto, qui decimus nonus illi turbatæ reipublicæ, æuiternis illis (quæ nullis fortunæ subiecta casibus) donandum bonis, ex infelici statione hac, beatum vere principem (quo alij diutius eum dominatum tenuerunt, nemo tam fortiter reliquit) extrema iam ætate eripere Deo visum fuit. Verissime (hercule) historicorum celeberrimus Tacitus dixit: Non esse mala vel bona quæ
 „ vulgus putet, multos qui conflictari videantur aduersis,
 „ beatos, ac plerosque quāquam magnas per opes miser-
 „ rimos, si illi grauem fortunam constanter tolerant, hi
 „ prospera inconsulte vtantur. Vercellis sepulto Carolo, Emanuel Philibertus filius successit. Scribit Taboëtus (sed penes eum fides sit) vxorem sibi Carolum dari postulasse Margaretam sororis suæ Ludouicæ filiam, Francisci regis sororem, eaque negata, Emanuelis Portugalliæ regis filiam duxisse.

{ ADRIANVS.
 IO. AMADEVS. } nobis, vt apparet.
 LVDOVICVS.



BEATRIX

Portugalla, Emanuel Portugal-
lia regis filia, Elisabethe, qua Carolo quinto Imperatori pater
fuit, soror: familia forma eximia,
& sui sacri sexusque decus.

CAROLVS in Hispania
apud Carolum imperatorem decessit.

EMANVELES duo senectate extinxi, quorum pauci meminere.

CATHARINA prima decessit.

EMANVEL PHILIBERTVS dux.

ELISABETHA. } obiere
MARIA. } pueri.

DE EMANVELE PHILIBERTO,
DVCE SABAVDIAE DECIMO.

EMANVEL PHILIBERTVS, Sabaudiae dux decimus, Carolo patri suo anno quinquagesimo quarto supra millesimum & quingentesimum succedit, princeps longe clarissimus. In Caroli quinti Imperatoris (ex quo spes opesque eius pendebant, quique non secus eum fratremque eius Carolum, quam suum fuit sanguinem) aula a puero enutritus, tantos mox in omni genere virtutum, & in re bellica fecit profectus, ut nemini non esset admirationi, & (quod de Pompeio magno dictum) citius dux quam miles euaderet. Praeclara itaque eius perspecta indole, accitum ad se benigne Carolus Imperator appellat. Maeste virtute esto Emanuel (inquit) apud me tibi omnis honos atque praemium erit, & quo frequentior mecum fueris, senties eam rem tibi dignitati atque emolumento esse: latumque promissis iuuenem, equitum millibus quatuor, quos corporis sui

custodiæ bello Germanico ascripserat, præfecit. Neque
 tãti Imperatoris expectationem ille fefellit: eximia enim
 singularisque eius, toto eo bello exstitit fides. Cæterum
 regna ditionesque suas omnes, Carolo imperatore (qui
 plenus honorum in Hispaniam rediit) in Philippum fi-
 lium suum sæculi illius anno quinquagesimo quinto
 transferente, Belgicarum provinciarum ab eodem rege
 Philippo, præfectura donatur. Quo supremo magistra-
 tu ita functus fuit, vt nondum exacto quadriennio, ad
 ditiones suas abiens, magnum sui apud eum populum
 gentesque finitimas, princeps optimus relinqueret desi-
 derium. Fortunam, & viuo, & mortuo Carolo patre,
 nouercam sibi aliquamdiu, aduersus omnes eius impe-
 tus infractus immotusque, ita reuerenter semper habuit,
 vt eius tandem misertus Deus, auitis bonis illum resti-
 tueret. Post acceptas enim illatasque tantas inuicem cla-
 des, & partam sæculi eius anno quinquagesimo septi-
 mo mense Augusto, eius ductu auspiciisque (vniuersis
 enim castris rex Philippus eum præfecerat) memora-
 bilem illam de Gallis ad S. Quintinum victoriam, vr-
 bemque ipsam paulo post expugnatam, & post captas
 ex aduerso a Gallis Calisium, Guyneum, Thionuillam
 & Dunkerckam vrbes (diuino haud dubie numine vi-
 ctoriam clademque æqua quasi lance inter vtrumque
 partiente, ne si alteri paullum modo tribuisset fortuna,
 conditionibus pacis vt detrectaret is, qui superior vide-
 retur, neque æqua contentus esset parte, qui omnia ha-
 biturum se consideret) pace inter Philippum Henri-
 cumque reges biennio post facta, bona ditionesque suas
 omnes (ciuitatibus aliquot, Taurino scilicet, Villanova,
 Astensi,

MDLV.

MDLVII.

Assensu, Quierzio & Chiualio demptis (quas aliquanto tempore Gallo retinere permissum) recepit, Henrici regis sorore Magareta (ita enim conuenerat) vxore ducta. Ceterum postquam ciuitates illas quas Gallus retinuerat, tradi sibi postulare tandem Sabaudus cepit, qui a rege Carolo eo nomine nono (Francisco is fratri tum successerat) eius rei causa missi Lugdunum venerant legati, moras necere, aduersam regis voluntatem causari, & multa in excusationem adferre: In primis Niceam & Villafrancam vrbes dependentiaque ab iis loca Prouinciæ comitatui annexa antiquitus, Prouinciæ comitibus paruisse semper, Ioannamque reginam Roberti regis Neapolitani, & Prouinciæ comitis neptem, & post eam Ludouicum, eo nomine primum Andium ducem (cui bona sua omnia salutis anno MCCC LXXX, illa donarat) ea possedisse, illique Ludouicum successisse filium. Exorto autem inter Andiam Aragoniamque familias, per causam Neapolitani regni bello, Sabaudie procures ea vsos occasione; Niceam, & Villafrancam finitimas oportunasque augendo principatui suo vrbes, contra ius fasque, nullo ad eas titulo inuasisse, neque unquam. (monitos rogatosque licet sapius) eas tradere voluisse. Cæterum cur Galliarum rex ad ea sibi loca ius esse dicat, causas illi esse iustissimas, inter quas Caroli Andij ducis Prouinciæque comitis, & Neapolitani ex ea familia regis postremi testamentum, quo bonorum ille suorum omnium, Ludouicum eius nominis vndecimum Galliarum regem, Carolum Delphinum eius filium, & quicumque in Franciæ regnum in posterum essent successuri, instituisset hæredes,

redes. Oportere itaque Sabaudum, antequam postularis eius rex satisfaciatur, loca illa regi, qui verus legitimusque eorum dominus sit, restituere. Idem & de Pedemontano principatu facere debere Sabaudum, quem ipsum Prouinciæ quoque antiquitus illigatum (quod ex editis super ea re anno MCCC VI, tabulis videre esset) & a Ioanna regina antedicta (quam sæculi illius ipsius anno LXIII, eo pulsam, Prouinciæ ordines, vt pecuniario se subsidio ad principatum illius patrimonij sui partem, recuperandum, iuuare vellent, orasse in confesso est) possessum fuisse aiebant. Astensem adhæc comitatum, publicum regni Gallici patrimonium, quem a Ioanne Galeacio Mediolani vicecomite Valentiniæ filiæ, dum Ludouico Aurelianensi nuberet duci, Caroli regis atauo, dotis nomine datum, & a Carolo quinto imperatore occupatum, contra ius fasque Sabaudus hæctenus possideret, ab eo cum prouentibus ad eum vsque diem perceptis, reposcere. Controuersum quoque hæctenus inter Galliæ reges Sabaudicæque principes Salutianum marchionatum, quia sibi rex Carolus adiudicari debere affirmabat: monebant, vt quibus rationibus ea quæ pro se reges Galli in causâ hac adduxissent, vellet impugnare, in medium tandem proferret, & simul tot interpositis eius ipsius controuersicæ causâ senatus decretis parere ne grauaretur. His dicebant accedere, Quod cum Sabaudi procures, Geneuensis comitatus Foucigniique dominatus respectu (quod a Delphinatu ea dependeant loca) Galliæ regis sint beneficiarij, conuenire omnino vt fidem suam antecessorum suorum exemplo, qui idem facitassent, Carolo regi eorum locorum

corum ergo obstringat, eiusque se Sabaudus profiteatur clientem. Ostendere ad postremum, dum Philippus Sabaudia dux salutis anno MCCCCLXXI. Margaretam Borboniam vxorem duceret, illaque dotis ad eum nomine coronatorum aureorum millia sexaginta, & suppellectilis adhuc pretiosissimæ plurimum adferret, matrimonij illius legibus cautum inter cætera tum fuisse, vt qui ex eo coniugio primus nasceretur filius, Baugcum is comitatum, & in Bressano solo Satrapeam Bourgiam (Galli Castellaniam appellant) præcipui inter liberos titulo possideret, ea lege vt eo defuncto, liberi reliqui ex eodem illo matrimonio, eius locum repræsentarēt, & in ea dominia proximus natus post eum succederet. Enimuero cōtractui illi standum si sit, dubium esse nemini, quin Ludouica Francisci primi regis mater, ex antedicta Margareta cum Philiberto fratre nata, Carolo posterioris coniugij filio, in hæreditatis a cōmuni patre profectæ aditione præferri, (æquari saltem) debuerit, eorum saltem bonorum a quibus lege Salica non excluderetur: inter quæ Baugcum comitatum Bourgiumque esse, extra controuersiam omnem cum sit, insignem, hercule, Ludouicæ eiusque posteris factam iniuriam, quod vel eorum saltem locorum potiri non potuerint, suffragantibus præsertim, & ea illis bona deferentibus contractus illius legibus, quibus disertis id caueretur exprimereturque verbis. Multa præterea alia cur promissa exuenda censeret rex, a legatis regiis eo colloquio dicta allegataque sunt: sed quæ, postquam repente turbare fortuna cepit, motusque illi, quibus florens illa quondam super regna binija cætera Gallia misere

conflagrauit, exorti, fructu suo caruere; præsertim postquam altercatio ea omnis nuperrima illa pace penitus fuisset sublata. Quin cum eo regis Galli iam recidissent res, ut finitumorum illi principum, & eorum quoque cum quibus longum diuturnumque regibus Gallis fuerat dissidium, amicitia, ad intestina dissidia pacanda, & ciuiles motus comprimendos opus omnino esset; Bourdillonio (haud perinde Sabaudi metu, quam fidei suorum diffusus) imperat regulo (Pedemontanis cum Franciscus eo nomine secundus rex; Caroli regis frater, præfectum dederat,) ut Taurinum, Villam nouam Altesensem, Quiersum & Chiualium oppida Sabaudò eiusque uxori in manum tradat, ea lege, ut vicissim Sauillanum, Pignerolum una cum Abbatia adiacente, Ginolleum, & quicquid eorum locorum respiceret imperium, a Sabaudò protinus reciperet. Monitus ea de re Bourdillonus præfectus, tribunos militum, quibus eorum locorum custodia deinadata erat, centurionesque conuenire iubet, quibus cum mandata regis cognoscit, quod optimum factu esset exquirens, placet tandem, omniumque in vnum congruunt sententiæ (non improbantibus consiliis quos negotij huius cum Sabaudò tractandi causa, iampridem in Sabaudiam rex miserat) quando nullius magis interesset quam ipsiusmet regis, non properari, certiora expectanda esse iussa. In regis quippe, quod administrando regno nondum illi matura esset ætas, ea de re statuere negabant esse potestate. Rem quippe esse maxime arduam, præsertim quando ultimo (vti aiebant) Lugdunensi conuentu, inter reges Sabaudique legatos conuenisset,

nisset, Niocam urbem vna cum arce locisque illi subiectis, & perceptos, ab anno inde MCCCXXXVIII, (quo Ludouico Grimaldo tradente in Sabaudorum principum ea venerat potestatem) fructus regi restitui debere. Reddi etiam conuenire Conynum, Fossanum, Sauillanum, Mondeuisum, & dependentia ab iis oppidis loca, relinquire penes regē Quiersum cum toto suo tractu. Æquum quoque esse vt quæ facta salutis anno MCCCquinquagesimo quarto inter Gallum regem Sabaudumque pace, conuenissent, ea Sabaudus (sua illi aduersus quemcunque videretur salua manente actione) præstaret, vtque quæcunque Astensi subiecta comitatu possideret oppida, castella, vicosque, Gallo restitueret. In confesso adhuc esse, quæ Ludouicæ Sabaudæ Francisci eius nominis primi regis matri, hæreditatis, Philippo patre defuncto, debita fuerit pars, ea eius hæredes haud debere frustrari. Idem quoque de vniuersa Philiberti ducis (cuius ea, ex iisdem quippe cum illo nata parentibus, vnica solaque hæres esset) hæreditate censerì debere, demptis tantum Romano imperio subiectis, iisque locis, ad quæ recepta antiquitus per Sabaudiam consuetudine, facinoris non patet accessus. Latæ quoque quinto Idus Iunias Domini anno MCCCXC, a senatu Parisiensi sententiæ, qua regis Delphini Salutiæ marchionatus imperio parere, Sabaudus marchioni loca ea omnia quæ illi, marchionatuique ademèrat, restituere iubentur, a Sabaudis paritum, nondum fuisse. Esse autem loca hæc, Bargesium, Caoursium, Pancalierum, Ennecam, Villamhouam Solieriam, Moretream & Murellum, quatuor ad hæc quinquene, quæ

Solieri regulus possidet castella, Carignanum, Monasterolum, Cardeam, Vigonum, Villamfrancam, Cauallimoursum, Raconisum, Moullebruncum, Caraillum, Somerineam, Camaraigneam, Cauallerlyonum, Polongniereum, Cazalgrazam, Fortpassum, Fauleam Malazauam, Villefallettam, & Busqueam. Conynum enim, Fossanum, Monteucum, Sauillanum, & Centallum eo instrumento quod anno DCCCCCLXVII. Otto magnus imperator, dum Aletanum propinquum suum Salustianum creat marchionem (is enim marchionum primus fuit) confici iussit, contineri tanquam marchionatu subiecta loca, extra controuersiam esse. Quæ tamen ipsa paulatim a marchionatu alienata Prouinciæ comitibus cessere. Enimvero hinc esse quod duplici sibi nomine ad ea loca ius esse, reges Franci contendant, cum quod marchionatus Salutiani (qui ad Gallos recidisset reges) limitibus contineantur, tum quod Prouinciæ deinde comitibus (quos sacro intentos bello Sabaudix principes per iniuriam iis spoliassent) paruisent. Ad Taurinum quod attineret, non fuisse regem Francum colloquio illo Lugdunensi ea vrbe, quasi nihil ad eam iuris haberet, priuatum, sed quoniam non satis solidis tum temporis rationibus ius ille suum confirmasset, permissum illi fuisse, vtriusque id tempus, si ita illi videretur, facere posset. Quanquam ad eam rem probandam longiore indagatione haud admodum esset opus, cum in recenti sit memoria, eius loci ciues, cum a Carolo duce salutis anno MDXXXVII, desertos se & quasi in prædam datos viderent, Franciscum eo nomine primum adiisse regem, & eius sua se sponte imperio sub-

misisse,

miſſiſſe, orantes multis verbis, vt in fidem, & clientelam ſe vrbeſque receptos, Gallis in poſterum regibus parere pateretur. Placuiſſe oblataſque conditionem regi (qui clementer appellatos eos dimiſiſſet) ſcriptoque (cui ſenatum Gallicorum omnium, & eorum qui ſequuti ſunt regum acceſſiſſet conſenſus authoritaſque) quæ conuenerant, mandata fuiſſe. Quæ omnia cum propius expendere præfectus Bourdillonus, honori ſuo omnino conuenire ſuarumque eſſe partium exiſtimauit, reginam Caroli regis matrem, Nauarræ regem, regis per Galliam vniuerſam vicarium, regij ſanguinis procereſ, Comeſtabilē, Franciæ mareſchallos, & Cancellarium, priuatiſque conſilij regij ſenatores (penes quos omnes, imperij tum, propter ætatem regis, vis ac poteſtas, honor penes regem) eorum omnium facere certiores, dimiſiſſimeque eos orare, vt reſtitutionis illius reſcriptum corrigere atque reformare, illique vna cum rege ſubſcribere, annuloque ſinguli illud ſuo ſignare (ſenatum Gallicorum, Pariſienſis præſertim, & eius quod æratio regionibusque propoſitum eſt conſilij, accedente authoritate) ne grauentur, ne ſibi (cui a Franciſco eius nominis ſecundo rege eorum locorum cuſtodia fuiſſet deſignata, cuique eius magiſtratus ergo fidem ſuam obſtrinxiſſet) ſuorumve cuiquam vitio olim verti poſſet, quod eorum regni procereſ, dum conſulta cum illis integra adhuc haberet, non præmonuiſſet, quod multis aliis, & intra & extra Galliam in re ſimili contigiſſet. Hoc ſuum conſilium gratum ratumque haberent nec ne, magis regiſ intereſſe quam ſua; ſuam quippe fidem exſolutam eſſe, ad regem pertinere, ne quæ ſemel placuiſ-

sent, rescindendo, alios in posterum segnidres præfectos ducesque faceret. Ad se quod attineret, quoniam regni Gallici ordinum, quos in eam restitutionem consentire æquum erat, conuentum indicare per bella hæc ciuilia integrum non sit, regis, reginæ matris, Nauarreni regis, principum sanguine regi coniunctorum, & eorum quorum rex consilio vteretur, voluntati iussisque obsequi paratum, se diuin modo (si tantisper dum rex adoleuerit, & ad iustam peruenerit ætatem, expectari non queat) vtriusque regis procerumque antedictorum, Comestabilis, Marechallorum, & Cancellarij, senatus denique priuati eam esse mentem voluntatemque per publicas sibi tabulas eorum omnium manu subscriptas annuloque signatas (quibus ipsis parlamentorum Gallicorum, Parisiensis præsertim, & consilij ætario regio præfecti accedat authoritas) constet. Obsecrare iterum se, ne in malam partem consilium hoc suum quisquam accipiat. Regis enim omnium maxime, & sua inde quoque plurimum interesse ita fieri. Hæc fere sunt quæ (ad rem hanc quod attinet) senatui regio Burdillonus ad xvii, cal. & Octobreis anno a partu virgineo MDLXII, respondit. Multos circa vnâ rem ambitus fecerim, si quæ de negotio hoc Belleforestus alique Gallico addicti nomini scriptores multis porro tradunt verbis, omnia exequi velim. Qui aduersus ea pro Sabaudi scripserit causâ, neminem mihi legere contigit hæctenus. Quamquam mirari non possim satis, cur legâti Lugdunum missi, Bourdillonusque præfectus Sabaudis controuersa loca reliqua omnia reddere iussus, ea quæ nuperrima illa inter Gallum, Hispanumque reges pace & maturatione

vtrumque

utrumque præhabita deliberatione, super locorum Sabaudæ adeptorum, restitutione, conuenere, in anxiam nunc denuo vocent disputatione, regis que obnitantur voluntati, postquam omnis illa tot annorum altercatio, matrimonio, quod inter regis Caroli amitam Margaretam, & Emanuelem Philibertum ducem per eas pacis leges fuit contractum, natis præsertim ex eo coniugio liberis, penitus fuisset sublata. Hæ Bourdilloni præfecti literæ (ad rerum ordinem ut veniamus) magnis in senatu regio, contentionibus iactatæ, diuersis studiis accipiebantur. Vicit pars quæ tradi loca, nec differri Sabaudum malebat, & splendidissimus quisque eodem inclinabat. In priore itaque decreto perstitum fuit, aliudque ad eum denuo missum mandatum; alij codicilli; quibus rescribat rex: Gallos ea non uti consuetudine; ut quæ senatus priuatus decreuisset, ea parliamentariorum consessum, præfectorumque rationum examini iudicioque deinde subiicerentur, aut ab alio mortalium vlllo quam ab eo qui senatui status (ita augustum illud appellant collegium, quod principi semper adest, eumque quocunque proficiscitur comitatur; in quod & præceres plerique prouinciarum præfecti, allegi solent) a secretis esset, subscriberentur. Maiorem enim parlamentaria præfectorumque ararum cognitione, eius senatus esse dignitatem. Ceterum ad senatum ipsam quod attineret, Narrenum regem ceterosque senatores, Bourdilloni in hac occasione (quoniam ita rex vellet iuberetque) desiderio ut satisfacerent, regios codicillos, licet sine exemplo, & præter consuetudinem, manu annuloque suo signasse. Restitueret itaque sine vlla ulteriore mōta Sabauda

baudo quæ iustus erat loca, dummodo in eorum ex aduerso possessionem rex collocaretur, quæ ex colloquio illius Lugdunensis præscripto regi Sabaudus tradere tenebatur. Erant hæc Sauillanum, Petrousea, Pynerollum & Ginolleum. Sed Sauillanum, & Pynerollum rex Henricus tertius dum sæculi eius anno septuagesimo quarto in Galliam ex Polonia Carolo fratri in regnum successurus, properat, facto per Taurinum itinere, Emanueli duci (a quo honorifice admodum, in maximis ad ingentis comitatus effusis sumptibus, fuit exceptus, quique officij causa ab domo profectus fuerat) in uxoris eius amicitia suæ & Caroli filij gratiam, donauit, restituitque. Literis hisce Gaillonio vi. cal. Octobris missis, infra regem subscribere regis mater, rex Nauarrenus, Ferrariensis (pontificius tum apud Galliarum regem legatus) & Guisus cardinalis, Rupis ad Yonam princeps, & Guisus Aumaliusque duces, Annas quoque Mommo-rentius, Franciæ Comestabilis, cum Ioanne de Selua priuati consilij senatore. In ima tabula, Roberteti scribæ nomen erat. Cæterum quomodo porro inter regios Sabaudique legatos transactum, & quibus hæc utrimque facta conditionibus traditio sit, quia referre longum foret, ad Franciscum Belleforestum (ex quo hæc decerpimus) eius cognoscendæ rei auidum lectorem remitto. Repetebat quoque Sabaudus a Bernatibus (inquit post Lancelotum Voisinum qui de statu religionis, &
 „ reipublicæ in regno Galliarum commentarios, sed suppresso nomine, Latine scripsit) magnam partem, quam illi,
 „ e sua ditione bello olim ceperant, eaque res apud solennem Helueticorum conuentum, frequenter fuerat inter illos

illos agitata, affirmantibus Bernatibus regionem illam „
 sibi iure belli, quod legitime susceperant,cessisse. Eo ta- „
 men, cum Hispanicæ illæ Albani copiæ ad Belgicam „
 expeditionem profecturæ expectarentur, quod anno „
 fuit Domini MDLXVII, cum Sabaudo conueniunt „
 Bernates (ipsissima authoris verba, vt penes illum fides „
 sit, allego) sociorumque Heluetiorum arbitrariæ sen- „
 tentiæ stant, Sabaudo tres præfecturas Geneuæ vicino- „
 res, Tononum, Gyam, Ternium condonant, pactis „
 conditionibus, ne quid in religione commutaretur, aut „
 iis in rebus, quas dum eam regionem tenuissent, ciuili- „
 bus sententiis decreuissent. Sabaudus cæteræ regionis „
 latæ quidem, & feracis iuri plane illis cederet. Vendica- „
 bat sibi præterea dux Sabaudix in Geneuenses principa- „
 tum, eamque iurisdictionis partem, quam vice-domi- „
 nus Episcopi olim exercebat, Caroli quarti Cæsaris bul- „
 lam obtendens, a Maximiliano & Carolo quinto con- „
 firmatam. Geneuenses contra opponebant Fredericum „
 Cæsarem, cum Bertholdus Zeringuæ dux iurisdic- „
 tionem quandam in comitis Gebennesij gratiam ab eo „
 impetrasset, habito consilio principum imperij, petente „
 episcopo Geneuensi paulo post, anno videlicet MCLXII, „
 concessionem eam reuocasse, atque adeo antiquiora ci- „
 uitatis iura atque priuilegia confirmasse, eiusque exem- „
 plo Carolum quartum anno MCCCXLVII, quicquid (vt „
 ex vetustis notis ipsa verba repetamus) ab eo per obre- „
 ptionem Sabaudix comes obtinuerat, rescidisse. His au- „
 tem consequenter Gebennesios, & post illos Sabaudix „
 comites, homagium ecclesiæ Geneuensi comitatus Ge- „
 bennesij nomine præstitisse, feudumque professos esse, „

„ corumque omnium authentica exhibebant. Itaque non
 „ debuisse posteriores Cæsares ea ipsa quæ a maioribus,
 „ suis iure rescissa fuerant, altera parte non audita denuo
 „ restituere, belli præsertim & tumultuum tempore. Cen-
 „ fuerant equidem Heluetici arbitri, deberi litem istam
 „ quoad vicedominatum (vi & facto vtrimque cessanti-
 „ bus) aut amice aut iuridice terminari. At dum restituen-
 „ dæ (vti diximus) a Bernatibus regionis instaret tempus,
 „ ex compromissi formula, & illac Hispani copiæ ad Bel-
 „ gicam expeditionem transirent, ne quid noui accideret,
 „ Geneuenses accurata vigilantia, sibi ipsis præsidio, &
 „ aliis necessariis quantum poterant cauebant. Sed rem
 „ vtramque; quid nimirum Sabaudis Heluetij, & quare
 „ ademerint, quidque Sabaudis in Geneuenses iuris
 „ competat, quia vberius paulo Lancelotus Voisins Po-
 „ pelinierei dynasta, nobilis Gallus (qui Galliarum historiam,
 „ vnus omnium sui sæculi, Hugonoticæ factioni addictus
 „ licet, affectuum immunis, vernaculo scripsit idiomate)
 „ tradit, eius hic verba transcribere visum fuit:

„ Bernates Friburgensesque (inquit) in Heluetiis, gra-
 „ uem sibi ab Iolanda Sabaudiarum ducis Amadei vidua in-
 „ iuriam factam existimabant, quod (propter Philiberti
 „ filij sui, infantis adhuc, ætatem, in ducatus existens pro-
 „ curatione) Carolo Burgundiarum duci, qui in Iacobi Sa-
 „ baudis Romontij comitis gratiam (cuidam ille eius gen-
 „ tis, ouinas aliquot Geneuam ad mercatum vehenti pel-
 „ les, euerso curru, pellibusque sublati, fuerat iniurius)
 „ bellum aduersus eos susceperat, suppetias tulisset. De
 „ hac itaque iniuria sese vt vindicaret, magno numero
 „ Domini anno MCCCCLXXVII, (fractis tū vehementer
 „ aduersis

aduersis aliquot præliis Burgündi viribus) in Sabaudiam
 irrumpunt, locaque aliquot sibi finitima primo capiunt
 impetu. Estauageum scilicet, Moratum, Auanche-
 sium, Paierneum, Montenatum, Yuerdonum, Fon-
 dum, Laferranum, Santerucium, Morgesium & Nyo-
 nium. Geneuenses autem, repræsentatis florenorum mil-
 libus viginti sex, confæderatorum in Heluetiis oppidis
 partibus aggregantur. Idem quoque Geneuensium ex-
 emplo factum a Lausanensibus. Quæ paulo post, po-
 stridie nimirum calendas Martias, a Burgundo Sabaudi
 auxiliis capta ciuitas, & sui denuo (Burgundo nonis
 Ianuarijs proxime subsecutis ad Nanceium, infami de-
 testandaque Nicolai Campobachij nobilis Neapolita-
 ni, hominum quos vnquam terra tulit scelestissimi, per-
 fidia, cæso) emptione facta iuris, Domini tandem anno
 MDXXXVI, Bernatum amplexa religionem, eorum se
 voluntati permisit. Romontij quoque comitatus loca
 omnia suæ tum fecere potestatis Heluetij, eaque hæc-
 nus, paucis admodum demptis, retinent, nequicquam
 Sabauda cæterisque principibus finitimis, quibus eo-
 rum inter se confæderationes viresque vehementer sunt
 suspectæ, ea ad se trahere conantibus. Cæterum ad Ge-
 neuæ quod attinet comitatum, eam rem alius paulo
 (inquit porro Voisinus) repetamus necesse est. Cum
 Sabaudia principum imperium arctioribus adhuc
 circumscriberetur limitibus, neque dominationis inso-
 lentia ultra eos se efferret, priuato Geneuenses principi,
 quem comitem appellabant, paruissse constat, at inuitos
 satis, adeo vt loci illius episcopo (qui plenum in ipsam
 ciuitatem, pro recepto apud Germaniæ populum more,

„ vbi, quod & in plerisque Galliarum obtinet locis, ecclesia-
 „ stici ordinis proceribus fere omnibus concessum id vi-
 „ demus, imperium sibi arrogabat) nihil non moliente,
 „ ut, libertatis longe maioris spe eorum animis iniecta,
 „ suarum cum populum subiiceret potestati, minus illi essent
 „ obsequentes. Inuenire etiamnum hodie est tabulas ali-
 „ quot peruetustas, ex quibus patet, Archiepiscopo Vien-
 „ nensi componendi exortam inter Humbertum præsu-
 „ lem, & Aimonem comitem controuersiam, salutis anno
 „ MCXXXIII, demandatam prouinciam. Caterum Præsu-
 „ le illo fato functo, qui in eius successit locum, ad Frede-
 „ ricum Imperatorem eo nomine primum profectus ilico,
 „ supremo ab eo dominatu in ciuitatem illam donatur, ea
 „ lege ut comitis eam possidens titulo, nullius mortalium
 „ præter imperatoris respiceret imperium. Comes Impe-
 „ ratorem grauioribus alibi negotiis satis implicatum ra-
 „ tus, ne Sabaudiam Sabaudumque posset respicere, præ-
 „ suli negotiū facessere non destitit. Durauit aliquandiu
 „ inter eos qui hos subsequuti sunt comites præsulesque
 „ altercatio hæc, donec tandem comes Guilelmus, quod
 „ grauib. præsulem imperij clientem iniuriis affecisset,
 „ ab imperio proscriptus, & bonis, quæ episcopi benefi-
 „ cio possidebat, priuatus fuit. Verum præsule illo e-
 „ viuis sublato, cum nihilominus Geneuensi populo
 „ Guilelmus comes molestus esse pergeret, Moriennæ co-
 „ mitis, principis finitimi, (cuius posterum Sabaudiarum pri-
 „ mum comites, inde duces dicti fuere) opem aduersus
 „ eum implorare coactus fuit. Moriennensis eam am-
 „ pliandi imperij sui nactus occasionem, Geneuensi supe-
 „ rato, ditionis suarum fines ad Geneuensis oppidi portas vs-
 „ que

que protulit, locaque ea omnia, quæ Geneuensi hæte-
nus paruerant, metu partim, partim armis, sub impe-
rium suum venire coëgit. Quin eo non contentus re-
rum successu, sed maiora longe animo moliens, quos
in bellum illud fecerat sumptus, ab episcopo populo-
que Geneuensi repetebat. Illi testiti, præterquam quod
gerendo bello non sufficiebant, timore etiam incusso
ne cum Moriennensi in gratiam tandem (cui erant in-
sensissimi) comes rediret, re in deliberationem contro-
uersiamque deducta, & variis dictis sententiis, Morien-
nensi tandem summam imperij, & quicquid comiti in
ciuitatem Geneuensem iuris hætenus fuisset, deferunt.
Sed eius dominationis capti protinus satietate canonici
ciuesque Geneuenses, quod peius se ab eo quam a vete-
re domino haberi tractarique dicerent, quærentur for-
tunæ commutationem, & veteris in se domini indul-
gentiam (instigantibus qui gloriæ Amadei obrecta-
bant) requirunt. Mutato itaque consilio, quem princi-
patu paulo ante deiecerant, reuocant denuo. Sed maxi-
mas illum, quibus urbem inuaderet, adducentem co-
pias, loco illi præsidio a Sabaudo relictis milites, proflig-
arunt, supplicioque de iis qui ex ciuibus cum illo clam
conspirant sumpto, eorum domus funditus euertunt.
Stetit altercatio hæc, quam diu vtriusque posteris, ex-
stinctisque demum cum vniuersa stirpe comitibus, fi-
nem habuit. Cæterum comitibus illis sublati tandem,
cum grauitè ferret Amadeus, eius nominis comes Sa-
baudix sextus, episcopi authoritatem super suam esse,
potentiæ auidus, vt legati seu vicarij imperij munere in
subiectis sibi ditionibus fungeretur, a Carolo eo nomi-

„ ne quarto Imperatore obtinuit, quo per eam scilicet oc-
 „ cationem præfulem oppidanosque sibi subiiceret: sed illi
 „ animis obstinatissimis pro libertate sua niti, & veteres
 „ illas comitum Geneuensium renouare denuo querelas;
 „ donec tandem Sabaudia dux primus Amadeus, Mar-
 „ thini eius nominis quinti Pontificis maximi beneficio
 „ munereque, plenum atq. merum in ciuitatem agrum-
 „ que Geneuensem ius obtinet. Quæ res cum maximis
 „ grauissimisque dissidiis occasionem annis iam aliquot
 „ præbuisset, cum tandem, Carolo duce Sabaudia sceptrum
 „ tenente, habuit exitum, vt eius principis, optimi licet, in
 „ vniuersum excusso iugo, religionem quoque vna cum
 „ domino, anno a partu virginis MDXXXVI, Geneuenses
 mutarent. Hactenus Lancelotus Voisinus. Taurini tan-
 dem Emanuel Philibertus dux (eo vnde digressi su-
 mus, vt redeamus) sæculi huius anno octuagesimo,
 mense Ianuario, supremum, multis sortibus factis glo-
 ria militari illustre, expleuit diem, Carolum Emanue-
 lem filium, vt bonorum, ita & virtutum omnium relin-
 quens hæredem, Vercellis cum ingenti exequiarum
 pompa elatus, paternoque sepulchro illatus fuit.

MDLXXX.

{ AMADEVS.
 PHILIPPVS *eques Maltensis.* } norbi.
 MATILDES.

MAR-



MARGARETA } CAROLVS EMA-
 Francæ, Berrg dux, NVEL dux.
 Francisci primi, & Henrici secundi Gallie re-
 gum, illius filia, huius soror, Emanueli, salutis
 anno MDLIX, ad VII. Id. Iul in decumbentia
 ex accepto vulnere Henrici regis cubiculo, pri-
 die antequam expiraret (ita enim ille voluit)
 nullo cum apparatu nubit: & sæculi ciii anno
 septuagesimo quarto decedit.

DE CAROLO EO NOMINE
 QVARTO.

CAROLVS eo nomine quartus, Emanuel co-
 gnominatus, Sabaudia dux vndecimus, Pede-
 montij princeps, Susæ marchio, Moriennæ Tharente-
 siæ, Brisgoiæ, Bressæ, & Geneuæ comes, sæculi huius
 anno sexagesimo primo natus, Emanueli Philiberto pa-
 tri, principi longe maximo, anno octuagesimo succedit: MDLXXX.
 octuagesimi autem octauæ extremo Carmaniolam Sa-
 lutiumque (quæ annis aliquot rex Gallus tenuerat oppi-
 da) inuadit capitque, & quidem optimo (vti aiebat) iu-
 re. Facta quippe anno eiusdem sæculi quinquagesimo-
 nono (vti diximus) inter eius nominis secundos, Phi-
 lippum & Henricum, Hispaniæ illum, Galliæ regem
 hunc, pace, cum Emanuel Philibertus, Caroli pater,
 Henrici regis sororem Margaretam vxorem duceret,
 conuenerat inter cætera, vt Sabauda Gallus rex ademp-
 ta proximis viginti tribus annis, quibus bellum cum
 eo ge-

eo gestum fuerat cruentissimum, loca omnia in matrimonij huius gratiam restitueret; vrbibus aliquot Carmaniola Salutioque inter cæteras demptis, quas tantisper Gallus rex possideret, dum prolem Margareta soror eius Emanueli pareret, traditurus tum & illas. Nato itaque Carolo hoc, cum monitus aliquoties a Sabaudo Gallus rex, ciuitates illas sibi vt ex pacis illius legibus tradere vellet, surdas hætenus præbuisset aures; subiit tandem Caroli ducis animū impetus, ea loca oppugnandi. Cuius rei semper cupitæ, oblatam per bella ciuilia, quibus misere tum Gallia laborabat, occasionem, & alij vulgo fremebant, & ipse non dissimulabat, Philippi præsertim Hispaniarum regis, regum sui sæculi longe potentissimi, soceri sui, subnixus auxiliis. Cæterum quæ post expugnata ea loca, in Sabaudia Prouinciaque inter Galliæ regem (cui se Geneuenses, cuius ille populi patrociniū in se suscepit, iunxere) Sabaudumque infestissimis hætenus animis, varioque euentu, nunc ad hunc, nunc ad illum inclinante fortuna, gesta bella sunt, quoniam neminem mihi hætenus legere contigit, qui bona cum fide calamoque incorrupto, literis ea mandarit, aliis, quibus ad eius rei veritatem (quæ, prout hæc proli dolor, tempora sunt, haud facile ad nostras peruenire potest aures) indagandam plus erit otij, plus oportunitatis, describenda relinquo; præsertim quando quem ea bella exitum habitura sint, in vnius soliusque Dei manu arbitrioque sit positum. Poterunt illi ex professo eam rem tractare, feliciusque multo pertexere. Mihi satis est quod quæ mei potissimum in suscepto opere hoc fuisse propositi institutique executus sum, si
affecutus

affecutus, iudicet æquus beneuolusque lector; quem præmonitum velim, me neminem mortalium lædendi offendendive causa hoc suscepisse operis, sed vt gentis nobilissimæ vetustissimæque originem atque propaginem posteris tradendo, honesto liberalique otio in hac vergente ætate mea tempus fallerem. Si alicubi forte aberrarit calamus (quod præter voluntatem tamen meam erit) humanæ id fragilitati facile condonabit quisquis se atque me hominem esse meminerit. Qui aliter affectus sit, tantum eius ego iudicio, quantum sapientiæ tribuo.



CATHARINA Hispaniarum regis Philippi eo nomine secundi, & Isabella Francæ (cui Henricus secundus Galliarum rex pater) filia altera, Carolo duci an-

PHILIPPVS EMANUEL.

VICTOR AMADEVS.

PHILIBERTVS.

MAVRITIVS.

THOMAS.

MARGARETA.

MARIA.

ISABELLA.

CATHARINA.

no salutis MDLXXXV. nupta, sæculi eius anno nonagesimo septimo, mense Nouembri inchoante, cum mariti totiusque gentis Sabaudicæ summo luctu, non multo post quam peperisset decedit.

[Faint handwritten text, likely bleed-through from the reverse side.]

LAMBERTI VANDER-BVRCHII

SABAVDORVM

Ducum Principumque

HISTORIÆ

GENTILITIÆ

LIBER ALTER.

*Siue minorum natu in gente Sabaudica stirps,
& posteritas.*

THOMAS Sabaudus, Flandriæ ab vxore
 priore comes, Thomæ Sabaudix comitis
 & Beatricis Geneuensis (Flandriæ annales
 Margaretam appellant, & Fustenaifi reguli
 filiam fuisse aiunt) filius tertio genitus, multis præclaris-
 que animi atque corporis dotibus præditus princeps,
 atque ubi res posceret manu strenuus, Pontificis Roma-
 ni aduersus Fredericum Imperatorem, causam vna
 cum Philippo fratre (cui Lugdunensi, Pontificis bene-
 ficio, archiepiscopo, Sabaudix tandem comitatus ob-
 uenit) egregie fortiterque armis tutatus, Lugdunum
 vsque in Galliam, Imperatoris conspectum congres-
 sumque fugientem Pontificem deduxit. Cuius longe
 gratissimi officij respectu ab eodem Pontifice Innocen-
 tio ecclesiæ magnus Confalonnierius (ita supremum
 illum appellant magistratum) & patrimoniij Romani

factus fuit administrator, natamque ex Innocentij Pontificis fratre Petro Lauania comite filiam Beatricem, vxorem duxit, priore vxore Ioanna Flandria comite facto functa. Ioannam hanc Flandria comitem vxorem cum ducturus esset, conuenit inter cetera, vt si Thomam Ioannæ supersitem esse contingeret, librarum Parisiensium moneta Artesianæ millia annua sex Thomæ ex Flandria prouentibus pensitarentur, vtque vectigalis publicæ vrbis Montensis in Hannonia annuæ pensiones illi cederent. Sed Margareta Ioannæ soror, statim vt, sublata sorore, rerum potita est, repræsentatis in numerato librarum (quas Tournoisias appellant) millibus sexaginta, annuam eam omnem pensionem redemit. A diuo Ludouico Galliarum rege non ante in clientelam receptus est; quam ubi quæ inter regem, prioremque Ioannæ maritum Ferdinandum, & Ioannam ipsam salutis anno MCCXXV conuenerant, rata grataque habuisset. Rimini, Urbini & Camerini regulos Pontifici minus obsequentes, imperium eius agnoscere, eiusque iussis parere coegit. Supremum tandem sæculi illius anno quinquagesimo primo diem obiit. Lugduno, eo e viuis sublato, migrans Pontifex, fratri eius Philippo patrimonij Romani curam administrationemque mandat. Crediderim Thomam hunc filium inter ceteros habuisse Philippum Moreæ principem, sed id affirmare non ausim. Nihil enim ea de re certi hactenus comperio.

MCCLI.

IOANNA Flandria comes, Balduini comitis & Imperatoris Constantinopolitani, ex Maria, cui Henricus Campanie comes pater, filia; Margareta, quæ Flandria post eam imperium tenuit, soror. Quæ in Ferdinandi Portugalli (cui Sancius Portugallie rex pater) matrimonio

trimonio fuerat. Nubit Thoma salutis anno MCCXXXVI. moritur MCCXLIII.

BEATRIX Lauania,
Petri Flisci, Lauanij co-
mitis (cui Innocentius
quartus eo nomine Pon-
tiffex, frater) filia, quam
optime de se ecclesiæque
Romana merito Thoma
Sabaudo vxorem Inno-
centius Pontiffex dedit.
Frater Beatrix fuit
Hadrianus Pontiffex eo nomine quintus, & Albertus Fliscus Lauania comes.

THOMAS Pedemonti princeps.
AMADEVS Sabaudia comes eo
nomine quartus.
LVDOVICVS Vaulxij regulus,
quem nonnulli natu maximum fuisse
existimant.
ELEONORA, cui vir Ludouicus
Beauuei (Beaurainensis) dominus.
BEATRIX Delphina. Huius pauci
meminere.

THOMAS Sabaudus Pedemonti princeps, Thomæ proxime ante positi ex Beatrice Lauania vxore posteriori filius, ab Humberto Delphino Viennensi eius nominis primo, salutis anno MCCXXXVI, dum Amadei, Sabaudia, concessu fratrum, comitis, partes tueretur, in insidias pertractus, pugnans trucidatur. Est qui Thomæ huic Mariam Portugallam vxorem ascribat, eamque Ferdinandi Portugalli & Ioannæ Flandriæ comitis (quam Ferdinando e viuis sublato, Thomæ Sabaudus, Thomæ huius patri, nupsisse diximus) filiam fuisse affirmet, at non recte. Illa enim aut liberis caruit, quæ ple-
rorumque opinio est, aut prolem tantum vnicam habuit, eamque Mariam, quæ nisi innupta decessisset, matri in Flándriæ comitatu debuisset succedere, eumque in liberos porro suos transmittere.

*Vide quæ ad
Amadeum
quartum
annotata.*

GVIDONA Burgundia Palatina, Hugonis, Alicia seu Alexie vxoris intuitu Burgundia Palatini, filia:

Qua Alexia mortuo Hugone, Philippo eius nominis primo Sabaudia nupsit comiti, cui prolem nullam (superiore vii offensus libro) peperit. Gui-

dona huic, dum salutis anno MCLXXIII. Thoma Sabaudus nupsit, quatuordecim francorum milia doli data fuit, ea lege, vt, si liberis non procreari decederet, ad fratrem eius Othonem, aut Othelinum ea dos rediret. Errant qui Mariam Constantinopolitanam (quam Ioannam nonnulli, Elisabetham appellant alij) Balduini eo nomine secundi imperatoris Constantinopolitani & Marthe Brennia filiam, Reberti imperatoris nepcem, & Philippi qui Constantinopolitanus (at titulo tenuis) imperator dictus fuit, sororem, Thoma vxorem fuisse aiunt.

PHILIPPVS Morea, & patre mortuo Pedemontii princeps.

PETRVS archiepiscopus Lugdunensis.

LANCELOTVS.

AMADEVS.

THOMAS. } Addunt hos
GVILELMVS. } nonnulli.

MCC-
LXXIII.

PHILIPPVS Sabaudus Moreæ (Epirum nonnulli cum appellant tractum, inquit Paradinus) aliquamdiu, mortuo deinde Thoma patre (qui ex Guidona Burgundia Palatina cum procrearat) Pedemontanus dictus princeps fuit. In Philippi huius posteritate describenda, cum certi nihil occurreret coniecturis subinde vtendum mihi fuit. Vixit tempestate hac Ioannes Sabaudus, qui strenuam fortemque Amadco comiti operam nauauit. sed quis illi pater fuerit, hætenus mihi non liquet, neque etiam quas Philippus hic, vxores (quas tres fuisse aiunt) & quos ex quaque liberos habuerit.

IACO-

IACOBVS *Morea princeps.*AMADEVS *episcopus Maurianensis.*EDVARDVS *episcopus Sedunensis,
Tharentasium deinde archiepiscopus.*THOMAS *episcopus Taurinensis.*

ATYMO.

AGNES *uxor Ioannis Chambræi comitis, Petri comitis filij, cui Ioannem peperit eo nomine secundum, qui duas habuit uxores, Richardi Rosilloni comitis, & Ioannam Ioannis Cabilonensis Auranij principis filias. Ex posteriore filium procreavit Urbanum, cui filium Caspar.*

MARGARETA.

IOANNA.

ISABELLA.

ALEXIA.

BEATRIX.

IOANNA.

ELEONORA.

IACOBVS Sabaudus, *Moreæ post Philippum patrem princeps. Quem Amadei Sabaudie comitis eo nomine sexti (cui moriens liberos suos commendauit) cognatum patruelem fuisse Paradinus scribit. Credo dicere voluisse ex cognatis patruelibus natos. Princeps fuit optimus, prudentissimus, & consilio plurimum polens. Paulo post Philippum filium vivere desit. Tres illi ascribuntur uxores, sed ignotæ hætenus mihi.*

PHILIPPVS, cui pater super-
stes, sed non diu admodum.

AMADEVS Moreæ, Achaia, &
Pedemonti princeps.

LVDOVICVS, quem una
cum Amadeo fratre Amadei Sabaudia
comitis, eo nomine sexti, tutela mo-
riens commendauit pater. Sunt qui
Ludouicum hunc eiusque fratrem
Amadeum Iacobi Sabaudi Morea
principis ex Philippo filio nepotes
fuisse scribant.

PHILIPPVS Sabaudus, Iacobi proxime ante po-
siti filius natus maximus, iuuenis potentiae promptae, pa-
tri suo Amadeoque eius nominis sexto Sabaudiae comi-
ti (pessimis Barnabonis Mediolani vicecomitis, & Ga-
leacii eius fratris consiliis aures, iuuenta incuriosus, prae-
bens) bellum adolescens, terminos aetatis, & concessa
filio egressus, infert. Sed praelio ad Fossanum superatus,
paulo post, Deo, quod aduersus patrem ausu temerario
arma infelix sumpisset, ultore vindiceque, moritur, &
quidem patre superstite. Vxores illi dantur duae.

LVDOVICVS.

AMADEVS Sabaudus Moreae princeps, Philippi
superioris frater, Iacobo patri succedit, & illi Ludoui-
cus filius.

LVDO-

<p>MAHALTIS Geneuensis, Amadei Geneuæ comitis, & Mahalti Luxemburgensis (cui Guido Luxemburgensis S. Pauli comes pater) filia, Guilelmi Geneuæ comitis, & Agnetis Sabauda neptis.</p>	{	<p>LVDOVICVS Moreæ princeps.</p> <p>MELCHIDES.</p>
---	---	--

LVDOVICVS Sabaudus Moreæ princeps, Amadeo patri cum successisset, Amadei comitis eo nomine octauæ (cuius sororem Bonam vxorem duxerat) tutelam ad se trahere inter cæteros conatur.

<p>BONA Sabauda Amadei comitis eo nomine septimi filia, octauæ soror.</p>	{
---	---

LVDOVICVS Sabaudus Iacobi Amadeique Moreæ principum, illius filius, huius frater, Ludouicique proxime antepositi patruus, fratre eius Amadeo in paterna succedente bona, in Amadei comitis eo nomine sexti (qui ei tutor a patre datus) consortio vitam traxit.

{	<p>MARGARITA.</p>
---	-------------------

LVDOVICVS Sabaudus Vaulxij regulus, Thomæ Sabaudi ex posteriore vxore Beatrice Lauania filius, Thomæ Sabaudix comitis, & Beatricis Geneuensis

sis nepos. Plerique Ludouicum hunc cum eo Ludouico, qui, Amadeo eius nominis sexto Sabaudia comite puero existente, in comitatus procuratione fuit, quique sub Domini annum MCCCXLIII, decessisse scribitur, eundem esse existimant. Sed mihi id nunquam persuaserint. Neque enim quod inter vtriusque, Thomæ nimirum Pedemontani principis, qui Domini anno MCCLI decessit, & Ludouici Amadei sexti tutoris (qui anno demum MCCCXLV fato functus scribitur) obitum, interfluxit temporis interuallum, id permittere videtur. Crediderim itaque Ludouicum illum Ludouici huius filium fuisse; præsertim postquam Amadei comitis quinti (cui quartus pater) cognatum eum fuisse Paradinus scribat. Sed hac de re ad Amadeum quartum plura.

ADELINA Lotharinga Mathei secundi Lotharingia duci ex Catharina Lutemburgensi uxore altera, filia. Errat Bellesorellus, qui Adelinam hanc Ludonico Sabaudia comiti nuptam fuisse ait, neque enim quisquam hoc nomine per Sabaudiam id tempore imperauit.

L V D O V I C V S .
P E T R V S .
C A T H A R I N A .
B L A N C A .
I S A B E L L A .
L A V R A .
E L E O N O R A .
M A R G A R E T A .
I O A N N A .
B E A T R I X .

L V D O V I C V S Sabaudus Vaulxij post Ludouicum patrem regulus eo nomine secundus, cui uxores duæ.

CATHA-

IOANNES MOISIT VINO PAITE.

CATHARINA
Mediolanensis, Aſſij Ga-
leacij principis Mediolanen-
ſis, & Beatricis, cui Eſſen-
ſis marchio pater, filia.

CATHARINA. Cui viri tres:
Azo quartus Mediolani Dominus, ſalu-
tu anno MCCCXXIX ſato ſubſit, Ra-
dolphus Neellus Eui & Guineſi comes,
qui ſeculi illius anno quinquageſimo,
proditionis accuſatus, Ioanne Gallia-
rum rege iubente (Francia Comeſſabi-
li licet) capite plexus fuit, filia reliſſa
Ioſina, qua Gauthero Brennio Arbena-
rum duci, eoſque deſuncto Ludouico
Eureuxio Stampatum nupta comiti.
Tertium Catharina maritus fuit Guilel-
mus comes Namurcenſis, qui Vaulxij
dominium Amadeo ſexto comiti vendi-
dit. Eſt qui Catharinam hanc Iacobi
Sabaudi filiam fuiſſe ſcribat. Iouiſſe eam
matronam pudiciſſimam appellat, &
principi Mediolanenſi nuptam fuiſſe
author eſt. An idem quem hic Az-
onem appellamus?

GVILELMVS Sabaudus Thomæ comitis Bea-
triciſque Geneuenſis filius quintus, Amadei tertij frater.
Valentianus in Delphinatu ab Innocentio quarto Pon-
tifice in Thomæ fratris gratiam renuntiatuſ præſul.
Quo munere præclare admodum dum fungitur, vene-
no, æmulatorum quorundam ſumma perfidia, Aſſiſij
(quæ Vmbriæ ciuitas) tollitur. Delatumque in Sabau-
diam deſuncti corpus, in Altecombano monaſterio
tumulatur. Accidit id Domini anno MCCXXIX. Prin-
ceps fuit optimus, liberaliſſimus, & morum ea elegan-
tia, vt mortalibus omnibus longe eſſet gratiſſimus, no-
bilitati, & ſui ordinis hominibus præſertim. Leodicen-
ſis quoque, Gregorio nono Pontifice renuntiante, præ-
ſul Guilelmus hic factus, cum Waleramo Limburgen-
h 2 ſi du-

si duce graue gessit bellum , sed Thoma Sabauda fratre eius maximas in auxilium eius adducente copias, armis protinus positis , pacem cum Præsule Waleramus dux fecit.

AMADEVS Sabaudus, superioris Guilelmi frater, cum perpetua vsus inualetudine, administrandæ reipublicæ minus esset idoneus, in castellum quoddam ad lacum Lemanium, cui Chillonio nomen, secessit. Pietati autem se totum tradere cum destinasset, in Pennis (Villam nouam ad eundem lacû Lemanium oppidum hoc appellant) ædiculam sacram, & excipiendis quæ Romam iter illac peregrinationis causâ instituerent, mortalibus nosocomium exstruxit. Illi sacerdotes qui Deo assidue sacra facerent, huic homines pietati totos addictos, qui pauperum sedulam gererent curam, eorumque morbos vlceraque curarent, præfecit. In nosocomio hoc lepræ deprecaturus morbum (in quem propendere videbatur) reliquum traducens vitæ, anno tandem salutis MCCXLVI decessit. Alij in rupe quadam medio inter sanum diui Mauricij & Moncellum loco, in quam, æde sacra exornatam, Chillonio relicto, cum vitæ sibi finem imminere videret, se receperat, supremum egisse diem, & in nosocomio, quod exstruxerat, sepultum referunt.

MCCXLVI.
al. XLIIII.

BONIFACIUS Sabaudus, Thomæ Sabaudia comitis filius septimus, Amadei Guilelmique, quorum proxime meminimus frater, sacrarum literarum studio a puero deditus, tantos mox fecit profectus, vt ceteros ea tempestate, scientiæ illius peritia præmineret, &

Can-

Cantuariensi in Anglia mereretur donari archiepiscopatu. In quo se vitæ genere ita gessit (aderant etiam illi modestia ac forma principe viro digna) vt regi & populo Anglico vniuerso esset admirationi, vehementerque a mortalibus omnibus diligeretur iuxta atque cole-
retur: præsertim cum ita eum formasset natura, vt admiranda incredibilique corporis pulchritudine sui sæculi viros omnes superaret, Absolouemque eum, tanquam iuuentutis Sabaudicæ pulcherrimum, vulgus appellaret. Cum iam annis aliquot in Anglia se tenuisset, fratrum suorum, natalisque soli reuiscendi captus desiderio, in Sabaudiam, traiecto Oceano, cum magni nominis regulis aliquot Anglis ad Amadeum comitem fratrem venit. Ibi opinione diutius hærens, vt amplissimis monimentis nominis sui memoriam patrio in solo perpetuaret consecraretque, ædes aliquot supra modum magnificas, arcesque præterea duas locis amænissimis, in summo ciuitatis Rossillonæ fastigio vnam, ad Vginetum alteram, maximis sumptibus exstruxit. Caterum dum ægre a carissimo fratre auellitur, viri aliquot nobilissimi ex eius comitatu cum primariæ Sabaudicæ nobilitatis fæminis matrimonia contraxere. Erant inter hos quidam ex gente quam Holandicam Angli appellant, a quibus Crecherelli, Dancrescherei, Saixeique, veteres claræque in eo tractu familiæ, descendere. Ad archiepiscopatum tandem suum ingens gloria reuersus Bonifacius, castissime sanctissimeque (ad stuprum a mulieribus nonnullis, quæ in eum exarserant, quas forma magis quam casti commendabant mores, importunius sæpius sollicitatus licet) quod reliquum fuit vitæ

MCCCLX.

in ea functione traduxit, puellasque complures inopes, at pudicas, honestis adolescentibus (qua in pauperes erat liberalitate) collocavit. Salutis tandem anno MCC-LX, tardio curarum fessus, concessit vita, mortem eius effusissimis lachrimis amicis ciuibusque prosequentibus. Defuncti exuviæ in Sabaudiam delatæ, maiorumque eius in monasterio Altecombano illatæ monimento, plurimis claruere miraculis.

IANVS Sabaudus Genevæ comes, Basgei marchio, Ludouici Sabaudia ducis secundi filius.

HELENA
Luxenburgensis,
Ludouici Luxen-
burgensis comitis
sancti Pauli filia.

LVDOVICA Sabauda, Basgei marchio, cui vir Franciscus primus Luxenburgensis, Martiguesi dynastia, qui ex ea procreauit Franciscum Luxenburgensem Martiguesium, qui duxit Carolam Pontieurei comitem, Renati comitis filiam, procreauitque ex ea Sebastianum Luxenburgensem Martiguesium Pontieurei ducem, cui vxor Maria filia dynastæ, Beaucairei, vidua domini Vademontosi, ex qua procreauit Mariam Luxenburgensem Martiguesiam Pontieurei ducem, qua vnum habuit Emanuelem Philibertum Lotharingum Mercurij ducem.

LVDOVICVS Sabaudus, Genevæ comes, & Cypri ab vxore rex, Ludouici Sabaudia ducis secundi, & Annæ Lusignanæ, cui Ioannes eo nomine secundus Cypri rex (ex quo Carola Ludouici vxor nata) frater, filius, regno ab vxoris fratre notho Iacobo exutus, Ripallico se monasterio in Sabaudiam reuersus mancipat, vbi vitæ reliquum sanctissime peregit, & salutis tandem anno MCCCCLXXXI pridie calendas Martias liberis carens decedit.

MCCCCLXXXI.

CARO-

CAROLA Lusignana Cyprî regina, Hierosolymorum quoque, & Armenia (at insulo tenui) Antiochia dux, & Tripoli comes, Ioannem eius nominis secundi Cyprî regis, & Helena Palaeologa ^{* Petri alius, & fortassis verius.} filia haresque vnica, Ioanne Portugallo (qui Ioannem eo nomine primum Portugalliae regem auum habuit) priore marito, quem viuens sacer in regni communionem euocatas, mortuo, Ludouicum hunc salutis anno MCCCCLIX, in matrimonium regnumque accepit. ^{MCCCCLIX.} Sed a Iacobo fratre nobis, homine superbo, aequali quoque, adeo superiorum, intolerante (cui simulatum aliquamdiu obsequium, quo incautiorem sororem opprimeret, quando Carola quidem nomen epistolâ editisq; proponeretur, vix penes illum esset) regno tandem imperij anno tertio pulsa fuit. Ad Sabaudos itaque reuerso Ludouico, in Italiam illa, Pontifici aduersus sceleris perfidumque fratrem subsidium implaturâ, cultu vultuque quam maxime ad praesentem fortunam comparato, proficiscitur. Quo impetrato, Ancona protinus soluens in Cyprum ad spem vltionemque accincta reuertitur, & Paphium locaque eo in regno alia aliquot recipit: egestoque quicquid turbidum, redit vrbibus illis sua forma legesque, & munia magistratum. Sed haud diu admodum ea subditâ quies, illi imperium hoc mansit. Aegypti quippe Sultani (qui ad omne facinus duratum hominem tributarium sibi fecerat, quo minore spe venia, cresceret vinculum sceleris) auctus opibus copiisque Iacobus, bellum renouat, fugasque (quem in Cyprum, feliciore illorum suarum lata successu, atque eo secutior Carola vxor reuocarat) Ludouico, amissa loca illa omnia recuperat, regnumque denuo inuadit, truculentior quam antea, tanquam aduersus defectores, & in tempore rebellaturos. Famagustam quoque, Genuensium parentem imperio urbem, vt erat magnis ausis promptus, expugnat. Catharina autem Conaria (alim Cornelia) Marci Cornelij Conarij patricij Veneti filia, quam vxorem Iacobus duxerat, a senatu Veneto adoptata, in Venetos, mortuo anno saeculi eius septuagesimo marito (qui eam ex se grauidam reliquerat) praterita in vniuersum Carola (qua breui & inglorio imperio perfuncta est) regnum hoc (isa enim mors vicinus maritus rex cauerat) prolem posthumam, sine liberis decedere si contingeret, transiit, senatusque Venetus, qui posthumi (cui Iacobo nomen) & totius regni curam in se iam susceperat, eoque mortuo in Prouincia formam Cyprum redegerat, post Catharina (qua anno MDX. decessit) mortem, Cyprum ad annum vsque MDLXXI (quo Zelymus ^{MDLXXI.} Turcarum imperator, qui vino & genere exhaustus, triennio post vinere desit, totam eam in sulam sibi subiecit) administravit. Ceterum Carola regno denuo (vt diximus) prosurbata Romam rediit, vbi

ubi Pontifici liberalitate ad annum vsque MCCCCLXXV. (quo fatali correpta morbo viuendi finem fecit) egestatem suam fultentauit. Scribitur morti proxima, & multo quoque ante, cum in Sabaudiam, eius loci ducem, necessarium suum, maritumq. Ludouicum inuisura, Roma venisset, & maritum in Ripallio secessu, solitario vita generi vacare comperisset, in Carolum Sabaudia ducem eo nomine primum cognati sui patrius Amadei filium (adoptione iam tum cum sedibus suis electa fuit, in regnum, & successionem asitum) Cypri regnum atque eius respicientia imperium loca omnia, & quicquid ad ea habebat iuris translulisse. Eiusque donationis Taurini in archiuo ducis tabulas autem exaratas literis reperiri Stephanus Lusignarus (qui ex Philiberto Pignonio Sabaudia ducis consiliarius id se intellexisse scribit) author est: hincque esse cur Cypri ad se regnum pertinere contendentes Sabaudia duces, quinquennali ab anno inde MCCCLXXV. (quo Carola regina decessit anno) legatione regnum hoc sibi a republica Veneta tradi restituique postularint. Quamquam irriti semper legationis domum reuersi, qui in eam rem missi fuere, aliud nullum vnquam retulerint responsum, quam CALVM CÆLI DOMINO, TERRAM AUTEM DEDIT FILIIS HOMINVM. Diere quasi vellent (inquit Paradisus) Sicut calum deo, ita terras generi mortalium datas. Dei itaque beneficio se, & iure idcirco optimo regnum hoc possidere. Quin ipsomet Carolo duce eius nominis tertio, rem hanc, eo ipso tempore, quo Carolus quintus Cesar imperiali Bononia diademate insigniretur, (quod anno factum MDXXX) vehementer urgente, & cum Venetis coram Clemente septimo Pontifice, & imperatore antedicto grauiter exposulante, nihil a Venetis aliud, quo minus lata pro Sabaudia per Pontificem Imperatoremque, qui ius possessionis mutandum censebant (vt idem tradit Lusignarus) sententia parerint, in excusationem suam allatum, quam donationis per ipsos regni gubernatores, & Catharinam reginam latebri regis viduam facta intuitu regnum illud tenere se, & habere iure gentium, causaque & possessione superiores esse. Decessit Carola hac Roma seculi illius anno (vt ostendimus) octuagesimo quinto, & in diui Petri ibidem ade sepulta fuit. Alij defuncta corpus Asisium delatum, & in Franciscanorum monachorum adem illatum scribunt. Sunt qui testamento condito, in destinatum antiquitus in diui Petri templo regibus regisque recipiendū sacellum eam se (Innocentio octauo Pontifice, & patribus purpuratis intuentibus) contulisse, atque paulo post eo in loco expirasse scribant. Qui Gracia scripsere annales, Constantinopolitanum imperium ad Carolum hanc deuolu quoque debuisse auctores sunt. Visto enim casoque (inquiunt) seculi eius anno quinquaginta-

quinquagesimo tertio Constantinopolitano imperatore postremo Constantino, eiusque simul agnati posteritateque omni a Mahomete Turcarum tyranno (qui imperium illud inuasit, flagitioque etiamnum obtinet) deleta, sola Carola hac Helena Palaeologa (cui Theodoricus Palaeologus antecessor imperatoris Constantini frater, pater fuit) filia, ex ea stirpe reliqua fuit.

IACOBVS Sabaudus Rhomontij (seu Romontij) comes, Ludouici Sabaudiæ ducis secundi filius fuit. Quem egregiis maioribus, & fraterna imagine fulgentē, aureo Burgundiæ dux Carolus (cui regium genus, & pace belloque clara origo) Vellere donauit. Quin auctoritate & gratia apud Carolum cum vigeret, infaustū illud sibiq. fatale aduersus Lotharingiæ ducem Renatum Heluetiosque Carolus suscepit dissidium, quod raptu pellium ouinarum modicis principiis, per arma tandem & acies exercitum finitumque fuit. Cæterum Carolo dūce ad Nanceium cæso, Maximiliano Romanorum regi strenuam fortemque nauat operam, Maubonium castrum munitissimum, latrociniiis secundum (vnde arta finitimiis res) singulari fortitudine, compulsis ad deditionem prædonibus, Maximiliani denuo imperio adiicit. Sed diu Cæsari gentique Burgundiæ fidus, & Burgundicis (vti ostendimus) armis defensus, deficientibus a Maximiliano Cæsare Flandris, Gandensium factus dux, hostilia etiam aduersus Maximilianum gentemque Burgundicam induit. Inde in Caroli octauī Galliarum regis (qui sorore eius genitus erat) concedens partes egregia erga gentem Burgundicam merita rebellis scædauit. Duæta salutis anno MCCCCXXXII Maria Lutzenburgica sororis suæ Margaretæ filia, sæculi illius anno octuagesimo septimo apud Veromandos in Hera arce sua supremum obit diem.

MCCCC-
LXXXVII.

MCCCC-
LXXXIII.

MARIA Lutzen-
burgensis (Ioannam appel-
lant nonnulli) sancti Pauli,
Marla, & Brienna comes,
Petri Lutzenburgensis S.
Pauli, & Brienna comitis
Margaretaeque Sabauda la-

cobi sorori (deducta quippe in domum auunculi sorori filia fuit,
nullo tum fortassis exemplo) filia natu maior, Ludouici Lutzenbur-
gensis Francia Comesstabili, & Ioanna (Bona aliu) Barria, Gistella
domina neptis, Gistella quoque, Dunkerike, Bourbourschi, & Gra-
uelinga iure hereditario domina. Sororem habuit Franciscam En-
guenni dominam, nupram Philippo Cliuensi Rauesteini dynasta,
qua liberu caruit. Maria hac Iacobo priore marito defuncto, Fran-
cisco Borbonio, comiti Vindocinensi nupsit. Falluntur qui ipsiusmee
Comestabili Mariam filiam fuisse scribunt. Narrat enim Francis-
cus Bellesorensis, vidisse se Caroli eius nominis octauu Galliarum regis
rescriptum, quo Maria hac eiusque soror Francisca bonu resitun-
tur, inique quod in successionem bonorum defuncti Comestabili,
uxori, & liberorum eius pratendebant. Quo (inquit) rescripto pa-
ret, eam eiusque sororem Franciscam Petri Lutzenburgensis Brienna
comitis fuisse filias, & Ludouici Comestabili neptis.

FRANCISCA filia vnica, nupta
mense Iunio anno MDII. Henrico co-
muni Nassauio. Errant grauius qui
Franciscum Borbonium Vindocini co-
mitem illi virum fuisse aiunt. Ille enim
Marie Lutzenburgensi Francisca hu-
ius matri secundus maritus fuit.

RENATVS Sabaudus, Beauforti & Villarsij co-
mes, Franciae post Arthurum Goiserium Boissij domi-
num, anno MDXVII. magnus inagister, & Prouinciae
prorex, filius fuit nothus Philippi Sabaudiae ducis septi-
mi. Qui in praelio ad Papium anno saeculi huius XXIII.
commisso, captus, ex vulnere ibidem accepto, paulo
post decedit.

ANNA

CLAVDIVS Tendij comes.

HONORIVS Villafis comes.

CAROLA Brienna comes, cui vir Antonius Lutzen-
burgensis eo nomine secundus Brienna comes, & filij ex eo
tres, filia vna: Ioannes Brienna comes, qui uxorem duxit
Guilelmam Roberti Marcani Bullionei duci filiam, pro-
creauitque ex ea * Ioannem Brienna comitem, cui vxor al. Carolū.
soror Ioannis Ludouici Nogareti Espertoni ducis. Francis-
cus Pinaj dux, cui vxor Diana Lorbaringa Claudij Auma-
lij duci filia, & filius ex eo Henricus Pinaj dux. Anto-
nius Roucij comes episcopus Laonensis, dux & par Francia.
Alij Antonium iuuenem obisse, & Franciscum eius fratrem
Laonensem fuisse episcopum, eoque deposito episcopatu Dia-
nam duxisse scribunt. Filia fuit Magdalena Lutzenbur-
gensis, vxor Christophori Vrsini Chapella dynasta, equitis
torquati sancti Spiritus, cui peperit Franciscum Vrsinum.

ISABELLA, cui vir Renatus Baternajum Bughiagei
comes, & filia ex eo Margareta Bughiagei comes, nupta
Guilbelmo vicecomiti Iocuso, Ludouici vicecomitis, &
Ioanna Bordonia Vindocinensis comitis filio, Francia mare-
schallo, cui peperit Annam Ioyeusi ducem Francia Admira-
lum Normannia præsclū, Margaretha Lorbaringa Vau-
demontiaque maritum, qua prolibus caruit. Franciscum
Ioyeusum Bughiagei comitem, & sancta Romana ecclesia
cardinalem, archiepiscopumque Narbonensem. Scipionem
equitem Maltesem, & Georgium sancti Saluatoris dy-
nastam.

MAGDALENA nupta Anna Mommorantio Fran-
cia Comes stabili. Cui peperit Franciscum Mommorantiū
ducem, Francia marschallum, cui vxor Diana Henrici se-
cundi Galliarum regis filia nobis, qua filium non diu super-
stitem peperit Annam. Henricum Mommorantiū post fra-
trem ducem, & Francia Marschallum, qui Antoniam Ro-
berti Marcani Bullionei duci filiam uxorem duxit, pro-
creauitque ex ea filium Henricum. Mariam Mommorau-
tiam, nuptam Ioanni Fecensi, comiti Candalla, cui pepe-
rit Margaretam Fecensem Candalla comitem, cui vir Ioan-
nes Ludouicus Nogarethus Espertoni dux, Prouincia, &
Metensis tractus rector. Eleonoram Mommorantiam vxor-
em Francischi primi de Latourij Touraina vicecomitis, cui
peperit Henricum de Latourium. * Ioannam Mommorantiam al. Annam.

ANNA
Tendij co-
mes, ex
iuperiali
Lascaro-
rum fa-
milia ori-
ginē tra-
hens, cui
pater Ioan-
nes Anto-
nius La-
scarus
Constanti-
nopolita-
nus, vir
supra mo-
dum eru-
ditus, &
Ludouico
duodeci-
mo Gal-
liarum
regi carus
inter pri-
mos.

tiam nuptam Ludouico comiti Latrimouliano Thouar-
 fio duci, Francisci, & Anna Laualle filio, cui Claudium
 peperit. Catharinam Mommorantiam, cui vir Giselber-
 tus de Leui, Vantadouri dux: liberi ex eo, Gisbertus de
 Leui Vantadourius Votci dynasta; & Anna Vantadou-
 rius Cernilleni dominus.

CLAVDIUS Sabaudus Tendij comes, Renati Sabau-
 di, & Annæ Tendix filius primogenitus, Prouinciæ post
 MDLXXII. patrem præfectus, moritur anno salutis MDLXXII. vxor-
 es habuit duas.

HORATIVS, fortassis Hono-
 rius Tendij comes.

..... Cipiergij regulus.

RENATA, cui vir Horsedi dy-
 nasta.

..... Naurei nupta domino.

al. Honora-
 tus.

HORATIVS Sabaudus Tendij, & Someriuci comes,
 Claudij proxime antepositi filius natus maximus, Pro-
 uinciæ, patre, religionis illi (vt aiunt) incuria obiecta,
 & quod partes regi aduersas foueret, proturbato, præfe-
 cturam corripit. Sed illo paulo post patrem fato functo,
 Casparum Sauxium Tauanensi dynastam, & Franciæ
 Marefchallum rex succedit.

MDLXXII.

ALFONSINA. (sic ego eam appellatam
 existimaui) Strofia, Fiesquei comes, Philip-
 pi Strofij (illius qui salutis anno MDLXXXII pro
 Antonio Portugallo pugnans, praelio nauali a mar-
 chione Santecrucio superatus captusque, a milite
 quodam Hispano scribitur trucidatus) filia, Petri
 Strofij Francia Marefchalli neptis, Scipionis soror.

..... De la Touria, Francisci de la Tourij Turaj-
 ne vicecomitis, & Eleonora Mommorantia filia.

... Sabau-

... Sabaudus Cipierrij regulus, Claudij Horatiique proxime antepositorum, illius filius, huius frater, ad forum lulij salutis anno MDLXVII. a Pontificiis annos natus viginti, adolescens trucidatur, vt author is qui de statu religionis, & reipublicæ in regno Galliæ commentarios scripsit. Belleforestus, & Lancelotus Voisinus auctores sunt, Cipierrium Caroli noni Galliarum regis iuueniles rexisse annos, & ex balneis Leodiensibus redi-MDLXVII. cem decessisse. Sed crediderim illum, alium ab hoc fuisse, si verum sit ætatis anno vicesimo fuisse trucidatum.

HONORIVS seu Honoratus (Horatius aliis) Sabaudus Villarsij comes (marchionem appellant alij) Renati Sabaudi, & Annæ Tendix filius secundo genitus Casparo Colinio in Admiralatu succedit, quo se magistratu in Caroli Lotharingi Mennæ ducis, generi sui gratiam, tandem abdicat. Prælio eo quod ad Moncontourium v^o nonas Octobreis anno post natum Dominum MDLXIX, inter Pontificios, quibus Andium dux, & reformatos quibus Admiraldus præerant, commissum, quo cæsi fugatique reformati, Honorij huius singularis apparuit virtus.

FRAN-
CISCA Fe-
censis, Ala-
ni Fecensis
Chastillonij
vicecomitis
filia.

HENRICA, cui viri duo: Melchior Dupresius qui Montepesatus dictus, Gallie Narbonensis, per absentiam Comestabili Anna Mommorantij, præfectus fuit: quam ille præfecturam in vicecomitem Ioyeusum Albij paulo ante episcopum, transtulit. Melchiori illa peperit Emanuel Dupresium materno cognomine Sabaudum appellatum, Villarsij marchionem, & Henricum Dupresium Montepesati dominum. Alter Henrica maritus fuit Carolus Lotharingus Menna dux; & liberi ex eo, Henricus, & Emanuel Lotharingij.

PHILIPPVS Sabaudus Geneuæ comes, & Nemoursij, Francisci Galliarum regis eo nomine primi beneficio, dux. Mortua quippe Philiberta Sabauda Philippi sorore, cuius maritum Iulianum Medicem eo ducatu rex Franciscus in Philibertæ gratiam donarat, Philippum hunc auunculum suum eodem donat. Filius fuit Philippi ducis eius nomini secundi ex vxore posteriore. Sunt (inter quos Belleforestus, & is qui nuper Borboniorum stemma publicauit) qui Philippo huic nuptam fuisse dicant filiam Renati ducis Alençonij, eique ducatum Nemorsium in dotem datum, originemque ab ea trahere Nemoursij nunc ducem, & Geneuæ comitem. Aut priorem hanc vxorem Philippus habuit, aut falluntur, quod magis crediderim, grauitèr illi. Duas enim filias Renatus habuit, vnā Franciscam seu Ludouicam appellatam, nuptam bis, Francisco Longeuillæ duci, & Carolo deinde Borbonio duci Vindocinensi; alteram Annam, cui vir Guilelmus Montisferrati marchio. Errori occasionem dedit, quod Francisca maior natu filia Ludouico Arminiaco Nemoursio seu Nemorensi duci pacta fuerat, at non nupta. Nemoursius hic comitatus in Caroli Nauarræ regis (qui malus dictus) eius tum loci comitis, gratiam, a Galliarum rege Domini anno MCCCCLXXXVIII, ducatus factus fuit.

* CLAVDIA

Aurelianensis, Ludouici Aurelianensis Longeuille duci & Ioāna Hocqueberquia (cui Philippus Hocqueberquius Roibellini marchio pater) filia. Ex hac orandi Nemoursii ducis & Geneuacomes.

PHILIPPVS patri succedit.

IOANNA (Claudia aliu) nupta Nicolao comiti Vandemontio, qui ex priore vxore procreauit Ludouicam Henrico tertio Gallie nuptam regi. Ioanna hac Nicolao, Anna Toyensii duci vxorem Henricam (Margueram aliu & verum) procreauit, & Philibertum Emanuelem Mercurij ducem, cui vxor Maria Lutzenburgensis, Sebastiani Lutzenburgensis Martingui vicecomitis, & Maria Beaucairea filia.

PHILIPPVS Sabaudus Nemoursij dux, Philippi al. Iacobus. Nemoursij ducis & comitis Geneuensis Caroleque Aurelianensis filius, Philippi Sabaudie eo nomine secundi ducis nepos, Annam Estensem salutis anno MDLXVI. vxorem duxit, postquam pro ea iudicasset Pontifex aduersus Renati vicecomitis Rohanensis sororem. Quæ Garnachea dicta, filium habuisse scribitur, quem, materno alioqui cognomine notum, Nemoursij Protestantes appellarunt principem: nuptiisque, quæ ad diuum Maurum Fossesium prope Lutetiam Parisiorum celebratæ, Galliarum rex Carolus eo nomine nonus interfuit. Decessit hic circiter annum Domini MDLXXXVII.

MDLXXXVII.

ANNA Estensis seu Ferrariensis, Herculi Estensis eius nominis secundi, Ferraria duci, & Renata Franca filia, Francisci Lotharingi Guisii duci (cui Henricum Guisiam ducem, Catharina Cluensis maritum peperit) vidua.

CAROLVS dux, Nemoursius, Geneua comes. Obiit liberu nullu relictu anno MDCXVI.

HENRICVS marchio S. Saturnini, & episcopus Auxitanus viuo fraire, cui in Nemoursio ducatu succedit.

MARGARETA.

FINIS.

COMITVM DVCVMQ. SABAVDIÆ

S E R I E S.

	<i>Obitus.</i>	<i>fol.</i>
I. BERALDVS Mauriennæ primus dominus. CATHARINA Palatina Schirensis.	MXXVII.	1.
II. HUMBERTVS primus. ADELIS Segusiani marchionis filia.	MXLXVIII.	5.
III. AMADEVs primus. IOANNA Burgunda.	MLXXVII.	7.
IIII. HUMBERTVS secundus. LAVRENTIA Venicia.	MCIX.	11.
V. AMADEVs secundus. GERTRVDIS Lotharinga. GVIGONIA Albonia. SIBYLLA Matifconensis.	MCLIIII.	13.
VI. HUMBERTVS tertius. MATHILDES Flandrâ. ANNA Salingea. PERNELLA Burgunda.	MCCI.	20.
VII. THOMAS comes tertius. BEATRIX Gencuenfis.	MCCXXXIII.	23.
VIII. AMADEVs tertius. ANNA Albonia. CECILIA Prouipcialis.	MCCXLVI.	26.
IX. BONIFACIUS comes quintus.	MCCLVI.	29.
X. PETRVS comes sextus. ELEONORA Foucignia.	MCCCLXVIII.	31.
XI. PHILIPPVS primus. ALEXIA Merania.	MCCCLXXIV.	37.
XII. AMADEVs quartus. SIBYLLA Bressana. MARIA Brabanta.	MCCCXXIII.	40.
XIII. EDVARDVS comes nonus. BLANCA Burgunda.	MCCCXXIX.	61.
XIIII. AMADEVs quintus. IOLANDA Palzologa. CATHARINA Lutzenburgenfis.	MCCCXLI.	68.
XV. AMADEVs sextus. BONA Borbonia.	MCCCLXX.	74.
XVI. AMADEVs septimus. BONA BITVRICA.	MCCCXCVII.	105.

COMITVM DVCVMQVE SABAVDIAE SERIES.

xvii.	AMADEVS octavus.	Obitw.	fol.
	BONA Burgunda.	MCCCCLII.	108.
xviii.	LEOVICVS dux alter.		
	ANNA Lusignana.	MCCCCLXVI.	156
xix.	AMADEVS novus.		
	IOANNA Franca.	MCCCCLXXI.	167
xx.	PHILIBERTVS primus.		
	BLANCAMARIA Mediolanensis.	MCCCCLXXXI.	172
xxi.	CAROLVS primus.		
	BLANCAMARIA Montisferratenfis.	MCCCCLXXXVIII.	179
xxii.	CAROLVS secundus.		
	PHILIPPVS secundus.	MCCCXCXV.	181
xxiii.	PHILIPPVS secundus.	MCCCXCXVII.	183
	MARGARETA Borbonia.		
	CLAVDIA Brosselsa.		
xxiiii.	PHILIBERTVS secundus.		
	MARGARETA Austriaca.	MDIIII.	186
xiv.	CAROLVS tertius.		
	BEATRIX Portugalla.	MDLIII.	190
xxvi.	EMANVEL PHILIBERTVS.		
	MARGARETA Franca.	MDLXXX.	213
xvii.	CAROLVS quartus.		
	CATHARINA Hispana.		231

MINORVM NATV IN GENTE

SABAVDICA SERIES.

T HOMAS Sabaudus Flandriae comes.	MCCLI.	235
IOANNA FLANDRIÆ comes.		
BEATRIX Lauania.		
THOMAS Sabaudus princeps Pedemontanus.	MCCLXXXVI.	237
GVIDONA Burgundia Palatina.		
PHILIPPVS Sabaudus Mores princeps.		238
.....		
.....		
.....		
IACOVVS Sabaudus Mores princeps.		239
.....		
.....		
.....		

	Obitus.	fol.
PHILIPPVS Sabaudus Moræ princeps.		240
.....		
AMADEVS Sabaudus Moræ princeps.		240
LYDOVICVS Sabaudus Moræ princeps.		241
RONA Sabauda.		
LYDOVICVS Sabaudus Iacobi filius.		241
LYDOVICVS Sabaudus Vaulxij regulus.		241
ADRIANA Lotharinga.		
LYDOVICVS Sabaudus Vaulxij regulus secundus.		242
CATHARINA Mediolanensis.		
GVILELMVS Sabaudus episcopus Valentianus.		243
AMADEVS Sabaudus Guilelmi superioris frater.		243
BONIFACIVS Sabaudus archiepiscopus Cantuariensis.	MCCXL.	244
IANVS Sabaudus Genevæ comes.		244
HELENA Lutzenburgensis.		
LYDOVICVS Sabaudus Genevæ comes.	MCCCLXXI.	246
CAROLA Lufignana.	MCCCLXXIV.	246
IACOBVS Sabaudus Romontij comes.		249
MARIA Lutzenburgensis.		
RENATVS Sabaudus Villarsij comes.	MDXXIII.	250
ANNA Tendij comes.		
CLAYDIVS Sabaudus Tendij comes.	MDLXXII.	252
.....		
.....		
FLORATIVS Sabaudus Tendij comes.		254
ALFONSINA Strossia.		
..... De la Touria.		
..... Sabaudus Ciperriij regulus.		253
HONORIVS Sabaudus Villarsij comes.		253
FRANCISCA Fecensis.		
PHILIPPVS Sabaudus Nemoursij dux.		254
CAROLA Aurelianensis.		
PHILIPPVS Sabaudus Nemoursij dux.		255
ANNA Eftenfis.		

In Reuerendi ac Nobilis Viri
LAMBERTI VANDERBVRCHI
genealogicam Sabaudia historiam.

NON desunt plerique alij, quos scribere iuuat
Historiam, & genesim Comitumq; Ducumq; Sabaudie
Gentis, & optata meruere encomia laudis:
At tu illos longe superas studio atque labore,
Qui nil intactum, nil omissumque relinquis,
Historia praebere facem lumenque quod omni
Parte queat. verum id specimen tantum atque figura
Praeclarorum operum, qua somni parcus & otij
Nocte diequo premis, qua post quoque (si dabit ille
Qui solus regit humanos & dirigit actus)
Aspiciunt lucem, ac multo maiore beabunt
Laude suum authorem, quem diuum ad sidera tollent.
Sed breuior, nequis mihi forte susurret in aurem,
Dum fratrem laudas, teipsum laudare videris.

ADR. VANDERBVRCHIVS A. F. Pct. n.

In eandem Nobilis & Reuerendi Viri
LAMBERTI VANDERBVRCHI
Sabaudia historiam.

MAGNANIMVM qui facta ducum, legumque
potentum
Aeternis mandant chartis propagine longa,
Linquunt venturis monumenta insignia saeculis,
Et condunt nullo perituros tempore fructus:

Nam veluti populus communi e flumine lymphas
Haurit, ad exemplum sic horum fingere suevit
Mores, atque omnes vitæ componere formas:
Sic Vander-burchi, claris natalibus orbe,
Digne tuis atavis, & par virtutibus illis
Qui laudem peperere tibi, nomenque dedere,
Munere in his libris præclaro fungeris, atque
Principibus magnis, & toti consulis orbi,
Immensas grates tibi clara Sabaudia debet,
Cuius describis Rectores ordine pulchro;
Et que sint diro vitiorum infecta veneno
Carpens, egregiis laudes virtutibus addens,
Sumpturis fasces fugienda sequendaque monstras.
Magnus Alexander forti gratatur Achilli,
Quod vatem rebus gestis inuenit Homerum,
In cuius scriptis æternum duceret ænum.
Sic exultabit, nisi me sententia fallit,
Te præcone ducum series generosa Sabaudum.
Vivant ac regnent dum condit lumina Titan
Oceano, vivant & tantum munus honorent,
Et se perpetuis declarent laudibus æquos.

GVILELMVS ASS.

LAM-

In Nobilissimi Viri

LAMBERTI VANDER-BVRCHI

Historiam Gentilitiam Ducum Sabaudix.

DVM generis seriem dat Vander-burchius orbi,
Atque Sabaudorum fortia facta ducum:
Historico Herois a manibus, ambigo, vel laus
Manibus Herois maior ab historico.
Quod si non una, si non equalis ab omni,
Sed laus laudati maior ab ore viri est:
Si maius nomen Smyrnaei musa Poeta,
Quam tua nobilitas fecit, Achille, tibi:
Gaudete in cælum propria virtute recepti
Et genere & gestis inclita turba duces,
Queis magnum generis decus est a stirpe vetusti,
Maius ab historici nobilitate sui.

IOS. SCAL. IVL. CÆS. F.

In Reuerendi & Nobilis Viri

LAMBERTI VANDERBVRCHI

Gencalogiam Sabaudicam.

ALLOBROGVM longo deductas ordine stirpes
Heroum, vitas, factaque nosse cupis?
Perlege, mirando que Vanderburchus in unum
Selegit studio, distribuitque librum.
Non illum indigenum scriptum duntaxat in vsum,
Sed quod trans Alpes cisque legetur opus.
Scilicet vna tibi hæc restabat magne Sabaudæ,
Gloria, Romana si induerere toga.

...

Nactus

Natus es hanc tandem, claraque in veste resurgens
In medio posthac conspiciere foro,
Et iam facta legent tua sera in secla nepotes,
Ausonio stabit dum decus eloquio.
Tu quoque iam Praesul claris maioribus orte,
Clarius incedes docta per ora virum;
Dignus, tantorum geneseis dum scribis, & actus
Heroum, heroum qui associere choro.

GVILEL. RADALANTIVS.

In Nobilissimi Viri

LAMBERTI VANDER-BVRCHI

Historiam genealogicam Ducum Sabaudiae.

ALLOBROGVN qui gesta Ducum Mauortia nosse, &
Dueta per innumeros stemmata quaris auos:
En tibi Lambertus quod Vander-burchius ausu
Egregio rara texuit artis opus.
Digna viro illustri fuit hac, me iudice, cura,
Heroum genus & perpetuare decus.
Regibus o utinam curam ille impendat eandem
Quot quot in Europa sceptris benigna gerunt!
Sed faciet, neque me hac vatem praesagia fallens.
Dent tantum, ut voueo, viuere Fata diu.
Nil humile aut paruum mens Vandetburchia versat,
Nubila fulminiger sic Iouis ales amat.

BON. VVLCANIVS.

E R R A T A

in hunc corrigantur modum.

FOL. Lin.

7, 14.	Matisconenſi in Italia	Matisconenſi in Burgundia,
27, 4.	homino moroſiſſimo	homine moroſiſſimo
31, 23.	ita temperarent	ita temperarunt.
35, 6.	Margeſum	Morgeſum
40, 25.	Cui ſitum innexum	Cui ſitu innexum
62, 14.	cum Amadeo Chalanno	cum Amadeo Challantio
70, 18.	Gencueſem, vindictæ. Itaque	Gencueſem, Vindictæ itaque
89, 18.	Incognitu non indigna	cognitu non indigna,
102, 23.	Receptos in ſedes ſuas	receptos in ædes ſuas,
119, 1.	cæſi ſupra trecentos	cæſi ſupra trecenti
120, 8.	Mortalum	Mortalium
124, 8.	Quam tantopere	quem tantopere
126, 3.	clamare omnes dico	clamare omnes ilico
137, 11.	Quippe pietatis viſ eſt	Ea quippe pietatis viſ eſt.
140, 24.	ſubſtitunt	ſubſtituunt.
156, 15.	Franconem, quod quia animum	Franconem, quia animum
163, 2.	Condere iam tam	Condete tantum
163, 15.	Inſignem	Inſignem copiis
183, 15.	in omnium virtutum exemplo	in omnium virtutum exempla
186, 9.	Ioannæ Hocquetbæ	Ioannæ Hocqueberqueæ
196, 9.	ne celebrando quidem conuentu	ne celebrando quidem conuentui
210, vlt.	Carolũque ducem imperij,	Carolũque ducẽ, impetij principem
218, 19.	Quibus cum mandata regis	quibuſcum mandata regis,
224, 26.	Lancelotum Voiſinum.	Lancelotum Voiſinum, iſ qui.

F I N I S.

AOL 1672583



DEAR DAVE
2002

B
D v
tien
mu
nus
Sax
cis
tio
cui
THA
Palari
Schire
Moritu
no n, 2

1. *Amphispiza bilineata* (Aud.)
 2. *Amphispiza bilineata* (Aud.)

1. *Amphispiza bilineata* (Aud.)
 2. *Amphispiza bilineata* (Aud.)
 3. *Amphispiza bilineata* (Aud.)
 4. *Amphispiza bilineata* (Aud.)
 5. *Amphispiza bilineata* (Aud.)

1. *Amphispiza bilineata* (Aud.)
 2. *Amphispiza bilineata* (Aud.)
 3. *Amphispiza bilineata* (Aud.)
 4. *Amphispiza bilineata* (Aud.)
 5. *Amphispiza bilineata* (Aud.)

1. *Amphispiza bilineata* (Aud.)
 2. *Amphispiza bilineata* (Aud.)
 3. *Amphispiza bilineata* (Aud.)
 4. *Amphispiza bilineata* (Aud.)
 5. *Amphispiza bilineata* (Aud.)

1. *Amphispiza bilineata* (Aud.)
 2. *Amphispiza bilineata* (Aud.)
 3. *Amphispiza bilineata* (Aud.)
 4. *Amphispiza bilineata* (Aud.)
 5. *Amphispiza bilineata* (Aud.)
 6. *Amphispiza bilineata* (Aud.)
 7. *Amphispiza bilineata* (Aud.)
 8. *Amphispiza bilineata* (Aud.)
 9. *Amphispiza bilineata* (Aud.)
 10. *Amphispiza bilineata* (Aud.)

1. *Amphispiza bilineata* (Aud.)
 2. *Amphispiza bilineata* (Aud.)
 3. *Amphispiza bilineata* (Aud.)
 4. *Amphispiza bilineata* (Aud.)
 5. *Amphispiza bilineata* (Aud.)
 6. *Amphispiza bilineata* (Aud.)
 7. *Amphispiza bilineata* (Aud.)
 8. *Amphispiza bilineata* (Aud.)
 9. *Amphispiza bilineata* (Aud.)
 10. *Amphispiza bilineata* (Aud.)

1. *Amphispiza bilineata* (Aud.)
 2. *Amphispiza bilineata* (Aud.)
 3. *Amphispiza bilineata* (Aud.)
 4. *Amphispiza bilineata* (Aud.)
 5. *Amphispiza bilineata* (Aud.)

GENERAL COMMISSION

REPORT OF THE

THE COMMISSIONERS OF THE
LAND OFFICE
IN RESPONSE TO A RESOLUTION
PASSED BY THE HOUSE OF
COMMONS ON THE 11TH
MAY 1866

PRINTED BY
HARRISON & SONS
PRINTERS, ST. MARTIN'S LANE
LONDON

1866

1866

<p>THE COMMISSIONERS OF THE LAND OFFICE</p>	<p>IN RESPONSE TO A RESOLUTION PASSED BY THE HOUSE OF COMMONS ON THE 11TH MAY 1866</p>	<p>REPORT OF THE</p>	<p>COMMISSIONERS OF THE LAND OFFICE</p>	<p>IN RESPONSE TO A RESOLUTION PASSED BY THE HOUSE OF COMMONS ON THE 11TH MAY 1866</p>
<p>THE COMMISSIONERS OF THE LAND OFFICE</p>	<p>IN RESPONSE TO A RESOLUTION PASSED BY THE HOUSE OF COMMONS ON THE 11TH MAY 1866</p>	<p>REPORT OF THE</p>	<p>COMMISSIONERS OF THE LAND OFFICE</p>	<p>IN RESPONSE TO A RESOLUTION PASSED BY THE HOUSE OF COMMONS ON THE 11TH MAY 1866</p>
<p>THE COMMISSIONERS OF THE LAND OFFICE</p>	<p>IN RESPONSE TO A RESOLUTION PASSED BY THE HOUSE OF COMMONS ON THE 11TH MAY 1866</p>	<p>REPORT OF THE</p>	<p>COMMISSIONERS OF THE LAND OFFICE</p>	<p>IN RESPONSE TO A RESOLUTION PASSED BY THE HOUSE OF COMMONS ON THE 11TH MAY 1866</p>
<p>THE COMMISSIONERS OF THE LAND OFFICE</p>	<p>IN RESPONSE TO A RESOLUTION PASSED BY THE HOUSE OF COMMONS ON THE 11TH MAY 1866</p>	<p>REPORT OF THE</p>	<p>COMMISSIONERS OF THE LAND OFFICE</p>	<p>IN RESPONSE TO A RESOLUTION PASSED BY THE HOUSE OF COMMONS ON THE 11TH MAY 1866</p>
<p>THE COMMISSIONERS OF THE LAND OFFICE</p>	<p>IN RESPONSE TO A RESOLUTION PASSED BY THE HOUSE OF COMMONS ON THE 11TH MAY 1866</p>	<p>REPORT OF THE</p>	<p>COMMISSIONERS OF THE LAND OFFICE</p>	<p>IN RESPONSE TO A RESOLUTION PASSED BY THE HOUSE OF COMMONS ON THE 11TH MAY 1866</p>

1782-1783

1782-1783

1782-1783



1770 in the year 1770

1770 in the year 1770

1770 in the year 1770

1770 in the year 1770

1770 in the year 1770

1770 in the year 1770

1770 in the year 1770

1770 in the year 1770

1770 in the year 1770

1770 in the year 1770

1770 in the year 1770

1770 in the year 1770

1770 in the year 1770

1770 in the year 1770

K:229.



